

পঞ্চতপা

আশুতোষ মুখোপাধ্যায়



মিত্র ও -ঘোষ পাবলিশার্স
প্রাইভেট লিমিটেড
১০ শ্যামাচরণ দে স্ট্রীট, কলিকাতা ১২

ষষ্ঠ মুদ্রণ, ফাল্গুন ১৩৬৮

প্রচ্ছদপট :

অঙ্কন—আশু বন্দ্যোপাধ্যায়

মুদ্রণ—ফাইন আর্ট প্রিন্টার্স

মিত্র ও ঘোষ প্রকাশনালী প্রাঃ লিঃ, ১০ শ্রামাচরণ দে স্ট্রীট, কলিকাতা
হইতে প্রস. এন. রায় কর্তৃক প্রকাশিত ও নিউ শশী প্রেস, ১৬ হেরে
সেন স্ট্রীট, কলিকাতা ৮ হইতে অশোককুমার ঘোষ কর্তৃক মুদ্রিত

তারানন্দ বন্দ্যোপাধ্যায়

পরমপূজনীয়েষু

॥ এই লেখকের ॥

কাল, তুমি আলেয়া
শতকপে দেখা
শিলাপটে লেখা
হামি, সে ও সখা
আশুতোষ অমনিবাস
সাত পাকে বাঁধা
জানালাব ধারে
অলকাতিলাকা
স্বয়ংবৃত্তা
বিদেশিনী
সাঁঝের মল্লিকা
বকুল বাসর
রাশির ডাক
প্রাতিহারিণী
উত্তর বসন্তে
শ্রেষ্ঠ গল্প
সিকেপিকেটিকে
অগ্নিমিতা
রোশনাই
নিষিদ্ধ বই
সোনার হরিণ নেই

নগব পারে রূপনগব
নগর দর্পণে
সাবি, তুমি কাব
হার এক সাঁজে
খনির নতুন মণি
সোনার কাঠি রূপোর কাঠি
সমুদ্র সফেন
মহুয়া কথা
বাজীকব
চলাচল
মালবী মালঞ্চ
নবনামিকা
কারণে অকারণে
কাকনরাগিণী
হৃদয়ের পথে খোঁজ
প্রণয়পাশা
দুটি প্রতীক্ষার কারণে
পরিণয়-মঙ্গল
পিক পয়েন্ট
দ্বীপায়ন
তিন পুরুষ

‘কাশ ফাটল !

না, এক জড় পাষণত্বের পাঞ্জর ফাটল। একটা ভরাট স্তম্ভতার হুংপিণ্ড বিদীর্ণ হয়ে গেল। যুগ যুগ ধবে জডেব সাধনা চলেছিল ওখানে। স্থিতি আব স্থাবরতার উপাসনা চলেছিল। নিঃশব্দ সমাহিত। শুকনো, মনোরস। পাথরের পর পাথর গেথে চলেছিল কে। উদ্বপথে। সূর্যোদয়ের পথে।

প্রলয়ের ক্ষেতে বিধাতাব সৃষ্টি। প্রলয়ের ক্ষেতে মালুয়েরও সৃষ্টি। মৃত্যু থেকে জীবনকে ছিনিয়ে ছিনিয়ে উদ্ধার করেছে সেও। এমনি একটা উদ্ধার-সমারোহ সব প্রথম কল্লান্তক আঘাত হেনেছে ওই জডদানবের বুকে। আকাশ ফাটে নি। ওটা তাব অভভেদী আতনাদ। খাং খান হয়ে গেছে তার শিলামস্তুর গাস্তীর্থ কড়কড় মড়মড় শব্দে খসে গেছে তাব জড়-বাবন। শূণ্যপথে ছিটকে উঠে মাটির বুকে নুখ খুবড়ে পড়েছে তার বাশি বাশি বিপুলায়তন অঙ্গ-প্রত্যঙ্গ। আকাশ ফাটে নি। ওটা দিগন্তের কাঁপুনি।

কিন্তু কেন গো, কেন? কে বটে গো তোমরা? পাহাড়গুলোব অমনবার: অঙ্গ চোটাচ্ছ কেন? জঙ্গল কেটে, মাটি খুঁড়ে, সব নাড়ি-ভুঁড়ি বাব করে দিচ্ছ কেন? এমন লগুভগু কাণ্ড করছ কেন সব?

বিজ্ঞান চেনে না এই মালুয়ের। বিজ্ঞানের দূত দেখে নি কখনো। ওদের কালো নুখ অবিশ্বাসে কালো হয়ে ওঠে আরো। ভয়ে আর সংশয়ে ধারালো হয়ে ওঠে ওদের চোখের দৃষ্টি।

নিগড় দিবি? ওই মড়াইয়ের পায়ে? কিন্তু মড়াই তো মরেই আছে। বারা কই? কাকে আটকাবি? কাকে বাববি? জল পাবি কোথা? তোরা কি পাগল? তোরা দস্যু?

মড়াইয়েব এপার ওপার দুপারে পাহাড়। পাহাড়ের একেবাবে নিচে জঙ্গলের মাঝখান দিয়ে এঁকেবঁকে গেছে মড়াইয়ের বিশীর্ণ একটা রেখা মাত্র। তার হাড়পাঁজর বার করা জঠরের ক্ষাণ শ্রোত শুকনো উপল-পথে ঠোঁকর খেতে খেতে ধারা হারিয়েছে সেই কোন্ যুগে। তার গতিপথের একটা টানধরা আভাস আছে শুধু। মরেছে বলেই তো মড়াই! যুগ যুগ ধরে মরে আছে বলেই তো মড়াই! মরে সকলকে মারছে বলেই তো মড়াই! আগে কি একটা নাম ছিল যেন নদীটার। সেই নামও মরেছে।

দশ বর্ষার জল আসে বটে খানিকটা। আর দু’পাঁচ বছর অন্তর অন্তর দু’কূল দৈপিয়ে বজাও হয় এক এক বার।

কিন্তু বর্ষার জল ? কলসীর জলে মাভূমির 'তেঞ্চা' মেটে ? বর্ষা না ফুরোতেই মাটির আগুন টেনে নেয় সব বর্ষা । তারপর আবার যেই কে সেই ।

আর বন্যা ? গড় করি গো তোর বন্যার পায়ে । আকাশের 'বজ্র' আলো দেয় না 'আবার বাঁড়ায়' ? 'জীবন' দেয় না আগুন জ্বালায় ? গড় করি গো 'বজ্রের' পায়ে । গড় করি তোর বন্যার পায়ে । মড়াই শুকিয়ে মরুক । মড়াই শুকিয়ে মরুক । মড়াইয়ের ডুবে মরে কাজ নেই । মড়াইয়ের ডুবিয়ে মেরে কাজ নেই ।

সেই 'দুগ্‌ঘটনার' পিত্যশে বসে আছিস নাকি তোরা ? নয় ? তবে বাঁধি কারে ? কার পায়ে নিগড় দিবি ? কার পায়ে 'ছেকল' পরাবি ?

পাথরের দেয়াল দিবি এপার ওপার ছ'পাহাড়তক ? মড়াইয়ের বুক খুঁড়ে শতেক হাত তলা থেকে দেয়াল তুলাবি এই দুই পাহাড়ের কাঁধতক ?

কিন্তু কেন ? কেন রে তোরা মরা মড়াইকে মারতে লেগেছিস ? কেন রে তোরা 'পিথিবা'র অঙ্গ চোঁটাচ্ছিস ? তোরা কি পাগল ? তোরা দহ্মা ? কে বটে তোরা ? এমন 'পেলয়' কচ্ছিস কেন ? কি হবে ? কি করবি ? কি গড়নি ?

মুখে বলে না কিছু । দুর্বোধ্য বিশ্বয়ে চেয়ে চেয়ে দেখে । বোবা জিজ্ঞাসায় চোখের পাতা পড়ে না ।

ব্যাধ দেখেছ ? ব্যাধ ? যেখানে টাকা জমা রাখে গো, টাকা জমা রাখা হয় ! দেখ নি, কিন্তু বুকেছ তো ? আচ্ছা, সেই জমানো টাকা কখন তুলি আমরা ? যখন অভাব হয়, যখন খরচ চলে না, যখন হাতের পুঁজি ফুরিয়ে যায় । এখানেও তেমনি জলের ব্যাধ হবে একটা । জল জমা করে রাখা হবে । বর্ষার জল, বানের জল, পাহাড়ী শ্রোতের জল, সব গাড়তি জল । তারপর যখন জলের অভাব হবে, আকাল হবে, এখানকার এই জমানো জল খরচ করা হবে তখন । বিশ্রী প্রশ্ন পঞ্চাশ ক্রোশের মধ্যে আর জলের অভাব হবে না কখনো । চূপ করে দেখ দু'টি বছর । মরা মড়াই তোমাদের কূলে কূলে ভরে উঠবে, ফেঁগে উঠবে—যত দূর চোখ যায় জলে জলাকার হয়ে যাবে সব ।

সঠিক বোঝে না । তবু কালো মুখে আশার আলো লাগে একটু । জলের অভাবটা বোঝে । জলের অভাব কাকে বলে বোঝে । জলের অভাবে তাদের নাড়ি শুকিয়েছে ' এ ওর মুখের দিকে তাকায় । ভাবে । মনের মত করে অর্থ করে নেয় । ক্ষুধাষা ! যেখানেই আগুন মাটি খেয়েছে সেখানেই জল যাবে ' কথা দু'টোয় যেন যাদু আছে । আশাটুকুতে যেন যাদু আছে । জল য আছে । দূরে । দূরান্তে ।

কর্মকর্তাদের কল্পিত নক্সা আর ছক ধরে জল কবে যাবে, সেটা দূর ভবিষ্যতের কথা। কিন্তু সেই নক্সা আর ছক ধরে জল যাওয়ার খবরটা চলাচল হতে থাকে এই সত্ত্ব বর্তমানেই। কাছের থেকে দূরে, দূর থেকে আরও দূরে।

মাসির বাড়িতে একদিন সাস্তুনার কানেও এলো খবরটা।

ওভারসিয়ার অবনীবাবুর মেয়ে সাস্তুনা। বছর চারেক আগেই এ-রকম একটা জল্পনা-কল্পনা শুনেছিল সে। সাগ্রহে বুঝতেও চেষ্টা করেছিল কি হবে। কিন্তু সবারই আঠারো মাসে বছর হতে দেখে কৌতূহলে মরচে পড়ে গিয়েছিল। ভুলেও গিয়েছিল প্রায়।

এত দিন দাঁড়ে খাবার খবরটা শুনে ভিতবে ভিতরে কেমন একটা উত্তেজনা হতে লাগল। এবারে আর তোডজোড় নয়, তাতে কলমে কাজ শুরু হয়ে গেছে না।

কি কাজ? কেমন ধারা কাজ?

সে জ্ঞান আর কে দেবে তাকে। যেটুকু শুনেছে তার বার্তাবহ ছোট মাসতুতো ভাই। শহরের হাইস্কুলে পড়ে। ভাসা ভাসা শুনে এসেছে সেও। এ-সব খবর কান দেবার মত তার আগ্রহ বা কৌতূহল কিছুই নেই! খবরটা শুনলে দাঁদি খুশি হতো জেনেই বলা। কেন খুশি হবে তাও জানে না।

সামান্য একটা খবরের বদলে দশটা প্রগ্ন শুনে ফাঁপরে পড়ে যায় মাসতুত ভাই। স্কুলের উচ্চ ক্লাসে পড়ে, মানসম্মত আছে একটা। তাচ্ছিল্য করে জবাব দেয়, অত খবর কে রাখতে গেছে, জানার ইচ্ছে থাকলে কাগজ পড়লেই পারো, কাগজেই তো বেরোয় সব—বারো মাসে খবরের কাগজ ওল্টাবে না, জানবে কি!

খবরের কাগজ যে একটা পড়ার বস্তু, কোনদিন সাস্তুনা তা উপলব্ধি করে নি সেটা যথার্থ। ছুপুরের নিরিঝিলি অবকাশে ঘরের দরজা বন্ধ করে একরাশ খবরের কাগজ নামিয়ে বসল সে। সন্ধ্যা থেকে চুপি চুপি সংগ্রহ করেছে। দেখলে হাসাহাসি করবে শুধু মাসতুত ভাই-বোনবা নয়, মাসি আর মেসোও হাসবেন মুখ টিপে।

মেঝেতে কাগজ ছড়িয়ে মতা নিষ্ঠা সহকারে প্রায় দু'তিন ঘণ্টা হাতড়ে বেড়াল জ্ঞাতব্য তথ্য। বিরক্তি ধরে গেল। খবর একটু আধটু যাও-আছে সে শুধু খবরই। কোথা দিয়ে কি হচ্ছে তার কোন হদিস পেল না। চুপিচুপি হাইস্কুলে পড়া মাসতুত ভাইয়ের শরণাপন্ন হল আবার।—দেখ, খোকা, তোদের মাস্টার-মশাইদের কাছ থেকে খবরটা নে না কি হচ্ছে না হচ্ছে—যদি পারিস সিনেমা দেখার জন্য আস্ত একটা টাকা দেব তোকে।

প্রলোভনের ব্যাপার বটে এটা। আস্ত একটা টাকা যদি কেউ দেয় তো বাড়ির মধ্যে এই সাহু দিদিই দিতে পারে। মাসে মাসে বাবার কাছ থেকে দশটা করে টাকা আসে সাহুদির নামে, সেটা কারোরই অজ্ঞাত নয়। ভাই-বোনদের ওপর সাহুদির অনেক প্রতিপত্তিও খাতে এই জোরেই।

কিন্তু মাস্টারমশাইদের কাছ থেকে খবর আনবে কি, তাদের জানার পরিধিটাও এমন কিছু বড় নয়। তবে চেষ্টাচরিত্র করে যেটুকু খবর সংগ্রহ করল তাই বেশ রঙ চড়িয়ে সাহুনার কাছে পেশ করে দিল।—মডাই নদী বাঁধা হচ্ছে, ডিনামাইট দিয়ে চারদিকের পাহাড় ভেঙে উড়িয়ে দেওয়া হচ্ছে, ইত্যাদি।

সাহুনা অবাক, নদী বাঁধছে তো পাহাড় ওড়াচ্ছে কেন ?

বাঃ রে! সংবাদদাতা বিব্রত মুখে জবাব দেয়, নদী বাঁধতে হলে পাথর দরকার। এস্তার পাথর দরকার, ওই জগ্নেই পাহাড় ভাঙছে।

সাহুনা দাঁতে করে নখ খুঁটতে খুঁটতে বুঝতে চেষ্টা করল ব্যাপারটা। দু'চোখ সংবাদদাতার মুখের ওপর এক চক্কর ঘুরে এলো। আর কি শুনলি? এই মানে—আমাদের ওখান দিয়ে জল যাবে শুনলি?

টাকার আশা বড় আশা!—তা যেতে পারে, জল তো গড়ানে জিনিস, একবার গড়াতে শুরু করলে আর আটকাবে কে ?

সাহুনার গোপন অস্বস্তিটা আর চাপা থাকল না বেশি দিন। উড়ো খবর আসে একটা দুটো। আর সদা হাসিখুশি চঞ্চল মেয়েটা হঠাৎ যেন সচকিত হয়ে ওঠে। শোনে কান খাড়া করে। বুঝতে চেষ্টা করে। কৌতূহল দমন করতে না পেয়ে মাসি আর মেসোকেই এসে জিজ্ঞাসা করে এটা সেটা। মনে মনে তাঁদের হাসির খোঁরাক হচ্ছে বুঝেও না জিজ্ঞাসা করে পারে না।

মাসির কথা কানে এলো সেদিন, মেসোকে বলছেন, আহা, এ নিয়ে কিছু বোলে না ওকে, জানই তো ওদের বংশের ধারা।

বংশের ধারা।

সাহুনারই হাসি পায়। ঠাকুরমার কথা মায়ের কথা মনে হতে শিউরে ওঠে। সে বিভীষিকা ভুলবে না কোন দিন। ভোলবার নয়। বিশেষ করে মায়ের কথা। কিন্তু তারা কোন্ বংশের থেকে এসেছিল? অবশ্য ঠাকুরদার কথা শুনেছে ঠাকুরদার বাগ্নর কথাও—তাদেরও মাটির রোগ ছিল—তাদের না হয় বংশের ধারা বলা যেতে পারে, কিন্তু বাইরের মেয়ে ওর মা-ঠাকুমা—তাদের অমন হল কেন? মনে মনে বলল, মাসিমার যেমন বুদ্ধি। 'বংশের ধারা। কই তার বাবার

তো কোন তাপ-উত্তাপ নেই? আর ঠিক তেমন বাপেরই মেয়ে সান্ত্বনা, তার নিজেরও নেই কোন তাপ-উত্তাপ। কেনই বা থাকবে?

যা গেছে সে তো বরাবরকার মতই গেছে। গেছে বলে কোন তৃপ্তও নেই তার। গেছে ভালই হয়েছে। আর কি সেখানে থাকতে যাচ্ছে তারা? জল গেলে ওদের নিজেদের কি আর লাভ? তবু জানতে ইচ্ছে হয় শুধু। যে আগুন বছরের পর বছর ধবে বৃকে করে টেনে নিয়ে শুয়ে নিয়ে শেষ হয়ে গেছে ঘরে ঘরে কত মানুষ—সেখান দিয়ে জল যাবে শুনলে কার না জানতে ইচ্ছে হয়? জল যাবে, আগুন নিববে এটুকুই আনন্দ তাব। বংশব ধারা আবার কি।

হঠাৎ ছোটবেলার একটা দৃশ্য মনে পড়ে গেল সান্ত্বনার। খুব ছোটবেলার। কিন্তু স্পষ্ট মনে আছে। বুড়ী ঠাকুমা সকাল থেকে কি একটা যজ্ঞ শুরু করিয়েছে খোলা বাইরে। আকাশের নিচে কাঠফাটা বোদ্ধুবে। কাঠ, শুকনো পাতা, ঘি, পুরনো কাপড়, সব এনে এনে ফেলা হচ্ছে সেই যজ্ঞের আগুনে। দমবন্ধ ঘোঁয়াকার একাকার হয়ে যাচ্ছে চারদিক। আর সেখানে সকাল থেকে সূর্যাস্ত পর্যন্ত ঠায় দাঁড়িয়ে কাটিয়েছে বুড়ী। শাস্ত্রকারের ভাষা, ঘোঁয়ার জলুনিতে আর সেই সব-জালানো সূর্যের তাতে চোখ দিয়ে যে জল ঝরবে তা মাটিতে ফেললে মাটি শীতল হবে। চোখের জল বাষ্প হয়ে আকাশে উঠবে, তারপর বৃষ্টি হয়ে মাটিতে ঝরবে। সূর্যের দিকে মূলমুহুঁ চেয়ে চেয়ে চোখে জল আনার তাগিদে প্রায় অন্ধ হতে বসেছিল বুড়ী। তাব সেই ভাঙা গলাব ছড়া পাঁচালিও ভোলে নি সান্ত্বনা।

চোখের জল আকাশে যা,
 যাগের ঘোঁয়া আকাশে যা,
 সেথায় গিয়ে মেঘ হ',
 সৃষ্টি ঢেকে মেঘ হ'।
 আয় রে পবন ধৈয়ে,
 মেঘ করেছে ছেয়ে,
 পবন-মেঘে মিতালি,
 মাটি হল শীতালি।

শুধু এই? আরো কত কি করতে দেখেছে কত ঘরে। মায়ের কথা মনে পড়ছে আবারও। তাড়াতাড়ি অল্প কিছু ভাবতে চেষ্টা করল সান্ত্বনা। কাজ নেই মায়ের কথা মনে পড়ে। ভালই হয়েছে তারাও জায়গা ছেড়ে এসেছে বরাবর-কার মত। ভালই হয়েছে বাবা তার বাইরে বাইরে কাজ করে। ভালই হয়েছে মাসির বাড়িতে চলে এসেছে সে-ও। সবই ভাল হয়েছে। তবু কেবল একটুখানি

জানতে ইচ্ছে করে, কি হচ্ছে, কি হবে, কেমন করে হবে। আচ্ছা, এখনও তো লোক বাস করছে সেখানে, কত লোকই তো আছে, তাদের দুঃখ বৃষ্টে খুঁচবে কিনা জানতে ইচ্ছে করে না।' কিন্তু ঘুচবে কী? জল তো আটবানো হচ্ছে সেই কোথায় কত দূরের কোন পাখাড়ের গায়ে।

কিন্তু গোড়ার দিকের এই আলোড়নে লক্ষ্য একটা ছেদ পড়ে যায় আবার। আর কোন খবর-পাতা পায় না সান্ত্বনা।

প্রথম প্রথম রাগ হত। লোকগুলো কি এখানকার! কোন কিছুতে যদি আগ্রহ থাকত। সেই থেকে রোজ দুপুরে খবরের কাগজ নিয়ে বসছে। কিন্তু খবর আর পায় না। উণ্টে চোখে বাখা ধরে যায়। ঘুম পেয়ে যায়। কি স্থখে যে লোকে পড়ে এই রাজ্যের ছাইভস্ম ভেবে পায় না। এমনশ ওর নিজের আগঃও একটু একটু করে চাপা পড়ে গেল আবার। বছর ঘুরে এলো।

ঘুম ভেঙে সেদিন কার মুখ দেখেছিল সান্ত্বনা। আনন্দে আর উত্তেজনায় ভেতরটা যেন একেবারে উপছে উঠতে লাগল তার। বাবার চিঠি এসেছে।

সেটা আনন্দের কারণ হলেও এমন কিছু বিচিত্র ব্যাপার নয়। বাবার চিঠি প্রায়ই আসে। ব্যতিক্রম হলে এখান থেকে এমন কিছু লেখে সান্ত্বনা, যাতে করে বেশ ভালো মতই টনক নড়ে তাঁর।

বাবা লিখেছেন, এখানে দু'তিন দিনের মধ্যেই আসছেন।

সেটা আরো আনন্দের কারণ বটে। কিন্তু বছরে এমন এক বার দু'বার এসেও থাকেন তিনি। সেই জন্তেই সান্ত্বনা এমন বিহ্বল হয়ে ওঠে নি আজ।

চিঠিতে আর একটা ছোট সংবাদ আছে। যা বাড়ির সকলকে ডেকে বলার মত। যা বিশ্বসংসারে সকলকেই ঢাক পিটিয়ে বলার মত।

বাবা লিখেছেন, মড়াইয়ের কাজে তদারিক্ত হয়েছেন তিনি। সেখানে যাওয়ার পথে এ জায়গা হয়ে যাবেন।

এমনিতেই সান্ত্বনার লাগাম-ছাড়া হাসিখুশির দাপটে বাড়িটা ভরাট থাকে সারাক্ষণ। মাসি সত্যি সত্যি রেগে ওঠেন এক এক সময়, দস্তি মেয়ে, বাইশ বছর বয়েস হল তাঁর খেয়াল আছে? বারো বছরের খুকিটির মত করে বেড়াস—বাপ তো ওদিকে খুব চাকরি কচ্ছে—যেন বিয়ে-খাওয়া আর দিতে হবে না মেয়ের—যেন এত করেই কাটবে চিরকাল, আত্মক এবার!

আর আজ?

আজ আর কোন কথা বলারই ঘুরসত পেলেন না তিনি। রান্নার কাজে

ব্যস্ত ছিলেন। সান্ধুনা দৌড়ে এসে দু'হাতে জাপটে ধরে সরাসরি একেবারে শূণ্ণে তুলে ফেলল তাঁকে।

ছাড় ছাড়! কি হল? এঁটো-কাঁটায় সব একাকার করে দিলি!

আর ছাড়! চিঠিখানা তাঁর সামনে রেখেই সান্ধুনা ছুটল আর এক দিকে।

স্নান করে যত্নসহকারে চুল বাঁধাটা প্রায় সেরে এনেছে মাসতুত বোন। প্রসাধনব্যবহারে বেশ একটু রুচি আছে তার। বয়সে প্রায় বছর চারেক ছোট সান্ধুনার থেকে। কিন্তু সে শুধু ঠিকুজির বিচারে। ছোট যেন সান্ধুনাই। ঝড়ের মত এসে একটানে তার চুল খুলে সব এলোমেলো করে দিয়ে রাগিয়ে হাসিয়ে অস্থির করে তুলল তাকেও। প্রসাধন-গাম্ভীর্য রসাতলে গেল। লুটোপুটি শুরু করে দিল দুই বোনে।

তারপর এক সময় ঠাণ্ডা হয়ে ভাবতে বসল সান্ধুনা।

কিন্তু এ-রকম একটা যোগাযোগ ভাবতেও পারছে না। বাবা যেন কি! কোথায় বেশ করে গুছিয়ে লিখবে দু'লাইন, না এক কথাতেই শেষ। যেন জল গড়িয়ে থাকছে এক গেলাস।

আজকের আনন্দের আঁচ খানিকটা মেসোও পেলেন।—সামুহর আজ কি হল, এত খুশি কেন?

সমীহ যা একটু মেসোমশাইকেই করে সান্ধুনা। মুখ আড়াল করে চার আঙুল জিপ কাটল।

মাসি রাগ করে জবাব দিলেন, ওর বাবা মড়াইয়ের কাজে বদলি হয়েছে, খুশি এই জন্তে। একেবারে দ্বিবিজয় করে ফেলবে। যাওয়ার পথে এখানে হয়ে যাবে। আশুক, খুশি বার কচ্ছি!

মাসি এবং মেসো দু'জনেই সম্প্রতি সান্ধুনার বাবার ওপর ক্ষুব্ধ আছেন একটু। যথার্থ কারণও আছে। আর সেই কারণে সান্ধুনাকেই হুচক্ষে দেখার কথা নয় তাঁদের। শুধু তাঁদের কেন, মাসতুত বোনেরও হয়তো কিছুটা মনোবেদনার কারণ সেই! কিন্তু এক বলক আলোর পরে একঘর অন্ধকারের কোভাই বা আর কতটুকু টেকে।

প্রত্যাশিত দিনেই সান্ধুনার বাবা ওভারসিয়ার অবনী রায় এলেন।

সান্ধুনার ইচ্ছে, তাঁকে নিজের ঘরে টেনে এনে ঘরের দরজা বন্ধ করে জেরা করতে বসে। কিন্তু নিরিবিলিতে পায় তাঁকে সাধ্য কি।

প্রাথমিক যা কিছু সম্পন্ন হল। খাওয়াদাওয়া সারা হল ধীরেস্থে। ধৈর্য

ধরে থাকা দায় সাস্থনার। কিন্তু এদের গপ্পই শেষ হয় না। মাসিটি বড় সহজ নন, এ-কথায় সে-কথায় ঠিক আসল কথায় চলে এলেন।

লোহা পিটবে তখন, দগদগে লাল যখন। বললেন, চাকরি তো খুব কচ্ছ নিশ্চিন্ত মনে, তোমার মেয়ের বিয়ে দেবে কে ?

ভিতরে ভিতরে শঙ্কিত হয়ে উঠল সাস্থনা। মাসি-মেসোর মনে যে ফোভটুকু আছে বাবার ওপর, তার কারণটা এবারে প্রকাশ হয়ে পড়ে বুকি। অথচ বাবা বেচারী তার কিছু জানেন না, সম্পূর্ণ নিরপরাধ। সকলের অগোচরে কল-কাটিটা সে-ই ঘুরিয়েছে—একবার নয়, দু'বার। কিন্তু আবার রাগও হয়ে গেল মাসির ওপর। কোন কিছুই সময় অসময় নেই, ভিতরে ভিতরে একেবারে শান দিচ্ছিলেন যেন। অবনীবাবু কিছু জবাব দেবার আগেই সে বলে উঠল, আমার জন্তে ভাবতে হবে না, নিজের মেয়ে আছে, ধরে বিয়ে দাও গে যাও না !

অবনীবাবু বিব্রত হলেন। অল্প সময় হলে মা-মরা আদরের বোনঝির কথা শুনে হয়তো হাসতেন মাসি, নয়ত ছদ্মরাগে ধমক দিয়ে বলতেন কিছু। সাস্থনাও সে রকম কিছুই প্রত্যাশা করেছিল। কিন্তু ব্যাপারটা ঝোরালো হয়ে দাঁড়াল কেমন। মাসি স্বল্পক্ষণ তার মুখের দিকে চেয়ে থেকে বললেন, তাকেও আমি নিজের মেয়ে বলেই ভাবতুম...তা তোরা বাপ মেয়ে দু'জনেই যখন অল্প রকম ভাবিস তখন আমার মাঝখানে পড়ে বার বার ঘ্যানর ঘ্যানর করা কেন। খুব ষাট হয়েছে, আর বলব না।

হঠাৎ এ-রকম আনহাওয়ার পরিবর্তনে অবনীবাবু হকচকিয়ে গেলেন। মেয়েকে বললেন, তুই সবোতে আগ বাড়িয়ে কথা বলতে আসিস কেন ? মাসিকে বললেন, আপনিও যেমন, ওর কথা আবার শোনেন।—বড় হয়েছে, বিয়ে তো দিতেই হবে, তা আপনারা ছাড়া ওর আর আছে কে, দেখে শুনে ঠিক করুন কিছু।

এরই প্রত্যাশায় ছিলেন যেন মাসি।—আমরা দেখে শুনে ঠিক করব কি রকম ? আমাদের ওপর তোমার বিশ্বাস কতটুকু যে আমরা দেখে শুনে ঠিক করব ? অমন দু'হুটো ভালো সম্বন্ধ পেয়ে চিঠি লিখলাম তোমায়, দু'বার করে লিখলাম—একটা চিঠিরও জবাব দেওয়া পর্যন্ত দরকার মনে করো নি তুমি, আবার আমরা দেখে শুনে যাব কেন শুনি ?

একেবারে আশ্চর্য থেকে পড়লেন অবনীবাবু। চিঠি ! আমাকে ? কবে—? কই আমি তো একটাও পাই নি।

মাসিও খতমত খেয়ে গেলেন কেমন। চিঠি পাও নি? সব চিঠি পাও আর এ দুটোই পেলেন না, সে আবার কেমন কথা?

তাদের অগোচরে সান্ত্বনা পালিয়ে বাঁচল। আর সেখানে অবস্থান নিরাপদ নয়, সেটা তার থেকে ভালো আর কে জানে?

একটুখানি বিবৃতি প্রয়োজন।

মাসি ওর বিয়ের প্রসঙ্গ চার পাঁচ বছর আগেই উত্থাপন করেছিলেন। একাধিকবার করেছিলেন। কিন্তু অবনীবাবু সত্যিই তখন গা করেন নি। এ সম্বন্ধে ভাবার মত তখন তাঁর মনের অবস্থাও ছিল না খুব। যাই হোক, মাসিও শেষে এ নিয়ে আর উচ্চবাচ্য করেন নি কিছু। যার দায় তারই যখন ভাবনা নেই তিনিই বা কাঁহাতক পিছনে লেগে থাকবেন? মাঝখানে এই ক'বছরের ব্যবধানে মাসির নিজের মেয়ে বড় হয়েছে। সেই দায়িত্ব পালনের জ্ঞাত ব্যস্ত হয়ে উঠলেন তিনি। তাঁর মেয়ের সম্বন্ধ দেখা হতে লাগল। যে দু'টো সম্বন্ধের কথা একটু আগে উল্লেখ কবলেন, তাঁদের সঙ্গে যোগাযোগ ঘটেছিল মাসির নিজের মেয়েকে উপলক্ষ্য করে।

মাসিতুত বোনকে দেখতে আসছে শুনে হেসে নেচে আটখানা হয়ে সান্ত্বনা সেই পেচারীকে প্রথমে নাস্তানাবুদ করে পরে পরিপাটি করে তাকে সাজিয়ে-গুজিয়ে দিল। জনা দুই ভদ্রলোক আর জনা তিনেক মহিলা এলেন মেয়ে দেখতে। ভদ্রলোক দু'জন বাইরের ঘরে বসলেন, মেয়েরা ভিতরে। মাসিতুত বোনকে বাইরের ঘরে চালান দেওয়া হল প্রথম। উচ্ছল কোঁতুহলে আড়ি পেতে রইল সান্ত্বনা। সবচেয়ে তার অপার কোঁতুহল, এ ব্যাপারে তো কথাই নেই। তাঁদের দেখা হতে মেয়েকে ভিতরে পৌঁছে দেওয়া'ব সঙ্গে সঙ্গে সান্ত্বনা ছুটে এসে এক বকম জাপটে ধরে নিয়ে গেল মেয়েদের ঘরে। তাকে তাদের সামনে বসিয়ে দিয়ে নিজেও পাশে বসল গ্যাট হয়ে। যেন সে-ই মুন্সবী।

মেয়েরা মেয়ে দেখলেন। যাকে দেখার কথা তাকেও, যাকে দেখার কথা নয় তাকেও। এটা সেটা জিজ্ঞেস করলেন মেয়েকে। কিন্তু তার থেকে অনেক বেশি জিজ্ঞাসা করলেন তার পাশে যে বসে আছে তাকেই। মাসিকে গল্প-গুজবের ছলে জিজ্ঞাসা করলেন এটা ওটা তাঁরা, কিন্তু মেয়ের সম্বন্ধে যত না, বোনবির সম্বন্ধে অনেক বেশি।

হঠাৎ কেমন যেন অস্বস্তি বোধ করতে লাগল সান্ত্বনা। অস্বস্তি বোধ করতে লাগলেন মাসিও।

দু'চার দিনের মধ্যেই পাত্রপক্ষ খবর পাঠালেন। ছেলের বয়স আন্দাজে

মেয়ের বয়স একটু কম হয়ে যায়। সেদিক থেকে বোনঝিকে বিশেষ পছন্দ তাদের। অতএব, ইত্যাদি।

বোনঝিকে পছন্দ হয়েছে বয়সের জন্য কি কি জন্য, সে চোখ মাসি'ব আছে। মাসি'ব মনে একটু লাগার কথা। কিন্তু যে মেয়ে পছন্দ তাঁদের, সেই মেয়ে সাসুনা বলেই তেমন লাগল না। মেসো'ব মনে যাই থাক, তিনি মন্তব্য করলেন না কিছু।

কিন্তু লজ্জায় অস্বস্তিতে একেবারে আঁড়ষ্ট হয়ে গেল সাসুনা।

ওদিকে মাসি এ'ব মেসো'র টুকরো কথাবার্তা কানে এলো তার। মেসো বললেন, অবনীকে চিঠি লিখে দাও আজই, যদি হয়ে যায় তো হয়ে যাক।

মাসিও সাই দিলেন। ছপবে নাকের ডগায় নিকেলের চণমা এঁটে চিঠি লিখতে বসেছেন তিনি, তাও দেখল সাসুনা।

সেই দিনই চিঠি একটা সে-ও লিখল তার বাবাকে। এমনি সাদামাটা চিঠি। লিখে খামে এঁটে প্রতীক্ষা করতে লাগল।

তারপর ছোকরা চাকর আধ মাইল দূরের ডাকবাংলো বর্তীর চিঠি ফেলতে গেল যখন, তখন তার হাতের ওই চিঠি সাসুনার চিঠির সঙ্গে বদল হয়ে গেল কি করে, সে শুধু একমাত্র সাসুনাই জানে। আব কেউ না।

পরের ঘটনাও প্রায় অনুরূপ।

এবারে খাঁরা মাসির মেয়েকে দেখতে এলেন, সাসুনা আর ধারেকাছেও খেঁষল না তাঁদের। মাসিকে বলল, খাওয়া-দাওয়ার ব্যাস্থা সব এবারে আমি দেখছি, তুমি ওদিক আগলাও গে যাও।

মাসি খুশিও হলেন না, দুঃখিতও হলেন না। খুশি হলেন না, কারণ এই বোনঝিও মেয়ের থেকে খুব কম নয় তাঁর কাছে। দুঃখিত হলেন না, কারণ মেয়েও কম নয়।

যথাপূর্ব মেয়ে দেখা হল। মোটামুটি মেয়ে পছন্দও হল বোধ হয়। কারণ মহিলারা দি দায়ের আগে মেয়ের বাপের ঘর-বাড়িও দেখলেন। আর এই দেখতে গিয়ে রান্নাঘরে আটপোরে গাছ-কোমর শাড়িপরা সাসুনাকে দেখলেন তাঁরা। গরমের তাতে আর ঘামে তখন টুসটুসে লাল হয়ে উঠেছে সাসুনার মুখ। খতমত খেয়ে হাতের কাজ ফেলে তাড়াতাড়ি হাত ধুয়ে সে টিপ-টিপ প্রণাম সারল গোটা দুই তিন। আগন্তুকারা আবার প্রশ্ন শুরু করলেন মাসিকে। বেশ খুঁটিয়ে খুঁটিয়ে। তারপর ক্লিষ্টসাবাদে বিব্রত করে তুললেন সাসুনাকেও।

যথাসম্ভব সঙ্ক্ষেপে জবাব দিয়ে সাসুনা একগাল হেসে ফস করে বঁলে বসল, আমার বোনকে কেমন দেখলেন বলুন ?

একজন জবাব দিলেন, ভালোই তো—।

মহা খশি হয়ে মাথা দুলিয়ে সাস্তনা বলে উঠল, পছন্দ হয়েছে তাহলে ? হবে না তো কি, যে বাড়ি যাবে সেই বাড়ি আলো করবে, অমন কাজের মেয়ে ক'টা হয় ? আপনারা নিশ্চিন্দ মনে নিয়ে যান।

সকল কথা সকলের মুখে ভালো শোনায় ন'। সেটা জেনেই বোধ হয় বলা। কিন্তু অনেকের মুখে আবার যা বলা হয় তাই শোনায়ও ভালো। সকলেই হেসে উঠলেন। মাসি বললেন, তুই খাম তো, বোনের হয়ে তাকে আর উমেদারি করতে হবে না।

সাস্তনা মুখরার মত ফড়ফড় করে বলল, বোনের জ্ঞা আমি উমেদারি করব না তো কে করবে ?

আগন্তুকাদের একজন বললেন, তুমিও তো কম কাজের নও দেখছি ?

ঠোট উল্টে সাস্তনা জবাব দিল, হ্যাঁ, ওর সঙ্গে আমার তুলনা ! মাসিমা ওঁদের এখানে দাঁড় করিয়ে রাখলে কেন, এখানটায় বেজায় গরম—

মাসিমা হেসেই জবাব দিলেন, তুই গরমে স্নেহ হয়ে কাজ করছিস আর ওঁদের একটু দাঁড়াতেও দিবি নে ?

ভিতরে ভিতরে আবারও অস্বস্তি লাগছে সাস্তনার। আগন্তুকাদের মধ্যে বর্ষীয়সী যিনি, তিনি মুখ ফুটে বলেই ফেললেন, আপন বলতে যখন গুণ আপনিই—এরও তো দিয়ে দেওয়া দরকার আপনার ?

মাসিমা হাসিমুখেই বললেন, আপন হলেও ওর বিয়ে দেওয়ার সত্যিকারের মালিক তো আমি নই—ওর বাবাকে বলে বলে হয়রান হয়েছি।

সাস্তনার ইচ্ছে হল বেশ করে মুখের উপর দু-কথা গুনিয়ে দেয়। পারেও। কিন্তু মাসির জগ্নেই সাহস হচ্ছে না। কাঠ হয়ে দাঁড়িয়ে রইল অগ্নি দিকে চেয়ে। দিনকতক বাদে চিঠি এলো এবারও। রান্নাঘরের সেই মেয়েটিকেই বিশেষ পছন্দ তাঁদের, তার বাবার কাছে যদি কথাবার্তা তোলা হয় তারা খুশি হবেন।

একবার যেটা উড়িয়ে দেওয়া যায়, বার বার সেটা উড়িয়ে দেওয়া যায় না। মেসো বিরক্ত হয়ে বললেন, মেয়ের বাবার যদি এখনো ঘুম না ভাঙে তো আমরা কি করব ? একবার একখানা চিঠি লিখলে, তার জবাব পর্যন্ত দিলে না।

দুটো দিন একেবারে গুম হয়ে রইল সাস্তনা। অকারণ রাগে জ্বলতে লাগল মনে মনে। সেটা লক্ষ্য করেই বোধ হয় হালকা হেসে মাসি এক সময় বললেন, তুই অমন করে আছিস কেন, লোকের তো চোখ আছে না কি—তুই থাকতে তোর বোনের বিয়ে হবে না।

সাস্তুনা ঝাঁঝিয়ে উঠল, তাহলে আমাকেই দূর করে দাও !

দেবই তো। এবারে তোকেই দূর করব আগে। বেশ ভালো হাতে মজা দেখাচ্ছি তোর বাবাকে।

মজাটা যে কি সাস্তুনা জানে। আগের ব্যাপারটারই পুনরাবর্তন ঘটল। চুপি চুপি মাসির চিঠি বদল করতে হল আবারও।

পাঁচ-সাত দিন অপেক্ষা করে অসহিষ্ণু হয়ে উঠলেন মাসি। বললেন, দেখেছ কাণ্ড ! একটা জবাব দেওয়া পর্যন্ত দরকার মনে করে না সে !

তাড়াতাড়ি সাস্তুনা বাবাকে চিঠি লিখল আবার।—শীগগির মাসির কন্ডে চিঠি লেখো একখানা, আমি এখানে আছি, মাঝে-সঝে তাঁদের খোঁজখবর কর' তো উচিত তোমার, না কি—?

চিঠি পেয়েই অবনীবাবু বিনীত চিঠি লিখলেন গৃহকর্ত্রীর নামে। মাসি বেগে আগুন আরো। আসল কাজের কথার একটা উল্লেখ পর্যন্ত নেই। অর্থাৎ আমার মেয়ে নিয়ে তোমরা মাথা ঘামাও কেন, কেমন—? আচ্ছা, এই আমি চুপ করলাম, আর যদি বলি তো ..

আড়াল থেকে সাস্তুনা এদিকের হাওয়াটা এক-একবার বুঝে যেতে লাগল। মাসির বাগ পড়েছে। পোস্ট অফিসের বিকন্ডে একযোগে দু'জনে খানিকটা অভিযোগ বর্ষণ করার পর অবনীবাবু সখেদে বললেন, এ রকম দু'হুটা ভালো সম্বন্ধ হাতছাড়া হয়ে গেল, একবার জানতেও পারলুম না, যেমন বরাত—।

মাসি বললেন, তা'ছাড়া আর কি, নিয়তি-নির্বন্ধ না থাকলে কি করে আর কি হবে। কিন্তু তোমাকেও বলি, এ না হয় সেধে এসেছিল, কিন্তু তোমারও একটু চিন্তা-ভাবনা থাকা উচিত—অতদূর মেয়ে থাকলে চোখেপাতায় এক করতে পারতুম না ত'মি, তোমার কোন চিন্তাই নেই।

নীরব থেকে অবনীবাবু অভিযোগ স্বীকার করে নিলেন বোধ হয়। মাসি আবার বললেন, অবশ্য মেয়ে তোমার পছন্দের মেয়ে, যে দেখবে সে-ই নিতে চাইবে—তবু চেষ্টাচরিত্র না করলে সবাই কি আর সেধে আসবে ! তোমার বরাত ভালো অমন বাড়ন্ত গড়নেও বয়সের ছাপ পড়ে নি মেয়ের, আমার মণির থেকেও কচি দেখু—তা'বলে সব কিছুই একটা সময় আছে তো !

আড়াল থেকে মাসির উদ্দেশে বেশ করে মুখ ভেঙেচালো বাড়ন্ত গড়নের পছন্দের মেয়েটি। চিঠি সংক্রান্ত অপকীর্তিটা পাছে প্রকাশ পেয়ে যায়, সেই ভয়ে

ধারে কাছে ষেঁষছে না। নইলে বাবার সামনে মাসিকে আর এক দফা শুনিয়ে আসতে পারত অনায়াসে। অত লজ্জাশরমের ধার ধারে না, তা সে নিজের বিয়ের প্রসঙ্গেই হোক বা যারই হোক।

বাবাকে সাঙ্ঘনা হাতের মুঠোয় পেল সেই সন্ধ্যার পরে। কিন্তু মেয়ের কাছেও অবনীবাবু প্রথমেই চিঠি না পাওয়ার খেদ প্রকাশ করেই ফাঁপরে পড়ে গেলেন। একেবারে তেলে-বেগুনে জ্বলে উঠল সাঙ্ঘনা।...ব্যাস্ ব্যাস্ ব্যাস্—বেশ হয়েছে চিঠি পাও নি, খুব ভাল হয়েছে, পোস্ট অফিসকে আমি একহাঁড়ি রসগোল্লা পাঠিয়ে দেব। এসে পর্যন্ত আর কোন কথা নেই, বিয়ে বিয়ে বিয়ে বিয়ে—!

বাবা-মেয়ের সম্পর্ক নয় তাদের। মা-মেয়ে সম্পর্ক বলা যেতে পারে। সাঙ্ঘনার মা মারা যাওয়ার অনেক আগের থেকেই তাই। ভালো হোক, মন্দ হোক, কোনো একটা ধারা থেকে অবনীবাবু মেয়েকে আড়ালে রাখতে চেয়েছেন সেই ছোটবেলা থেকেই। চেয়েছেন দুই বাহু বিস্তার করে আগলে রাখতে। বাবা-মেয়ের ব্যবধান ঘুচে গেছে এক যুগ আগে। সেই আদরেই সম্ভবত মেয়ের আজও বয়স বাড়ে নি।

অবনীবাবু বললেন, আমি কি করব, তোর মাসি বলছে একুশ-বাইশ বছর নাকি বয়েস হয়ে গেল তোর—

তবে আর কি, কাল সকালে ঘুম থেকে উঠেই যাকে পাও গলায় গামছা বেঁধে নিয়ে এসো, বিয়ে করে কেলি—!

হেসে ফেলল। রাগ মিলিয়ে গেল। অবনীবাবুও হাসলেন। সাঙ্ঘনা তাঁকে নিরীক্ষণ করে দেখল কিছুক্ষণ। বলল, তুমি একটু রোগা হয়ে গেছ বাবা।

অবনীবাবু হালকা হেসে জবাব দিলেন, তোর বিয়ের ভাবনাতেই তো।

হঁ! তোমার একটা মেয়ে আছে তাই মনে থাকে কি না সন্দেহ, ভাবনা না ছাই।

আচ্ছা, থাকে না। তুই কেমন আছিস বল্।

খুব ভালো। দিবি খাচ্ছি-দাচ্ছি আর মাসির ওপর তর্ষি করে বেড়াচ্ছি, কেমন মোটা হয়েছি দেখ না।

অবনীবাবু মৃদু মৃদু হাসতে লাগলেন। কিন্তু সাঙ্ঘনার ভিতরটা তখন অল্প কিছু জানার জন্য আঁকুপাঁকু করছে। ভাবল একটু। নীরবে দুই চোখ বাবার মুখের ওপর ঘুরে এলো এক প্রশ্ন।

আচ্ছা বাবা, মড়াইয়ের কাজে তুমি নিজে বদলি হলে, না তোমাকে বদলি করা হল?

হঠাৎ এরকম একটা প্রশ্নের জন্যে তৈরী ছিলেন না অবনীবাবু। চকিতে তাঁকালেন একবার মেয়ের দিকে।—কেন রে ?

এমনি, বলোই না।

পাঁচ জায়গায় ঘুরে ঘুরেই তো চাকরি, এত বড় কাজ হচ্ছে সেখানে, কত পোস্ট খালি পড়ে আছে, চলে এলাম।

খুব সত্যি কথা বললেন না। বললেন না বলেই বিব্রত হলেন মনে মনে।

এত বড় কাজ হচ্ছে শুনে সাস্তুনা সোৎসাহে বলে উঠল, খুব মন্ত কিছু হচ্ছে বাবা, তাই না ? আচ্ছা, যেখানে কাজ হচ্ছে সেই জায়গাটা আমাদের ওখান থেকে কত দূর ?

নিজের অজ্ঞাতেই আবার একটা চকিত দৃষ্টি নিষ্ক্ষেপ করলেন অবনীবাবু। পরে হেসে বললেন, তুইও যেমন, কোথায় মড়াইয়ের ড্যাম আর কোথায় আমাদের সে জায়গা !

নিমেষে শ্রান হয়ে গেল সাস্তুনার মুখ। সব উৎসাহ স্তিমিত হয়ে গেল যেন। বলল, তাহলে আর কি হল বাবা—সেখানে তো আর তাহলে জল যাবে না ?

অবনীবাবু হেসে উঠলেন।—তুই বুঝি এই সব ভাবিস এখনো ? জল যাবে না কেন, ড্যাম হলে ওর ডবল দূরে^০ জল যাবে—কিন্তু জল যাক না যাক আমাদের কি, আমরা কি আর সেখানে ফিরে যাচ্ছি, সব তো বেচে দিয়েছি।

সাস্তুনার সমস্ত মুখ খুশিতে বলমলিয়ে উঠল আবার। বলল, যেতে বয়ে গেছে আর সেখানে, মা গো ! সেখানে আবার কেউ থাকে ! কিন্তু তুমি তো ভারী স্বার্থপর বাবা, নিজেরা থাকব না বলে এত কালের জলের কষ্টটা দূর হবে সেটা কিছু নয় ? তুমি এখান থেকে যাচ্ছ কবে ?

দাঁড়া, দুটো দিন জিরোই, আমি গেলেই কি তাড়াতাড়ি জল এসে যাবে ? লজ্জা পেয়ে হেসে ফেলল সাস্তুনা।—না তা কেন, আমাকে তো সব গোছগাছ করে নিতে হবে, এর পর ছুট কবে তুমি বলে বসবে, চল—

হুঁচোখ ! ফারিত হয়ে উঠল অবনীবাবুর। তাকে বলব ! তুই কোথা যাবি ? ততোধিক বিস্ময়ে হাঁ করে তাঁর মুখের দিকে চেয়ে রইল সাস্তুনা।—আমি যাব না ? এক বছর ধরে এত বড় একটা ব্যাপার হচ্ছে সেখানে, এখন তুমি একলা যাবে আর আমি এখানে বসে থাকব ? তুমি বল কি বাবা !

যেন এই এক ছব্বই যথেষ্ট দেরি হয়ে গেছে, এখনও সে গিয়ে পৌঁছতে না পারলে এত বড় একটা ব্যাপারের সব কিছুই পণ্ড। মনে মনে বেশ স্বাবড়ে গেলেন অবনীবাবু। কণ্ঠস্বরে একেবারে উড়িয়ে দিতে চাইলেন সাস্তুনার ইচ্ছেটা—

এগিয়ে এলো তাবুঁড়াতাড়ি এখন তোকে স্বপ্ন নিয়ে গিয়ে উপস্থিত হই আমি—
বিশ্বাস চাই কিব কি ব্যবস্থা কিছুই ঠিক নেই। পরে না হয় এক সময় ঘুরে দেখে
নাসিস, এখনো দু'তিন বছর লাগবেই সেখানকার কাজ শেষ হতে।

না না না না না। আমি কিছুতেই থাকব না এখানে, আমি যাবই তোমার
সঙ্গে—আজ তিন বছর ধরে আমাকে নিয়ে যাবে নিয়ে যাবে করে ভোলাচ্ছ—
তোমার শরীর খারাপ হয়েছে, তোমারও দেখাশুনা দরকার, যাবই আমি।

আলটিমেটাম দিয়ে এক ঝটকায় ঘর থেকে বেরিয়ে গেল। বিপদগ্রস্তের মত
বসে রইলেন অবনীবাবু। কিন্তু তবু সহজে রাজী হলেন না তাকে নিয়ে যেতে।
মাসিও তাঁর দিকেই সায় দিলেন। মেয়ে নিয়ে যাওয়া কোন কাজের কথা নয়।
দু'জনে মিলে অনেক বোঝালেন তাকে, পরে নিয়ে যাওয়া হবে বলে আশ্বাসও
দিলেন। বাধ্য হয়েই হাল ছাড়লেন শেষে।

চলুক তাহলে। অনীবা বললেন, মোটে তিন-চার ঘণ্টার পথ মোটরে—
এস্টা কথা বলারও লোক পাবে না যখন, নিজেই পালিয়ে আসতে চাইবে।

মাসির বাড়িতে শোকের ছায়া নামল যেন। মাসি তো মাসি, মনে মনে
একটু বিরূপ হয়ে উঠেছিল যে মাসতুত বোন...সে পর্যন্ত কেঁদে কেঁদে চোখ
ফোলাল। কিন্তু একটুও কঁাদতে পারছে না, এতটুকু লোকদেখানো মনখারাপও
কবতে পারছে না শুধু সাস্থনাই। সেই জন্তেই বরং খারাপ লাগছে তার,
অপরোধ মনে হচ্ছে নিজেকে। কেমন করেই বা পারবে সে মনখারাপ করতে!
মাসির বাড়ি ভালো। খুব ভালো। এত ভালো হয় না।

কিন্তু সে যাচ্ছে কোথায়?

ওই দূর আকাশের গায়ে মেঘের মত মিশে আছে যে পাহাড়গুলো—যাচ্ছে
তাদেরই একেবারে বুকের ভগায় বাস করতে। যাচ্ছে ওই ছুবোধ্য বিরাট
বিশ্বয়ের মধ্যে নিজেকে মিশিয়ে দিতে। সেখানে বিজ্ঞানের যে কারিগরি
চলেছে যুগযুগান্তরের মাটির তৃষ্ণা মেটাবার জন্তে, যাচ্ছে তাই দাঁড়িয়ে দেখতে।
একেবারে পাশে দাঁড়িয়ে, সঙ্গে দাঁড়িয়ে, মধ্যে দাঁড়িয়ে। যাচ্ছে মাল্লুষের
হাতেগড়া বিধাতার দণ্ডের এই সার্থক প্রতিবাদ দেখতে। যাচ্ছে মড়াই
নদার ড্যাম দেখতে। মনখারাপ সে কেমন করে করবে? শরতের খুশির
আকাশে হালকা মেঘের নিরানন্দ কতটুকু?

দুই

রোমাঞ্চকর বটে। কিন্তু মড়াইয়ের এই বিগত একটা বছরের সকল বৃত্তান্ত অমূলক নয় খুব।

গড়ার কাজে জড় বাধা দূর করার স্ফুলিঙ্গ আছে বিজ্ঞানের মশালে। সে বাধা উড়িয়ে পুড়িয়ে ছারখার করতে সময় লাগে না। কিন্তু আর একটা বাধাও আছে যা জড় নয়, কিন্তু অনেক বেশি নিটোল, অনেক দুর্ভেদ্য। শতাব্দী কালের সংস্কার আর অজ্ঞতায় তার ভিত নড়ে না। যুগ-যুগান্তের বিশ্বাস আর অন্ধতায় ওতে আলো পড়ে না। অনাগত কালের আশ্বাসে তার বাঁধন টলে না।

এই জীবন্ত মানুষদের অস্বাভাবিক আধার তপস্রা উদ্‌ঘাপনের মন্ত্র জানা নেই কারোরই। ওদের সম্মিলিত তমিস্র-প্রাচীর বিদীর্ণ করার মত ছোট একখানি বিশ্বাসের প্রদীপ জ্বালাতে পারে এত আলো নেই বিজ্ঞানের আগুনে। সে প্রদীপ অন্তরের স্পর্শ-পিপাস। বিজ্ঞানের নয়। কিন্তু এই হৃদয়ের স্পর্শ থেকে আজীবন বঞ্চিত ওরা।

মড়াইয়ের ধারে ধারে, পাহাড়ের গায়ে গায়ে, ঘন জঙ্গলের ফাঁকে ফাঁকে দূরদূরান্ত পর্যন্ত যে জনবসতি গড়ে উঠেছিল তার সংখ্যা কম নয়। প্রায় দেড়শ গ্রাম। প্রায় হাজার পনের নারী-পুরুষ। গ্রামগুলো ছিল ছাড়া-ছাড়া, মানুষ-গুলোর অস্তিত্বের আড়ম্বর ছিল না খুব। গাওতাল বটে, কিন্তু শহর বা আধা শহরের বান্ধালী-বেঁধা গাওতালদের সঙ্গে তাদের তফাত অনেক। তাদের হাব-ভাব চালচলন রীতিনীতিতে সমতলভূমির কমনীয় ছোঁয়া লাগে নি তেমন।

কিছু একটা হবে এখানে, অনেক দিন ধরেই তারা তার আভাস পাচ্ছে। তোড়জোড় দেখছে। সাজসরঞ্জাম দেখছে। মাতব্বর জাত-ভাইদের মুখে রূপকথা শোনার মত শুনছেও কিছু কিছু। কিন্তু সঠিক বুঝছে না। যারা বলছে রূপকথা তারাও না, যারা শুনছে তারাও না। তাই হঠাৎ একটা প্রলয় দেখল যেন তারা। আর সেটুকুই বৃষ্টি। এর থেকে সৃষ্টির হৃদিস ওরা পাবে কেমন করে? যা দেখল তারই আঁচ লাগল মনে। কানাকানি শুরু হল নিজেদের মধ্যে। ছোট থেকে বড় হতে লাগল কানাকানির গণ্ডি। বিশ্বয় আর জিজ্ঞাসা ছাড়াও রূঢ় প্রতিবাদের ছাপ পড়তে লাগল মুখে।

বিজ্ঞানের আসল মূর্তদের ওরা সামনাসামনি পায় না। চেনেও না। কিন্তু তাদের চেলাচামুণ্ডাদের সাক্ষাৎ পেতে লাগল। চিনতে লাগল। স্বভঃপ্রবৃত্ত হয়ে,

এগিয়ে এলো তারাই। কারণ, কাজ চালু করতে হলে ওদের চাই। ওদের বিশ্বাস চাই আর গতর চাই। মড়াইয়ের কাছ থেকে ওদের সরানো চাই।

কিন্তু এই স্ট্রিমাহাওয়া ওদের বোঝানো পাকা কারিগরের পক্ষেও ভূঃসাধ্য প্রায়।

মরা মড়াই তোমাদের কুলে কুলে ফুলে উঠবে, ফেঁপে উঠবে। যতদূর চোখ যায় মড়াইয়ের জলে সব ডুবে যাবে। আশপাশ থেকে, ধারকাছ থেকে তাড়াতাড়ি সব সরতে লাগো তোমরা।

তোমাদের জায়গা-জমি, ঘর-বাড়ি ?

কিছু ভাবনা নেই মজুরকার দেবে। ক্ষতিপূরণ দেবে। নতুন করে ঘরবাড়ি তোলার খরচ দেবে। দেবে কেন, দিচ্ছেই। তোমরা নাও গে যাও। দূরে গিয়ে গ্রাম বসো, ঘরবাড়ি তোলো। আর এখানে এসে মড়াই বাঁধার কাজে লাগো। মজুরি খাটো। কি হুপায় টাকা পাবে। মেয়ে-পুত্র সবাই এসো। যার গতর আছে সে-ই এসো।

জলের কথায় যাদের মন ভিজ়েছিল তারাও গিগড়ে গেল আবার।

ঘরবাড়ি ছেড়ে দিতে হবে !

ঘরবাড়ি ছেড়ে উঠে যেতে হবে।

এ প্রস্তাবের সঙ্গে ওদের আপস নেই কোন। স্বরৈ ইতিহাস থেকে অদৃষ্ট ওদের তাড়িয়ে নিয়ে বেড়িয়েছে এই মর্ত্যভূমির দিক্ দিকে। অদৃষ্ট মর্ত্যভূমি বলতে যেটুকু ওরা বোঝে তার গণ্ডি খুব বড় নয়। কিন্তু তাদের সেই পৌরাণিক অভ্যুদয়ের প্রথম অব্যায় থেকে তারা শুনে আসছে এই ঘর-ছাড়ানি দেশ-খোয়ানি বিবিলিপির কথা। স্ট্র থেকে বনজঙ্গলের গিণ্ডিকার সঙ্গে লড়াই করে মাটিকে বাসের উপযোগী করেছে নাকি তারাট। কিন্তু যাবার জীবনের অভিশাপ লেখা ওদের কপালে সেই আদি কাল থেকে। 'সেটা সত্যি কি মিথ্যে জানে না, কিন্তু বিশ্বাস করে। তাই বসতি ত্যাগের আভাস মাত্রে অসহিষ্ণু ক্ষোভে প্রায় হিংস্র হয়ে ওঠে ওদের মূর্তি।

“এই বিক্ষোভের” আর একটা কারণ আছে। আর সেটাই বোধ করি সব থেকে বড় কারণ।

অবিশ্বাস।

সত্য মাহুষের প্রতি অবিশ্বাস। সভ্যতার প্রতি অবিশ্বাস। বনের হিংস্র বাঘ ভালুককে তারা ভয় করে না। কিন্তু এই সভ্যতাকে করে।

তাদের এই নিকষকালো দেহের ভিতরে কোথাও এতটুকু কালোর আভাস

মাত্র ছিল না। ওদের ওই কালো বৃকের মধ্যেই ছিল খোলা আকাশের মুক্ত সরলতা। কিন্তু সেই সাদা বিম্বাসের ওপর মাশুল চড়িয়ে চড়িয়ে সেটা ঝাঁঝরা করে দিয়েছে সভ্য বুদ্ধিজীবী মানুষ। হিংস্র নখদন্ত মেলে একদা যারা সর্বস্ব গ্রাস করতে চেয়েছিল। যারা সর্বস্ব গ্রাস করেও ছিল।

পূর্বপুরুষদের সেই রক্ত-ঝরা দিনের কথা ওরা আজও ভোলে নি। ওবা কোনদিন ভুলবে না বোধ হয়।

নিজেদের শক্তি-সামর্থ্য দিয়েই একদিন ভরা প্রাচুর্যের মুখ দেখেছিল তারা। কারো প্রত্যাশায় বসে থাকে নি কোনদিন। কিন্তু সে প্রাচুর্যের প্রথম রাশ টেনে ধরেছিল একশ বছর আগেব পরদেশী শাসন ব্যবস্থা। তাদের চাষের জমির ওপর আশী হাজার টাকা মাশুল ধার্য করেছিল সেদিনের রাজপ্রতিনিধি।

সেখানেই শেষ নয়।

কোথা থেকে এলো তাবপর এই সভ্য মানুষের দল। তাদের লোলুপ দৃষ্টির অর্থ তখন ছুবোবা ওদেব কাছে। ওবা সরল, ওরা কুটিলতা বোঝে না, তার মাশুলও দিতে হবে বৈকি! মহাজনের থলে নিয়ে বন্ধুর নামাবলী পরে আগমন ঘটতে লাগল তাদের। প্রলোভনের সামগ্রীতে তাদের আড়ত ভরা। সে যুগকাঠে ওরা গলা বাড়িয়ে দেবে না তো দেবে কারা?

হুন চাই? নাও না গো, তোমাদের জগ্নেই তো। তবে বড় দামী জিনিস... আচ্ছা এক গাড়ি ধানের বদলেই নিয়ে যাও ওই হুনের চাঙটা—কিন্তু বাপু পরের বারে অত সত্যায় পাচ্ছ নি, এক কলসী ঘি দিতে হবে এরপর।

—কি চাই, এই একজোড়া পায়রা? বদলে দেবে কি—এই একজোড়া বলদ মাত্র? আচ্ছা, নিয়ে যাও ভাই, নিয়ে যাও।

নিষ্ঠুরতার মাত্রা বাড়তে লাগল।

ঘি মাপার পাজটা তলায় ফুটো কি না, সেরের বাটখারা পাঁচসেরী হয়ে গেল কি না, সে ওদের কে বলে দেবে?

কিন্তু এ-ও তাদের যথাসর্বস্ব নয়, যথাসর্বস্ব চাই যে!

—কি চাই ভাই, টাকা? ধার নেবে? খুব ভালো, খুব ভালো, দরকার হলে নেবে বৈকি টাকা ধার—ওই জগ্নেই তো টাকা।

এই শেষেরটুকুর জগ্নেই বসেছিল যেন।

বাঘে ছুঁলে আঁঙ্গি ঝোঁঝে না। কিন্তু এই মহাজনেরা ছুঁলে কত ঘা? বংশ-বংশ ধরে সে ঘা আর শুকায় না।

—দশ টাকা ধার নেবে? তাহলে পনেরো টাকা লিখতে হবে। টাকা শুধতে

এসেছ? কত টাকা দেবে? পনেরো? দাঁও, আর সেই সঙ্গে স্কটল্যান্ড দাঁও। স্কট
কেন? এই যে পনের টাকায় টিপসই দিয়েছ ভাই। আসল দেবে, স্কট দেবে না?

না দিলে আদালত আছে। আর সেদিনের সেই আদালতের শরণাপন্ন হয়ে
এই জীবন্তলোর কাছ থেকে টাকা বি করে আদায় করতে হয়, সে ওরা ভালই
জানে।

পঁচিশ টাকা একবার যে ধার নিলে, এই জীবনে সে আর তার ঋণ পরিশোধ
করে যেতে পারল না। তার ছেলেও না, তার ছেলেও না। এট করে ওদের
জমি গেল, বাড়ি-ঘর গরু-বাছুর ছাগল-ভেড়া খালা-বাটি সব গেল। নিজেরাও
বাঁধা পড়তে লাগল তার পর। বাঁধা পড়তে লাগল চির দাসত্বের শিকলে।
দুর্ভিক্ষ আর হতাশা হল জীবনের সঙ্গী। গণ্ডগ্রস্ত কাজ করে ঋণ পরিশোধ করবে
তাবও ভাগ্য নেই—মহাজন সঙ্গে সঙ্গে নাও দাঁড় পবিয়ে আদালতে টেনে
নিয়ন্ত্রণ করে। সব সেখানে তাদের পবাজয়ের পবোয়ান লেখাই আছে।

পালানো?

পালানো কোথায়?

কত দূরে?

পাওতেই লাগল এই দাসের সংখ্যা। আবর্তিত হতে থাকল তাদের
মমছেঁড়া দীর্ঘনিশ্বাস।

এমন দিনে খবর এল, অদূরে ‘লোহার খোড়া’ চলার রাস্তা বসাচ্ছে সাদা
চামড়ার সাহেবরা। অর্থাৎ রেলপথের মাটির কাজ শুরু হয়েছে। ভাগ্যক্রমে
মহাজনের বেড়ি পায় পড়ে নি এমন যারা ছিল, মজুরি খেটে কৌচড় ভরে
টাকা নিয়ে আসতে লাগল তারা। শিশু নারী পুরুষ সকলেই। সাড়া পড়ে গেল
একটা। শ্রম-কাতর নয় তারা।—চল্ চল্ চল্ তোরা সব—ঋণ শুধবি তো সবাই
চল্ এবার।

কিন্তু ঋণ পরিশোধ হলে মহাজনদের চলবে কেন? ঋণ-দায়ে আত্মবিক্রীত
ক্রীতদাসেরা চলে গেলে এদিকের ক্ষেতমজুরি করে কে? মহাজনদের শিবল
হিংস্র হয়ে উঠল আরো।

ওদের এত কালের পুঞ্জীভূত বিদ্বেষ আর স্ফুলিঙ্গ দাবানলের মত জ্বলে
উঠেছিল তার পর।

ওরা প্রতিবাদ করেছিল। প্রতিবাদ করেছিল মহাজনদের বিরুদ্ধে। প্রতিবাদ
করেছিল সেই খেত-শাসন-ব্যবস্থার বিরুদ্ধে। সে প্রতিবাদ রক্তের অক্ষরে লেখা
আছে ইতিহাসের পাতায়।

ওরা মেরেছিল। আর মেরেছিল। ওরা রক্ত দিয়েছিল। আর রক্ত পান করেছিল।

রাক্ষসী বটের নিচে কপট দারোগার দেহ উপদেবতা-প্রধান সূর্যদেব 'জমছিম বোঙ্গা'র উদ্দেশ্যে বলদান দিয়ে বহুতর্পণ শুরু করেছিল তারা। 'রাখসী খানের বট'—এই একশ বছরেও নরবল্লভ ভেজা শিকড় কি তাব শুকিয়েছে?

এক লক্ষ্যে ঝাঁপিয়ে পড়ে লক্ষ লক্ষ প্রাণ দিয়েছে তার পর। পরাজিতও হয়েছে। কিন্তু তাতে কী? বিদ্রোহী ভৃগুর পায়ের চিহ্ন ভগবানের বুক থেকে মুছবে কোন দিন? সভ্যতার বুক থেকে এই বিদ্রোহী কালো মানুষদের পায়ের দাগও মিলাবে না কোন দিন।

ই্যা, শেষ পর্যন্ত পরাজিত হয়েছে ওরা। ইতিহাসের সেটা স্থূল অব্যায়। পরাজিত হয়েছে ওদের অগ্নিধর নেতা সিহু আর কাহ্নু। জাতির উপাশ্র দেবতা 'মারাং বুক'র আশ্রিতাব ঘটেছিল নাক তাদের মধ্যে। তারা নিজেরাই সেদিন প্রচার করেছিল এ কথা। অন্ধ-বিশ্বাসীর বুকে বিপ্লবের আগুন জ্বলতে হলে এই বর্জনির্ঘোষ ছাড়া আর গতি ছিল না কিছু। প্রাণ দিয়েছে সেই 'মারাং বুক' প্রতীক সিহু কাহ্নুও। কিন্তু এই নিরক্ষর মানুষদের বুকে দেবতার আবির্ভাব সত্যিই কি ঘটে নি সেদিন? চুরাচারার বিনাশ-সাধনে যুগে যুগে দেবতার আবির্ভাব মানুষের বেশে—সে তবে কী? সে তবে আর কেমন করে হয়?

সেই শতাব্দী কালের অবিস্থাসের ধারা আজও তাদের ধমনীতে বইছে।

হঠাৎ একটা সাড়া পড়ে রেল। হঠাৎ একটা জাগরণ এলো। হঠাৎ একটা আলোড়ন এলো। ছাড়া-ছাড়া গ্রামগুলো একটা মিলিত স্বার্থের সংযোগে এক সঙ্গে নড়েচড়ে উঠল যেন। স্বার্থে নয় ঠিক, আশঙ্কায়। আশঙ্কায় আর উদ্বেগে।

সমবেত উচ্ছেদের কথাটা শুনে একেবারে বিমূঢ় হয়ে গেল যেন সকলে। তার পর একটু একটু করে সচেতন হতে লাগল তারা। কোনো প্রস্তাব নয়, কোনো ছ'শপ্ত নয়—সবকারের নোটিশ জারি হয়েছে একেবারে। রূঢ় কঠিন বাস্তব। মুণ্ডরের ঘায়ে ঘুম ভাঙানোর মত।

ব্যতীত্যন্ত হয়ে উঠল প্রতি গায়ের 'মাঝি' আর 'পারাগিক'রা। উৎসবে ব্যসনে রোগে শোকে মাঝি গায়ের মাথা। পারাগিক তার প্রধান সহকারী। একদা তারাই ছিল গায়ের হর্তা-কর্তা-বিধাতা। কিন্তু কালের পরিবর্তনে সে প্রতিপত্তি অনেকটাই স্তিমিত। তাই স্থযোগ স্তবধি পেলেই নিজেদের অস্তিত্ব কড়ায় গণ্ডায় জর্জরিত করে থাকে। কিন্তু এমন একটা গুরুতর ব্যাপারের তাড়া খেয়ে একেবারে যেন হকচকিয়ে গেল। পদমর্যাদার মুখোশ খসিয়ে নিজেদের

মধ্যে, অর্থাৎ, বিভিন্ন গায়ের মুক্কাবীদের মধ্যে একটা সংযোগ স্থাপনের জন্য ছোট্টাছুটি শুরু করে দিল তারা।

• ঝড় যখন আসে শুধু তখনই মিতালি হয় বোধ হয় বনম্পতির সঙ্গে তুচ্ছ তৃণ-লতারও। এই ঢালা উচ্ছেদ সম্ভাবনাব আঁচ লাগল আরো এক দলের গায়ে—যারা এদের দলগত নয় ঠিক। যাবা শিক্ষিত এবং আবা-শিক্ষিত। যারা ভদ্রলোক এবং আবা-ভদ্রলোক। সমস্ত পবিত্রেশ জুড়ে এ রকম গৃহস্থ-বসতিও একোয়ারে কম নয়। ভিতর থেকে মু-কাদেব শলাপারামর্শ দিতে লাগল তারাই। একত্র বসবাসের ফলে এদের ওরা সন্দেহ করে না, খদিশ্বাস করে না। তারা বলল, একসঙ্গে কখে দাডাও তোমবা, গিছুতে বাস্তবিত্তে ছেড়ে যেতে রাজী হয়ো না।

রোজ সাড়ম্বরে মিটিং হতে লাগল এর পর। আজ এই হাটে, কাল ওই হাটে। বাঁবেতে দেব না আমাদের মড়াই, মড়াইকে আমরা ভালবাসি, ভক্তি করি—মড়াই বাঁবেলে অবর্ম হবে আমাদের! কি উপকার হবে মড়াই বেঁধে? তোমরা কেউ কাজ করে না, কেউ তোমরা দরবাডি ছেড়ে পালিও না।

কিন্তু দিন গেছে।

যে রাজশাসনের বিপক্ষে পূর্ব-পুরুষেবা গুল্ম ধরেছিল এক দিন, তার থেকে দিন অনেক বদলেছে। রক্ত ওদের অনেক বদলেছে। রক্ত ওদের অনেক ঠাণ্ডা হয়ে গেছে। বিজ্ঞান দুর্গমকে অনেকটাই হৃগম করে আনার ফলে ওদের সেই অটুট বিশ্বাসতার স্বযোগ স্থাপিধে অনেকটাই ঘুচে গেছে। ওরা রাজনীতি বোঝে না, কিন্তু রাজনীতির অমোঘ গতি উপলব্ধি করে থাকিন্কা।

তাই গায়ের মাঝি মাতব্বরেরা চিন্তিত। চিন্তিত সকলেই। কি হবে? ভাল হবে কি মন্দ হবে? গাঁ ছেড়ে যাব না বলছি, কিন্তু না গিয়ে পারব কেমন করে? বাবা দেব, কিন্তু কেমন করে দেব?

আর চিন্তিত পাগল সর্দার।

পাগল বলতে পারে না, বলে পাগড় সর্দার। সর্দার পদবী নয় কিছু। ওটা অমনি চলে আসছে। মাঝি নয়, মুক্কাবী নয়, পারাণিকও নয়—তবু সর্দার।

‘মারাং বু’ প্রতীক সেই সিঁচু কাছুর ডান হাত ছিল নাকি তার কোন পূর্ব-পুরুষ। সেই পুরুষের বংশধর। ওপরঅলার রীতি বিচিচ্ছ সেই তমসাচ্ছন্ন অন্ধ বিশ্বাসের যুগেও ছুটি মাহুঘের বুকে জেগেছিল চেতনারূপী সূর্যসেনা। আজকের এই কর্তব্য-বিশুদ্ধ আলোড়নের মধ্যেও একটা শুভ চেতনা বার বার উকিঝুঁকি দিতে লাগল যে মাহুঘটির অন্তস্তলে—সে এই পাগল সর্দার।

ভাবছে পাগল সর্দার ।...ভাবছেই ।

ওরা বলছে জল হবে । ওরা বলছে জলের অভাব ঘুচবে । হবে কি না কে জানে ? ঘুচবে কি না কে জানে ?...কিন্তু চেষ্টা হবে । এই চেষ্টাটাই যদি না হয়, তাহলে ? মাটি খাঁ-খাঁ করছে, তাই করবে । মাটির নিচে আগুন জ্বলছে, তাই জ্বলতে থাকবে । মাটির দানায় দুর্ভিক্ষ লেগে আছে, তাই লেগে থাকবে । মাটির ফাটলে উপোস বাসা বেঁধেছে, তাই বাঁধা থাকবে । তাহলে ? তাহলে ?

তাহলে কিছু করা দরকার । কিছু না করলে কিছু হবে কি কবে ? সেই কিছুই তো করতে চাইছে বাবরা । সেই কিছুর চেষ্টাই করতে চাইছে । তবে আর বাধা দেব কেন ? কি লাভ হবে বাধা দিয়ে ? কি পাবে তারা ? আজ পাবে না, কাল পাবে না, কোন দিনই কিছু পাবে না । ভরসা তো শুধু বরনার দ্বল । কিন্তু সে ভরসা কতটুকু তা তো বছরের পব বছর হাড়ে হাড়ে বুঝছে । তবে আর তারা কেন দেবে বাধা ?

অনুগতদের ডেকে এই কথাই বললে পাগল সর্দার ।

এই সহজ কথাটাই বোঝালে । দলছাড়া স্বতন্ত্র মানুষ পাগল সর্দার । কিন্তু ভক্তের সংখ্যা কম নয় । বেশির ভাগই তারা ছেলে-ছোকরার দল । একদা ডাকসাইটে শিকারী ছিল মানুষটা । শিকারে বেগুনো অনেক দিন ছেড়ে দিয়েছে । প্রোঁচত ছড়িয়ে বার্ষিকের দিকে পা বাড়িয়েছে । কিন্তু শিকার করা ছেড়েছে তার অনেক আগেই । অসময়ে ছেড়ে দিয়েছে এই একমাত্র বিলাস । তবু তার শিকারের গল্প তরুণ উত্তমীদের মুখে মুখে ফেরে আজও । তারা দেখে নি, কিন্তু শুনেছে । শুনে আসছে ।

হঠাৎ একটা চাপা উত্তেজনা দেখা দিল প্রায় সর্বত্র ।

পাগল সর্দার ভিটেমাটি ছেড়ে দূর যেতে রাজী হয়েছে । তার সঙ্গে সঙ্গে যেতে রাজী হয়েছে আরো অনেকে । মাথার ওপর যাদের বয়স্ক অভিভাবক নেই বিশেষ করে তারা । শুধু তাই নয়, পাগল সর্দার এদের নিয়ে মড়াই বাঁধার কাজে লাগতেও নাকি রাজী হয়েছে ।

ভিটেমাটি ছাড়তে রাজী না হলেও জোর করে ছাড়ানো হবে হয়তো, এই ক'দিনে প্রায় সকলেই উপলব্ধি করেছে সেটা । কিন্তু তা বলে ওদের সঙ্গে গিয়ে কাজে লাগা ! কারো কাছে কিছু জিজ্ঞাসা না করে, মাঝির অহুমতি না নিয়ে !

পাগল সর্দার কেন ? পাগল সর্দার বিশ্বাসঘাতক ! পাগল সর্দার অধার্মিক !

রক্তচক্ষু মাতঙ্গেরা এলো কৈফিয়ৎ নিতে । পাগল সর্দার কৈফিয়ৎ দিল । তারা বলল, নদী বাঁধলে অনেক ক্ষতি হবে, অনেক লোক মারা পড়বে ।

ও বলল, অনেক লাভ হবে, অনেক লোক বাঁচবে।

রুদ্ধ আক্রোশে ফিরে গেল তারা। মাঝির পক্ষাতি বৈঠক বসল অবিলম্বে। একঘরে করা হল পাগল সর্দারকে। কাপড় চাল তেল সব বন্ধ। সমাজ বন্ধ।

কিন্তু এই করে পাগল সর্দারকে এঁটে ওঠা যাবে না। এও বোঝে মাতব্বেরা। সরকারের কাছ থেকে সবই পাবে সে। অনেক বেশি পাবে। আর শায়েস্তাই বা করবে কি করে, সে একা নয়, এক দল জোয়ান মরদ আছে তার দিকে।

মাঝির বিষম রাগ পাগল সর্দারের ওপর। এই ব্যাপারে নয়। অনেক আগে থেকেই।

কারণও আছে বিশেষ।

ও লোকটার জন্ম ঘরের শান্তি মানসম্মত সবই নষ্ট হচ্ছে তার।

অশান্তির কারণ তার নিজের ছেলে হোপুন আর পাগল সর্দারের মেয়ে চাঁদমণি।

মরদের মত মরদ ছেলে মাঝির। অমন ছেলের গর্বে বাপের ছাতি ফুলে ওঠার কথা। কিন্তু তাকেও তুক করেছে লোকটা। আর তার মেয়েটা। ফুলমণির মেয়ে চাঁদমণি। ‘ছাড়ই কুড়ী’ ফুলমণি। স্বামী ছেড়ে পালালো মেয়ে ফুলমণি। পরপুরুষের সঙ্গে ‘আপাঙ্গির’ হয়ে গেছে ফুলমণি। ‘আপাঙ্গির কুড়ী’—ঘর ছাড়া মেয়ে। ওরা বলে, ঘর ছাড়া মেয়ে সবুজ বুলবুল, হাজার রকম ডাকে। ঘর ছাড়া মেয়ে ময়না পাখি, মাথায় কেবল বাহার। সেই ঘর ছাড়া ফুলমণির মেয়ে চাঁদমণি। যত গোলযোগ, যত আপত্তি, যত দাড়া এইখানে। এসব ঘর ওদের সমাজে হয়। আর মাঝির ছেলে হয়ে কিনা হোপুন ওই মেয়ের পিতৃত্যোগে বসে আছে।

এককালে পাগল সর্দার শ্রদ্ধার পাত্রই ছিল সকলের। গাঁয়ের মাঝি না হোক অল্প বয়সেই ‘জগমাঝি’ যে হোত কোনো সন্দেহ নেই। কাকে বলে জগমাঝি? এক কথায় যুবক-যুবতীদের সর্দার। গ্রামে যাতে লজ্জার কোনো কারণ না ঘটে, স্ত্রীমানের হানি না হয় সেটা দেখার গুরুদায়িত্ব জগমাঝির। ছেলেমেয়েরা তাই জগমাঝির কথায় ওঠে বসে, সর্বদা তাকে সন্তুষ্ট রাখে।

কিন্তু যার ঘরে অমন কলহ সে আর জগমাঝি হবে কেমন করে? উন্টে সমাজচ্যুত হয়েছিল। নেহাৎ পাগল সর্দার বলেই অল্পের ওপর দিয়ে রেহাই পেয়ে গেল। ‘জমজাতি’ হল আবার, সমাজে উঠল। কিন্তু ওদের সমাজে ‘ছাড়োয়া’ পুরুষের ওপরও লোকে সন্তুষ্ট নয় তেমন। ছাড়োয়া মানে স্ত্রী-পরিত্যক্ত। বাপ-মা মেয়ের বিয়ে দেয় না এদের সঙ্গে। কুমারী মেয়েরাও চান

না এদের ঘরণী হতে। বলে, ছাড়োয়া পুরুষ চাখা হাতা, কে জানে কয় দিন।

কিন্তু সব নিয়মেরই আবার ব্যতিক্রম আছে। পাগল সর্দার সেই মূর্তিমান ব্যতিক্রম।

ব্যতিক্রম বলেই সমাজের রক্ষণশীল মূলক্বীরা সহ্য করতে পারে না ওবে, বরদাস্ত করতে পারে না। ইচ্ছে করলেই আবার বিয়ে করতে পারত পাগল সর্দার। ছাড়োয়া হওয়া সম্ভবও। কুমারী মেয়েই পেত। তালাক দেওয়া মেয়েও সম্মান করতে হত না। শুধু তাই নয়, যে লোকের ঘরে এত বড় কলঙ্ক, সমাজে উঠলেও আজীবন তার মাথা নিচু করেই থাকার কথা। কিন্তু পাগল সর্দারের বেলায় সকলে যেন সেটা ভুলেই গেছে। জগমাকি না হলেও সোমভ ছেলে-মেয়েগুলো তার বখায় ওঠে বসে। লোকটা যাহু জানে না তো কী? ও ডান না তো কী? আগের দিনে ডানএর নাগাল পেলে মারপিট করে একেবারে শেষ করে দিত তারা। কিন্তু এখন সেটা করতে গেলে হাকিমের বিচারে উল্টে তাদেরই জেল হয়ে যাবে। হাকিমেরা সব বোঝে, কিন্তু ডান বোঝে না।

তবু সবই সহ্য হত মাকির। সবই ক্ষমা করত, যদি না নিজের অমন ছেলেটার এমন সর্বনাশ করত ওই লোকটা আর তার নচ্ছার মেয়েটা। বাপ ছেলের এই নিয়ে বিবাদ লেগেই আছে। ছেলেকে মনে মনে ভয়ই করে সে। জোয়ান ছেলে, কালো পাথরেকোঁদা বুকচিতানো ছেলে—কথা বেশি বলে না, মরা চোখে মুখের দিকে চেয়ে থাকে শুধু। কিন্তু তাইতেই অস্বস্তি লাগে কেমন। যত নিশ্চাণ হয় ওর চোখ, তত বেশি অস্বস্তি।

বিয়ে এত দিনে হয়ে যেত। ঠান্ডমণিকে এত দিনে কবে ঘরে এনে তুলত হোপুন। কিন্তু কেন যে সেটা হয় নি সেটাই মাকির বিষয়। কেন মত দেয়নি পাগল সর্দার। মাকির মত নেই বলে? কিন্তু কার মতামতের ধার ধারে হোপুন। বিয়ে তো একরকম ঠিকঠাক হয়েই আছে। পাগল সর্দার নাকি বলেছে, তোমার বাপ এসে আমাকে বলুক, যথাবিধি মর্যাদা দিক—তার পর বিয়ে হবে। ওদের সমাজে মেয়ের বাপেরই মর্যাদা বেশি। কিন্তু কি গ্রচও সাহস আর দৈমাক লোকটার! আরো বলেছে। বলেছে, মত না দিলেও হবে বিয়ে, কিন্তু সবুর করো, এত তাড়া কিসের—নিজের তাহলে আলাদা ঘরবাড়ি তোলা, জোত-জমা—রোজগারপাতি করো।

সবুর করেই আছে হোপুন। এর বেলায় ছেলের অসীম ঐর্ষ্য। ছেলের বাপ নিজে গিয়ে না বলুক, পরোক্ষে মত দিতেই হয়েছে। গায়ের মাকি সে,

প্রধান কর্তব্যাক্তি, নিজের ঘর নিয়ে গুণগোল হোক একটা, কথা বলুক পাঁচজনে, সেটা চায় না। কিন্তু তবু বিধিमत আজও মেয়ে দিচ্ছে না পাগল সর্দার। মাঝির ধারণা, কিছু একটা উদ্দেশ্য আছে এর পিছনেও। নইলে এভাবে ওই সৌমন্ত্র মেয়ে আগলে বসে আছে কেন? হোপুনের হাতে যা হোক করে মেয়ে গছাতে পারলে গাঁয়ের যে কোন লোক বর্তে যেত।

কিন্তু আজ হোক, কাল হোক, এই লোকটাকেই এক দিন বেয়াই বলে ডাকতে হবে মাঝিকে। কুটুদিতা করতে হবে।

মড়াই বাঁধা নিয়ে এত বড় দুর্যোগে সবেও ভিতরে ভিতরে একটু আশাবিহীন হয়ে উঠল মাঝি। হয়তো এই সুযোগে সব বরবাদ হয়ে যেতে পারে। এ সুযোগ হাতে পেয়ে ছেড়ে দেবে না মাঝি, ছেড়ে কথা কইবে না।

যা দেবার সুবর্ণ মুহূর্তও ঘটে।

অবিশ্বাস আর অনিশ্চয়তায় ছেলে বুড়ো নারী পুরুষ সবাই তখন বিচলিত। সকলের মনেই সংশয়। সকলের মনেই ভয়। এরই মধ্যে একজর্নি সরকারের দলে গিয়ে হাত মেলালো, সেটা সহ করা কারো পক্ষেই সহজ নয়। সহকর্মীদের কেউ ধর্মঘট ভাঙলে যেমন, তেমনি নির্মম হয়ে উঠল সকলের মনের অবস্থা। ওরা বাধা দিচ্ছে সরকারকে। কিন্তু সে বাধাটা যেন প্রথম ফুটো করে দিলে পাগল সর্দার।

প্রতিশোধ চাই! নির্মম প্রতিশোধ!

ধমনীর রক্ত ওদের টগবগ করে ওঠে। কিন্তু প্রতিশোধ নিতেও পারছে না। একদল ছেলে ঘিরে আছে ওকে। অনেকেই গিয়ে ভিড়েছে ওর দলে। শুধু দলে ভেড়া নয়। বাঁধের কাজেও লেগে গেছে দস্তুরমত। সপ্তাহে মোটা পয়সা রোজগার করছে। তবু চাই প্রতিশোধ! ওরা মন শানায় আর অস্ত্র শানায় আর সুযোগ খোঁজে।

ক্রমশঃ ধৈর্যচ্যুতি ঘটছে চিক ইঞ্জিনিয়ার বাদল গাঙ্গুলির।

ছক্-মত কাজ এগোচ্ছে না। যাবতীয় সরকারী বিধিব্যবস্থা সবেও না। প্রথম প্রথম গায়ে মাখে নি। বিক্ষোভ একটু আধটু দেখা দেবে জানতই। নিজের ভালো যদি বুঝতে শিখত ওরা, তাহলে এতকাল ভুগতো না। সরকারী পরোয়ানার জোরেই এসব ছোটখাটো বাধাবিলম্ব নিয়ে মাথা ঘামায় নি সে।

কিন্তু না ওরা এসে কাজে লাগছে, না জায়গা-জমি ছেড়ে নড়ছে।

অবশ্য বাইরে থেকেও হাজারে হাজারে মজুর চালান হচ্ছে আসবে এখানে।

কিন্তু সবার আগে স্থানীয় লোকেরই দরকার। বনজঙ্গল সাফ করে কুলি-কামিনের বসতির একটা ব্যবস্থা হলে তবে বাইরে থেকে যথেষ্ট লোক চালান নিয়ে আসা যায়। দশ বিশ মাইল এদিক-ওদিক থেকে যারা আসছে তাদের সংখ্যাও খুব কম নয়। কিন্তু প্রয়োজনের তুলনায় কিছুই নয়। তাছাড়া ঠিক নির্ভয়ে কাজও করতে পারছে না তাবা, হামলার ভয়ে তটস্থ আছে।

গায়েব মুনব্বীদের প্রথমে ডাকা হল, বোঝানো হল, প্রলোভনও দেখানো হল অনেক। সরকারী নোটিসের ভুলটিও বাদ গেল না। তারপর, কর্মচারীদের ওপর আস্থা না রেখে বাদল গাঙ্গুলি নিজে গেল তাদের দরজায় দরজায়। স্থানীয় ভদ্রলোকদের অত্যাচার করল মন্যস্ততা করতে। কিন্তু কিছুতে কিছু হয়ে উঠছে না।

মাছুসটা নির্দয় নয় খুব। কিন্তু একটা যান্ত্রিক বোঁকে কাজ কবে যায়। কাজের বেলায় তার আপস নেই কারো সঙ্গে কিছুব সঙ্গে। তাই ওদের এই অববুধপনা প্রতিতির কারণ হয়ে উঠেছে। কাজে বাধা পড়লে ডিনামাইট দিয়ে পাহাড় ওড়ানোর সঙ্গে সঙ্গে ওদেরও নিঃশেষ করে দিতে পারে হয়তো। সম্ভব নয় বলেই মেজাজ চড়ে আরও বেশ।

এমন দিনে দলবলসহ পাগল সর্দারের আগমনে বাদল গাঙ্গুলি ঠাণ্ডা হল কিছুটা। ভাবল, এই করে আস্তে আস্তে সকলেই বশীভূত হবে। আসা মাত্র মোটা মজুরিতে বাহাল করে নিল সর্দারকে এবং তার অধীনে আর সকলকে।

কিন্তু সেদিন লোকটাকে দেখে নি বাদল গাঙ্গুলি, তার আসাটাই বড় করে দেখেছে। দু'দিন না যেতে লোকটাকেও দেখল ভালো করে।

দিন ছপ্পুর।

পাহাড়ের গায়ে গায়ে কাজ করছে মাত্র শ'দেডেক লোক। প্রথম বারের পাহাড়-টলানো পাথরগুলো নিচে গড়িয়ে ফেলা হচ্ছে। কর্মকর্তারাও আছেন। তদবির-তদবক করছেন, মাপজোখ করছেন। ওই পাহাড়ের মাথায় সারি সারি কোয়ার্টার হবে বাবুদের, রাস্তা তৈরী হবে—তারপর আসল কাজ।

দূরে দূরে ঝাঁক বেঁধে এসে দাঁড়াল প্রায় তিন চার শ' গ্রাম্য লোক। চিংকার চোঁচামেচি হট্টগোল শুরু করে দিল তারা দূর থেকেই। কাছে আসতে ভরসা পাচ্ছে না খুব। শি অস্ত্র আছে এদের কাছে জানে না। কাঠ হয়ে দাঁড়িয়ে রইল এদিকের সকলো।

ওদের বিক্ষোভটুকু উপলব্ধি করছে বাদল গাঙ্গুলি, কিন্তু চিংকার করে কি যে ওরা শাসাচ্ছে কিছুই বুঝে না। ওদের নিজস্ব ভাষা আলাদা। কেবল পাগল.

সদাঁরের নামটাই কানে আসতে লাগল বার বার ! বায়নাকুলারে চোখ লাগালো বাদল গাঙ্গুলি । না, অস্ত্র নেই কারো সঙ্গে ।

এ দলের একজন এসে জানালো, পাগল সদাঁরকে পেলে ওরা ছিঁড়ে খাবে, সেই কথাই বলছে ।

অদূরে যেখানটায় পাগল সদাঁর কাজ করছে দলবল নিয়ে, বাদল গাঙ্গুলি পায়ে পায়ে সেখানে এসে দাঁড়াল । কোদাল-শাবল-গাঁইতি হাতে তারাও দাঁড়িয়ে আছে চূপচাপ । দেখছে চেয়ে চেয়ে । শুনছে ।

ওদিকের চোঁচামেচি বাড়ছে ।

হঠাৎ বাদল গাঙ্গুলি দেখল, এদেরই একজন ঠক্ করে হাতের কোদাল কেলে দিয়ে ধীর পদক্ষেপে এগিয়ে চলল বিক্ষোভকারীদের দিকে । অনেকটাই এগিয়ে গেল । তারপর বেশ উঁচু একটা পাগরের ওপর উঠে দাঁড়াল সে । বুক ফুলিয়ে দাঁড়িয়ে রইল নিশ্চল পাথরের মতই ।

হোপুন—!

প্রতিপক্ষের চোঁচামেচিতে আস্তে আস্তে ছেদ পড়ে গেল । কিছু একটা বিস্ময়ের কারণ ঘটল যেন তাদের । ক্রমশ একেবারেই চূপ করে গেল তারা । শুধু দাঁড়িয়ে রইল ।

কিছুক্ষণ...। নিজেদের মধ্যে কিছু একটা বলাবলি করতে লাগল তারা । তার পর ফিরে চলল ।

হোপুন আস্তে আস্তে দলে ফিরে এলো আবার । কোদাল তুলে নিল ।

দলের একজন বাদল গাঙ্গুলিকে বুঝিয়ে দিল ব্যাপারটা । হোপুনকে এই দলের মধ্যে দেখে অবাক হয়েছে তারা । গায়ের খোদ মাঝির ছেলে হোপুন । তাই ফিরে গেল । এবারে মুকব্বীদের বৈঠক বসবে, পরামর্শ হবে, তার পর যা হয় ঠিক করা হবে ।

বাদল গাঙ্গুলি নিরীক্ষণ করে দেখল মাঝির ছেলে হোপুনকে । পরে কাছে এসে জিজ্ঞাসা করল, এখন তোমরা কি করবে ?

হোপুন খানিক চেয়ে থেকে ক্ষুদ্র জবাব দিল, কামি—। অর্থাৎ কাজ করবে ।

কিন্তু ওরা যে তোমাদের ভয় দেখিয়ে গেল ?

আবার একটু চূপ করে থেকে হোপুন সাদাসিধে জবাব দিল, কুদালে করে উদের মাথা কুপিয়ে ছব—।

দলের কন্মবয়সী জোয়ানরা সব হেসে উঠল । বাদল গাঙ্গুলির চোখ পড়ল সদাঁরের ওপর । সদাঁর চেয়ে চেয়ে হোপুনকেই দেখছে । তার কালো চোখে স্নেহ

ঝরছে। কিন্তু এ কথায় নিশ্চিন্ত হওয়া চলে না বাদল গাঙ্গুলির। এই লোকগুলো ফিরে গেলে কি হবে কে জানে? সর্দারের কাছে গিয়ে বলল, সর্দার কি করবে তোমরা?

পাগল সর্দার বাংলাটা আর একটু ভালো রপ্ত করেছে। হেসে পাঁচটা প্রশ্ন করল, কেনে, তোর ডর লেগেছে?

এরকম বাক্যালাপে অভ্যস্ত নয় চিফ ইঞ্জিনিয়ার বাদল গাঙ্গুলি। কিন্তু এ তার কেতাদূর্বল আপিসের পরিবেশ নয়। খারাপ লাগল না। বরং এ পরিবেশে এই যেন ভালো। বলল, তোমরা ফিরে গেলেই তো ওরা তোমাদের ধরবে আবার।

বিন্দু সে আর কোদাল দিয়ে ওদের মাথা কুপিয়ে দেবে বলল না। বলল, ধরে তো বণ চিতায়ে ছব।

বৃষ্টি চিতিয়েই দিয়েছিল পাগল সর্দার।

আরো মাসখানেক পরের ঘটনা। এর মধ্যে প্রকাশ্য বিক্ষোভ আর কিছু দেখা যায় না। বরং অনেকেই এসে যোগ দিয়েছে আরো। প্রতিদিনই নতুন লোক আসছে কিছু কিছু। মড়াই-সংলগ্ন জনবসতিও একটু একটু করে হালকা হয়ে আসছে। ভদ্রলোকেরা আধা-ভদ্রলোকেরা মুখে যে পরামর্শই দিক, মগজ তাদের পরিকার। ক্ষতিপূরণ বুকে নিয়ে তারাই সবার আগে সরে যাচ্ছে। ভিন্ন ভিন্ন গায়ের মাঝিরা সব ভেবে সারা। আজীবন বাঁধাধরা শাস্ত্র আর সংস্কারগত পথ ধরে চলতে অভ্যস্ত তারা। কিন্তু এ সমস্তার সমাধানই বা কি, বিধানই বা কি? আর, তাদের বিধান মানবেই বা কারা? যে যার আত্মীয়-পরিজনকেই সামলাতে পারছে না, অথকে বোঝাবে কি করে? বংশগত নিদারুণ দারিদ্র্যের মাঝে কি করে ঠেকাবে এই কাঁচা টাকার আকর্ষণ?

তারা বিধান দিতে পারে, টাকা দিতে পারে না।

সে বরং পারে ওই পাগল সর্দার। কাছে গিয়ে দাঁড়ালেই ব্যবস্থা করে দিতে পারে। দিচ্ছও। একটা ঘর বসতি ছাড়ে তো পাঁচটা ঘর দুর্বল হয়ে পড়ে মনে মনে। ঘরে ফিরে আবার সকল রাগ গিয়ে পড়ে ওই পাগল সর্দারের ওপর। নিজে সাত-তাড়াতাড়ি সর্দারী না করে গায়ের মাঝি মোড়লদের সঙ্গে পরামর্শ করে যা হোক কিছু ঠিক করলেই তো হত।

কিন্তু পাগল সর্দারের নাগাল আর পাবে কেমন করে তারা! অনেক আগেই ঘর ছেড়ে মেয়ে নিয়ে নিরাপদ এলাকায় উঠে চলে গেছে সে। নতুন করে ঘর বেঁধেছে। সেই এলাকায় ওদের প্রতাপ খাটবে না। গায়ের ঘরবাড়ি ছেড়ে যারাই মড়াইয়ের কাছে গিয়ে লেগেছে, তারাই ও এলাকায় গিয়ে দল ভারী করেছে।

মনে মনে কিছুটা আগন্তু হয়েছিল বাদল গাঙ্গুলিও। পরিবর্তনের পতিতা ধীর বলে মাঝে মাঝে অসহিষ্ণু হয়ে উঠলেও ধৈর্য হারায় নি। সেই দল বেধে চড়াও করার ব্যাপারটাও ভুলে গেছে। আর তেমন গোলযোগের আশঙ্কা আছে বলেও মনে হয় নি।

কিন্তু আবারও এক দিন থমকে যেতে হল তাকে। নিজে উপস্থিত ছিল না। লোকমুখে আড়োপাস্ত শুনল।

পাঁচ সাত জন মাত্র লোক নিয়ে কিছু দূরে একটা জায়গা পর্যবেক্ষণ করতে গিয়েছিল ড্রাকটস্‌মান নরেন চৌধুরী। বলা বাহুল্য, পাগল সর্দারও সেই পাঁচ সাত জনের এক জন। এখানকার সব মাটি, সব পাথর চেনে সে।

হঠাৎ এভাবে আক্রান্ত হতে পারে কেউ ভাবে নি। তীরধ্ব অশ্বশপ্ত নিয়ে প্রায় জন পঁচিশেক লোক অদূরে পথ আটকে দাঁড়িয়েছে। কখন তাদের লক্ষ্য করেছে, কখন নিশ্চলে এসে দাঁড়িয়েছে, কেউ খেয়াল করে নি।

এদিকে সম্বল মাত্র গোটাকয়েক কোদাল আর শাবল। নরেন চৌধুরীর গলায় একটা ক্যামেরা আর তার সহকারীর হাতে নোটবই, ফিতে পেন্সিল।

ওই কালো মানুষদের অটুট সঙ্কল আর প্রতিহিংসার একটা হিমস্পর্শে সহসা যেন একেবারে স্থির হয়ে গেল সকলে। বোবা-মৃত্যুর ছায়া পড়ল একটা। তার পরেই সচেতন হয়ে পাগল সর্দারকে ঘিরে দাঁড়াল তার সেই পাঁচ সাত জন সঙ্গী। নিজের ভাষায় চিৎকার করে জিজ্ঞাসা করল, কি চায় ওরা।

দূর থেকে তারা জবাব দিলে, পাগল সর্দারকে চায়—তাকে ওদের হাতে ছেড়ে দিলে কাউকে কিছু বলবে না, বাকি সকলকে ফিরে যেতে দেবে। আর যদি বাধা দেয় তো তীর মেরে সকলেরই কলজে ফুঁড়ে দেবে।

কালঘাম ছুটছে নরেন চৌধুরীর আর তার সহকারীর। পালাবার পথ নেই। পরিভ্রাণও বোধ হয় নেই আর। হঠাৎ দেখা গেল, ক্ষিপ্ত পাগল সর্দার সঙ্গীদের ঠেলে চিৎকার করে কি বলতে বলতে প্রায় বিশ-ত্রিশ পা এগিয়ে গিয়ে দাঁড়াল বুক টান করে তার পর ওদের সেই প্রায় দুর্বোধ্য ভাষায় উন্নতের মত যা বলতে লাগল তার মর্মার্থ, নে কত তীর মারবি মার। আমার কলজে ফুটো করে সব রক্ত মড়াইকে দে! কিন্তু আরো অনেক, অনেক রক্ত খাবে মড়াই, তোদের সকলের রক্ত খাবে—তোদের গ্রামহৃদয় সকলকে কেটে মড়াইকে রক্ত দেওয়া হবে—এত রক্ত খেয়ে মড়াইয়ের জল ভালো হবে খুব—কত তীর মারবি মার, কত কলজে ফুটো করবি কর।

পাহাড়ে পাহাড়ে যেন গমগম করতে লাগল তার কণ্ঠস্বর। কয়েক মুহূর্তের

জন্ম বিমূঢ় হয়ে রইল কালাস্তক যমের মত যারা দাঁড়িয়ে আছে তারাও। তার পক্ষেই সচেতন হল। ধম্মকে তীর লাগানোই আছে। এক পা ছুঁ পা করে এগোতে লাগল তারা। চোখের দৃষ্ট নিবন্ধ ভঙ্গলোক ছাঁটির দিকে। অর্থাৎ নরেন চৌধুরী আর তার সঙ্গীর দিকে। যাদের আক্রমণ করছে তাদের নাড়ীনক্ষত্র চেনে ওরা, বোঝে। কিন্তু এই এদেরই ঠিক চেনে না, ঠিক বোঝে না—তাই বিশ্বাসও নেই, কোন্ মুহূর্তে কি করে ফেলবে।

কথায় আছে, পরমায়ুব জোর থাকলে স্বয়ং ভগবান বুদ্ধি যোগান। উত্তেজনার বশেই নরেন চৌধুরী ছুঁচার পা দ্রুত এগিয়ে এসে গলায় ঝোলানো ক্যামেরাটা তাড়াতাড়ি চোখে লাগালো। কেন লাগালো, কি হবে ছবি নিয়ে, সত্যি ছবি নেবে কি না নিজেও জানে না।

অকস্মাৎ হকচকিয়ে গিয়ে লোকগুলো পিছু হটল খানিকটা। আর বিমূঢ় নেত্রে নরেনও ক্যামেরা নামালো চোখ থেকে। মাত্র মুহূর্তের জন্ম। তারপরেই বিদ্যুৎঝলকের মত একটা চকিত উপলব্ধি বশে আবার ক্যামেরা তুলে নিল চোখে—এগিয়ে গেল আরো পাঁচ সাত দশ পা।

ছত্রভঙ্গ হয়ে দ্বিগুন পিছনে সরে গেল ওরা। ভাবল, আওতার মধ্যে পেলেই বাস্তু থেকে লোকটা ছুটন্ত আগুন ছাড়বে। গলায় ঝোলানো ওই কালো বাস্তুটার ভয়েই এতক্ষণ তারা এত কাছে আসতে পারছিল না।

এদিকেও প্রাণের দায় বড় দায়। মুহূর্তে ওদের দুর্বলতার কারণটা বুঝে নিয়েছে সকলে। চিংকার চেঁচামেচি তর্জন গর্জন করে উঠল সবাই একসঙ্গে—দে কত্না দে, দে ছুটন্ত আগুনে সব ক'টার মাথার খুলি উড়িয়ে!

নরেন চৌধুরী চোখে ক্যামেরা লাগিয়ে পাথরে ঠোকর খেতে খেতে এগিয়ে চলল, হাকডাক ছেড়ে অহুসরণ করল অহুচরেরা।

বেগতিক দেখে ছুটছাট সরে পড়ল সামনের ক্ষুদ্র বাহিনীটি।

এলাকায় কেবামাত্র খবরটা ছড়িয়ে পড়ল। যে যার কাজ ফেলে এসে জড়তে লাগল। এরকম একটা ব্যাপারে জটলা হবে না তো কি।

শুনল বাদল গাঙ্গুলিও। তাড়াতাড়ি এসে উপস্থিত হল। তাকে দেখে কলগুঞ্জন বন্ধ হল ওদের। কিন্তু যে দৃষ্টিতে সকলে তাকালো তার দিকে, তার অর্থ সুস্পষ্ট। আমাদের কি সত্যি আশ্রয় দিতে পেরেছ তুমি? সত্যি কি আমরা নিরাপদ?

আবার এরকম একটা বিষয়ের সম্ভাবনা কল্পনাও করে নি বাদল গাঙ্গুলি। জটলার মধ্যে পাগল গুদামই বিচলিত হয় নি মনে হল। আর বিচলিত হয় নি হোপুন। মূর্তির মত এক পাশে দাঁড়িয়ে আছে সেও।

বাদল গাঙ্গুলি তাদের কিছু বলা বা আশ্বাস দেবার আগেই আর একটি নৃত্তির আবতাব ঘটল সেখানে।

নারানুতি। নিকষ কাশো। স্বল্প আচ্ছাদন বিদীর্ণ করে সারা অঙ্গের উদ্ধত যৌবন উপছে পড়তে চাইছে।

পাগল সর্দারের মেয়ে চাঁদমাণ।

নির্নিমেষ নেত্রে খুঁটিয়ে খুঁটিয়ে বাপকে দেখে নিল আগে। কোথাও এতটুকু আচড় লেগেছে কিনা তাই দেখল। তারপর হোপুনের দিকে এক ঝলক তাত্র দৃষ্টিনিক্ষেপ করে ভাঙা বাঁলায় বাদল গাঙ্গুলিকে বলল, হেই বাব, উঃ উকে ধর, উর বাপ ডাকু পেটাচ্ছে—রনথ করছে—উকে বল বাপের থানে য়েয়ে নেবারণ কন্তে—ইথানে সঙটো হয়ে দেখতে লেগেছে কি—!

চাঁদমাণ! গরজে উঠল পাগল সর্দার।

হোপুনের মুখের ওপর আর এক পশলা শাশুন ছড়িয়ে যেমন এসেছিল, তমান ভূমদাম পা ফেলে প্রস্থান করল চাঁদমাণ।

নিবাক পাড়য়ে রইল বিলেত জামানী ফেরত চিক ইঞ্জিনিয়ার বাদল গাঙ্গুলি।

ডায়ের কাজ এগোলেও তার মস্তুর গতিই হয়তো পরোক্ষ একটু আশার কারণ হয়েছিল স্থানীয় বাসিন্দাদের। হয়তো বা শেষ পর্যন্ত সকলকেই যেতে হবে না, অনেকেই হয়ত বা থেকে যেতে পারবে। অন্তত কিছু দূরে বসতি মাদের, আশা তাদেবই বেশি। কি এমন হবে যার জ্ঞা এই এত দূর থেকেও সরতে হবে! ওই তো কিতের মত পড়ে আছে শুকনো মড়াই, তাকে আর ক'হাজার গুণ ফোলাবে বাপু যার জ্ঞা এত বাড়াবাড়ি তোমাদের? অতএব অসন্তোষের স্কুলিঙ্গটুকু জিইয়ে রাখো আর শেষ পর্যন্ত দেখো কি হয়—বোল আনা চাইছে, যে ক'আনা রাখা যায়। তাই একটা কিছু করো, একটা কিছু করে ডায়ামওয়ালাদের বুঝিয়ে দাও তোমাদের ভিতরের জালা।

কি করবে?

কেন পাগল সর্দারকে দেখছ না? তার বিশ্বাসঘাতকতা দেখছ না? জাতি-ত্রোহিতা দেখছ না?

কিন্তু ফল নিপরীত দাঁড়াল। দ্বিতীয় বারের এই ঘটনার পর কর্তব্য স্থির করে ফেলল চিফ ইঞ্জিনিয়ার। হু'চার মাস পরে যা করত, সব কাজ বাতিল করে সেদিকেই আগে মন দিল।

ছোটখাটো একটা হিল ব্লাস্টিং দেখেছিল এখানকার লোক। ওটুকু ধ্বংসের রূপ দেখেই স্তব্ধ হয়েছিল। আর একবার তাই দেখবে তারা। তার থেকে

অনেক বেশি দেখবে।

দিন স্থির হল। সপ্তাহ চারেক পরের একটা দিন। শহর থেকে পুলিশ এলো, মিলিটারি এলো, কর্মচারী এলো। সর্বত্র ঘোষণা করা হল, চারিদিকে রাষ্ট্র করা হল ওই দিনটির কথা। ঘোষণার আড়ম্বরে হকচকিয়ে গেল দূরের গ্রামবাসীরাও। বিস্তৃত একটা গাণ্ডি ধরে বিপদের লাল নিশানা পড়ল সারি সারি।

সরে যেতে হবে। ওই দিনের আগে এই গাণ্ডি থেকে সকলকে সরে যেতে হবে। নয়তো গুঁড়িয়ে ছাতু হয়ে যাবে সব, আর চিহ্ন পর্যন্ত থাকবে না। দিল্লী ব্লাস্টিং হবে সেদিন, একবার যা হয়ে গেছে তার দশগুণ হবে। ওই দিনের আগে যে সরবে না সে মরবে। অবধারিত মৃত্যু।

একটা ত্রাস সঞ্চার করতে চেয়েছিল বাদল গান্ধুলি। তাই হল। ওই নির্দিষ্ট দিনটা যেন মগজে বসে গেল সকলের। প্রচার সমারোহে ওই দিনের বিভীষিকা দিনে দিনে বাড়তে লাগল।

শিথিল হয়ে গেল মাটির বাঁধন। যারা সরতে চায় নি, নড়তে চায় নি, এবারে তারা সরতে লাগল, নড়তে লাগল। কি হবে...কি না জানি হবে সেদিন! তুমি সরছ কেন, তুমি তো লাল গাণ্ডির বাইরে? বাইরে হলেও কাছাকাছিতো বটে! বিপদ এলে কি আর কিতে মেপে আসবে!

তারপর সেই দিন।

সমস্ত এলাকাটি পরিদর্শন করে দেখা গেল, জীবনের চিহ্ন দূরের কথা, যে পেরেছে ঘরের ইটমাটিও তুলে নিয়ে গেছে।

সকাল থেকেই নিঃশব্দে উত্তেজনা। একটা গুমোট স্তব্ধতা। সমাজ ছাড়া হয়ে যারা ড্যামের কাজে এসে লেগেছে তারাও থমকে গেছে যেন। নির্দেশমত পাহাড়ে পাহাড়ে একের পর এক গর্ত করে চলেছে তারা। তারপর এই সব গর্তের মধ্যে কি সব গুঁজে গুঁজে দেওয়া হচ্ছে। পুক ফিতের মত কি দিয়ে লাগিয়ে দেওয়া হচ্ছে একটার সঙ্গে আর একটা। ফিতের আর এক মাথা এসে থেমেছে হাড়াইয়ের ধার ধরে আধ মাইল দূরের একটা তাঁবুর মধ্যে। ওখান থেকেই যা কিছু করা হবে। সময়ে ওখান থেকে পালাবার জন্যে গাড়ি মজুত রেখেছে বাবুরা।

বিকেল হতেই ছুটি হয়ে গেল সকলের। সন্ধ্যা পেরুলো। রাত্রি হল।

আকাশবাতাসের সমস্ত স্তব্ধতা একটানা একটা যান্ত্রিক আর্তনাদে ধাক্কা খান হয়ে গেল।

সাইরেন বাজছে। অনভ্যস্ত কানে শব্দটা একেবারে হাড়ে গিয়ে লাগল।

একটানা দ্বিগুণ স্তব্ধতা তারপর। আধ ঘণ্টার ওপর কেটে গেল প্রায়। যেন আধ যুগ কেটে গেল।

তারপর বসুন্ধরা কঁপে উঠল বুঝি।

ঘোষণার আড়ম্বরে অতৃপ্তি ছিল না খুব।

ভোর না হতে দলে দলে লোক আসতে লাগল দেখতে। সেই বিরাট ধ্বংসের সামনে একেবারে বোবা হয়ে গেল সকলে। তাদের ‘বোদ্ধা’ অর্থাৎ উপ-দেবতা পবত-দেবই হল তাদের ‘মারাং বুরু’। এই উপদেবতার উপাসনা করে আসছে আজন্ম কাল। পবত-দেবের আসল নাম ‘লিটা’ অর্থাৎ শয়তান—যে তাদের আদি নারী-পুরুষ ‘পিলচু বুড়ী’ আর ‘পিলচু হারাম’কে সর্বপ্রথম হাড়িয়া খাইয়ে তাদের মধ্যে পাপ ঢুকিয়েছিল, লজ্জা-ভয় ঢুকিয়েছিল। সেই লিটা যেন আজ নিজের দেহ থেকে সহস্র সহস্র অতিকায় পাথর খুলে খুলে পায়ের নিচের মড়াইকে মেরেছে ক্ষিপ্ত আক্রোশে। পাথরে পাথরে মড়াই ছেয়ে গেছে।

যথার্থ অনুমান করেছিল চিফ ইঞ্জিনিয়ার।

ওদের বাস্তব আগলে থাকার আশা একেবারে নিমূল হওয়ার পরে আস্তে আস্তে বিক্ষোভের ফুলিঙ্গও নিবেছে। এত বড় এক ভাঙনের পরেই যেন একটা গঠনের ছন্দ দেখা যেতে লাগল ধীরে ধীরে। বহু মজুর আসছে বাইরে থেকে। রোজই আসছে।

...এত সন হচ্ছে যখন, কিছু একটা হবেই বোধ হয়।

ভিতরে বাইরে বিদ্রোহী হয়ে উঠেছিল যারা, মলিন মুখে তারাই এসে উকিঝুঁকি দিতে লাগল। কর্মপ্রত্যাশী। একরোখা হলেও দারিদ্র্যের সীমাপরিসীমা নেই মানুষগুলোর। রোধ গেছে, এখন দারিদ্র্যটাই বড়। মনে মনে হাসলেও পাগল সর্দার নিরাশ করল না কাউকে। সকলকেই দু হাত বাড়িয়ে অভ্যর্থনা করে নিল। যে এলো তাকেই। সবই সহজ হয়ে গেল। মাঝি পারাণিকরা পর্যন্ত নতুন করে সেই পুরানো সমাজেরই হাল ধরল আবার।

তিন

সাম্বনার স্বপ্নরাজ্যের সঙ্গে মিল নেই।

তার থেকে অনেক স্থূল, অনেক বেশি অপরিচিত। পুরোপুরি এক অনাবিল সৃষ্টির ছবিই কল্পনা করেছিল। সৃষ্টির এ ককালও তাই বলে রমণীয় নয় খুব। যে পর্যন্ত হয়েছে, ককালের আভাসও নেই। শুকনো মড়াইয়ের একটা দিকে খুঁড়ে খুবলে দগদগে ঘায়ের মত করে চলেছে এরা।

একেবারে তলা থেকে দুই পাহাড়ের খানিকটা পর্যন্ত অতিকায় এক মাটির দেয়াল তুলে মড়াইকে ছ'আধখানা করে ফেলা হয়েছে। ওই অদূরে পাথরের পাকা দেয়াল তোলা হলে এটা ভেঙে ফেলা হবে। মাটির দেয়ালের ওধারে এক বর্ষার জল জমেছে খানিকটা। কিন্তু সেও কল্পনার মন্দাকিনী নয়। হাত ছোঁয়ালে গা ঘিনঘিন করার মত। কোথাও মাটি দেখা যাচ্ছে, কোথাও পাথর, কোথাও গাছ ভাসছে, কোথাও জঙ্গল পচছে, কোথাও বা ভাঙা আটচালার মাথা ভেসে উঠেছে জলের ওপর।

অগ্নি দিকটা খটখটে শুকনো। কাজ সেদিকটাতেই হচ্ছে। এদিক দিয়েই নাকি জল যাবে। কিন্তু সেদিকে চেয়েও সাম্বনার ভিরতটা শুকিয়ে যায় কেমন। যতদূর চোখ যায়, সেই হাঁ-করা মাটি, সেই পাথরের স্তূপ আর সেই জঙ্গলের অবরোধ। বন্ধা, নীরস। ওখান দিয়ে জল চলা দূরের কথা, বাতাস চলাচলের অভাবে জায়গাটা যেন দমবন্ধ হয়ে পড়ে আছে কতকাল ধরে।

কিন্তু স্বপ্নরাজ্যের না হোক, এত বড় বাস্তবেরও আবেদন আছেই। উত্তেজনা আছে, রোমাঞ্চ আছে। তার থেকেও বেশি আছে ছর্বোধ্যতার বিষ্ময়। একসঙ্গে কাজ করে প্রায় আট দশ হাজার লোক। এত উঁচু থেকে খুঁদে খুঁদে দেখায়। ওপরের পাথুরে জঙ্গল সাফ করে কুলিবসতি গড়ে উঠেছে একটা। এ-পাড় থেকে সারি সারি ব্যাঙের ছাতার মত দেখায় ওদের তাঁবুগুলো। সকাল না হতে যে যার সরঞ্জাম নিয়ে বেরিয়ে আসে গিলগিল করে।

যন্ত্রপাতির সমারোহও তেমনি। পাহাড়ের ওপর থেকে নয়, সাম্বনা সেই নিচে নেমে গিয়েই দেখে এসেছে। কড়কড় করে মাটি ফুঁড়ে চলেছে, না যেন জমাট-বাঁধা মাখনের জাল ফুঁড়ে চলেছে। বিশ-ত্রিশ-পঞ্চাশ মণের এক একটা পাথর তুলছে রাঁতো, যেন এক একখানা পলকা ইট তুলছে অবলীলাক্রমে। এরকম অজস্র ব্যাপার।

প্রথম দিনকতক স্তব্ধ বিস্ময়ে শুধু দেখেই গেল সাব্বনা। তারপর একদিন বলে ফেলল, কি হচ্ছে না হচ্ছে আমি কিছুই বুঝতে পারছি না বাবা, বিচ্ছিরি লাগছে।

অবনীবাবু তার বিচ্ছিরি লাগাটাই শুনলেন শুধু। বললেন, আমি তো আগেই জানি, তখন অত করে আসতে বারণ করলাম, না শুনলে কি করব। আর ক'টা দিন থাক, ফাঁকমত রেখে আসব'খন তোকে—

বেশ, আমি কি বললাম আর তুমি কি শুনলে! বললাম, কি দিয়ে কি হচ্ছে না হচ্ছে কিছু বুঝি না বলে ভালো লাগছে না—না ফাঁকমত রেখে আসব'খন তোকে! তুমি বললেই আমি গেলাম আর কি!

সকালের রাউণ্ডে বেকবার তোড়জোড় করছিলেন অবনীবাবু। খুব খেয়াল করে শোনেন নি আগে। এবারে শুনলেন। মেয়ের নুখের দিকে চেয়ে থেকে জিজ্ঞাসা করলেন, কিসের কি হচ্ছে না হচ্ছে বুঝিস না?

সাব্বনা লজ্জা পেয়ে গেল একটু।—এই কি ক'ছ না ক'ছ তোমরা মাথামুণ্ডু তাই। দাঁড়াও, তোমার খাবারটা নিয়ে আসি—

প্রস্থান করল। মেয়ের বিচ্ছিরি লাগার হেতু শুনে অবনীবাবু কি জানি কেন ভালো লাগল না খুব।

সাব্বনা তার দু'ঘরের ক্ষুদ্র গৃহস্থালি বেশ কায়েমী ভাবে গুছিয়ে নিল। মাসি চিঠিতে তাড়া দিলেন ফেরার জন্ত। সাব্বনা উন্টে আমন্ত্রণ জানালো তাকে, চমৎকার লাগবে মাসিমা, দু'দিন এসে থেকে যাও—

বাঁধাধরা আপিস-টাইম বলে কিছু নেই এখানে। সকাল থেকে বিকেল পর্যন্ত কাজ চলছে। আপিস বা যাবতীয় কাজ সবই পাহাড়ের নিচে। ওপরে শুধু কোয়ার্টার। পায়ে হেঁটে ওপর নিচ করাটা রীতিমত পরিশ্রমের ব্যাপার। সারাক্ষণ একটা ট্রাক মজুত আছে এই জন্তে। দিনের মধ্যে কতবার ওটা লোক নিয়ে ওঠা-নামা করে ঠিক নেই। পাহাড় ধেঁবে ঘুরে ঘুরে এঁকেবেঁকে পাকা রাস্তা চলে গেছে এক মাথা থেকে আর এক মাথায়। ট্রাকটা অবশ্য মজুত থাকে মেন কোয়ার্টার্সএ। যে দিকটায় হোমরাচোমরা কর্তব্যাক্তিদের আবাস, যেখানে গেস্টহাউস ইত্যাদি। সাব্বনাদের কোয়ার্টার সেখান থেকে অনেক দূরে, অনেকটা বিচ্ছিন্ন। সাধারণ চাকরদের জন্ত কিছু দূরে মাজ ভিন-চারটে কোয়ার্টার হয়েছে সেখানে, নতুন আরও দু'তিনটে হচ্ছে।

সকালে দ্বানাদি সেরে অবনীবাবু মেন কোয়ার্টারে চলে আসেন। নিচে নামতে হলে এখান দিয়েই একমাত্র পথ। সেখান থেকে ট্রাকে করে নিচে নেমে যান। আর ওঠেন সেই সড়িয়ায়। বেয়ারা এসে টিকিন-ক্যারিয়ার করে

হুপূরের খাবার নিয়ে যায়। বাড়ি ফিরতে একেবারে রাতও হয় প্রায়ই। আপিসের পর গেস্ট-হাউসের হল-ঘরে কর্মকর্তাদের মিটিং বসে, নয়তো কিছু না কিছু আলোচনা থাকে।

অথও অবকাশ সান্ত্বনার।

দুর্বিষহ লাগার কথা। কাছাকাছি কোয়ার্টার ক'টাতে কোন মেয়েছেলের নামগন্ধও নেই। পাঁচ-ছ'জন করে পুরুষ কর্মচারী মেসের মত করে আছে। কিন্তু মাঝখানের মাসির বাড়ির ক'টা বছর বাদ দিলে এরকম অবকাশে সান্ত্বনা অনেকটাই অভ্যস্ত। আর অবকাশই বা কোথায়? 'চোখের খোবাক যেখানে অফুরন্ত আর মনের কোঁতুহল যার এত সজাগ, সময় তার আপনি কাটে।

প্রথম প্রথম অবস্থা একলা ঘোরাফেরা করতে সাহস পেত না খুব। স্তব্ধ, নির্জন পরিবেশে দিনেহুপূরেও কেমন লাগত যেন। হাজার হোক অজানা অচেনা জায়গা। কিন্তু সে অস্বস্তি কাটতে ক'টা দিন আর। আজ এদিকে খানিক দূর উকিঝুঁকি দেয়, কাল ওদিকে। তা ছাড়া যে বেয়ারা হুপূরে বাবার খাবার নিতে আসে তার কাছ থেকে শুনেছে, ভয়ের নাকি কোথাও কিছু নেই। সাঁওতালরা সব মাটির মানুষ—ঘরদোর খোলা ফেলে রাখলেও কুটোটি সরাবে না। এই মানুষদের খবর বৃত্তান্ত সান্ত্বনা ভালই জানত। তবু শুনে সাহস বাড়ে।

মেয়েছেলে আছে মেন কোয়ার্টারসএ। শাড়ির আভাস পেলেই সান্ত্বনা বিনা দ্বিধায় হানা দেয় একবার দু'বার। কিন্তু বয়স যাই হোক, কর্মীদের পদমর্যাদায় সকলেই বিশিষ্ট মহিলা এঁরা। পাশাপাশি বসবাসের ফলে নিজেদের মধ্যেই পাল্লা দিয়ে চলেন একটু আধটু। এই সাদাসিধে মেয়েটা তাঁদের দৃষ্টি আকর্ষণ করল ঠিকই। ওভারসিয়ারের মেয়ে শুনে কিছুটা আশ্বস্ত হলেন তাঁরা।

—ও, অমুক ওভারসিয়ারবাবুর মেয়ে তুমি? জেনারেল কোয়ার্টারে থাকো বুঝি? আর কে আছেন? শুধু বাবা, আর কেউ না? তাহলে তো বড় কষ্ট তোমার...মাঝে মাঝে চলে এসো, গল্পসল্প করা যাবে।

কেউ না থাকার কষ্টটা সান্ত্বনার থেকে এঁদেরই বরং বেশি। কিন্তু ওভারসিয়ারের মেয়ের কাছে তো আর দুঃখ প্রকাশ করা চলে না। গল্পসল্পের আকর্ষণে ওভারসিয়ারের মেয়ে যদি মাঝেসাঝে আসতে শুরু করে, অপরাপরদের চোখে সেটা বিসদৃশ ঠেকবে কিনা, তাই বরং ভাববার কথা।

নাকের ডগায় এক বড় এক স্ফটিক মহড়া চলেছে, কিন্তু সে সযত্নে এতটুকু কোঁতুহল নেই তাঁদের। সাগ্রহে হয়তো সান্ত্বনা বলে উঠেছে, বাঃ, আপনাদের এখানে থেকে তো স্বপ্নের দেখা যায় সব কিছু।

জবাব : আর বোলো না, দেখে দেখে চোখ পচে গেল। সকাল সন্ধ্যা তো ওই দেখছি।

নির্বাক নেত্রে চেয়ে থাকে সান্ত্বনা। দেখে দেখে চোখ পচে যায় কি করে বুঝে ওঠে না। বরং সকাল সন্ধ্যা দেখছে শুনে ঈর্ষা হয়।

মেন কোয়ার্টারসএর মহিলাদের সঙ্গে খনিষ্ঠতা হল না সান্ত্বনার। নিজেরই কেটে পড়ল সে। কিন্তু এদিকটায় আনাগোনা বেড়ে গেল। মেন কোয়ার্টারস থেকে একটা রাস্তা এসেছে পাহাড়ের একেবাবে শেষপ্রান্তে। দুপুরের নিরি-বিলিতে যে কোনো একটা পাথর বেছে নিয়ে বসে পড়ো হাত পা ছড়িয়ে। নিচে মড়াই। আর তার ভাবী বন্ধন-সমাবোহ। এত উঁচু থেকে ছবির মত দেখায়। যন্ত্রের কাছ থেকেও ওই কুলিকামিনদের কাজ দেখতে ভালো লাগে বেশি। পুরুষেরা মাটি কাটে, পাথর ভাঙে। মেয়েরা সেগুলো মাথায় করে বয়ে নিয়ে যায়। কিন্তু এটুকুর মধ্যেই কোথায় যেন বেশ একটা ছন্দ আছে। মনে মনে আশ্বাসন করার মত কিছু একটা।

এক একদিন নিজের কাছেই লজ্জা পেয়ে যায় সান্ত্বনা।...ভাবছে কি না, ওঁদের মেয়েগুলোর মত সেও যদি অবাধে কাজে লেগে যেতে পারত! ওঁদের মত ওঁদের সঙ্গে! দৃশ্টা কল্পনা করতে চেষ্টা করল। মাথায় মাটির ঝুড়ি বা পাথরের বোঝা। একা একাই হেসে কুটিকুটি তারপর। মা গো মা, কি বেয়াড়া সাধ!

সেদিন দুপুরে বেয়ারা বাবার খাবার নিতে এলে কি ভেবে সান্ত্বনা বলল, চলো আমিও যাই তোমার সঙ্গে।

টিকিন-ক্যারিয়ার গুছিয়ে নিজেরই সেটা হাতে করে বেরিয়ে পড়ল। এই পাহাড়ী পরিবেশে কিছুই যেন বেমানান নয়। এই মুক্তির আশ্বাসনটুকুই সব থেকে ভালো লাগে।

অবনীবাবু অবাক হলেন, তুই যে?

এলাম। রোজ রোজ এই লোকটাকে কষ্ট দিয়ে লাভ কি, মাঝে মাঝে আমিই তো নিয়ে আসতে পারি তোমার খাবার।

অবনীবাবু কি আর বলবেন। ঘরে আরো পাঁচ-সাতজন লোক আছে। আড়চোখে চেয়ে চেয়ে দেখছেও তারা। এই বৈচিত্র্যটুকু তাদের ভালো লেগেছে। কিন্তু বাবার এই খুপ্পি আপিস-ঘর সান্ত্বনার একটুও ভালো লাগে নি। বলল, এখানে বসে কাজ করো নাকি তোমরা?

ঘরের কাজ কমই। কিন্তু সে-কথা না বলে অবনীবাবু বললেন, হ্যাঁ। তোর পছন্দ হচ্ছে না?

না।

গায়ে গায়ে লাগানো ছোট ছোট টেবিলের সামনে সমাসীন লোক ক'টিকে সান্দ্রনা দেখে নিল একবার। এখানে এদেব সামনে বসে বাবা খায় কি করে ভেবে পাচ্ছে না। মুখের দিকে তাকালেই বোঝা যায় ওদেবও খিদে পেয়েছে। ঝিধা কাটিয়ে বলেই ফেলল, কোথায় বসে থাকে তুমি ?

তার সমস্তাটা স্পষ্টই বোঝা গেল। সকৌতুকে দেখতে লাগল সকলেই। বিব্রতমুখে টিফিন-কারিয়ার হাতে করে দাঁড়িয়ে রইল সান্দ্রনা। অবনীবাবু উঠে এক গ্লাস জল গড়িয়ে হাত মুখ ধুয়ে নিলেন। পবে ডাকলেন, আয়—

বাইরে পাহাড়ের ছায়ায় বড় একটা পাথরের ওপব বসলেন তিনি।—বার কর্ কি এনেছিস !

এদিক ওদিক চেয়ে সান্দ্রনা ভারি খুশি হয়ে গেল। অমনি এক একখানা পাথরের ওপর গ্যাট হয়ে বসে অনেককেই নিবিষ্টচিত্তে 'লাঞ্চ' খেতে দেখা গেল। সান্দ্রনার ভালো লাগল খুব। নিজে খেয়ে এসেছে বেশিক্ষণ হয় নি, কিন্তু এরকম জায়গায় বসে খাবার লোভেই আর একবার বসে যেতে পারে বোধ হয়। সানন্দে টিফিন-কারিয়ার থেকে খাবার বেন করতে করতে জিজ্ঞাসা করল, তোমার ঘরের ওই ভদ্রলোকেরা থাকে না বাবা ?

ওদের খাবার এলেই থাকে। কিন্তু তুই যে নেবে এলি এখন, উঠতে কষ্ট হবে না ? হেঁটে উঠে কাজ নেই, ট্রাক এলে বলে দেব'খন, তুলে নেবে—

পাহাড়ী রাস্তায় ট্রাকে চড়ার লোভ আছে। কিন্তু তাহলে আসাটাই পণ্ড। একুনি হয়তো হুস করে উঠে যেতে হবে। তাড়াতাড়ি বাধা দিল, তোমার ট্রাকে কাজ নেই, পায়ে হেঁটেই খুব উঠতে পারব আমি। তুমি আস্তে ধীরে খাও বসে, আমি একটু ঘুরেটুরে দেখে আসি। খাওয়া হলে বেয়ারাকে সব গুছিয়ে রাখতে বোলো, আমি নিয়ে যাব'খন।

আসলে এই জন্তেই আসা।

আর কোনো কথার অপেক্ষা না রেখে সান্দ্রনা এগিয়ে চলল। এখান থেকেও মড়াইয়ের তলদেশ অনেক নিচে। পাথর ভেঙে নামতে লাগল। বেশ পরিভ্রমের ব্যাপার। টাল সামলানো দায় এক এক জায়গায়। ওই লোকগুলো তরতর করে নেবে যায় কি করে, ভেবে অবাক হয়। মেয়েগুলো পর্যন্ত। কিন্তু মড়াইয়ের বুকের ওপর গিয়ে সেও আজ দাঁড়াবেই। অভ্যাস নেই বলে—কিন্তু অভ্যাস হতে ক'দিন আর।

সত্যিই ক'দিন আর। বেলা গড়াবার সঙ্গে সঙ্গে উন্মুখ হয়ে ওঠে

বাবার খাবারটা নিয়ে কতক্ষণে নিচে নেমে আসবে। অর্থাৎ, কতক্ষণে তারপর মড়াইয়ের গহ্বরে অবতরণ করবে। ভয় তারও ভেঙেছে, এখন প্রায় দৌড়ে নেমে আসে সেও। তারপর যেদিকে খুশি পা চালিয়ে দাও, সর্বত্রই দেখার উৎসব।

সাস্থনা দেখে। আবার তাকেও ঘাড় ফিরিয়ে ফিরিয়ে দেখে সকলে। কালোর তরঙ্গে একটি মাত্র ব্যতিক্রমের দিকে আর চোখ না যায় কার? তাই এই নীরব অথচ সজীব কোঁতুহলটুকু বেশ লাগে ওদের। মেয়েরা হাসে। সাস্থনাও হাসে। পুরুষেরা কোদাল শাবল খামিয়ে সোজাসৃজি নিরীক্ষণ করে। নীরব চোখে সাস্থনা কৈফিয়ৎ দেয় যেন, তোমাদের বিরক্ত করতে চাই নে, একটু দেখছি শুধু—।

ফাঁকমত সেদিন আলাপ হয়ে গেল একজনের সঙ্গে। লোকটাকে অনেক সময়েই লক্ষ্য করেছে সাস্থনা। মাতব্বর গোছের একজন, বেশ বোঝা যায়। ছোট ছোট অনেকগুলো কুলি-কামিনের দল তার আদেশ-নির্দেশমত কাজ করে। মস্ত একটা পাথরের ওপর বসে বোধ হয় বিশ্রাম করছিল একটু। পাশ কাটাতে গিয়েও সাস্থনা দাঁড়িয়ে পড়ল। দুই এক মুহূর্ত নিরীক্ষণ করে তার মেজাজ বুঝতে চেষ্টা করল হয়তো। তারপর বলল, এখানে বসি একটু?

অবাক হয়ে লোকটি চেয়ে রইল কিছুক্ষণ। পরে মাথা নেড়ে অমুমতি দিল। অর্থাৎ বসতে পারো।

শাস্তিশিষ্ট মেয়েটির মত বসল সাস্থনা। লোকটি আবার খানিক দেখে নিয়ে বলল, কার বিটি বট্টে?

বলল।

একটু ভাবল সে। উল্লয়া উবাসির বাবুর কুড়ী বট্টে তু?

কুড়ী কি? বাংলার বহর শুনে সাস্থনা হেসেই ফেলল।

জবাব না দিয়ে লোকটিও হাসল অল্প একটু। পরে সংক্ষিপ্ত মন্তব্য করল, লোভু উবাসির বাবু খুব ভালো নোক্।

পাসপোর্ট পেল যেন। পাথরে পা গুটিয়ে বসল সাস্থনা।—তোমার নাম কী? পাগড় সর্দার।

অর্থাৎ পাগল সর্দার। সাস্থনা আবার প্রশ্ন করল, তুমি বুঝি এই সব লোকেদের সর্দার?

হেঁ।

এখানে কি হচ্ছে না হচ্ছে তুমি সব জানো বুঝি?

পাগল সর্দার সর্কোতুকে মাথা নাড়ল, জানে।

সোৎসাহে আবার কি জিজ্ঞাসা করতে বাচ্ছিল সাস্থনা। খামতে হল।

অসহিষ্ণু পদক্ষেপে এদিকে আসছে একটি মেয়ে। সাস্থনার দিকে ফিরেও তাকালা না। তড়বড় করে সর্দারকে কি সব বলতে লাগল। বিষম রেগে গেছে এবং একটা কিছু নালিশ জানাচ্ছে, এটাই বোঝা গেল। কালো অঙ্গ ঘামে জ্বজ্ব করছে। টানা দুই চোখে খরখরে রোষবহি।

পাগল সর্দার গম্ভীর মুখে শুনে গেল। পরে হঠাৎ তারস্বরে হাঁক পাড়ল, ই হো-প্-পু ন্—!

সেই বাজখাঁই হাঁক শুনে সাস্থনা, চমকে উঠল একেবারে। ফ্যালফ্যাল করে দেখতে লাগল হুঁজনকেই। দূর থেকে একটা লোক এদিকে এগিয়ে আসছে দেখা গেল।

ওই লোকটাকে আগে দেখেছে সাস্থনা। ছোটখাটো একটা দলের পাণ্ডা গোছের হবে। আর এই মেয়েটাকেও দেখেছে। কিন্তু কাজের মধ্যে তখন অগ্ন্য মূর্তি দেখেছে এর। মাথায় করে প্রায় দেড় মণ ছ' মণ একটা পাথর বয়ে এনে ধুপ করে ওই জোয়ান লোকটার পায়ের কাছে ফেলছে। সাস্থনাকে দেখেই সম্ভবত ভাঙা বাংলায় রসিকতাও কবেছে, লে কেতে' বড় 'ধিরি' লিবি লে— তুর কলিজা শিকে উ 'ধিরি' অনেক লরমছে।

মেয়েটার ওই দুই চোখে তখন ঝিকমিক করে উঠেছিল যা, সেটা রাগ নয়, আর কিছু। এই হোপুন লোকটার মুখেই শুধু তখন কোনো ভাববিকার দেখে নি সাস্থনা, নইলে কাছাকাছি যারা ছিল, সকলেই হেসে উঠেছিল। দৃপ্ত ভঙ্গিতে দুই কোমরে হাত দিয়ে দাঁড়িয়েছিল মেয়েটা, আর দুধ-সাদা দাঁত বার করে হাসছিল। সাস্থনা অদূরে দাঁড়িয়ে আড়ে আড়ে ওকে দেখেছে আর পাথরটাকে দেখেছে আর অবাক হয়ে ভেবেছে, ওই অত বড় পাথর মেয়েটা এমন অবলীলাক্রমে মাথায় করে বয়ে নিয়ে এলো কি করে।

হোপুন সামনে এসে দাঁড়াতে পাগল সর্দার কি যেন বলল তাকে। একবর্ণও বুঝল না সাস্থনা। কিছু শুনেই ক্রুদ্ধ নাগিনীর মত গজরাতে গজরাতে প্রস্থান করল মেয়েটা। চলনের ঠমকে পায়ে পায়ে সমস্ত আক্রোশ ঝরে পড়তে লাগল যেন।

নিস্ত্রাণ দুই চোখ তুলে হোপুন সর্দারের দিকে তাকালা একবার। সাস্থনাকেও দেখল। তেমনি অলস গতিতে ফিরে চলল তারপর।

পাগল সর্দার বলল, উ আমার বিটি চাঁদমবি।

আগ্রহ আরো বাড়ল সাস্থনার। কিন্তু সে কিছু জিজ্ঞাসা করার আগে পাগল সর্দার আবার বলল, আর উ হোপুন, বিটির সম্বন্ধে উর বিয়ো ছব— জাঁওয়াই করব।

মেয়ের সঙ্গে বিয়ে দিয়ে ওকে জামাই করবে। শুনতে মজা লাগছে সাহ্ননার। মেয়েটার এই রাগ-বিরাগের পিছনে মিষ্টি কিছু আছে নিশ্চয়—তোমার মেয়ে অমন করে এলো আর রাগ করে গেল কেন ?

জবাবে পাগল সর্দার যা বলল তার মর্মার্থ, মেয়েটা ভয়ানক দুট্টু, কাজকর্মে মন নেই, কেবল হাসাহাসি কট্টনটি করে। সেই জন্তু সর্দার ওকে অতের দল থেকে ছাড়িয়ে হোপুনের তত্ত্বাবধানে কাজে লাগিয়েছে। হোপুনকে সকলে সমীহ করে, কিন্তু মেয়েটা এমন পাজী যে তাকেও পরোয়া করে না। তাই হোপুন খুব কষে খাটায় ওকে। রাগ করে মেয়ে তাই বাপের কাছে নালিশ জানাতে এসেছিল—হোপুনের দলে কাজ করবে না। পাগল সর্দার হোপুনকে ডেকে চুলের মুঠি ধরে চাঁদমণিকে কাজে লাগাতে বলে দিল।

ভাবী জামাইয়ের ওপর খন্তরের টান দেখে সাহ্ননা অবাক হল, খুশিও হল। এরকম নিরপেক্ষতা দুর্লভ। দূরের দিকে চেয়ে চাঁদমণিকে খুঁজল একবার। বাপের সাদাসাপটা বিচারের ফলটা কি রকম দাঁড়াল না জানি! কিন্তু এতদূর থেকে সঠিক চোখে পড়ে না।

শীগগিরই ওদের বিয়ে দেবে বুঝি ?

মনে হল, শোনেই নি। কারণ দূরের দিকে চেয়ে অনেকক্ষণ চূপচাপ বসে রইল পাগল সর্দার। পরে ক্ষুদ্র জবাব দিল, হুব, সময় আসলে হুব।

খুব প্রাজ্ঞ ঠেকল না। সময়ের আর বাকি কি তাও বুঝল না। হোপুনের দীর্ঘায়ত পাখুরে মূর্তিটি চোখে ভাসল একবার। আর যৌবনোচ্ছল চাঁদমণির মূর্তিও। হঠাৎ নিজের কাছেই লজ্জা পেয়ে অল্প দিকে ঘাড় ফেরালো সাহ্ননা।

এই পাগল সর্দারের সঙ্গেই তার হৃদয়তা বেড়েছে ক্রমশ। সে ওকে ডাকে দিদিয়া বলে। সাহ্ননার ভারী মিষ্টি লাগে শুনতে। সর্দারের গোপ্তির সঙ্গেও আলাপ না হোক জানাশুনা হয়ে গেল বেশ। সর্দারের দিদিয়া সকলেরই দিদিয়া। সকলেরই কোঁতুহলের পাজী। সর্দারের মেয়ে চাঁদমণির সঙ্গেও আলাপের চেষ্টা করেছে সাহ্ননা। কিন্তু মেয়েটার বেজায় দেমাক। আর মুখেরও আগল নেই। গভীর অবজ্ঞায় সাহ্ননার আপাদমস্তক খুঁটিয়ে খুঁটিয়ে নিরীক্ষণ করেছে। তারপর কিক করে হেসে বলেছে, তু ওজ ওজ মড়াইয়ে লামিস কেনে, তুকে দেখে যে মরদগুলার পেরাণে অঙ লাগে।

লাল হয়ে সেই যে কিরে এসেছে সাহ্ননা আর তার ধারে-কাছে বৈবে নি। আর এড়িয়ে চলে হোপুনকে। চাঁদমণির ভয়ে কিনা কে জানে। তবে তার এই বণ্ডমূর্তি আর মরা চাঁউনি দেখেও কেমন অস্বস্তি লাগে। মুখের দিকে

তাকালে লোকটা যেন ভেতর হৃদয় দেখতে পায়।

গল্প জমে পাগল সর্দারের সঙ্গে ছুটির দিনে আর অবকাশকালে। শিকারের গল্প, পূর্বপুরুষদের বীরত্বের গল্প, মড়াই-বাঁধা নিয়ে সেই গোড়ার বিভ্রাট—কি হয়েছিল, কি হচ্ছে, কি হবে—সব। দিদিয়ার মত এমন শ্রোতা পাগল সর্দার আর পাবে কোথায়? তার সবেতে কৌতূহল, সবেতে বিশ্বাস আর সবেতে বিশ্বাস।

প্রথম যেদিন পাগল সর্দার ওদেব বাড়ি এলো, সান্ত্বনা খুশিতে আটখানা। যেন মস্ত গণ্যমান্য কেউ এসেছে। কোথায় বসাবে, কি খেতে দেবে—বাবাকেই তাড়া দিল তিনবার করে। পাগল সর্দার এসেছে, শীগগির এসো বাবা।

সে চলে যেতে অবনীবাবু বললেন, ওদেব সঙ্গেই আজকাল বুল্লি খুব ভাব তোর?

চোখ বড় বড় করে ফেলে সান্ত্বনা।—পাগল সর্দার কম লোক ভাবো নাকি! কত বড় একটা সর্দার ও জানো? ও না থাকলে তোমাদের মড়াইয়ের কাজ হত কিনা সন্দেহ।

প্রতিবাদ না করে অবনীবাবু মুখ টিপে হাসেন শুধু।

সেদিন সন্ধ্যায় একজন অপরিচিতকে সঙ্গে করে অবনীবাবু বাড়ি ফিরলেন। অচেনা লোক দেখে সান্ত্বনা ভিতরের ঘরে চলে যাচ্ছিল। অবনীবাবু বাধা দিলেন, যাচ্ছিস কোথায়, দাঁড়া—এঁকে চিনলি?

লোকটিকে আর একবার ভালো করে দেখে নিয়ে সান্ত্বনা ঈষৎ বিব্রত মুখে বাবার দিকে তাকালো।

চিনলি নে তো?—বোসো তুমি বোসো, দাঁড়িয়ে রইলে কেন! আগন্তকের দিকে একটা বেতের চেয়ার ঠেলে দিয়ে অবনীবাবু মেয়েকে বললেন, দেশের চৌধুরী-বাড়ির কথা মনে নেই তোর?—কি করেই বা থাকবে, তোর বয়স তখন পাঁচ বছরও নয় বোধ হয়—তোমরা কত বছর হল দেশ ছেড়েছ নরেন?

নরেন চৌধুরী। ড্রাকটস্‌ম্যান। হেসে জবাব দিল, পনের-বোল বছর হবে বোধ হয়, বছর চোদ্দ বয়স আমার তখন। সোজাহুজি তাকালো এবার সান্ত্বনার দিকে। বলল, না চিনলেও আমার কিন্তু মনে আছে ঠিক, ক্রকপরা গুঁড়ু দেখেছি। অবনীবাবুর উদ্দেশ্যে বলল, তা ছাড়া আগনিও বিশেষ বদলান নি, দেখেই চেনা-চেনা লাগছিল।

অবনীবাবু আর একটা চেয়ার টেনে বসলেন।—তুমি না বললে আমি চিনতেই পারতুম না, আজ বলতেই তোমার ছেলেবেলার চেহারা শুধু মনে

পড়ে গেল—অথচ, এত দিন দেখছি একবারও মনে হয় নি কিছু।

নবাগতকে লক্ষ্য করে সান্থনা এবারে হালকা হুয়ে বলল, এতদিন একসঙ্গে কাজ করার পর আজ সবে পরিচয়টা বেরুলো।

জবাব দিলেন অবনীবাবু—একসঙ্গে কি রে, নরেন হল পাস করা ইঞ্জিনিয়ার ড্রাকটসম্যান—কত বড় চাকরি! ওর নেহাত চোখ আছে বলেই চিনেছে। আমার মত কতজনকে দেখছে রোজ, মনে রাখা সহজ নাকি।

সান্থনার ভালো লাগল না কথাগুলো। এ বয়সে তাব বাবার ওপরে কাজ করে শুনেই বোধ হয়। না, দেশের চৌধুরী-বাড়িটার কথা তার কিছু মনে নেই। একেও কখনো দেখেছে বলে মনে পড়ছে না। ওপরঅলাদের ওপরে মনোভাব খুব প্রসন্ন নয় সান্থনার। তাদের না দেখুক, তাদের বাড়ির মেয়েদেরও দেখেছে। মাটিতে পা পড়ে না। বাবার সামনে পাগল সর্দারের শ্রদ্ধাবনত মূর্তিটি বরং ভালো লেগেছিল।

ভাবান্তরটুকু নরেন চৌধুরী লক্ষ্য করল কিনা বলা যায় না। সান্থনার দিকে চেয়েই বলল, আপনার বাবা কিন্তু আমাকে চা খেতে দেবার লোভ দেখিয়ে নিয়ে এসেছেন।

অবনীবাবু ব্যস্ত হয়ে বললেন, হ্যাঁ রে সান্থনা, তাই তো—একটু চা দে, আর দেখ্ নরেনের বোধ হয় ক্ষিদেও পেয়েছে—

নরেনই গম্ভীর মুখে জবাব দিল, বোধ হয় নয়, নিশ্চয় পেয়েছে।

অবনীবাবু হা হা করে হেসে উঠলেন। সান্থনাও হাসিমুখে তাড়াতাড়ি ভিতরে চলে এলো। কি ব্যবস্থা করা যেতে পারে তাবল দু'চার মুহূর্ত।

বড় চাকরি করলেও লোকটা দেমাকী নয় বোধ হয় তেমন। মুখের আদলেও ভালোমাহুষ-ভালোমাহুষ ভাব আছে। নামটাও শোনা শোনা মনে হচ্ছে। কোথায় শুনল? পাগল সর্দার—হ্যাঁ, পাগল সর্দারের মুখেই শুনেছে। তাকে ছাড়া আর কাকে চেনে সে। মনে পড়তে নীরব আগ্রহ পরিস্ফুট হ'ল মুখে।

আনন্দে চোখ বড় বড় করে চেয়ার ছেড়ে উঠে দাঁড়াল নরেন চৌধুরী। হাত বাড়িয়ে সান্থনার হাত থেকে ডিস দু'টো নিয়ে টেবিলের ওপর রাখল। নিজেই, রসনায় একটা সিক্ত শব্দ বার করে বসে পড়ল আবার।

সান্থনা হেসে কেলল।

হাসছেন কি! এই ষোড়ার ডিমের জায়গায় না খেয়েই মারা গেলাম। এগুলো কি—বেসন দিয়ে আলু-বেগুনের কাটলেট! মার্ভেলাস—আর এটা বাছের স্বাই! বাছ পেলেন কোথায়?

তার হাবভাব দেখে সংকোচ প্রায় কেটেই গেল সাস্ত্রনার হেসে জবাব দিল, চোঁবাচ্ছায় পুষছি।

লোকটি ভোজনরসিক বটে। অবনীবাবু নিলেন কি নিলেন না। একাই সে সানন্দে এবং সাড়ম্বরে প্লেট দু'টি খালি করে ফেলল। পরে বড় একটা তৃপ্তির নিশ্বাস ফেলে চায়ের পেয়ালা টেনে নিয়ে অবনীবাবুকে জিজ্ঞাসা করল আপনার তাহলে খাবার কষ্ট নেই কিছু?

স্মিতহাস্তে অবনীবাবু মাথা নাড়লেন, না—এ বিচ্ছেটা ও পাকা গিল্লীর মত শিখেছে।

মহাবিচ্ছে শিখেছেন, আমাদের ভুতুবাবুকে আপনার কাছে পাঠিয়ে দেব, তাকে একটু আধটু শিখিয়ে দেবেন।

সাস্ত্রনা সকৌতুকে জিজ্ঞাসা করল, ভুতুবাবু কে?

ভুতুবাবুকে চেনেন না! ওই যে পাহাড়ের নিচে যার অলফাউণ্ড স্টল—স্নো পাউডার থেকে মাংস ভাত পর্যন্ত সবই নামমাত্র মূল্যে পাওয়া যায়! তার ওখান থেকেই তো রোজ আমার খাবার আসে—দু'বেলা ভাত-ডাল-মাংস—এর বাইরে কিছু চেয়েছেন কি দশ মাইল দূরে যাতায়াতের নামমাত্র খরচটা স্বল্প ধরে নেবে—এখানকার বেশির ভাগ লোকেরই ভুতুবাবু ভরসা।

ভুতুবাবুর স্টল সাস্ত্রনা দেখেছে। নামটাই জানত না। অবনীবাবু ঠাট্টার ছলে বললেন, তোমাদের ভুতুবাবু ছাড়া গতি কি! পাগল সর্দারের সঙ্গে তো আর ভাব হয় নি তোমাদের—তার লোক প্রায়ই বাড়ি বয়ে মাছ পর্যন্ত দিয়ে যায়। শীগ্গিরই আবার গরুও যোগাড় করে দেবে বলেছে।

নরেন চৌধুরী সবিস্ময়ে তাকালো সাস্ত্রনার দিকে। গোরু! গোরু কি হবে?

অবনীবাবুই জবাব দিলেন, একটু খাঁটি দুধ না পেয়ে আমার শরীর দিনকে দিন কত খারাপ হয়ে যাচ্ছে দেখছ না?

হাসতে লাগলেন তিনি। নরেন চৌধুরীও। সাস্ত্রনা বলল, বেশ বাও, ওই ভুতুবাবুর হোটেল থেকে দু'বেলা মাংস ভাত আনিয়ে খেও এবার থেকে। হেসে কেলল, মাগো কি নাম, ভুতুবাবু!

হাসিখুশি আমোদপ্রিয় মানুষ নরেন চৌধুরী। পদমর্যাদায় চালচলন ভারী-ক্রান্ত হয়ে ওঠে নি। দেখছে চেয়ে চেয়ে। সেই ক্রকপরা মেয়েটির সঙ্গে বাইরে মিল নেই বটে, কিন্তু ভিতরে যেন আছে। বলল, না আমাদের ভুতুবাবুর থেকে আপনার পুষ্টি সর্দার অনেক ভালো, মাছের ক্রাই খাওয়ার পরে সে কথা আমি একবারো বলব। মড়াইয়ের ওদের মধ্যে প্রায়ই আপনাকে

ঘোরাঘুরি করতে দেখি, ওরাই আপনার ফ্রেণ্ড-স্টাক বুঝি সব ?

তাই। অবনীবাবু সায় দিলেন, তুমি আর ক'জনকে চেনো, ওসকলকে চেনে।

চিনিই তো। সাস্তনা জোর দিয়ে বললে, ওদের অত অহঙ্কার নেই ভদ্র-লোকদের মত, ওরা খুব ভালো।

সত্যি কথা। নরেন চোখুরী সমর্থন করল, আর ওই সদারটি ভারি খাঁটি লোক।

পাগল সদারের প্রশংসা শুনে সাস্তনা খুশি হল। বলল, তার মুখে আপনারও খুব সুখ্যাতি শুনেছিলাম একদিন। প্রথম দিকে মড়াই বাঁধার গুণগোলের সময় কারা সব চড়াও করেছিল ওকে, আপনি নাকি তখন 'ফুটক' তোলার যন্ত্র দিয়ে ভয় দেখিয়ে তাদের তাড়িয়েছিলেন।

নরেন চোখুরী হাসতে লাগল।—সে একটা দিন গেছে, বাদল তো শেষে হাল ছেড়ে দিয়ে চলেই যাবে কিনা ভাবছিল।

বাদল কে ? সাস্তনা উৎসুক হল।

অবনীবাবু বললেন, বেশ, এখানকার চিক ইঞ্জিনিয়ার বাদল গাঙ্গুলির নাম শুনিস নি ?

শুনেছে। অনেক শুনেছে। মানুষটির প্রতিও বিশেষ একটা সম্মান-মেশানো কোতূহল আছে। এত বড় এক দায়িত্ব যার, এত অজস্র লোক কাজ করছে যার নির্দেশে, কত বড় একজন সে না জানি। তাকে দেখে নি, কিন্তু দেখার আগ্রহ অপরিসীম। তার কাজের গল্প শুনেছে, তার গুরু-গান্ধীয়েঁর কথা শুনেছে। বাবাকেও কতদিন হস্তদন্ত হয়ে ছুটতে দেখেছে চিক ইঞ্জিনিয়ার ডাকছে শুনে। সেই বাদল গাঙ্গুলিকে কালু-ভুলুর মত শুধু বাদল বললে সাস্তনা চট করে ধরবে কি করে ?

অবনীবাবুই বললেন আবার, বাদল গাঙ্গুলি নরেনের খুব বন্ধু জানিস নে বুঝি ? সেই ইঞ্জিনিয়ারিং কলেজ থেকে ওরা একসঙ্গে পড়েছে, একসঙ্গে কাজও করেছে তারপর। উনিই তো চেষ্টাচরিত্র করে নরেনকে নিয়ে এসেছেন এখানে।

ছন্দপতন ঘটল যেন। সাস্তনা নরেনের মুখের দিকে চেয়ে রইল খানিক।—ওমা, তাহলে তাঁর বয়স কত ?

মনে মনে সাস্তনা যে চোখ দিয়ে কল্পনা করেছিল সেই লোকটিকে, তাতে তার বয়সের হিসেব কোন সংখ্যাতেই হয় না বোধ হয়। ছ'জনকেই হেসে উঠতে দেখে লজ্জা পেয়ে গেল। একটু বাদে নরেন বলল, আপনার নিরাশ হবার কারণ নেই, ও লোকটার আসল বয়সের কোনো গাছপাখর নেই।

সঠিক বুঝল না সান্ধনা। চেয়ে রইল। অবনীবাবু প্রসঙ্গ পরিবর্তন করে ফেললেন।—এসব কথা থাক এখন, এ ও সারারাত বসে শুনতে পারে। কিন্তু তুমি সেই থেকে ওকে আপনি আপনি বলছ কি, ও কত ছোট—তুই কি রে সান্ধনা।

ত্রক-পরা দেখেছে, আপনি করে বলতে নরেনের কেমন লাগছিল সত্যিই। কিন্তু তুমিও বলে উঠতে পারছিল না চট করে। অবনীবাবুর কথায় এবার সকৌতুকে তাকালো সান্ধনার দিকে।

বাবার অনুযোগে বিব্রত হাশ্বে সান্ধনা জবাব দিল, ডাকলে কি করব—বেশ লাগছিল শুনতে, তুনি দিলে বোধ হয় পণ্ড করে।

জোর হাসিতে ঘর ভরে তুলল নরেন চৌধুরী।—বেশ লাগলে সেটুকু আর পণ্ড করি কেন, আপনি-আজ্ঞে করেই বলব'খন তাহলে।

সান্ধনা টেনে টেনে জবাব দিল, নাঃ, এর পর আর কি করে হয়—

যাবার আগে নরেন জিজ্ঞাসা করল, আলু-বেগুনের কাটলেট খেতে আবার কবে আসছি ?

ভারী তো, রোজই আসুন না।

রোজ না হোক, মাঝে মাঝেই এর পর পদার্পণ ঘটতে লাগল নরেন চৌধুরীর। আসলে এই আশাতেই তার প্রথম দিন আসা।

প্রাণপ্রাচুর্যে ভরা একটি মেয়ে মড়াইয়ের বুকে এক দঙ্গল কালো মাছবের মধ্যে ঘুরে বেড়ায়, কে না দেখেছে ?

শুভ্রাঙ্গী গিরিকন্ঠার মতই পাহাড়ের গায়ে গায়ে এক মেয়েকে অবোধে বিচরণ করতে কে না দেখেছে ?

পাহাড়ী পথের উঁচু-নিচুতে দিনের মধ্যে ক'বার করে নারীদেহবন্দিনী এক ঘোঁবন-তরঙ্গের ওঠা-নামাই বা কে না দেখেছে ?

এই লেখায় খবর শুধু সান্ধনাই রাখে না। নরেন চৌধুরীও আর সকলের মতই দূরে থেকে তাকে লক্ষ্য করেছে অনেক দিন। ওই রকম, নীরস পরিবেশে সে দৃশ্য যেন এক মস্ত রিলিফ। অজ্ঞাত্য যোগস্বত্রে পেয়েই ইঞ্জিনিয়ার ড্রাকটসম্যান নরেন চৌধুরী সাধারণ ওভারসিয়ার অবনীবাবুর সঙ্গে এত আগ্রহে পুরানো পরিচয় ঝালিয়ে নিত কিনা বলা যায় না।

ভিন্ন ভিন্ন গাছের সর্ব্ব পত্রালাতে একটা মিল চোখে পড়ে। সেটা পাতার নয়, সবুজের। নরেন আর সান্ধনার মধ্যেও তেমনি মিল আছে খানিকটা। সেটা বয়সের নয় মনেরও নয়, সজীব তারুণ্যের। সেদিক থেকে দু'জনেই এক

অনেকটা সমগোত্রীয় ছেলেমানুষ।

পরিবেশও অল্পকূল। এই পাহাড়ী রক্ষতায় আর যাই থাক, সংকীর্ণতা কম।

অবনীবাবু ঠাট্টা করেন, এবারে যত খুশি ড্যানের গল্প শোন।

সাম্বনা মুখে আগ্রহ দেখায় না কিছু। বরং ঠোট উঠে বলে, ভারী ভো হছে, তার আবার গল্প!

নরেন জবাব দেয়, কি হচ্ছে বুঝলে মেয়েরাই ইঞ্জিনিয়ার হত।

সাম্বনা বলে, মেয়েরা ইঞ্জিনিয়ার হলে ভুতুবাবুরা রান্নাঘরে ঢুকত।

ছদ্মকাসে শিউরে ওঠে নরেন, বাপ রে বাপ!

এই ভোজনরসিকতার ভিতর দিয়েই এমন অল্প সময়ে এত অন্তরঙ্গ একজন হয়েছিল সে। কখনো এসে হাত পা ছড়িয়ে বসে পড়ে এমন, সে মূর্তি দেখে হেসে ফেলে সাম্বনা। নরেন চৌধুরী হাত-মুখের ইশারায় জানায়, রসদ কিছু না পড়লে নাড়ী ছেড়ে গেল বলে। কখনো নিজেই আবার হাতে করে নিয়ে আসে কিছু। বিশেষ করে ছুটির দিনে। বলে, এটা করো, ওটা রাঁধো—।

প্রথম প্রথম সাম্বনা অল্পযোগ করেছে, পরে রাগ দেখিয়েছে।—কিছুই করব না, এসব নিয়ে ভুতুবাবুর কাছে যান, রঁধে দেবে।

বড় রকমের একটা নিঃশ্বাস কেলে নরেন চৌধুরী।—ওই একটা লোককে মাঝে মাঝে আমার খুন করতে সাধ যায়।

ভিতরের দাওয়ায় মোড়া পেতে দেয় সাম্বনা। নরেন গ্যাট হয়ে বসে খাবার তৈরী করা দেখে তার। আর নীরব প্রতীক্ষায় সিগারেট টানে। অবনীবাবুর জন্তে পাঁচবার করে লুকোতে হয় একটা সিগারেট। ইঞ্জিনিয়ার নরেন চৌধুরী লুকোতো না, দেশের ছেলে নরেন লুকোয়। ভদ্রলোক আড়াল হলে সাম্বনাকে শুনিয়ে টিপ্পনীও কাটে তাঁর উদ্দেশ্যে। সাম্বনা কখনো হাসে, কখনো শাসায়, দাঁড়ান বাবাকে বলছি।

সাম্বনার হালকা তর্জন হয়ত অবনীবাবু শুনে কেলে। আবার এসে দাঁড়ান তিনি।—কি বলবি?

জবাবে সাম্বনা আবারও হেসেই কেলে। নয়তো বলে, এই ক'টি খাবার আবার তিন ভাগ হবে বলে নরেনবাবু ছুঁতে ক'চ্ছিলেন।

অবনীবাবু হেসে বলেন, তা ওকে দে না বেশি করে—।

চলে গেলে নরেন তুর্ক কুঁচকে তাকাল সাম্বনার দিকে। আমাকে কি ভেবেছ তুমি? আমি রীতিমত উপোস পর্যন্ত করতে পারি জানো?

জানি।

জানো কি রকম? নরেন ঘাবড়ে যায়।

মরুভূমির পেটে জল ঢাললেই কি আর মরুভূমি ঠাণ্ডা হয়! উপোস তো করেই আছেন—।

বৃথাই জুংসই জবাব হাতড়ে বেড়ায় নরেন।

মাঝুখটার আর এক অভ্যাস দেখে হেসে কুটি কুটি হয় সাঙ্ঘনা। হাতীর দাঁতের কান-কাঠি দিয়ে তার কান ঝড়ঝড়ির আয়াস উপভোগ করা। সারাক্ষণ সন্কেই থাকে ওই কান-কাঠি। স্পেশাল অর্ডার দিয়ে করানো নাকি। হাতে যখন সিগারেট নেই তখন ওটা আছে। সন্তুর্পণে কানের রক্তে চালান করে দিয়ে একটু একটু নাড়ে, আর গলা দিয়ে কুড়কুড় শব্দ বার করে একটা—আমেজে চোখ বুজে আসে।

সাঙ্ঘনা এ নিয়ে হাসি-ঠাট্টা কম করে নি। শাড়ির আঁচলে কোণ পাকিয়ে সেটা নিজের কানে গুঁজে দিয়ে অল্পকরণ করেছে তারই সামনে। গলা দিয়ে ওর মত শব্দ বার করতে গিয়ে হেসে গড়িয়েছে।

নরেন বলে, খুব হাসো, অভ্যেসটা হলে দেখবে কত মজা।

কি মজা?

একটুখানি কানের তদ্বির করেই ছুনিয়াটাকে দার্শনিক চোখে দেখার মজা।

দার্শনিক চোখে মানে?

দর্শন বোঝ?

হু চোখ টান করে সাঙ্ঘনা তাকায় তার দিকে।—এই আপনাকে দর্শন করছি।

দর্শনতত্ত্ব আর বোঝানো হয় না নরেন চৌধুরীর। অজ্ঞাতে নিজেরও সে ছুল দর্শনেরই পাঠ নেয়।

কিন্তু ড্যামের কর্মপরিবেশে এই মেয়েরই আবার আর এক ধরনের অবিচ্ছিন্ন প্রকৃতি এবং কোঁতুল দেখে নরেন চৌধুরী বিস্মিত হয়েছে। গঠন-বাস্তবিকতার প্রতি কোন মেয়েই এরকম আগ্রহ থাকার কথা নয়। খুঁটিয়ে খুঁটিয়ে দেখে। খুঁটিয়ে খুঁটিয়ে প্রশ্ন করে। বুদ্ধির অগম্য কিছু দেখলে না জেনে নেওয়া পর্যন্ত স্বস্তি নেই। এই ঘনিষ্ঠতার পরে সাঙ্ঘনা শুধু শাওতালদের এলাকাতে নয়, সর্বত্রই ঘুরে বেড়ায়। হাঁ করে চেয়ে চেয়ে অতিকায় বুলডোজারের মাটি সরানো দেখে, ড্রেজার দিয়ে মাটি ঠেলে ঠেলে লেভেল করার প্রক্রিয়াও নীরস নয় তার চোখে। নিরাপদ ব্যবধানে দাঁড়িয়ে ছুঁ ছুঁ বন্ধে হয়েই দিয়ে তিন-চারতলা সমান উচুতে অতিকায় এক একটা পাথর তোলা দেখে। ওই দড়ির মত বস্তুটা ছিঁড়ে

গেলে কি মারাত্মক ব্যাপার হতে পারে ভেবে কণ্টকিত হয় মনে মনে। নিঃশ্বাস ফেলে বাঁচে তার পর, যাক ছেঁড়ে নি।

কিন্তু আবার নেমে আসছে ওটা, আবার একটা তুলবে। প্রত্যেক বারই রাতিমত ভয় হয় তার। চার্নিং মেসিনে করে জল দিয়ে সিমেন্ট বালি আর পাথরকুচি মেশানোর ব্যাপারটাও যেন এক সর্কোতুক পর্যবেক্ষণের বস্তু। আরও অবাক লাগে, আখবোরার দিয়ে মাটি ফোঁড়া দেখে। নদীবক্ষেও আশি নব্বুই একশ ফুট পর্যন্ত খুঁড়ে পাথরের স্তর বার করতে হবে। সেই স্তরের ওপর দাঁড়াতে পাকা পাথরের দেয়াল। নরেনের মুখে সেই দেয়ালের ফিরিস্তি শুনে সাস্তানার বিশ্বাসের শেষ নেই। নদীর নিচে থাকবে একশ ফুট, ওপরেও প্রায় তাই—চওড়া হবে পঞ্চাশ-ষাট ফুটের মত। ওপরের দিকে সেই দেয়ালের ভিতর দিয়ে চলাচলের পথ থাকবে এপার ওপার—যন্ত্রপাতি থাকবে অজস্র, এক একটা সুইচ টিপলে এক একটা লক্ গেট উঠবে, নামবে—

লক্ গেট কী ?

আগাগোড়া নিটোল দেয়াং দিয়ে জল আটকে বসে থাকলে আর জল পাবে কেমন করে লোকে! গেট থাকবে পনেরো-বিশটা। গেট খুলে দিলে জলে জলময় হয়ে যাবে অগ্নি দিক, আবার গেট ফেলে দিলেই সব বন্ধ।

সাস্তানার যেন বিশ্বাস হয় না। দেয়ালের এদিকে অবরুদ্ধ হয়ে জল উঠবে পঞ্চাশ-ষাট-সত্তর ফুট উঁচুতে। তারপর এক একটা গেট খুলে দিলে রুদ্ধ জল বাছড়ে পড়বে অগ্নি দিকের শুকনো অতলে—তার মুখে পড়লে একসঙ্গে হাজার হাতীর হাড়গোড়ও নাকি গুঁড়িয়ে যাবে পলকা খেলনার মতই। নালা কেটে কেটে সেই জল নিয়ে যাও যেখানে খুশি, যেখানে দরকার। তাই শুধু নয়, ওই শুকনো দিকেরই একধারে আবার বিদ্যুৎ তৈরীর ব্যবস্থাও হবে নাকি। জল থেকে বিদ্যুৎ হয় এরকম কথা অবশ্য শোনা ছিল সাস্তানার। কিন্তু শোনা কথায় আর চোখে দেখা রোমাঞ্চে রাত-দিনের পার্থক্য।

সাস্তানা ভাবতে পারে না সবটা। এ যেন এক আজব কারীগরির রূপকথা। স্বপ্ন-সম্ভবের মহড়া। ওরা কাজ করে, সাস্তানার মনে হয় বিশ্বকর্মার দূত বৃষি ওরা।

সঙ্গে সঙ্গে আর একজনের কথাও মনে হয়। এই গঠন সমারোহের সব-প্রধান যে। এই গঠন অভিযানের নায়ক যে মাহুষ। চিক ইঞ্জিনিয়ার বাদল গাঙ্গুলি। দূর থেকে মাত্র একটিবার তাকে দেখার লোভ যে কত, সে শুধু সাধনাই জানে। হিরো ওয়ারশিপের যুগ নয় এটা। কিন্তু বড় ছুনিয়ায়ও বড়র অর্থ্য আছেই। সাস্তানার ছোট পরিসরে এত বড় আয় কে? কলৈর মাহুষ;

কলের মতই অবিশ্রান্ত কাজ করে নাকি। পরিচিত জনেরা বলে। তার বাবা, নরেনবাবু, এমন কি পাগল সর্দারও প্রায় ওই কথাই বলে। তাদের চোখে দেখা কাছে দেখা মানুষ। সাদা কথা সাদা অর্থেই বলে তারা। কিন্তু শুনে সাস্থনার সম্বন্ধ বাড়ে আরো। নৈষ্ঠিক দূরত্ব বাড়ে।

এই ড্যামের কাহিনী শুধু থেকে শুনেতে বসলে, বিশেষ করে পাগল সর্দারের মত একজনের মুখ থেকে শুনেতে বসলে শুনবে যা, এক কথায় তাকে অ্যাডভেঞ্চার বলা যায়। সাস্থনা তাই শুনেছে। বিশ্বাস করেছে। রোমাঞ্চিত হয়েছে। পাগল সর্দারের অ্যাডভেঞ্চারে অত্যাতি খুব না থাকুক, আবহাওয়া স্বজনের মাল-মসলা কিছু থাকাই স্বাভাবিক। দিদিয়ার বিশ্বয়বিহ্বল দুই বড় বড় চোখের দিকে চেয়ে তার বলার স্বীকৃতি সেই অ্যাডভেঞ্চারের নায়ক বাদল গাঙ্গুলি মড়াই কোন ছার, সাত সাগরের পায়েও শেল পরাতে পারত।

কিন্তু সত্ত্ব বর্তমানে নিজের অগোচরে এই পাগল সর্দারের মনেই একটুখানি খেদ আছে বোঝা যায়। এখন রাস্তা হয়েছে, কোয়ার্টার হয়েছে, আপিসঘর হয়েছে, জিপ ট্রাক এসেছে। সঙ্গে সঙ্গে ব্যবধানও এসেছে খানিকটা। বর্তমানের এই আপিসি-আবহাওয়াটাই সর্দারের পছন্দ নয়। পাহাড়ে-পাথরে, জলে-জঙ্গলে বিঘ্ন উত্তরণের একান্ত্রতায় মড়াইয়ের নায়ক ছিল তাদেরই একজন। কিন্তু সে অ্যাডভেঞ্চারের নায়ক আজ আপিসের বড় সাহেব। বড় সাহেব কথাটার তাৎপর্য একটু একটু ঘেন বুঝতে শিখেছে। তার সাক্ষাৎও বড় একটা পায় না আজকাল। ছকুম আসে কাগজে কলমে পাঁচ হাত ঘুরে। নীরস একটা ছকের মধ্যে পড়ে যাচ্ছে বলেই পাগল সর্দারের কাছেও কলের মানুষের মতই হয়ে উঠেছে বাদল গাঙ্গুলি। সাস্থনা ভাবে, কলের মত কাজ না করলে যন্ত্র-যুগের সৃষ্টির অ্যাডভেঞ্চার যে অচল হয়, সে আর ও বুঝবে কি করে?

কিন্তু নরেনের কথা শুনে সাস্থনা তটস্থ। তার আগ্রহ দেখে ভাতের সঙ্গে ডাল মাখার মত করেই বলল, বেশ তো চলো না, বাদলের সঙ্গে আলাপ করিয়ে দিচ্ছি আজই—এখন বোধ হয় কোয়ার্টারেই পাওয়া যাবে তাকে।

আলাপ করিয়ে দেবেন। আমার সঙ্গে?

বিশ্বয় দেখেই নরেনও অবাক হয় একটু। হেসে বলে, কেন, সে বাঁধ না ভালুক।

বাঁধ ভালুক নয়, তবু শুনেই আড়ষ্ট প্রায়। সামনে গিয়ে দু'পায়ের ওপর ভর করে সাস্থনা দাঁড়িয়ে, থাকতে পারবে কিনা সন্দেহ। হ্যাঁ, আমি বাঁধ তাঁর সঙ্গে আলাপ করতে, আপনি ঘেন কি।

এ রকম অনেক সময় অনেক কথা হয়েছে আরো। সাস্ত্রনা ছেলেমানুষের মতই জিজ্ঞাসা করেছে, আচ্ছা আপনিও তো তাঁর সঙ্গে একত্রে ইঞ্জিনিয়ারিং পড়েছেন, আপনি তাঁর মত হলেন না কেন?

নরেন হালকা জবাব দেয়, সবাই তো স্কুল-কলেজে পড়ে, সবাই প্রাইম-মিনিষ্টার হয় না কেন?

বুঝতে চেষ্টা করে সাস্ত্রনা বলে, ভিতরে খুব বড় একটা কিছু থাকা দরকার, না—?

ছদ্মগাভীরো নরেন চৌধুরী জবাব দেয়, হ্যাঁ, হিমালয়েব মত বড় কিছু।

যান, আপনার কেবল ঠাট্টা!

এবারে কিছুটা আন্তরিক ভাবেই বলে নরেন চৌধুরী।—পাস করার পরেও ও হাতে কলমে কত কাজ করেছে, তা ছাড়া নিলেতে গেছে জার্মানীতে গেছে।

আপনিও গেলেন না কেন?

গেলে কি হত?

বেশ হত।

কি বেশ হত, আর না গিয়েই বা কতটুকু হয়েছে, সে সম্বন্ধে সাস্ত্রনার সুস্পষ্ট ধারণা নেই কিছু। প্রথম আলাপের সময় বাবার মুখে তার বড় চাকরির কথা শুনেছিল, এ কদিনের ঘনিষ্ঠতায় তার গুরুত্ব গেছে। বড় মানে আর কত বড়! তাই সত্যিই ও ভাবছিল, বেশ হত নরেন চৌধুরীও তেমন বড়র মতই বড় একজন হলে। আর বেশ হত, তখনও তার সঙ্গে যদি সহজ আলাপ পরিচয় থাকত এরকম।

এই সাদাসিধে মনোভাব জ্ঞাপনের ফলে নরেন চৌধুরীর একটু ক্ষুণ্ণ হওয়ার কথা।^{১০} কিন্তু স্পষ্ট সহজতার একটা দিকও আছে। যা মনকে বিরূপ করে না, বরং টানে।^{১০} হেসেই জবাব দিল, হুঁত্যা আমার। কিন্তু এখন দেখছি, বাদল গাছুলির সঙ্গে তোমার আলাপ করতে না যাওয়াই ভালো।

কেন? না যাক, সাস্ত্রনার আগ্রহ কম নয়।

তারও মাত্র দুটো হাত, দুটো পা, একটা মাথা, দুটো চোখ—

প্রায় আপনার মতই? নিরীহ অভিব্যক্তি।

ভুরু কুঁচকে ফেলে নরেন চৌধুরী। প্রায় মানে? আমার কি ওগুলো ঠিক ঠিক নেই নাকি?

জন্ম করতে পেরেই সাস্ত্রনা খুশি।

ছদ্ম কোপে নরেন মাটির কাছ হাত এনে বলল, তোমাকে এতটুকু ব্রহ্মপরা

দেখেছি জানো ?

প্রচ্ছন্ন কৌতুকে সাব্বনা কয়েক মুহূর্ত দেখল তাকে । পরে ফিরে জিজ্ঞাসা করল, সেই আপনিও হাফপ্যান্ট পরতেন যখন ?

মৃহ মৃহ হাসতে থাকে নরেন । হাফপ্যান্ট তো এখনো পরি ।

আপনাব হাফপ্যান্টের বয়স তাহলে পেরোয় নি এখনো ! আমার ফ্রকপরা বয়স অনেককাল গেছে ।

আপনার জন্ম । খুশিভরা চোখে চেয়েই থাকে নরেন চৌধুরী । পরে বলে, জিভের ভগায় যে সরস্বতী ঠাকরোন বসেই আছেন দেখি । লেখাপড়া শিখলে খব ভালো করতে তুমি ।

সাব্বনা যথার্থ লজ্জা পেয়ে যায় এবার । লেখাপড়ার প্রসঙ্গ উঠলে মাসির বাড়িতেও রামাঘরে পালিয়ে বাঁচত । এ ব্যাপারে তার যত লজ্জা তত সন্দেহ । অবনশব্দর সামনে নরেন আর একদিনও ক কথায় ওর লেখাপড়ার প্রসঙ্গ তুলেছিল । সাব্বনা তৎক্ষণাৎ প্রস্থান করেছে সেখান থেকেও । কিন্তু বাবা ওদিকে উৎক্লম্ম মুখে তার ছেলেবেলার পড়াশুনার গল্প ফেঁদে বসেছেন তাও কানে এসেছে । এক এক সময়ে হিড় হিড় করে টেনে এনে পিঠে গুমগুম কিল বসিয়ে ওর মা পড়তে বসাতেন ওকে । কিন্তু তিনি আড়াধা হলেই চুপি চুপি ও উঠে আসত বাবার কাছে । মুখখানা যতটা সম্ভব কদণ করে বাবার একখানা হাত তুলে নিজের কপালে ঠেকাত । অর্থাৎ দেখে তো গা-টা গরম লাগছে কি না । নয়ত জিত বার করে দেখাত বাবাকে—কোন রোগের উপসর্গ যদি বার করা যায় । রোগ ঠিক না হোক, রোগ-সম্ভাবনার উপসর্গ অবনীবাবুও অবধারিত দেখতে পেতেন । পড়াশুনার অহুশাসন তার পরেও আর শিখিল না করে উপায় কি ! কিন্তু সাব্বনাই বিপদ বাধাতে আবার সব ভুলে ঘটাপ্রাণেকের মধ্যে দু চোখ লাল না হওয়া পর্যন্ত পুকুরে ডুবে উঠে । মায়ের খপ্পরে পড়তে হত আবাবও । বহি-উদ্‌গিরণ থেকে তখন রেহাই পেতেন না অবনীবাবুও ।

আড়াল থেকে শুনতে শুনতে সাব্বনা লাল হয়ে ওঠে এক একবার । আবার রাগও হয় বাবার ওপর । খুব গল্প করা হচ্ছে এখন ! তখন অমন আদর না দিলে আজ এরকম হত !

পরে খেতে বসে নরেন বলে, পড়াশুনার নিকুচি করেছে, রান্নার বিত্তেয় তোমাকে ডক্টরেট দেওয়া উচিত ।

প্রায় রাগ করেই সাব্বনা জবাব দেয়, আর খাওয়ার বিত্তেয় আপনাকে মহামহোপাধ্যায় দেওয়া উচিত ।

মেঘের ফাটলে রোদের ঝলকের মত রাগের মুখেই হাসি ছলকে ওঠে আবার।

—চার—

হোটেলের মালিক ভুতুবাবুর সঙ্গে আলাপ হয়ে গেল সাব্বনার।

আলাপের পরামর্শ দিয়েছিল পাগল সদার। দিদিয়ার অনুরোধ মত একটা দুধলো গোক সংগ্রহ করতে না পেরে একবারে অকর্মণ্য মনে তচ্ছিল নিজেকে। বেচারীর সময় কম, খোঁজ করে কখন। মড়াইয়ের ঠাড়াভাঙ্গা খাটুনির পর রাতে হাড়িয়া টেনে স্থপতির কোলে চলে পড়ে। শুণু ও নয়। দলকে দল। মেয়ে পুঙ্খ সঙ্কলে। আর মড়াইয়ে যারা কাজ করে না, অর্থাৎ যাদের সময় আছে, গায়-গতরে প্রায় স্থবির তারা। তবু এদের অনেককেই বলে রেখেছে সদার। সপ্তাহের ছুটির দিনে নিজেই যতটা সম্ভব খোঁজখবর করে। কিন্তু পছন্দমত পেয়ে ওঠে না। নিজের মেয়ে চান্দমনিকেও বলেছিল। পাঁচ জায়গায় ঘোর, পাঁচ ঘরের খবর রাখে। যদি কোন সন্ধান দিতে পারে। কিন্তু হতচ্ছাড়ি মেয়ে এমন জবাব দিয়েছিল যে হাতের কাছে পেলে আচ্ছা করে দু ঘা কনিয়ে দিত। গস্তীর মুখে বলেছে, গোকটাকর খবর সে রাখে না, তবে তার সন্ধানে একটি বলদ আছে বটে, হলে সেটাই দিদিয়াকে দিয়ে দিতে পারে। আঙুল দিয়ে ঘরের তৃতীয় ব্যক্তিটিকে দেখিয়ে দিয়েই উর্ব্বাশাসে ছুটে পালিয়েছে।

তৃতীয় লোকটি হোপুন।

এদিকে দেখা হলেই সাব্বনা জিজ্ঞাসা করে, আমার গোক কি হল সদার ?

সদার মুখে আশ্বাস দেয় বটে, গোকর মত গোক পেলেই এনে দেবে। কিন্তু মনে মনে অপ্রস্তুত হয়ে পড়ে।

পরে এক ছুটির দিনের সকালে উঠেই ঠাণ্ডা গোকর কথা আর ভুতুবাবুর কথা একসঙ্গেই মনে হল তার। এতদিন মনে হয় নি বলে নিজের ওপরই বসে হল সে। সময় নষ্ট না করে সোজা চলে এলো দিদিয়ার কাছে।

ভুতুবাবু গোক যোগাড় করে দেবে ! সাব্বনা অবাক।

তু টুকটি চল না কেনে আমার সন্তো, উঠিক দেবে। পাগল সদার নিঃসংশয় প্রায়।

সাব্বনা মুশকিলে পড়ল একটু। সকালের দিকটায় রান্নাবান্নার কাজ থাকে।

ছুটির দিন নরেনের এখানে খাওয়া বরাদ্দ বলে একটু বেশিই ব্যস্ত থাকে। কিন্তু তারই জন্ত এত আগ্রহ নিয়ে লোকটি এসেছে, ফেরাতে মন সরল না। ওদিকে এই রোদে নিচে নামবে শুনলেও শাবার কাছেও বকুনি খেয়ে মরতে হবে। কিন্তু কি আর করা যাবে। চুপি চুপি রান্নাঘর বন্ধ করে চলে এলো সে। বাবা আপিসের কাগজপত্র নিয়ে বসেছেন, টের না-ও পেতে পারেন।

শীগগির পা চালিয়ে চলো, চট করে ঘুরে আসতে হবে।

কিন্তু ভূতুবাবুর আপায়ন এড়িয়ে চট করে ঘুরে আসাটা অত সহজ নয় জানত না।

কালো বেটেখাটো গোলাকৃতি মাছুষ। হাত-পা চোখ-মুখ সবেতেই ফোলা ফোলা গোলাকার ভাব। বছর পয়তাল্লিশ বয়স, হাঁটুর ওপর কাপড় তোলা, গায়ে বগলচঁড়া আধময়লা নেটের গেঞ্জি।

সদারের সঙ্গে সান্ধুনাকে দেখেই হাঁটুর কাপড় যতটা সম্ভব টেনে নামিয়ে ভূতুবাবু ব্যস্তমস্ত ভাবে উঠে দাঁড়াল। আনত অভিবাদন জ্ঞাপন করল দু হাত জুড়ে।—আসুন, আসুন, কি সৌভাগ্য, বসুন। ত্রস্তে ময়লা বাড়ন এনে একটা বেকি ভালো করে ঝেড়েমুছে দিল। বসুন, এইখেনটায় বসুন।

তার ব্যস্ততায় আরও বেশি ব্যস্ত হয়ে সান্ধুনা বসে বাঁচল।

প্রবেশ পথের ধুলো-বালির ওপরেই সদার বসে পড়ল। দেয়াল-সংলগ্ন হাঁকোর মুখ থেকে কলকেটা তুলে নিয়ে ভূতুবাবু তার হাতে দিল। নাও তামাক খাও।

হঠাৎ সর্দার দু হাতে কঙ্কে বাগিয়ে ধরে মুখে ঠেকালো। ভূতুবাবু সবিনয়ে এবং সহাত্রে সান্ধুনার সামনে এসে দাঁড়াল—আপনি এলেন, পরম সৌভাগ্য আমার—আপনি তো আমাদের ওভারসিয়ারবাবুর মেয়ে—চিনি চিনি, সকলকে চিনি আমি এখানকার। আর আপনাকে তো সবাই চেনে, এই ড্যানের যত্নতত্ত্ব আপনার মত অত আর কে ঘোরে—বড় ভালো লাগে দেখতে।

লজ্জায় আন গরমে সান্ধুনা রাঙিয়ে উঠেছে প্রায়। তামাকের কঙ্কেয় পাগল সর্দারের নিবিষ্টতা দেখে মনে হল, কি জগ্রে এসেছে তাই বোধ হয় ভুলে গেছে ও। হেসে বলল, আপনার কাছে কিন্তু একটা কাজের জন্ত এসেছি আমি। সর্দার বলল, আপনি ছাড়া আর কেউ যোগাড় করে দিতে পারবে না।

অমায়িক হাসিতে ভূতুবাবুর গোল মুখ ভরে উঠল প্রায়—ওরা আমাকে জানে যে। দরকার হলে এই রাষ্ট্র এই ভূতুই বাঘের দুখও যোগাড় করে দিতে পারে। আপনি সেজগ্রে কিছু ঠাঁববেন না, আগে একটু চা হোক।

না, না, এখন আর চা নয়।

হাত জোড় করে ফেলল ভূতুবাবু। মা-লক্ষ্মী শুধুমুখে ফিরে গেলে ভূতুর দোকানে ঘুঘু চরবে—এই শীগগির চা দে না এখানে—সদাঁরকেও একটু দিস। কর্মচারীকে আদেশ দিয়ে ভূতুবাবু একটা টুল টেনে নিয়ে বসল।

নিরুপায়। সাঙ্ঘনা ভূতুবাবুর হোটেল আর দোকান পর্যবেক্ষণে মন দিল। দুটো ছাপরা ঘর। মাঝে দরজা। যেখানে তারা বসেছে সেটাকে হোটেল এবং রেস্টোরাঁ বলা চলে। তিন-চারটে তেলচিটে বেঞ্চি পাতা। সামনে ততোবিক মলিন একটা কাচের আলমারিতে কিছু খাবার সাজানো। কোণের দিকে মস্ত একটা মাটির উলুনে বড় এক হাঁড়ি ভাত চড়ানো হয়েছে। ওদিকের ঘরটায় মণিহারী এবং মশলাপাতির দোকান। দেয়ালের দিকে একটা খাটিয়ার ওপর বিছানা গোটানো। একজন ছোকরা চাকর বিবর্ণ দুটো ছোট কাচের গ্লাসে কেটলি থেকে চা ঢালার ব্যস্ততা করছে। ওই গ্লাসে চা খেতে হবে ভেবেই সাঙ্ঘনার অবস্থা কাহিল। আমতা আমতা করে বলেই ফেলল, গেলাস দুটো একটু গরম জলে ধুয়ে নিলে হ'ত—

বিলক্ষণ, বিলক্ষণ! টুল ছেড়ে প্রায় লাফিয়ে উঠল ভূতুবাবু। ওরে এই ব্যাটা মুখখু—গরম জলে গেলাস না ধুয়েই তুই চা ঢালছিস? শীগগির ধুয়ে দে ভালো করে। আচ্ছা, দাঁড়া—

তাড়াতাড়ি এক টুকরো সাবান এনে নিজেই গ্লাস দুটো ধুয়ে রঙ ফেরালো, পরে গরম জলে আর একগ্রন্থ ধুয়ে বলল, নে এটবার ঢাল চা—একটু জ্ঞানগমি যদি থাকত, যেন ওর মতই কেউ থাকে।

সকোচ সন্তোষ স্বস্তি নিঃশ্বাস ফেলল সাঙ্ঘনা। চায়ের গ্লাস এলো। আর একটা গেল পাগল সদারের হাতে। কক্ষে যথাস্থানে রেখে দিয়ে সাগ্রহেই চায়ের প্রতীক্ষা করছিল সে।

ভূতুবাবু টুলে ফিরে এসে সবিনয়ে বলল, একটু মিষ্টি বা নোনতা কিছু দিই? সাঙ্ঘনা ব্যস্ত হয়ে বাধা দিল, না না, এখন আর কিছু না—

গ্লাস ধোয়ার ব্যাপার থেকেই ভূতুবাবু বুকে নিয়েছে আর কিছু চলবে না।

তাই জোর করল না। ওই চাকরটার ওপরেই ক্রুদ্ধ হল মনে মনে। দিলে ব্যাটা দোকানের প্রেক্ষিতাই নষ্ট করে। অথচ এরই মধ্যে মনে কত কথাই না ভেবে ফেলেছে ভূতুবাবু। 'জেন্টলম্যান' তার দোকানে অনেক আসে। কিন্তু 'লেক্স'র পদার্পণ এই প্রথম। দেখাদেখি যদি কিছু কিছু মহিলার সমাগম হয় এমনি করে, তাহলে পদার্পণ আড়ালে টেবিল আর বেঞ্চি ফেলে একটা ক্যাবিনের

মত করা যায় কি না ভাবছিল। কানের টানে মাথা আসে। মা-লক্ষ্মীদের টানে রেস্টোরাঁ জমে উঠতে কতক্ষণ।

বেশ চা! ভূতুবাবুকে খুশি করার জন্তেই বলল সান্ত্বনা।

খুশিই হল। লজ্জাবিনম্র হাসি।—একটুখানি ভালো জিনিস সংগ্রহ করার জন্ত খেটে খেটে হয়রান হতে হয় আমাকে। আমার পরিবার তো সারাক্ষণই বলে তোমাকে দিয়ে ব্যবসা হবে না, তুমি আশ্রম খোলো। আমি বলি এ-ও তো আশ্রমই, নেহাত দুটো পয়সা নিতে হয় বলেই নেয়া।

হাসি চেপে সান্ত্বনা জিজ্ঞাসা করল, কাছেই আপনার বাড়ি বুঝি?

বাড়ি এখান থেকে চৌদ্দ মাইল দূবে। সপ্তাহে কি পনের দিন অন্তর হট করে এক আধ দিন ঘুরে আসি। আসলে এই আমার ঘর-বাড়ি হয়ে গেছে—এক পা নড়ার উপায় আছে? দেখলেন তো, একটু কথা বলছি আপনার সঙ্গে, অমনি গরম জলে গেলাস না ধুয়েই চা ঢালতে বসে গেল হাঁদারাম।

মাস ঘোয়ার ব্যাপারে লোকটি বেশ আহত হয়েছে বুঝে সান্ত্বনা অপ্রস্তুত হল একটু। পাগল সর্দার ওদিকে তার কোন্ চেনা লোকের সঙ্গে গল্প শুরু করেছে। ডেকে বলল, আমরা কি জন্ত এসেছি এখনো বললে না তো সর্দার?

ভূতুবাবু বাধা দিলে, আপনি কিছু বাস্তব হবেন না, যে জন্তেই আসুন, এসেছেন যখন পেয়েই গেছেন। এই ভূতুর কাছে কেউ কখনো না শোনে নি। চা-টুকু খেয়ে নিন আগে—আর একটু চা দিক?

বাকি চা-টুকু তাড়াতাড়ি গলাধঃকরণ করে মাসটা সরিয়ে রাখল সান্ত্বনা। না, আর না। আতিথেয়তা-প্রসঙ্গ এড়াইবার জন্তই জিজ্ঞাসা করল, আপনি এখানে গোড়া থেকেই আছেন বুঝি?

জাঁকিয়ে বসল ভূতুবাবু। ছুটির দিনে দোকানের খুঁচরো খদ্দের থাকেই না প্রায়। ঢালা শব্দকাশ। জন্ম দিল, এক্কেবারে গোড়া থেকে। হিল্ ব্লাস্টিং-এর পর নগদ পাঁচশ টাকায় এ জায়গা নিতে সক্ষম হেসেছে। বলেছে, শুকনো পাথর ধুয়ে জল খতে হবে—এখানে নাকি আবার ব্যবসা হয়! উৎক্লিষ্ট নিঃশ্বাস ছাড়ল একটা। ভূতুর হোটেল না থাকলে কি যে হত এখন সকলেই বুঝে সেটা।

অর্থাৎ এই হোটেল বিহনে এখানে ডায়ের পরিকল্পনাটাই বার্থ হত বললেও অত্যাুক্তি হবে না। এর ওপর সান্ত্বনা উসকে দিল আরো।—নরেনবাবুর মুখে আপনার কথা অনেক শুনেছি, তাঁর হু বেলার খাবারও তো আপনার এখান থেকেই খাচ্ছে?

খুশিতে ভূতুবাবুর গোলাকার দেহ ছলে উঠল যেন। আমাদের ড্রাকটসম্যান

নরেন চৌধুরী সাহেব ? বলেছেন বুঝি ?—অতি মহাশয় ব্যক্তি, খুব স্নেহ করেন আমাকে ।

পাছে হেসে ফেলে, সেই ভয়ে মুখ বুজে থাকে সান্ত্বনা ।

ভুতুবাবু বলে গেলেন, শুধু খাওয়া ! প্রথম দিকে এই ডায়াম দেখতে এসে বিপাকে পড়ে কত গণ্যমান্য লোক রাত কাটিয়েছে এই হোটেল-ঘরে ঠিক নেই । দোকানপাট গুটিয়ে রাত্রিতে তাদের শোয়ার জায়গা করে দিতে হয়েছে এই ভুতুকেই । বলতে তো পারি নে, না জেনেশুনে এসেছ যখন রাতভোব থাকে ওই আকাশের নিচে পাথরের ওপর বসে ।

নিজের বদমাশতায় নিজেই গলে গলে পড়তে লাগল ভুতুবাবু । বেশ লাগছে সান্ত্বনার । কিন্তু আর বসা চলে না । বাড়ির কথা মনে হতেই এবারে বেশি ছেড়ে দাঁড়াল ।—অনেক দেরি হয়ে গেল, সদার আমি চললাম কিন্তু—

তাড়া খেয়ে সদার গাত্রোত্থান করল । কাছে এসে সান্ত্বনা কেই জিজ্ঞাসা করল, ভুতুবাবু ‘ভাংরা’ মিলায়ে দিবে তো ?

তার ধারণা আগমনের উদ্দেশ্য সান্ত্বনা এতক্ষণে নিশ্চয় ব্যক্ত করেছে । কিন্তু ভুতুবাবুর স্বগোল দুই চোখ সেই অবলা জীবটির মতই হয়ে উঠল প্রায় । ফ্যাল ফ্যাল করে খানিক চেয়ে থেকে জিজ্ঞাসা করল, ভাংরা—মানে আপনার কি গোপু চাই নাকি ?

সান্ত্বনা মাথা নাড়ল, তাই বটে ।

সদার জোর দিয়ে বলল, দিদিয়াব ‘বৈজায়’ দরকাব, তু একটো ‘বেশ ভাংরা’ লিয়ে আয়, দিদিয়া কিনি লিবে । আমি দিদিয়াকে বলেছি ভুতুবাবু ঠিক মিলায়ে দিবে ।

ভাবনায় পড়ল ভুতুবাবু । এখানে হোটেল কেন্দ্রে বসার পর থেকে গোপনে এবং প্রকাশে অনেককে অনেক কিছুই সংগ্রহ করে দিতে হয়েছে তাকে । হচ্ছেও । কিন্তু তা বলে গোপু ! বোকার মত জিজ্ঞাসা করল, গোপু কি হবে ?

বাবার জন্তে সব সময় ঠিকমত দুধ পাই নে, তাই ভাবছিলাম বাড়িতে একটা গোপু রাখতে পারলে সুবিধে হত ।

ভাবতে লাগল ভুতুবাবু । একটু আগে নিজের মুখে যে বড়াই করেছে তাতে আর পারব না বলা সাজে না । তার থেকেও বড় কথা, যে এসেছে তাকে নিরাশ করতে মন সরে না । তাছাড়া পারলে দু পয়সা লাভের দিকটাও ফেলনা নয় । কিই বা এমন শক্ত কাজ, গোপু কি রাজ্যে নেই নাকি ? বলল, আচ্ছা দেখি, এখানে তো আর পাওয়া যাবে না, সেই শহর থেকে আনতে হবে—কিন্তু

খরচ তো একটু বেশি পড়ে যাবে।

সাস্তনা ভয়ে ভয়ে জিজ্ঞাসা করল, খুব বেশি ?

গেরস্থ বাড়ি থেকে পেয়ে গেলে তত বেশি পড়বে না—আচ্ছা সে যা হয় হবে, খোঁজ পেলো আপনার বাবার সঙ্গে না হয় কথা বলব'খন।

ব্যস্ত হয়ে বাধা দিল সাস্তনা, বাবার সঙ্গে কথা বলতে হবে না, পেলো আমাকে জানাবেন, সর্দারকে দিয়ে খবর দিলেই হবে। আচ্ছা, আমি যাই আজ, কেমন ?

চড়াইয়ের পথে যতক্ষণ দেখা গেল তাকে, ভুতুবা বু দাঁড়িয়ে দাঁড়িয়ে দেখল। দিনগত পারম্পর্যের মধ্যে আজকের বৈচিত্র্যটুকু নিঃশব্দে রোমন্থন করতে লাগল।

পাগল সর্দার তার নিজের কাজে চলে গেছে। পাহাড়ী রাস্তা ধরে সাস্তনা একাই উঠে আসছে হনু হনু করে। এত দেরি হয়ে যাবে কে জানত ! সর্দারের ওপরেই তার রাগ হচ্ছে এখন। একটু যদি সময়ের জ্ঞান থাকত। নরেনবাবু এতক্ষণে এসে গেছে নিশ্চয়ই। বাবার বকুনির হাত থেকেও রেহাই নেই আজ।

চড়াইয়ের পথে তাড়াহুড়ো করে উঠতে গেলে হাঁফ ধরে যাবেই। তার ওপর কড়া রোদ। সাস্তনার সমস্ত মুখ তেতে উঠেছে।

পিছনে গাড়ির শব্দে ফিরে তাকালো সাস্তনা। জিপ আসছে একটা। পথ ছেড়ে এক পাশ ধরে চলতে লাগল। জিপ পাশ কাটিয়ে গেল। চালক এবং তার পাশে আর একজন কে।—ইস, ওকে যদি তুলে নিত...এখনো কতটা পথ—

বিশ-পঁচিশ হাত এগিয়ে গিয়ে ঘাচ করে থেমে গেল জিপটা। চালকের আসনের লোকটি ঝুঁকে পিছন দিকে তাকালো। নীল সান্ধ্যাসে চোখ দেখা যাচ্ছে না, কিন্তু তার দিকেই চেয়ে আছে বোঝা যায়।

সাস্তনা ভড়কে গেল। কি সর্বনাশ ! ওর মনের কথা শুনেছে নাকি ! কাছাকাছি হতে লোকটি জিজ্ঞাসা করল, আপনি ওপরে যাচ্ছেন তো ?

সাস্তনার পা থেমে গেল। হাঁ না কিছুই বলল না।

প্রশ্ন অব্যাহত। কারণ এ রাস্তা ধরে ওপরে ছাড়া আর কোথায় যাবে—আহুন, আমরাও যাচ্ছি, রোদ্দুরে আর হেঁটে কষ্ট করবেন কেন ?

তার পাশের লোকটি আসন ছেড়ে টপকে পিছনে গিয়ে বসল। জিপগাড়িতে মেয়েদের পক্ষে পিছনে গিয়ে বসার থেকে সামনে বসা সহজ বলেই বোধ হয়।

সাস্তনা বিব্রত মুখে দাঁড়িয়ে রইল তবু। বলতে চাইছে, আপনারা যান, আমি হেঁটেই যাব : কিন্তু বলা হল না। লোকটি আবার ডাকল, আহুন, আমরা তো যাচ্ছিই ওপরে।

দ্বিধা কাটিয়ে উঠেই বসল সাস্তনা। মরুক গে, পাহাড়ের মাথায় উঠে তো

নেমেই পড়বে। আলাপ না আছে না-ই আছে।

পাহাড়ী রাস্তায় একেবেরে জিপ চলল আবার। বাঁকের মাথায় ভদ্রলোককে এক একবার ঝুঁকতে হচ্ছে তার দিকে। কিন্তু নীল চশমায় চোখের দৃষ্ট ঠাণ্ড কর। যাচ্ছে না। সাস্তনা আড়চোখে বার-কতক দেখে নিল তাকে। পিছনের লোকটির দিকেও তাকালো একবার। না, কখনো দেখেছে বলে মনে হল না।

কিন্তু মনে হতে একেবারে আড়ষ্ট হয়ে গেল সাস্তনা। চীফ ইঞ্জিনিয়ার বাদল গাঙ্গুলি নয় তো! সেও তো জিপে ঘুরে বেড়ায় শুনেছে। সাস্তনা ঘেমে উঠল একেবারে। ঘাড় না ফিরিয়ে যতটুকু দেখা যায় দেখল আবার। চকচকে চেহারা, ঝকঝকে বেশাবাস, হাতে সোনার ঘড়ি, সোনার ব্যাণ্ড, দু হাতের আঙ্গুলে একটা করে হীরের আঙটি। নীল চশমা সবেও এবার চোখাচোখি হয়ে গেল। সাস্তনা কাঠ হয়ে বসে রইল অল্প দিক ধেঁষে। আর দু-তিনটি বাঁক পেরুলেই মেন কোয়ার্টারস্। নামতে পারলে বাঁচে এখন।

কিন্তু জিপ মেন কোয়ার্টারস্ ছাড়িয়ে যেতেই সাস্তনা অফুটস্বরে বলল, আমি এখানে নেমে যাই।

নীল চশমা ফিরে তাকালো আবার। কিন্তু রাস্তাটা বঁকে গেছে বলেই সামনের দিকে লক্ষ্য করতে হল তখুনি।—আপনি অবনীবাবুর মেয়ে তো?

মাথা নাড়ল, তাই বটে।

পৌছে দিচ্ছি।

সাস্তনা চুপ আবার। স্তিমিরিং ধরা দুই হাতের হীরার আঙটি থেকে আলো টিকরে বেরুচ্ছে। ইচ্ছে করছে, ঘুরে বসে লোকটার আপাদমস্তক নিরীক্ষণ করে নেয়। কিন্তু মুখ তুলে তাকাতেও পারছে না।

দোড়গোড়ায় জিপ থামতেই বাইরের ঘর থেকে নরেন চৌধুরী গলা বাড়িয়ে দেখতে চেষ্টা করল। সাস্তনাকে গাড়ি থেকে নামতে দেখে বিস্মিত নেত্রে দরজার কাছে এগিয়ে এলো সে।

নমস্কার মিঃ চৌধুরী, ভালো তো?

নমস্কার, কি আশ্চর্য, আপনি কোথেকে?

সহাত্রে জবাব এলো, আপনাদের মেন কোয়ার্টার্স-এ যাচ্ছিলাম, ইনি রোদে কষ্ট করে উঠে আসছেন দেখে পৌছে দিলাম। চলি, কেমন—?

জিপ ঘুরিয়ে নিল। প্রত্যাবর্তন। সাস্তনা এতক্ষণে সহজ হল যেন। সাগ্রহে জিজ্ঞাসা করল, কে এঁরা?

নরেন অবাক, তুমি চেনো না?

না তো !

চেনো না, অথচ গাড়ি চেপে চলে এলে ?

পাহাড় ভেঙ্গে উঠে আসছি দেখে গাড়ি থামিয়ে ডাকলেন তো কি করব ।
বলুন না কে ?

কন্ট্রাস্টার ঘোষ-চাকলাদার—একজন রণবীর ঘোষ, পিছনের জন দ্বিজন চাকলাদার ।

সাস্থনা মহা অপ্রস্তুত । একেবারে যেন বোকা বনে গেছে । বলেই ফেলল,
ধেং ছাই !

নরেন চৌধুরী নিরীক্ষণ করে দেখছিল তাকে ।—তুমি কি ভেবেছিলে ?

সাস্থনা আরও লজ্জা পেল একটু । কে ভেবেছিল বললে এফুনি ঠাট্টা শুক হবে । কিন্তু গাড়িতে আসার আনন্দটাই মিছিমিছি মাটি হল । কে না কে, না জেনেই একেবারে কিনা কাঠ হয়ে বসে রইল সারাক্ষণ ! কিন্তু আশ্চর্য, ওকে কিন্তু ঠিক চেনে ভদ্রলোকেরা ।

এতক্ষণ বাদে বাড়ি ফেরার কথাটা মনে হতেই সচকিত হল । সিঁড়ির কাছ থেকেই ভিতর দিকে উকি দিল একবার । পরে প্রায় ইশারায় জিজ্ঞাসা করল, বাবা কোথায় ?

ভিতরে । যাও এক হাত হপে'খন আজ ।

ছোট মেয়েরই মতই ভয়ে ভয়ে সাস্থনা জিজ্ঞাসা করল, খুব রেগে গেছে বুঝি ।

থু উ-ব । তোমার মাসিমা না কারা এসেছেন—সেই থেকে সকলে অস্থির তোমার জন্ত ।

মা-সি-মা ! মুহূর্তের নিম্ন বিস্ময় ভাব কাটিয়ে নরেনের গায়ের উপর দিগ্বেদী ছুটল ভিতরের দিকে । বাবার বকুনির ভয়-ভাবনা রসাতলে গেল ।

নরেন গিয়ে চেয়ারে বসল আবার । অগ্নমনস্ক । ভিতরের হৈ-জল্লাভ কানে আসছে, কিন্তু তার থেকেও বেশি কানে লেগে আছে কন্ট্রাস্টার ঘোষ-চাকলাদারের জিপের ঘড়ঘড় শব্দটা ।

সত্যিই মাসিমা !

সঙ্গে মাসতুত ভাই আর বোনও । ছুটে গিয়ে সাস্থনা গলা জড়িয়ে ধরল মাসির । আচমকা আক্রান্ত হয়ে অবস্থা সন্তান তাঁর । বললেন, খুব দরদ বুঝেছি ছাড়—এতক্ষণ ছিল ক্ষোভের তুই ?

জবাব না দিয়ে শুৎফুল আনন্দে সাস্থনা মাসিকে ছেড়ে ভাই-বোনকে নিয়ে টানা-হেঁচড়া করল একপ্রস্থ । তার কাণে দেখে অবনীবাবুরও হাসি চাপা দায়

হচ্ছে। কিন্তু হাসলে আর শাসন করা যায় না। বললেন, এই চনচনে রোদে সকাল থেকে কোথায় টো-টো করে ঘুরছিলি শুনি ?

মাসির কোল ঘেঁষে বসে এই সব অপ্রিয় প্রশ্ন একেবারে বাতিল করে দিতে চাইল সান্ত্বনা।—কোথাও না, যাও। দেখলে মাসিমা, কোথায় তুমি এলে, ন বাবা আমাকে বকার কিকির খুঁজছে।

অর্থাৎ মাসি যখন এসেছে, যা-ই করে থাকি আর বকাবকির প্রশ্ন উঠতে পারে না। কিন্তু মাসিমাই উন্টো স্তর ধরলেন।—হ্যাঁ রে, তুই নাকি দিনরাত কাঠকাটা রোদ্দুরে আর হিমের মধ্যে ঘুরে ঘুরে বেড়াস, অস্থ-বিস্থ হলে তখন ? সান্ত্বনা তাচ্ছিল্য করে জবাব দিল, হ্যাঁ, অস্থ হলেই হল—

অবনীবাবু বললেন, আমি বলে বলে হায়রান হয়ে গেছি, আপনি ওকে নিয়ে যান এবার—বিদেশ-বিভূঁইয়ে ও একটা কিছু বাবিয়ে বিপদে ফেলবে আমাকে।

কিন্তু বোনঝির দিকে চেয়ে চেয়ে অস্থ-বিস্থের কোনো সম্ভাবনার কথা মনে হল না মাসির। বরং দেখলেন, কর্ণা রঙের ওপর কচি শ্যামলের ছোপ লেগেছে। চোখে মুখে হাসিতে খুশিতে নিটোল গ্রাম্য প্রাচুর্যের হাঁদ এসেছে একটা।

প্রসঙ্গ এড়াবার জগেই সান্ত্বনা বলল, তুমি সত্যি সত্যি এত শীগগির চলে আসবে মাসিমা, আমি একবারও ভাবি নি।

মাসিমা জবাব দিলেন, অত করে আসতে লিখেছিলি তাহলে অমনি বুঝি ? কি দিয়ে কি করছিস সেই থেকে ভাবছি...। কিন্তু তোর বাবা যে তোকে নিয়ে যেতে বললে শুনলি ?

আবার সেই কথাই এসে পড়তে সান্ত্বনা হতাশ নয়নে তাকালো তার বাবার দিকে।—তুমি যাও না বাবা ও-ঘরে, নরেনবাবু একলা বসে আছেন মুখ বুজে, গল্প করোণে।

সকরণ অনুনয়ে সকলে হেসে উঠতে উৎফুল্ল মুখে নিজেই উঠে দাঁড়াল সে। দাঁড়াও আমিই ডেকে আনছি ভদ্রলোককে, লজ্জায় আসতে পারছে না—

চলে গেল এবং প্রায় জোর করেই নরেন চৌধুরীকে এ ঘরে নিয়ে এলো। তড়বড় করে বলে গেল, এই আমার মাসিমা—এই মাসতুত বোন—বোনের দিয়ের ভাবনায় মাসির চোখে ঘুম নেই—আর এই হল মাসতুত ভাই—খুব ভালো ছেলে, ক্লাসে একদিনও পড়া পারে না।

বাড়িতে পদার্পণ করেই মাসিমা একে দেখেছেন। অবনীবাবু আলাপও করিয়ে দিয়েছেন। এবারে অন্তরঙ্গতাটুকু ঠোঁথে পড়ল মাসির। পড়ল বলেই কয়েক

নিমেষ নিরীক্ষণ করে দেখলেন তাকে । নরেন হাসছে মুখ টিপে ।

খুব পরিচয় করিয়ে দিয়েছিল, বোন আর ভাই দেখাবে'খন পরে তোকে—
এঁকে একটা কিছু পেতে বসতে দে ।

তকতকে মেঝের ওপরেই সমাসীন সকলে । নরেন চোঁধুরীও খাঁকি ট্রাউজার টেনে অবনীবাবুর কাছাকাছি পা গুটিয়ে বসে পড়ল । পরে মাসির দিকে চেয়ে হেসে বলল, আপনি আসায় সাস্তনার আনন্দ বোধ হয় মড়াই থেকেও শোনা যাচ্ছে । যাবেই তো ! সাস্তনার পরিচয় করানো শেষ হয় নি এখনো, তুমি একদিন রাগ করে আমাকে বাবাকে মাকে দাদুকে সকলকে নিয়ে কি একটা গাল দিয়েছিলে না মাসিমা—পঞ্চতপার গুণ্টা ? এই দেখো মূর্তিমান পঞ্চতপা । খুশিভরা ছুই চোখ নরেনের মুখের অপর সংবদ্ধ হল ।—বুঝলেন না তো ? মাথার ওপর সূর্যের তাপ, চারদিকে পৃথিবীর তাপ—এই পাঁচ তাপের মধ্যে বসে—এই ! মেরুদণ্ড সোজা করে দু চোখ বুজে যোগাসনের একটা নমুনা দেখাতে গিয়ে হেসে ফেলল । পরক্ষণে গম্ভীর হয়ে বলল, শুধু ইনি নয় মাসিমা, এঁদের চিফ ইঞ্জিনিয়ার থেকে শুরু করে পাগল সদীর পর্যন্ত সবাই তাই—সাধনার চোটে এই পাহাড়ী মরুভূমির ওপর দিয়েও তরতরিয়ে জাহাজ চলবে দেখো'খন ।

আর একগ্রন্থ হাসি ।

অবনীবাবু বললেন, নে খুব হয়েছে এখন, বেলা কত হল খেয়াল আছে, খাওয়া-দাওয়া নেই আজ ?

তড়াক করে উঠে দাঁড়াল সাস্তনা । সত্যিই একেবারে ভুলে বসেছিল । কিন্তু নরেন মাঝখানে কোড়ন কাটল আবার । নিরীহ মুখেই অবনীবাবুকে জিজ্ঞাসা করল, সাস্তনার খাওয়া হয়েছে ?—মানে, বহুনি খাওয়া ? সকাল থেকে এ পর্যন্ত কোথায় দূরছিলে—

সাস্তনা তর্জন করে উঠল, ভালো হবে না কিন্তু ।

ঘর ছেড়ে দ্রুত প্রস্থান করল সে ।

মাসতুত বোন আর ভাইও অহুসরণ করল । উঠতেন মাসিমাও, কিন্তু ছেলেটির প্রতি কোঁতুহলবশত উঠলেন না । এটা সেটা জিজ্ঞাসা করতে লাগলেন । গ্রামের কথা, বাড়ির কথা, চাকরির কথাও ছ'চারটে ।

রান্নার ফাঁকে ফাঁকে সাস্তনা এক একবার আসছে এ ঘরে । শেষে বাবাকে জানে পাঠিয়ে মাসির রান্নার প্রশংসায় পঞ্চমুখ হল । বলল, আমার রান্নাতেই এই, মাসিমার হাতের রান্না খেলে একেবারে দ্রোণদীর শোক উথলে উঠবে আপনাদের ।

মাসি হেসে ক্লেমেও প্রায় ধমকের সুরেই বললেন, মেয়ের কথাই ছিরি দেখো।

নরেন টিল্লনী কাটল, এ কথা বলে আসলে রান্নার ব্যাপারটা আপনার ওপর চাপাতে চাইছে বোধ হয়।

সাস্থনা চাক বা না চাক যে দুদিন ছিলেন রান্নার ভার তিনিই নিলেন আর নরেনও যথাবিধি দু'দিনই নিমন্ত্রিত হ'ল। হৈ-চৈয়ের মধ্যে কাটল সে দিনটা। পরদিনও প্রায় তাই। আপিস ফেরত নরেন চৌধুরীকে বাহন করে সাস্থনাই মহা উৎসাহে মাসি এবং ভাইবোনদের ডায়ের কার্যকলাপ দেখাল শোনাল এবং বোঝাল। পাহাড়ে পাহাড়ে ওঠানামা করিয়ে পায়ে ব্যথা ধরিয়ে দিল সকলের।

কিন্তু পরদিন রাত্রিতে সাস্থনার আনন্দ-প্রাচুর্যে একটা ছেদ পড়ে গেল যেন হঠাৎ।

একটু আগে সকলকে বাড়ি পৌঁছে নিয়ে নরেন চলে গেছে। রাতের নাম-মাত্র রান্না সেরে নেবার জন্ত সাস্থনা রান্নাঘরে ঢুকেছে। ওদিকের ঘর থেকে বাবা এবং মাসির কথাবার্তা কানে এলো। ইতিমধ্যে সাংসারিক আলাপের অবকাশ বড় পেয়ে ওঠেন নি মাসি। পরের দিন তাঁর যাওয়ার কথা। তাই অবনীবাবুর সঙ্গে ছোটো কথাবার্তা কইতে বসেছেন।

তাড়াহুড়ো করে হাতের কাজ করছিল সাস্থনা। আর ভাবছিল, কাল মাসির যাওয়া বন্ধ করতে হবে। কাল কেন, পরশুও যেতে দেবে না।

ওদিক থেকে মাসির একটা মন্তব্য কানে এলো।—ছেলেটি বেশ, দিকি হাসিখুশি, একেবারে আপনার জনের মত।

খুব ভালো, ভান্নী ভালো। অবনীবাবু বললেন—এই বয়সে কত বড় চাকরি করে, একটু অহঙ্কার নেই, একেবারে ছেলেমানুষ।

কিন্তু ওরা চৌধুরী না কি শুনলাম, বামুন তো?

বামুন—? কি জানি। ভাবলেন একটু, বামুন নয় বোধ হয়...

কণ্ঠস্বর বদলে গেল মাসির। একটু চুপ করে থেকে ঈষৎ উষ্ণকণ্ঠে বললেন, কোন্ জগতে যে বাস করছ তোমরাই জানো বাপু।

আবার কিছুক্ষণ নীরব থেকে একেবারে অল্প প্রসঙ্গ তুললেন তিনি।—তুমি ভো আপাতত এখানেই থাকবে বোকা যাচ্ছে, কিন্তু এখানে বসেই তুমি মেয়ের বিষয়ে দিতে পারবে মনে করো নাকি?

বিস্তৃত মুখে অবনীবাবু বললেন, তাই তো ভাবছি।

কিন্তুই জবাব না, ভাবলে আর অমন নিশ্চিন্তে কাটাতে পারতে না। ভালো চাও ততো মেয়েকে কালই আমার সঙ্গে পাঠিয়ে দাও, আমি চেষ্টা-চরিত্র

করে দেখি। আর ..এখানে এসব আমার ভালও লাগছে না।

কি ভাল লাগছে না, সেটা অবনীবাবুর বোধগম্য হল না ঠিক। চেষ্টাও করলেন না বুঝতে। চিন্তিত মুখে বললেন, ও কি যাবে এখন, আপনিই বলে দেখুন না।

এদিকে সাস্ত্রনার হাতের কাজ থেমে গেছে। ভুরুর মাঝে কুঞ্জনরেখা পড়েছে। দুই চোখ শূণ্যের মধ্যে এক-একবার ঘুরে এসে থেমে যাচ্ছে।

চল্লিশ সমস্ত ভিতরটাই যেন তিক্ত হয়ে গেল তার। মাসতুত বোনের একটা আধটু চপল ইঙ্গিতের তাৎপর্যও হুম্পট হল এতক্ষণে। মনে হল মড়াইয়ের এই উন্মুক্ত মুক্তির মধ্যে মাসিকে মানায় না, মাসতুত বোনকে মানায় না। তারা ভিন্ন গণ্ডির মানুষ, তার মধ্যে নিয়ে পুরতে চাইছে একেও। ওর এই মুক্তি কেড়ে নিতে এসেছে। নরেনবাবুর প্রসঙ্গে কই তার তো কোন দিন কিছু মনে হয় নি। সাস্ত্রনা নিজের অধর নিজেই দংশন করতে লাগল দাঁড়িয়ে দাঁড়িয়ে।

রাতের খাওয়া-দাওয়ার পর মাসি কথা পাড়লেন। কাল দুপুরেই কিন্তু যাচ্ছি বে সাস্ত্রনা, তুইও এগার যাবি তো! আমার সঙ্গে ?

সাস্ত্রনা প্রস্তুত ছিল। একরাশ বিষয় প্রকাশ করে বলল, আমি। তুমি বলো কি মাসিমা, আমি গেলে বাবাকে দেখবে কে ?

তোব বাবাকে তুই চিরকাল আগলে রাখবি ভেবেছিস নাকি ?

ভেবেছি মানে ? রাখবই তো।

ভগবান কখন রাধিস'খন। এখন তো চল, তোর বাবাই নিয়ে যেতে বলছে।

সাস্ত্রনা বাবার দিকে একটা ক্রুদ্ধ দৃষ্টি নিক্ষেপ করে জবাব দিল, আমাকে বলে দেখুক একবার।

কিছু বলা দূরে থাক, মেয়ের কথায় বাপকে হাসতে দেখে অসম্ভব হলেন মাসি। আদম দিয়ে মেয়েকে একেবারে মাথায় তুলেছে। বললেন, বেশ, তোমাদের ভালো তোমরা বোঝো, আমি আর কিছুতে নেই।

সাস্ত্রনাকে প্রথম দেখেই মাসি উপলব্ধি করেছিলেন ওকে নভানো যাবে না এখান থেকে। এ ক'মাসে ওর চেহারা নয়, ভেতরস্থক যেন বদলে গেছে।

পরদিন মাসি চলে গেলেন।

আর দুটো দিন থাকার জন্ত সাস্ত্রনা মৌখিক অল্পরোধও করতে পারল না একবার। উন্টে মের্ম স্বস্তির মত লাগছে। এত দিন এত আদরে কাটিয়েছে মাসির কাছে, ভারী অকৃতজ্ঞ মনে হতে লাগল নিজেকে। কিন্তু যা হচ্ছে তা হচ্ছেই। হচ্ছে বলেই স্বস্তির সঙ্গে সঙ্গে অল্প স্বস্তিও

মাসি যাওয়ার পরেও কটা দিন গুম হয়ে কাটালো সাধুনা। অকারণ নিরিক্তিতে মন ছেয়ে রইল। আগের মত নিজেকে ছাড়িয়ে যাওয়া আর ছড়িয়ে দেওয়ার স্বতঃস্ফূর্ত আনন্দে ব্যাঘাত ঘটতে লাগল।

কিন্তু শীগগিরই এই গুমোট অসহিষ্ণুতা কেটে গেল আবার। কাটল পাগল সদীর আর ভূতুবাবুর কল্যাণে। অপ্রত্যাশিত বৈচিত্র্যে মাঝের এই কটা দিন একেবারে নিশ্চিহ্ন হয়ে গেল যেন। নিজেকে কিরে পেল সাধুনা।

সেও ছুটির দিন। তার বিগত কটা দিনের আচরণে মনে মনে বিস্মিত হচ্ছিল নরেন চৌধুরী। অবনীবাবুর সামনেই হালকাভাবে বলেছিল, মাসি চলে গেলেন বলে একেবারে যে মুষড়ে পড়লে দেখছি।

সাধুনা ফস্ করে জবাব দিয়েছে, আনন্দে হাততালি দেব ?

ওব্, বাবা ! তা তুমিও তো গেলেই পারতে মাসির সঙ্গে—দিন কতক না হয় তোমার ড্যাম্ সুপারভিশান বন্ধই থাকত।

আগে এ ধরনের ঠাট্টায় অনেক হেসেছে সাধুনা। কিন্তু এই লোকের সম্বন্ধেই বিচ্ছিন্নি ভাবে সচেতন করে দেওয়া হয়েছে তাকে। আগের মত হাসতে পারা সহজ নয়। পারলও না।

এমন সময় দরাজ গলায় হাঁক শোনা গেল বাইবে।—দিদিয়া ! ই-দিদিয়া—

সাধুনা বাইরে এসে দাঁড়াতেই উল্লসিত পাগল সদীর বলে উঠল, দিদিয়া, ভূতুবাবু ডাংরা নিয়ে আসলো—আরাঃ ডাংরা—ভাগে ডাংর'—নাওয়া ডাংরা নাওয়া তোয়াদিবে—।

আনন্দাতিশয্যে অনেকগুলি দুর্বোধ্য শব্দ বলে ফেলল পাগল সদীর। অর্থাৎ ওই গোক নিয়ে আসছে ভূতুবাবু, রাঙা গোক, খাসা গরু, নতুন গাইয়ের নতুন ছব পাবে গো তুমি।

অদূরে বাঁকের মুখে চোখ পড়তেই সাধুনাও সপুলকে বলে উঠল, ওম' তাই তো !

দশ বারো বছরের একটা গ্রাম্য ছেলে দড়ি ধরে টানতে টানতে নিয়ে আসছে গোকটাকে। রাঙা গোকই বটে। পিছনে একটা খড়ের বাছুর বুক করে খপ খপ চরণে আসছে গোলাকৃতি ভূতুবাবু।

এক দৌড়ে ভিতরে চলে গেল সাধুনা।—শীগগির এসো বাবা, কি সুন্দর গোক এনেছে দেখে যাও !

তক্ষুনি বাইরে চলে এলো আবার। গোকটাকে অভ্যর্থনা করে আরাধনা করে নিয়ে আসছে। কিন্তু খুব কাছে যেতে সাহস হয় না উঠে

করে। কাছাকাছি গিয়ে থমকে দাঁড়াল। তারপর সঙ্গে সঙ্গে আসতে লাগল।

এত পরিশ্রম সার্থক হল যেন ভূতুবাবুর। ঘামদরদর মুখে একগাল হেসে বলল, ভূতুর অসাধ্য কন্ম নেই মা-লক্ষ্মী, দেখলেন তো? পছন্দ হয়েছে?

হাসিমুখে দুই চোখের রূতজ্ঞতা জ্ঞাপন করতে গিয়ে থমকে গেল সাব্বনা।
—আ-হা, ওর বাছুরটা মরে গেছে বুঝি?

হ্যাঁ তাতে কি, এটাকে কাছে পেলেই ও খুশি, ভারী ভালো গোরু। নামও খাসা—সুন্দরী।

ওদিকে নরেন চৌধুরী বাইরে এসে দাঁড়িয়েছে। তার পিছনে অবনীবাবু। মেয়ে গোরু আনাবে করে করে শেষে সত্যিই এনে হাজির করবে এতটা ভাবেন নি বোধ হয়। ফ্যাল ফ্যাল করে দেখতে লাগলেন তিনি।

বক্ষসংলগ্ন খড়ের বাছুর মাটিতে নামিয়ে দু'জনেরই উদ্দেশে বিনয়ানত হ'ল ভূতুবাবু। পরে সিঁড়ির ছায়ায় ধপ করে বসে পড়ে ঘাম মুছতে মুছতে বলল, মা-লক্ষ্মী নিজেকে গিয়ে বলে আসতে সেই থেকে খুঁজছি—তা গোরুর মত গোরুই পেয়ে গেলাম বটে—সাক্ষাৎ যেন ভগবতী আশ্রয় করেছেন ওর মধ্যে।

নরেন হাসছে। অবনীবাবু চুপ। এই নতুন বামেলায় বিরক্ত হয়েছেন বোঝা যায়। টাকা কত গুনতে হবে সেটাও ভাবছেন।

জিজ্ঞাসা করতে হ'ল না। ভূতুবাবুই বলল, অনেক ঝাকাঝাকি করে একশ পচিশ রাজী করিয়েছি, দিতে কি চায়—সবে প্রথম বিয়ান, এখন তো জীবন-ভোর দুধ দেবে। প্রসন্ন বদনে সাব্বনার দিকে চেয়ে বলল, খুব শস্তায় পেয়ে গেছেন মা-লক্ষ্মী।

কিন্তু মা-লক্ষ্মী তখন শঙ্কিত নেত্রে বাবার মুখভাব পর্যবেক্ষণে রত। খুব সুবিধের মনে হচ্ছে না। একশ পঁচিশ বেশি হ'ল কি কম হ'ল ধারণা নেই। শুধু মনে হ'ল একশ পঁচিশ অনেকগুলো টাকা।

মেয়ের দ্বন্দ্বের দিকে চেয়েই বোধ হয় কিছু আর বললেন না অবনীবাবু। টাকা আনতে ভিতরে চলে গেলেন। উৎফুল্ল আনন্দে সাব্বনা এবার গোরুটার কাছে এগিয়ে গেল। ছেলেবেলা থেকেই গোরু নিয়ে অনেক ঝাঁটাঝাঁটি করেছে। ভয় বিশেষ নেই! চিনলে দু'দিনেই ঠিক হয়ে যাবে। তবু এই মুহূর্তে ওর গায়ে পিঠে একটুখানি হাত দেবার লোভ সামলায় কি করে। গোরুটা একটু আধটু নড়েচড়ে শান্ত হয়ে ঠাঁইয়ে রইল। ওর গায়ে পিঠে কপালে হাত বুলিয়ে দিতে লাগল সাব্বনা। মরেনকে বলল, কি ঠাণ্ডা চাউনি দেখেছেন?

নরেন আর বাই হোক, গোরুর সমঝদার নয়। তবু ভালোই লাগছে। ওকে

খুশি করার জন্তেই গোকটীর বেশ কাছে গিয়েই দাঁড়াল সেও। হাত বাড়িয়ে একটু আদর করতে গেল তারপর।

কিন্তু ঝামেলা বাড়ছে দেখেই হোক বা বেশি আপ্যায়ন পছন্দ নয় বলেই হোক, হঠাৎ সিং নেড়ে অসন্তোষ জ্ঞাপন করে উঠল গাভীকণ্ঠ।

বাবু! এক লাফে প্রায় হাত তিনেক সরে এলো নরেন চৌধুরী।

খিল খিল করে হেসে উঠল সাস্তনা। হাসতে লাগল পাগল সর্দার আর ভূতুবাবুও।

সাস্তনা টিপ্পনী কাটলো, দেখলেন, ও লোক চেনে।

পাণ্টা জবাব দিল নরেন চৌধুরী, চিনবেই তো, মা-লক্ষ্মীর সঙ্গে সাক্ষাৎ ভগবতীর আর তফাত কতটুকু?

পাগল সর্দার বুল না। কিন্তু প্রায় চার আঙ্গুল জিভ বার করে ফেলল ভূতুবাবু। নিকপায় রোষের অভিব্যক্তি সাস্তনার চোখে।

পথ-খরচা সমেত টাকা বুকে নিয়ে ভূতুবাবু প্রস্থান করতে অবনীবাবু এবার বললেন, মাসীর সঙ্গে তোকে পাঠিয়ে দিলেই ভাল হ'ত দেখছি—তুই একেও গিয়ে ধরেছিলি গোকর জন্তে?

এখন কোন জবাব দেবে, এত বোকা নয় মেয়ে। নিরীহ মুখে দাঁড়িয়ে রইল। পরে ইশারায় নরেনকে বলল, বাবাকে নিয়ে ঘরে যান না।

তারি আড়াল হতে পাগল সর্দারকে তাড়া দিল, ওর ঘর ঠিক না করে দিয়ে যেতে পাবে না কিন্তু সর্দার।

সর্দার এক পায়ে প্রস্তুত। বলল, হেঁ আখুনি দুব—

ঘর এক রকম ঠিক করেই রেখেছিল সাস্তনা। পিছনের দিকে ছাপরা ঘরের মত আছে একটা। হয়তো চাকর-বাকর থাকার জন্ত করা হয়েছিল। গৃহ-সংলগ্ন হলেও বিচ্ছিন্ন, পাশের সরু রাস্তা দিয়ে আলাদা প্রবেশ-পথও আছে।

গোয়াল-ঘরে পরিণত হ'ল ওটাই। সর্দার খুঁটি পুতে দিল। তারপর পয়সা চেয়ে নিয়ে দড়ি টন বালতি খোল ভূষি ইত্যাদি কিনে নিয়ে এলো। নতুন আলয়ে গৃহপ্রবেশ সম্পন্ন হ'ল স্তম্ভরীর। যে ছোকরা ওকে টেনে নিয়ে এসেছিল, গোকর/জন্তে অবনীবাবু তাকেই বহাল করলেন। দু'বেলা দুইয়ে দেবে, গোয়াল ঘর পরিষ্কার করবে, চরাতে নিয়ে যাবে। সাস্তনার মতে কিছুই দরকার ছিল না, ও নিজেই পারে সব। কিন্তু এখন এ নিয়ে বাবার কথা ওপর কথা কইলে নির্ধাত বকুনি আছে কপালে। পরে ভেবে দেখল, লোক একজন দরকারও.. গোকর খাবারদাবার তো আর নিজেই বয়ে আনতে পারবে না।

কিন্তু অদৃষ্টে বকুনি আছেই। প্রথম দিনকতক প্রায় আহার নিব্রাহি ঘুচে গেল। ফাঁক বুয়ে ছোকরাটাও ফাঁক দিতে শুরু করল। কিন্তু সাস্ত্বনা ওর পরোয়া করে ভারি। চরাতে নিয়ে যাওয়ার সময়েও সে সঙ্গে থাকে। তার নির্দেশমত কিছু দূরে পিছনের দিকের একটা খোলা জায়গায় খুঁটিতে বাঁধা হয় গোকুটাকে। খাস খুব নেই। কাজেই জাবনার বালতিও আনতে হয় সঙ্গে। ভহলোকের বিশেষ আনাগোনা নেই এদিকটায়। গ্রাম্য পথচারীরা শুধু এই পথে পাঠাড় ডিঙিয়ে যাতয়াত করে। সন্ধ্যাচ এমনিতেই কম, সেটা আরো গেল। ছোকরাটা সময় মত না এলে গোরু আর বালতি নিয়ে সাস্ত্বনা এক-একদিন নিজেই পেরিয়ে পড়ে।

ফলে ডল খাঁটাও বাড়ছে, রোদের ধকলও যাচ্ছে। অবনীবাবু রীতিমত রেগে গিয়ে বলেন, একটু শরীর খারাপ হয়েছে কি তোকে আমি ঠিক পাঠিয়ে দেব এখান থেকে।

দু'চার দিন সমীচ করে চলে সাস্ত্বনা। তার পর যেই কে সেই। আবার একদিন বকুনি খায়।

কিন্তু অদৃষ্ট-বিড়ম্বনায় ব্যাপারটা ঘটল উল্টো রকম। অবনীবাবু হঠাৎ নিজেই পড়লেন অস্থখে। দিন দুট সর্দি এবং জ্বরভাব, তারপর একেবারে শয্যাশায়ী। সাস্ত্বনা শাসন করল, নিশ্চয় ঠাণ্ডা লাগিয়ে আর রোদ লাগিয়ে অস্থখটি এনেছ। অবনীবাবু আর বলবেন কি। হেসে ফেলেন।

কিন্তু ভোগালে বেশ। জ্বর সহজে ছাড়তে চায় না। এসব কাজে বেশি দিন ছুটি নিয়ে বসে থাকাও চলে না। আবার না নিয়েই বা উপায় কি। সরকারী ডাক্তার রোজ এসে দেখে যান। নরেন নিয়ে আসে সঙ্গে করে। ওষুধপত্রও এনে দেয়। বাবার মুখেই সাস্ত্বনা শুনেছে, ছুটিছাটা বেশি চাইলে চিক ইঞ্জিনিয়ারের নাকি মেজাজ বিগড়ায়। কিন্তু নরেন থাকতে এ ব্যাপার নিয়ে মাথা ঘামাতে হ'ল না কিছু।

সেরে উঠলেন অবনীবাবু কিন্তু বেশ কাহিল তখনো। বিকেলের দিকে সেদিন সাস্ত্বনাকে বললেন, বাইরে থেকে একটু ঘুরে আয়গে যা না—একেবারে ঘরে বন্ধ হয়ে আছিস। নরেনের উদ্দেশে বললেন, ওর হৃন্দরী পর্যন্ত সময়মত দেখা না পেয়ে তদ্বিধা খালি ডাকে।

নরেন আর ~~কি~~ প্রায় রঙ চড়ালো।—ড্যামের কাজও এ কদিন প্রায় বন্ধ বললেই চলে। একবার স্থপারভাইজ করে আসবে চলা তা হলে—

যাব না যান! বাঁজ দেখায় সাস্ত্বনা, তার থেকে হৃন্দরীকে নিয়ে বেরব আমি।

নরেনের চোখে চোখ পড়তেই মা-লক্ষ্মী আর ভগবতীর ঠাট্টাটা মনে পড়ে বোঁব হয়। তার চোখে আবার সেই ঠাট্টারই আভাস দেখে তাড়াতাড়ি সরে পড়ে।

দশ-পনের দিন নয়, সাত্বনার মনে হ'ল যেন এক যুগ পরে বেরিয়েছে। পাহাড় থেকে নেমে নিরিবিলা গাঁয়ের পথে অনেক দূর এগিয়ে গেল।

কিন্তু নরেন অত হাঁটায় অভ্যস্ত নয়। বার বার ফেরার তাড়া দিতে লাগল। অগত্যা প্রত্যাবর্তনের পথ ধরে 'সাত্বনা' বলল, আপনি এক নম্রবেব কুঁড়ে, মোটে হাঁটতে চান না।

এইতেই বাড়ি পৌঁছে বাবার কাছে তাড়া খেতে হবে দেখে'খন।

সাত্বনা হালকা ভাবেই জবাব দিল, যাই বলুক, অস্থির করার কথা শাবা আর মুখেও আনবে ন', খুব জদ হয়ে গেছে।

তাকে বাগাবার জন্তেই নরেন সৈস দিল, ঠর এই ছোটখাটো অস্থিটায় তোমার তাহলে কিছুটা স্থবিরেই হয়েছে বলা ?

কিন্তু সাত্বনার মেজাজ অচিরকম এখন। রাগ-বিরাগের ধাব দিয়েও গেল না। শুধু বলল, হ্যাঁ হয়েছে, আপনার যেমন বুদ্ধি !

ফেরার পথে ভূতাবুর হোটেলের পাশ কাটানো গেল না। নত অভিনাদন জ্ঞাপন করে একগাল হেসে পথরোধ করে দাঁড়াল। নরেনের দিকে চেয়ে সবিনয়ে বলল, একটু বসবেন না শ্রার, একটুখানি চা—কাল সবে ফ্রেশ মাল এনেছি—

গম্ভীর মুখে নরেন চৌধুরী মাথা নেড়ে অস্বীকৃতি জানাতে থেমে গেল। সাত্বনা একা থাকলে টেনে এনেই বসাতো। কিন্তু এই গোমরা-চোমরা মানুস-গুলোর ধাত বুঝে চলতে হয় ভূতাবুকে।

নিম্পৃহ প্রত্যাখ্যানে লোকটার জগ কেমন মায়া হ'ল সাত্বনার। মিষ্ট করে বলল, আজ দেরি হয়ে গেছে, আর একদিন এসে খাব, কেমন ? আপনার গোল কিন্তু চমৎকার হয়েছে, খুব ভাল হয়েছে, একবারটি গিয়ে দেখে এলেন না তো ?

ভূতাবু বিগলিত।—খুব ভালো হয়েছে ? আমি ভাবছিলাম কেমন না জানি হ'ল। সবাই বলে আর জন্মে ভূত খালি ভালো খোঁজার তপস্তা করেছিল। যাক, নিশ্চিন্দী হল্যাম, হোটেল ছেড়ে এক দণ্ড নড়তে পারিনে তো, তবু নিশ্চয় বাব।

দু'দশ পা এগিয়ে নরেন চৌধুরী মস্তব্য করল, বাটা ঘুঘু।

সাত্বনা বলল, খুব ভালো লোক। কি মনে পড়তেই হেসে সারা তারপর।—সেদিন বলছিল, আপনি নাকি খুব স্নেহ করেন ওকে—অতি মহাশয় ব্যক্তি আপনি।

নরেনও হেসে ফেলল। বলল, ব্যাটা বাস্তবঘ্যু, তোমার গোরুর একশ পঁচিশ টাকার অন্তত পঁচিশ টাকা ওর গল্পেরে গেছে।

কক্ষনো না, আপনি মিছিমিছি বাড়িয়ে বলেন, বেশ ভালো লোক।

সে কণার আর জবাব না দিয়ে সামনের চড়াইয়ের রাস্তাটার দিকে চেয়ে একটা দীর্ঘনিশ্বাস ফেলল নরেন চৌধুরী—ট্রাকটাও যদি ছাই আসত এখন!

শুনেনি কি মনে পড়ে যায় সাস্থনার। উৎফুল্ল মুখে বলে, ওই ঘোষ-চাকলাদার না কি কন্ট্রাক্টারদের জিপটা এলেও তো হত—

তুফ কুচকে নরেন তাবাল একবার ওর দিকে।...এলেও সঙ্গে আমাকে দেখে নিবাস হয়ে জিপ আর থামাতো না।

বেং, আপনার খালি ইয়ে! তেমনি হেসেই বলল, কি না জানি ওঁরা ভেবে গেলেন সেদিন, হঠাৎ এমন ঘাবড়ে গেলাম যে একটা কথাও বেরুল না মুখ দিয়ে।

সেটাও ওদের খুব অপছন্দ হয় নি বোধ হয়।

ফের! জরুটি করে কয়েক পা এগিয়ে গেল সাস্থনা।

জিপ বা ট্রাক কিছুই নয়। মাঝামাঝি পথে দু'টি নারীমূর্তি। পাহাড়ের ধার-ধাঁধা একটা বড় পাথরে সমাসীন। দৃষ্টি মড়াইয়ের দিকে। আবছা অন্ধকারে দূর থেকে ঠিক ঠাণ্ড হ'ল না। কাছে আসতে চেনা গেল। নরেন চৌধুরী অশ্রুচক্রে বলে উঠল, এই সেরেছে।

বয়সী মহিলাটিকে সাস্থনাও চেনে। অ্যাডমিনিস্ট্রেটিভ অফিসারের স্ত্রী মিসেস চ্যাটার্জী। সন্দের মেয়েটি সাস্থনারই সমবয়সী হতে পারে, কিছু বড়ও হতে পারে।

কাছাকাছি হতে দু'জনেরই চোখ পড়ল এদিকে। মহিলা দাঁড়িয়ে সানন্দে বলে উঠলেন, আপনার কোয়ার্টারেই যাব ভাবছিলাম মিঃ চৌধুরী—আপনার সঙ্গেই দেখা! সাস্থনার দিকে কটাক্ষপাত করে নিয়ে আবার বললেন, বেড়াতে সেরিয়েছিলেন নাকি? কত দূর গেলেন? আমি নিচে নামলে আর একবারে উঠতেই পারিনে, হাঁপিয়ে পড়ি।

নরেন দাঁড়িয়ে সবিনয়ে হাসতে লাগল শুধু।

কই রে বরনা এদিকে আয়, আলাপ করিয়ে দিই। আমার মেয়ে বরনা, এম-এ পড়ে কলকাতায়—ছুটিতে এসেছে।—ইনি এখানকার ইঞ্জিনিয়ার ড্রাকটসম্যান নরেন চৌধুরী—এঁর কাছেই যাব বলছিলাম তোকে।

যথারীতি নমস্কার বিনিময়। সাস্থনা মেয়েটিকেই দেখছে চেয়ে চেয়ে ছিপিছিপি, চকচকে। চন্দ্রমার নিচে বকবকে চকিত দৃষ্টি।

করনা মাকেই জিজ্ঞাসা করল, আর ইনি ?

ও—এই এখানকারই একজন ওভারসিয়ারের মেয়ে—কি নাম যেন তোমার ?
—সাস্তনা ।

মেয়েটি এম-এ পড়ে শুনে গলা দিয়ে স্বর বেরোয় না প্রায় । ছ হাত তুলে মিষ্ট হেসে ওকেও যে নমস্কার জানাবে ভাবে নি । তাড়াতাড়ি হাসি টেনে কোন প্রকারে প্রতিনমস্কার করল সাস্তনা ।

কাল বিকেলে আপনাকে চায়ের কথা বলতে আপনার কোয়ার্টারে যাচ্ছিলাম মিঃ চৌধুরী । মিসেস চ্যাটার্জী বললেন, আসতে হবে—মিঃ গান্ধীও কথা দিয়েছেন আসবেন ।

শুনে নরেন চৌধুরী হতাশার ভঙ্গি করল একটা । কাল ? কি দুর্ভাগ্য, কাল যে এক বিশেষ কাজে আটকে আছি !

সে কি । না না—সন্ধ্যার দিকে আসুন তাহলে, তখন তো আর কাজ নেই ? মোলায়েম আন্তরিকতা ।

আর বলেন কেন, কাজ একেবারে সেই রাত পর্যন্ত । তাতে কি, আর একদিন হবে'খন । করনা দেবীর তো ছুটি আছেই এখনো, যে কোনদিন গিয়ে চড়াও হব । চলি, নমস্কার, নমস্কার—আপনি বসুন, একেবারে অতটা ওঠা কারো হার্টের পক্ষেই ভালো নয় খুব । এসো সাস্তনা—

অপেক্ষা না করে হাঁটতে শুরু করে দিল । খানিকটা এগোবার পর সাস্তনার বোবা মুখ খুলল । চিফ ইঞ্জিনিয়ার ঊর বাড়িতে চায়ের নেমস্তম্ভে যাবেন কাল ?

নেমস্তম্ভ হলে আর যাবে না কেন ?

আর আপনি যাবেন না ? বিশ্বয় এবং হতাশা ।

কি করে যাই, শুনলে তো কাজ আছে ।

ছাই কাজ, কি এমন কাজ আছে শুনি ?

প্রথম কাজ, রায় মশাই কেমন থাকেন না থাকেন খবর নেওয়া, দ্বিতীয়, তোমার সঙ্গে আড্ডা দেওয়া—কাল আর বেরুনো হবে না, বাড়ি বসেই আড্ডা দিতে হবে, হঠাৎ দেখা হয়ে গেলে কেলেকারি ।

পা খেমে গেল সাস্তনার । ব্যাপারটা বুঝতে চেষ্টা করেও পারল না বোধ হয় । আপনি তাহলে মিছে কথা বলে এলেন ঠুকে ?

কেন, এগুলো কাজ নয় ? দাঁড়ালে কেন, এসো—

কি যাচ্ছেতাই লোক আপনি ! দাঁড়ান দেখা হলে বলে দেব । নেমস্তম্ভ নিলেন না কেন ?

নিলে কি হ'ত ?

আমি শুনতে পেতাম সব ।

নরেন হেসে বলল, সেটা নেমন্তরে না গিয়েও শুরু থেকে শেষ পর্যন্ত তোমাকে ঠিক ঠিক শুনিয়ে দিতে পারি ।

ছাই পারেন, আপনি একটি মিথ্যে কথার জাহাজ । দেখা হোক না, ঠিক বলব আমি—ভদ্রমহিলা অত করে বললেন ।

জেনারেল কোয়ার্টারের বাঁকা পথে পা বাড়িয়ে নরেন চৌধুরী সংক্ষিপ্ত জবাব দিল, ভদ্রমহিলা মনে মনে খুশিই হয়েছেন ।

কেন ?

মাথাটি তোমার নীরেট না হলে বুঝতে, চায়ের উদ্দেশ্য মেয়ের সঙ্গে আলাপ পরিচয় করানো । একলা একজনকে নেমন্তন্ন করলে সদৃচ্ছাটা বড় বেশি প্রকাশ হয়ে পড়ে, তাই আমাকে বলা । এখন সব দিক বজায় রইল, বাদল এলেই প্রথমে জানাবেন, মিঃ চৌধুরীকে অত করে বললাম, তিনি আসতে পারলেন না—বাস্ নরেন চৌধুরী ওখানেই শেষ—তারপর অখণ্ড অবকাশ । কিন্তু সুবিধে হবে না—চিক ইঞ্জিনিয়ারটিকে ঠিকমত জানলে আর এগোতেন না মহিলা ।

আভিজাত্যের এদিকটা সাস্থনার জানা নেই খুব । ঘাড় ফিরিয়ে হাঁ করে চেয়েই রইল নরেনের মুখের দিকে । শেষের কথাগুলো কানেই গেল না বোধ হয় ।

এই মন্তব্য ?

বাড়ি ফিরে কাজের ফাঁকে ফাঁকেও বেশ একটা রোমাঞ্চ অনুভব করছে সাস্থনা । ভারী মজা লাগছে ভাবতে । হাতের কাজ ভুলে পার্টির গ্রহসনটা সর্কোতুকে কলন করতে চেষ্টা করছে এক-একবার । কিন্তু মানুষটাকে তো চোখেই দেখে নি, পারবে কি করে । মেয়েটা তেমন সুন্দরী না হলেও বেশ কিন্তু । আবার বিপরীত অনুভূতিও জাগছে থেকে থেকে । এত কালের এত বড় এক মরু-অভিশাপ দূর করতে বসেছে যে মানুষ—তার সঙ্গে ওই মেয়ে—

নাঃ ! সেও আবার কেমন লাগছে যেন ।

ওপরের মেন্ কোয়ার্টার্স-এর মতই অনেকটা জায়গা জুড়ে নিচের আপিস কোয়ার্টার্স। হালফেশানের বড়সড় আপিস-বাড়ি বলতে যা বোঝায় তেমন নয়। ছোট ছোট বিচ্ছিন্ন দালান গোটাকতক। দু-তিনটে করে ঘর। পদমর্যাদা অনুযায়ী সেই সব ঘরের আসবাবপত্র, সাজসরঞ্জাম। বিচ্ছিন্ন হলেও দালানগুলি মেন্ কোয়ার্টার্স-এর মত অতটা দূরে দূরে নয়। প্রয়োজনে সব সময়েই কর্মচারীদের এক দালান থেকে অন্য দালানে আনাগোনা করতে হয়।

সকালের আপিস শুরু হবার আগে সাধারণ কর্মচারীদের আড্ডা বসে এক প্রস্থ। সব একসঙ্গে নয়। এখানে সেখানে বিচ্ছিন্ন ভাবে। দাওয়ার ওপর এবড়ো খেবড়ো পাথুরে মাটিতে, ছোট ছোট ঝোপের ছায়ায় অথবা শিলাসনে।

কিন্তু প্রায়ই ব্যতিক্রমও ঘটে আবার। মাঝপথে জটলা থামিয়ে যে যার কাজে বসে যায় চুপচাপ। ইচ্ছায় হোক আর অনিচ্ছায় হোক। তখনই, যখন একেবারে ওই কোণের দালানটিতে একজনের উপস্থিতির আভাস পায়।

কারো কোনো অঙ্গশাসন নেই এর পিছনে। কোনো জ্রুটি নেই কারো। কিন্তু এমনি হয়ে আসছে। শুধু আপিস পরিবেশে নয়, আউট-ডোরেও। মড়াইয়ের বৃকেও। দলে দলে কোদাল শাবল চালাচ্ছে মাটিকাটা কুলিরা, একটু আবটু মন্ডরা করছে মাটির বুড়ি বা পাথর মাথায় কামিনরা, তদ্বির-তদারকের ফাঁকে ফাঁকে তাদের খোলা বৃকের উপর একটু আধটু চোখ বুলিয়ে নিচ্ছে কুলিবাবুরা—এরই মধ্যে হয়তো দেখা গেল, প্রায় কোনো দিকে না তাকিয়েই লোকটি চলে যাচ্ছে একপাশ দিয়ে। কুলিরা সচেতন হ'ল একটু, বুড়ি মাথায় কামিনরা ফিরে ফিরে দেখে নিল, মুখের বিড়ি ছুঁড়ে ফেলে দিয়ে তৎপর হ'ল কুলিবাবুরা। যন্ত্র-সমাবেশের দিকেও তাই। লোকটি হয়তো দাঁড়াচ্ছে একটু কোথাও, কোথাও বা পাশ কাটিয়ে চলেই যাচ্ছে। কিন্তু এরই মধ্যে কর্মচারীদের একটুখানি বাড়তি নিবিষ্টতা চোখে পড়বে।

...চিফ ইঞ্জিনিয়ার বাদল গাঙ্গুলি।

কোণের দালানের স্বতন্ত্র ঘরটিতে কর্মমগ্ন। কাগজপত্র দেখছে। সই করছে। কাহিল খাটছে। টেবিলে ইঞ্জিনিয়ারিং সরঞ্জাম ছড়ানো। দেয়ালে দেয়াল চাট, ম্যাপ। ঘরে ঢুকলে প্রথমেই সমস্ত পরিকল্পনার নকশাটা চোখে পড়ে।

টেবিলের গায়ের বোতাম টিপতে প্যা—কু করে শব্দ হ'ল একটা। বেয়ারার আবির্ভাব। ৬

ওভারসিয়ার রায় বাবু।

বেয়ারা চলে গেল। খানিক বাদে অল্পবয়স্ক একটি লোক হস্তদন্ত হয়ে ঘরে এলো।—রায় বাবু তো এখনো জয়েন করেন নি শ্রার।

ইঞ্জিনিয়ারের মুখে বিরক্তির বেগ।—স্পিল্ডুয়ে সারভে ফাইল কে ডিল করছে নিয়ে আসতে বলুন।

আগন্তুক বেশ একটু বিব্রত মুখে বেরিয়ে গেল।

সামনের উঠোন ডিঙোলেই আর একটা দালান। তেমনি একটা বড় ঘরের মেঝেতে দেয়ালে টেবিলে সর্বত্র ড্রইংয়ের ছড়াছড়ি। আঁকার সরঞ্জামেরও। টেবিলে ছড়ানো ড্রইংয়ের ওপরেই দু'পা চালিয়ে দিয়ে চেয়ারে মাথা রেখে সিগারেট টানছে নরেন চৌধুরী। বাঁ হাতে হাতীর দাঁতের কানকাটি দিয়ে কানে হুড়হুড়ি দিচ্ছে আর গলা দিয়ে সেই পেটেন্ট শব্দ বার করছে।

ফাইল-হাতে সেই লোকটি ঘরে প্রবেশ করল। নরেন চৌধুরী সিগারেটের ধোঁয়ার জটিলতা সৃষ্টি করতে করতেই অলস নৈত্রে তাকালো তার দিকে।

ফাইলবাহক একটু ইতস্তত করে বলল, বড় সাহেব ডেকেছিলেন—

ধূম রচনা বন্ধ হ'ল। ঈষৎ কোঁতুহলে তাকালো নরেন চৌধুরী। পরে সংক্ষিপ্ত জবাব দিল, যাচ্ছি।

না, মানে—আপনাকে নয়—স্পিল্ডুয়ে ফাইল নিয়ে আমায় যেতে বলেছেন।

ব্যাপার বুঝে নিতে আর সময় লাগল না একটুও। সিগারেটে লম্বা টান দিয়ে নরেন চৌধুরী যে কাগজটার ওপর ছাই ঝাড়ছিল তাতে ভুজাবশিষ্ট সিগারেটটা টিপে টিপে নেবাল। তারপর ছাইহীন কাগজটা মুড়ে ওয়েস্ট-পেপার বাস্কেটে ফেলল। চেয়ার ছেড়ে উঠে দেয়ালের গায়ে ওল্টানো একটা কার্ডবোর্ড সোজা করে দিল। বন্ধ বড় হরফে তাতে ঘরে ধূমপান নিষেধ বাণী লেখা। ফিরে বসল।

হুশিয়ার ভুলে ছেলোট হাশতে লাগল মিটিমিটি। এই লোকটির সঙ্গে একটা সহজ অন্তরঙ্গতা আছে সকলেরই।

তোমাদের ইঞ্জিনিয়ার সাহেবের কাছে যেতে হলে আমি কি মাঝপথের হল্টিং স্টেশান?

কি করব, অবনীবাবু তো অস্থ—এসব কখনো করেছি যে ছুট করে ফাইল নিয়ে গিয়ে হাজির হব? ফাইল তো যেমন ছিল তেমনি পড়ে আছে।

হঁ। তবু তোমাকে ডেকে পাঠিয়েছে। খুব কড়া করে তাঁকে হুকুম গুনিয়ে এসো গে যাও—যাও যাও—দেখি কোরো না।

অপ্রস্তুত হয়ে হেঁশে ফেলল ছেলোট। কিন্তু হাসলে চলবে না, ব্যবস্থা কিছু-

করতে হবে এক্ষুনি। কাইল তার টেবিলের ওপর রেখে বলল, আপনি যা করার করুন, আমি চললাম—।

দ্রুত প্রস্থান।

কাইল তুলে নিয়ে নরেন চৌধুরী নেড়ে-চেড়ে দেখল একবার। হাতীর দাঁতের কানকাঠি পকেটে ফেলল। পরে কাইল হাতে ভালকা মৃদু শিশ দিতে দিতে শাইরে এসে উঠোন ডিঙিয়ে গন্তব্যস্থানে চলল।

গুড মর্নিং ইঞ্জিনিয়ার সাহেব! দরজা ঠেলে ঘরে প্রবেশ করল।—এই নাও তোমাব স্পিলওয়ে কাইল।

শোসো, তুমি যে?

আমি ছাড়া ওই সাদা কাইল নিয়ে কে আর তোমার কাছে এগোবে? সাবাস্ফণ মুখখানা যা করে থাকো, ওপরঅলার ভয়েই অস্থির সব।

মৃদু হেসে বাদল গাঙ্গুলি তাকালো তার দিকে। সেই রকমই দেখছি বটে।

হা হা করে হেসে উঠল নরেন চৌধুরী—দুঃখ থাকে তো বলো, হজুর-টুজুর জুড়ে দি—। সবার সব কিছু নিয়ে তোমার কাছে আসতে হয় বলে আমার একটা আলাদা এলাওয়েন্সের জন্ত লেখা উচিত তোমার।

লিখব'খন। কিন্তু এ কাইলের কি হ'ল?

কি আর হবে, অবনীবাবু সেরে উঠুন।

মনঃপূত হ'ল না স্পষ্টই বোঝা গেল।—অবনীবাবু যদি এখন ছ'মাসে সেরে না ওঠেন, ও কাইল অমনি পড়ে থাকবে?

বড় সাহেবের কথার পিঠে কথা বলতে একমাত্র নরেনই পারে। মাথা নেড়ে সায় দিল সে, ঠিক কথা, ছ'মাসে কেন, অবনীবাবু আর যদি সেরে না-ই ওঠেন—স্পিলওয়ে কি বন্ধ হয়ে যাবে?

বাদল গাঙ্গুলি হার মানল প্রায়—ওরা বুঝি এই করতেই কাইল দিয়ে তোমাকে পাঠিয়েছে?

কি করবে, ওদের তো বাঁচতে হবে। যাক, কিছু ভেবো না, কাইল তোমার দু'দিনেই ঠিক করিয়ে দিচ্ছি।...হঠাৎ কি একটা মতলব এলো যেন মাধ্যায়। উঠতে গিয়েও চেয়ারে হেলান দিয়ে বসে পড়ল আবার। মন্দ হয় না, সামান্য আকাশ থেকে পড়বে একেবারে। বলল, তুমি তো আচ্ছা বড় সাহেব, রোদে জলে সারা হয়ে ভদ্রলোক অস্থে পড়ে গেলেন, আর এখন থেকে তুমি একটা বার দেখতেও গেলে না তাঁকে?

বিত্রস্ত করাই উদ্দেশ্য। বিত্রস্ত হ'লও—উনি তো এখন ভালো আছেন

শুনেছি—।

তাহলেও একবার যাওয়া উচিত তোমার। তুমি হলে ড্যাম-ক্যামিলির মাথা—
হেসে উঠল ছ'জনেই। বাদল গাঙ্গুলি বলল, গালাগালিটা ভালই দিলে,
আচ্ছা আমি যাব'খন।

যেও, আজই যেও। অবশ্য ভালই আছেন এখন তিনি, তবু আশাও তো
করে লোকে।

তার মুখের দিকে চেয়ে হঠাৎই কিছু যেন মনে পড়ে গেল বাদল গাঙ্গুলিরও।
মুহূ হেসে বলল, আশা যার করে সে তো! রোজই যাচ্ছে বোধ হয়—। পরক্ষণে
গম্ভীর মুখে হাতের কাজে মন দিল সে।

মুচকি হেসে নরেন চৌধুরী চেয়ে রইল তার দিকে। কিন্তু না। আর আশা
নেই। দ্বিগুণ একাগ্রতায় কাগজপত্র দেখছে—প্রায় রুঢ় মনোযোগে।

চলি। হাত বাড়িয়ে কাইলটা নিয়ে নিষ্ক্রান্ত হয়ে গেল নরেন চৌধুরী। একটা
কাজ মন্দ হ'ল না। সাস্ত্রনার চিফ ইঞ্জিনিয়ার দর্শন ঘটবে আজ। ওর তখনকার
মুখখানা দেখার লোভ হচ্ছে খুব। কিন্তু দেখতে গেলে সব পণ্ড। পরে বর'
শোনা যাবে। কিছু একটা দৃশ্য কল্পনা করেই হয়তো হাসছে আপন মনে।

কিন্তু ভবিতব্য অগ্ৰ রকম।

সাস্ত্রনার সেদিন মেজাজ চড়া। ছোকরা চাকরটার দেখা নেই তিন দিন।
গোকটার খাবার পর্যন্ত ফুরিয়ে এসেছে। মেজাজ আরো বিগড়েছে অগ্ৰ কারণে।
পাহাড়ের পিছন দিকেও নতুন রাস্তা বার করা হচ্ছে একটা। যেখানে গোক
বাঁধা হয় তার থেকে অনেকটাই দূরে অবশ্য। বড় একটা পাথরের চাপু ভূমিসাৎ
করা হচ্ছে সেখানে। আর থেকে থেকেই সেই বিফোরণের গুরুগর্জনে ভয়ে
জ্বালা এদিকে সেদিকে ছুটে পালাতে চেষ্টা করছে গোকটা।

ওদিকটা একবার পরিদর্শন করে আপন মনে আসছিল বাদল গাঙ্গুলি।
অনতিদূরের নারীকণ্ঠ ধমকে দাঁড়াল। খুঁটির সঙ্গে একটা গোক বাঁধা।
মেয়েটি তাফে বোকাচ্ছে, গোক বলে গোক, আচ্ছা গোক তুই, সেই থেকে
শুনছিল ওই শব্দ তবু তো তোর ভয় গেল না! ওখানে শব্দ হচ্ছে তো তোর
তাতে কী? ঘুরে ঘুরে দিকি খাবি-দাবি মোটা হবি, না ভয়েই ম'লো।

শাস্ত্রনামে কথাগুলি শুনে গাভীকণ্ঠ ভারী আশ্রিত হ'ল যেন।

চলু বাড়ি চলু, আমি তো আছি, ভয় কি?

এক হাতে বালতি ধরে অগ্ৰ হাতে খুঁটি থেকে দড়ি তুলে নিল সাস্ত্রনা।
অগ্ৰের মাথুখটির সঙ্গে দৃষ্টিবিনিময় হ'ল একবার। চেহারাপত্র বেশকুখা এম.

কিছু নয়, যাতে করে এই মেজাজ সঙ্কেও কোঁতুল জাগতে পারে। ও রকম হাঁ করে দাঁড়িয়ে দেখাটাই বরং বিরক্তিকর আরো। লোকগুলোর স্বভাবই ওই।

ঠিক অমনি সময় আচমকা আবার সেই শব্দ একটা। ভয় পেয়ে গোরুট; দিল ছুট। হাত থেকে দড়ি কসকে গেল সাম্ভনার। বালতিটাও ছিটকে পড়ল। আর সামলাতে না পেরে নিজেও হুড়মুড় করে আছাড় খেল একটা।

বাদল গাঙ্গুলি দড়িটা ধরে ফেলে টেনে-হিঁচড়ে ভীতব্রন্ত গোকটাকে খামালে কোন প্রকারে। তারপর ফিরে চেয়ে দেখে ওই অবস্থা। সাম্ভনা মাটি ছেড়ে উঠতে পারে নি তখনো।

গা-ঝাড়া দিয়ে উঠল শেষে। বেশ লেগেছে। কিন্তু সেদিকে খেয়াল নেই। কাপড় সামলাতে সামলাতে অগ্নিমূর্তিতে গোরুটার সামনে এসে হাত নেড়ে ঝাঁজিয়ে উঠল, চলো বাড়ি চলো আজ, তোমাকে দেখাচ্ছি মজা—পাজী হতচ্ছাড়া ভীতু গোরু—ঘাস খাস কি সাধে!

সামনের লোকটিকে দেখল। শব্দ হাতে গোরুর দড়ি ধরে নিম্পলক নেত্রে তার দিকেই চেয়ে আছে। অসহিষ্ণু রাগে সাম্ভনা ভূপতিত বালতিটার কাছে গেল। ক্রুদ্ধ অসহিষ্ণুতায় ব্রন্ত বেশবাস সম্বৃত করে নিল একটু। বালতিটা হাতে তুলে নিল তারপর। সামনে এসে বলল, ওটাকে ধরে একটু এগিয়ে দিতে পারবেন? ওই সামনেই বাড়ি—

নিজের অজ্ঞাতে সামনে পিছনে একবার দেখে নিয়ে বাদল গাঙ্গুলি ঘাড় নাড়ল, পারবে।

হন হন করে ক'পা এগিয়ে গেল সাম্ভনা। পিছনে দড়ি ধরে গোরু আগলে চলল চিক ইঞ্জিনিয়ার বাদল গাঙ্গুলি।

আবারও সেই বিস্ফোরণ।

থমকে দাঁড়িয়ে সাম্ভনা পিছন ফিরে দেখল। ভয় পেলেও গোরু হাতছাড়া হয় নি। রাগে গরগর করে বলে উঠল, ওঃ ঘটা কত! জল আনছে না তো একেবারে সমুদ্রুর নিয়ে আসছে সব। ক্রকুটি করে তাকালো, আপনি ওই ওখানে কাজ করেন?

প্রশ্ন অবাস্তব, নিজেই জানে। ড্যামের কাজ ছাড়া আর কোন কাজ নেই, এখানে। কিন্তু রাগের মাথায় অতশত খেয়াল নেই সাম্ভনার।

বাদল গাঙ্গুলি ঘাড় নাড়ল, করে।

ওদের বলে দেবেন মাটির নীচে এস্তার জল আছে, মিথ্যে আর এত হাঁকডাক করা কেন, অমনি করে সব উড়িয়ে পুড়িয়ে দিলেই জলে জলময় হয়ে যাবে সব!

মেয়েটি কে, অনেকক্ষণই চিনেছে বাদল গাঙ্গুলি। বলল, জলের জন্তু নয়, এখানে একটা রাস্তা হচ্ছে।

কোমরের ব্যথায় হাঁটতে কষ্ট হচ্ছে, হাঁটু বোধ হয় ছেড়ে গেছে। প্রত্যাহার সহ্য হ'ল না।—হ্যাঁ, দলে দলে লোক গিয়ে জলের মধ্যে সাতার কাটিবে সেই জন্তু রাস্তা হচ্ছে!

কেন যে বাদল গাঙ্গুলি একটু বোঝাবার লোভ সংবরণ করতে পাবল না সে-ই জানে। যুহু হেসে বলল, রাস্তা হলে তবে তার পাশ দিয়ে নালা কেটে এখানকার গায়ের দিকে জল পাঠানো যাবে, নইলে—

থাক্ থাক্ থাক্—আপনাকে আর বোঝাতে হবে না, অষ্টগ্রহর এই ভলকাতন শুনছি।

আবার সে হনহন করে এগিয়ে গেল। অধবিস্মিত কৌতুকে বাদল গাঙ্গুলি অল্পসরণ করল তাকে। আনাড়ি হাত বুঝেই গোরুটা যেন এদিক ওদিক যেতে চাইছে। কোন রকমে সে সামলে চলেছে ঠিকই, কিন্তু পায়ে পায়ে অনভ্যস্ততাও প্রকাশ পাচ্ছে।

সাস্থনা দাঁড়ায় আবার। নিম্পৃহ অবহেলায় দেখল একবার। দৃষ্টি বিনিময়। এই তো মুরোদ, ড্যাব-ড্যাব করে মেয়েদের দিকে চেয়ে থাকতে ওস্তাদ! বলল, একটা গোরু ঠিকমত চালিয়ে নিয়ে আসতে পারেন না, কোন্ কাজ হয় আপনাদের দিয়ে তাও বুঝিনে। অতটা দড়ি ছেড়ে দিয়ে ধরলে ও তো এদিক ওদিক যেতে চাইবেই, দড়িটা গুটিয়ে নিন আরো।

বেশ একটা বৈচিত্র্য অল্পভব করছে বাদল গাঙ্গুলি। নির্দেশমত দড়ি গুটিয়ে গোরুটাকে কাছাকাছি আনা হ'ল।

বাড়ি। পাশের সেই প্রবেশ-পথ দিয়ে সাস্থনা আগে আগে চলল। পিছনে গোরু নিয়ে বাদল গাঙ্গুলি। গোয়াল-ঘর। সাস্থনার মেজাজ সপ্তমে চড়া তখন। শূদ্র করে বালতিট রেখে তার হাত থেকে দড়িগাছা নিয়ে খুঁটিতে গলিয়ে দিল।

কিন্তু এই বন্দী-দশাও গোরুটার খুব পছন্দ নয়। পিছু হটতে চেষ্টা করে মাছুষটার গা ঘেঁষে এলো প্রায়। একটু ব্যবধান বজায় রাখতে গিয়ে তাকেও সরতে হ'ল। ফলে এবার তারই পায়ে লেগে বালতি ওলটালো। ভিতরের আহাৰ্য পদার্থ কিছুটা ছাড়িয়ে পড়ল। আবার বহুনির ভয়েই হয়তো বাদল গাঙ্গুলি তাড়াতাড়ি মাটি ছুঁতে সেই জলে-খোলে মেশানো পদার্থ ছ'হাতের অঁজলায় তুলে নিল ধানিকর্ষী।

সাস্থনা মুখ কিরিয়ে দেখল একবার। কিছু না বলে গড়ানো বালতিটা তুলে

প ণ ত পা

নিয়ে গোকর মুখের কাছে রেখে নতুন করে খাবার যোগান দিতে লাগল।

মাটি থেকে যা তুলেছিল তাই নিয়ে অঞ্জলিবদ্ধ দুই হাতে বাদল গাঙ্গুলি দাঁড়িয়ে রইল চূপচাপ। বাড়ির ভিতর থেকে অবনীবাবুর কণ্ঠস্বর ভেসে এলো, সাঙ্ঘনা এলি—!

এদিক থেকে অসহিষ্ণু জবাব গেল, যাই বাবা যাই! জল আনার যা ঘট তোমাদের, ভগীরথও গঙ্গা আনতে অত তোড়জোড় করে নি, ভয়ে স্বন্দরীটা একেবারে আধমরা হয়ে গেছে।

ওদিক থেকে আবার শোনা গেল, কি বলছিস কিছু শুনে পাচ্ছি না।

কিছু শুনে কাজ নেই, ওখানে চূপ করে বসে থাকো, আমি আসছি।

সামনের লোকটার দিকে তাকালো একবার। অনেক নাজেহাল হয়েছে। হাঁ করে চেয়ে থাকবার সাব মিটেছে হয়তো। ঈষৎ সদয় কণ্ঠে বলল, আপনি আর দাঁড়িয়ে আছেন কেন, ওই ওদিকে জল আছে হাত ধুয়ে কেলুন গে, তার পর বাবার কাছে বহন গে যান, আমি আসছি—।

ধারণা, ড্যামে কাজ করে যখন—তার বাবাকে চেনেই। হাতের কাজ এসে না হয় দুটো মিষ্ট কথা বলা যাবে।

হুকুমমত হাতের সেই বস্ত্র বালতিতে ফেলে বাদল গাঙ্গুলি বাইরে এসে জলের সন্ধানে এদিক ওদিক তাকাতে লাগল। গোয়ালঘরে কণ্ঠস্বর শুনল, গোকর উদ্দেশে বলছে, তুমি হাড়বজ্জাত হয়েছ, বুঝলে? আছাড় খাইয়ে আমার হাড়গোড় ভেঙ্গে দিয়েছ—নাও গেলো এখন—!

জলের সন্ধানে এসে বাদল গাঙ্গুলি যার সামনে পড়ে গেল তিনি অবনী রায়। ঘর-সংলগ্ন বারান্দার ইজিচেয়ারে অর্ধশয়ান। মুখ খবরের কাগজের আড়ালে। কোন দিক থেকে কে এলো টের পান নি। কাছাকাছি হতে খবরের কাগজ সরালেন। তারপর চেয়ার ছেড়ে শশব্যস্তে দাঁড়িয়ে উঠলেন একেবারে।—শুন্ন আপনি! এদিকে আছেন শুন্ন, এদিকে—ভারী সৌভাগ্য আমার।

ওদিকে গোয়ালঘর ছেড়ে সব বেরিয়েছে সাঙ্ঘনা। শোনামাত্র স্বাগুর মত দাঁড়িয়ে গেল সে। একখানি নির্বাক পুতুল যেন। মাথায়ও ঢুকছে না কিছু।

বাদল গাঙ্গুলির হাত ধোয়া হ'ল না আর। হাত দুটো পিছনে নিয়ে সপ্রতিভ মুখে হাসল একটু।

আছেন শুন্ন আছেন, ওরে সাঙ্ঘনা, একটা চেয়ার দিয়ে যা না শীগগির— আপনি এখানে বহন শুন্ন—

বাস্তব হবেন না, আপনি বহন—আমি আপনাকেই একবার দেখতে এলাম,

বহন আপনি, বহন ।

চেয়ার নিয়ে আসবে কি, মাটির সঙ্গে পা আটকে আছে সাস্তনার । কোন-রকমে একটা বেতের চেয়ার নিয়ে পিছনে এসে দাঁড়ালো । দেখল, বাবা অনেকটা যেন আত্মভীত হয়েই আবার ইজিচেয়ারে বসে পড়লেন ।—চেয়ারটা এগিয়ে দে—এই আমার মেয়ে সাস্তনা ।

বাদল গাঙ্গুলি ফিরে দেখল তাকে । হকচকিয়ে গিয়ে সাস্তনা বলল, ন-ন-মম্বার—। কণ্ঠস্বর নয়, যেন কান্না বেরিয়ে আসছে গলা বেয়ে ।

হুঁহাত তুলতে গিয়ে হাতের অবস্থা দেখেই আবার যথাপূর্ব দাঁড়িয়ে বাদল গাঙ্গুলি মাথা নাড়ল শুধু । সাস্তনা চেয়ার নিয়ে আর এগোতে পারছে না ।

থাক চেয়ারের দরকার নেই । হাত হুঁটো তেমনি পিছনে রেখেই অবনীবাবুকে জিজ্ঞাসা করল, আপনি কেমন আছেন এখন ?

আমি তো সেরেই গেছি, আপনি মিছিমিছি কষ্ট করে এতটা পথ এলেন...

পিছন থেকে লোকটির দুই হাতের অবস্থা দেখে সাস্তনার দুই চক্ষু আরো স্থির । চেয়ার রেখে প্রস্থান করে বাঁচল ।

বাদল গাঙ্গুলি বলল, না কষ্ট কি, আগেই আসা উচিত ছিল, আজ নরেন বলতে খেয়াল হ'ল ।

আড়াল থেকে সাস্তনা কাঠ হয়ে দেখছে আর শুনছে । অবনীবাবু বললেন, নরেনের কাণ্ড—আমি তো হুঁচার দিনের মধ্যেই কাজে যাব ভাবছি, আপনি বহন না একটু, এক পেয়ালা চা অন্তত—

না, এখন চা নয়, আমার তাড়া আছে । আপনি বেশ সেরেউঠুন আগে, এখন কাজে বেরুবার দরকার নেই । ভালো বোধ করলে দুই একটা কাইল বরং এখানে আনিয়ে নেবেন । আচ্ছা—

উঠে দাঁড়িয়ে অবনীবাবু নমস্কার জানালেন । বাদল গাঙ্গুলি চলে এলো । বাইরে সিঁড়ির কাছে জল সাবান তোয়ালে নিয়ে সাস্তনা অপেক্ষা করছে । দাঁড়াতে হ'ল । দেখল একটু । কে বলবে খানিক আগে এই মেয়ে অমন মেজাজে গোরু আর মানুষ দুইই একসঙ্গে তাড়িয়ে নিয়ে বাড়ি ঢুকেছে । লজ্জা দেবার জগুই জিজ্ঞাসা করল, পড়ে গিয়ে আপনার তখন লেগেছিল বোধ হয় খুব ?

জলের ঘটি তুলে নিয়ে সাস্তনা মাথা নাড়ল, লাগে নি ।

সিঁড়ির কাছে দাঁড়িয়ে বাইরের দিকে হাত বাড়িয়ে দিতে সাস্তনা জল ঢালতে লাগল । ওর বিবর্ত মুখের দিকে চেয়ে আছে বাদল গাঙ্গুলি । বেশ কৌতুক অঙ্কিত করছে ।

প্রায় মরীয়া হয়েই সাস্থনা বলে ফেলল, আমি... আমি ঠিক বুঝতে পারি নি।

কি বুঝতে পারেন নি?

টোক গিলল সাস্থনা। কথা যোগাতে না পেরে তোয়ালে এগিয়ে দিল।

এখন বুঝতে পেরেছেন?

সাস্থনা তাড়াতাড়ি ঘাড় নাড়ল, পেরেছে।

আচ্ছা। হাসি চেপে তোয়ালে তার হাতে ফেরত দিয়ে বাদল গালুলি গ্রহণ করল।

সেদিকে চেয়ে সাস্থনা দাঁড়িয়ে রইল খানিকক্ষণ। বিভ্রান্ত ভাবটা কাটিয়ে উঠতে পারছে না। গোয়াল-ঘর থেকে গোরুটার হাধা-রব কানে এলো। হঠাৎ হাসি পেয়ে গেল সাস্থনার। বেদম হাসি। অফুরন্ত। হাসতে হাসতে সেখানেই বসে পড়ে মুখে তোয়ালে চাপা দিল।

ভিতর থেকে অবনীবাবু ডাকলেন।

হাসি সামলে কোন প্রকারে সাড়া দিল, যাই বাবা।

কিন্তু বাবার কাছেও আসতে পারছে না চট করে। তাঁর সামনেও হেসেই ফেলবে হয়তো। তোয়ালে দিয়ে বেশ করে মুখ মুছে দমটম নিয়ে উঠল সে।

দেখলি আমাদের চিক্ ইঞ্জিনিয়ারকে?

সাস্থনা নিরীহ মুখে মাথা নাড়ল। মুখে যাই বলুন, চিক্ ইঞ্জিনিয়ার দেখতে আসায় অবনীবাবু মনে মনে খুশি খুব। প্রশংসায় মেতে উঠলেন।—এতটুকু অহঙ্কার নেই, শুধু কাজটি হলেই খুশি, আর কাজ বোঝে কত! তুই যদি চট করে একটু চা করে এনে দিতিস।

যেমন স্বভাব, সাস্থনা কস করে বলে বসল, বেশ করে ষোল খাইয়ে দিয়েছি।

ষোল। ষোল কি রে? কার কথা বলছিস?

সামলে নিল সাস্থনা।—এই হৃদয়ীর কথা, ভীতুর একশেষ, আজ আমার নাজেহাল করেছে একেবারে। বড় রকমের ভিত কাটল, এই গো বাবা, তোমার ওষুধের সময় পেরিয়ে গেল, নিয়ে আসি আগে।

চপল পায়ে সরে পড়ল সেখান থেকে।

নিজের মধ্যে নিজেকে আর ধরে রাখতে পারছে না সাস্থনা। কাউকে না বলা পর্যন্ত ভেতরটা ফুলছে যেন। কাকে বলবে? বাবাকে? ও স্না-বা! একজনকেই শুধু বলা যেতে পারে। উদ্ভূত স্নাগ্রহে নরেনের প্রতীক্ষা করতে

লাগল। কিন্তু আসবেই এমন কোন কথা নেই। সকালে আপিসে নামার আগে বাবাকে দেখে গেছে, না আসাই সম্ভব।

বাড়ি বসে থাকতেও ভালো লাগছে না আর। কোন ছোট্ট পরিসরে ওকে কুলোবে না এখন। বাইরের উন্মুক্ততা যেন টানছে। বাবাকে বলে বেরিয়ে পড়ল। কোন্ দিকে যাবে? যে দিকে লোক নেই। চলল। গোড়া থেকে ভাবতে চেষ্টা করল একবার ব্যাপারটা। কিন্তু ভাববে কি, মনে পড়ে আর নিজের মনেই হেসে সারা। লোকজন নেই এদিকটায় রক্ষা।

এই চিক ইঞ্জিনিয়ার বাদল গাঙ্গুলি! কি কাণ্ড! কিন্তু একেবারে হালকা লাগছে ভিতরটা। কিসের একটা আবিষ্কৃত্য যেন কেটে গেছে। মোহগ্রস্ততাও বলা যেতে পারে। বাবা বাবা—অদেখা মানুষ দেখা মানুষকে কতই না ছাড়িয়ে যায়! এরই সামনে পড়ে যাওয়ার ভয়ে কত দিন সে কিনা একেবারে আড়ষ্ট হয়ে উঠেছিল। অবশ্য লজ্জায় মরে যাচ্ছিল আজও। কিন্তু সে ওই বিদিকিচ্ছিরি কাণ্ডটা ঘটে গেল বলে। নইলে, হঁ :—।

পাকা রাস্তা ছেড়ে এবড়োবেড়ো সংকীর্ণ পাহাড়ী পথ ধরে চলেছে। কতটা এসেছে খেয়াল নেই। অ্যাডমিনিস্ট্রেটিভ অফিসারের এম. এ. পড়া মেয়ে বরনার কথা মনে পড়ল। আর সেদিনের সেই পার্টির কথাও। এখন আর বেমানান মনে হচ্ছে না একটুও। ওই ভোঁতা চেহারার লোকটির তুলনায় মেয়েটাই বরং বেশি রকমকে। কি হ'ল সেদিন আজ আরো বেশি জানতে ইচ্ছে করছে। নরেনবাবুর সবেতেই বেশি বেশি, গেলেই পারত—

অদূরে মেয়ে গলায় খিলখিল হাসির শব্দে সচকিত হয়ে থেমে গেল সান্দ্রনা। পাহাড়ের ওধারে বিদ্যায়ী নূর্য গা-ঢাকা দিয়েছে। পাহাড়ের রঙ আর আকাশের রঙ এক হয়ে আসছে। এরই মধ্যে নারীকণ্ঠের উচ্ছল হাসিতে আসন্ন প্রার্থোবের স্তব্ধতা কেটে চোঁচির হয়ে গেল যেন।

পায়ে টপ্পায়ে এগলো সান্দ্রনা।—খেচ্ছায় নয়। ছুঁবার কোঁতুহলে। অদূরে একটা বড় পাথরের আড়াল পেরুতেই একেবারে মুখোমুখি পড়ে গেল। পালাতে পারলে পালাতো। কিন্তু আর স্বযোগ নেই আড়াল হবারও।

পাগল সর্দারের মেয়ে চাঁদমণি। আর মাঝির ছেলে হোপুন। চাঁদমণির বুকের কাছে ঝুঁকে ছিল। চকিত উঠে দাঁড়াল।

—ই-ই-দিদিয়া! পুলিশ মাত্রা যেন চতুর্গুণ বেড়ে গেল চাঁদমণির। একটা ছোট পাথরে গা ঢেকে দিয়েছিল। সোজা হয়ে বসল।—ই দিদিয়া! অঁই রে দিদিয়া! মারাংবুর রাণীপানা দেখতে লাগছে তুকে—ইদিকে আস না কেনে।

কি করবে সাস্থনা ? সম্ভব হলে উন্টো দিকে ছুটতো। সম্ভব নয়। কাছে গিয়ে দাঁড়াল। হাসি টেনে জিজ্ঞাসা করল, তুই কি করছিস এখানে ?

বড় করে নিশ্বাস ফেলল চাঁদমণি। কালো চোখের বিদ্যুৎকটাক্ষ নিক্ষিপ্ত হ'ল হোপুনের ওপর। চোখে মুখে দাঁতের আভাসে তড়িত চপলতার ঝিলিক। ওরাঃ চালাঃ কানাইং—ঘরপানে যেতে লেগেছিলাম—মরদটোর 'দিল' দেখ কেনে—সনখে কালে লুব্ ভির মতন পাছু নেছে—লাজ ডর নাই।

কি কক্ষণে এই ক্যাসাদের মধ্যে এসে পড়েছে ! হতচ্ছাড়ী মেয়েটার জিত যেন সাপের ছোবল। তবু হোপুনের দিকে একবার না তাকিয়ে পারল না সাস্থনা। যে ভাবে দাঁড়িয়ে আছে, যেন একটা অপরাধ হাতে-নাতে ধরা পড়ে গেছে। বিব্রত, সঙ্কুচিত। মড়াইয়ের পাথরে-কোঁদা পাণ্ডা নয়। নিরস্ত্র বিহ্বল দেউলে মূর্তি।

চাঁদমণির আলো-ঠিকরনো কালো চোখের তারা দুটো বারকতক নেচে বেড়ালো সাস্থনার মুখের ওপর। উচ্ছলকণ্ঠে খিলখিল করে হেসে উঠল তারপর। তীক্ষ্ণ পাহাড়চেরা হাসি। দেখে লে রে, দেখে লে, দিদিয়ার আঙুগা মুখ দেখে লে—চান্দো মুখে আগ লেগেছে দেখ।

এবারে সোজা পৃষ্ঠপ্রদর্শন। পিছনে হাসির দমকে ভেঙ্গে পড়ছে চাঁদমণি। হাসি নয় তো বরফ-গুলানো জল ! গায়ে কাঁটা দেয় আর অবশ করে ফেলে।

অনেকটা পথ এসে হাঁপ ফেলে বাঁচে সাস্থনা। হাঁপিয়েই গেছে। অজানা অস্বস্তির স্পর্শ আছে মেয়েটার হাসির মধ্যে। দূরে আসা সম্বন্ধে সেটার অস্বস্তি যেন জড়িয়ে আছে গায়ের সঙ্গে। ধূপ করে বসে পড়ল এক জায়গায়। বড় বড় দম নিল দু'চারটে। হাতের কাছের একটা পাথর কুড়িয়ে নিল। নিজের অজ্ঞাতে হাতের মুঠোয় বারকতক নিষ্পেষণ করতে চাইল ওটা।

তারপর স্থস্থ হ'ল, সহজ হ'ল।

কেন মরতে গিয়েছিল ওখানে ! ভাবল, জেনে শুনে তো আর যায় নি। কিন্তু নিজের ভিতর থেকেই যেন খোঁচা খেল একটা। জেনে শুনে নয় ? ওই নিরিবিলা নির্জন কি একজনের জন্ত নাকি ? না একা কেউ ওখানে বসে অমন করে হাসে ?

রাগ করে পাথরটা দূরে ছুঁড়ে ফেলে দিল সাস্থনা।

মুখে হারমানা হাসির আভাস।

কিন্তু কেনই বা বিয়ে দিচ্ছে না প্যাগল সর্দার ওদের ! লোকটা মেয়েকে যত না, হোপুনকে ভালবাসে তার থেকে বেশি। তবু বিয়ে দিচ্ছে না কেন ? জিজ্ঞাসা করলে আনমনা হয়ে কি যেন ভাবে প্যাগল সর্দার। সেই এক কথাই বলে

তারপর। দেবে। সময় হলে দেবে। সন্দের আর বাকি কত সে তো দেখছে। মড়াই বাধার আগে পর্যন্ত গায়ের মাঝি হোপুনের বাবার প্রতিপত্তি কম ছিল না। দিনকাল বদলালেও এখনো ফেলনা লোক নয় সে, মুরুব্বীই বটে। মড়াইয়ের গোলযোগ মিটে যেতে আপদ-স্বরূপ সে নিজেই এসে ছেলের জন্য চাঁদমণিকে চেয়েছে। কিন্তু পাগল সর্দার সেই কথাই বলেছে তাকেও। বিয়ে দেবে। কিন্তু এখন নয়। পরে। বেশ অসন্তুষ্ট হয়েই ফিরে গেছে হোপুনের বাবা। হোপুনও খুশি হয় নি।

পাগল সর্দার নিজেই গল্প করেছে সাস্তনার কাছে।

হোপুনের বাবার মত সাস্তনার একবারও মনে হয় নি, মেয়ে নিয়ে মাঝির ছেলেকে খেলাচ্ছে পাগল সর্দার। বরং মনে হয়েছে, লোকটার বুকের কোথায় যেন মস্ত ক্ষত। কিন্তু বিয়ে যখন দেবেই ঠিক করেছে, দিচ্ছে না কেন? যে দজ্জাল মেয়ে ওর। হেসেই ফেলে সাস্তনা। পাজী হতচ্ছাড়ী মেয়ে।

বাড়ি ফিরে সাস্তনা দেখে নরেনবাবু বসে আছে বাবার কাছে। অপ্রত্যাশিত নয়। আসতে আসতে ভাবছিলও।

মড়াইয়ে নেমে অনেকদিন পরে আবার সেই পুরানো দিকেই পা বাড়ালো সাস্তনা। যন্ত্র-সমাবেশের দিকে নয়। ওর মনোবস্ত্রেরও নতুন কিছুই আমলানি দিচ্ছে। তাই চোখ যেদিকে টানছে সেদিকে না গিয়ে মন যেদিকে টানছে সেদিকে এগলো।

দূরে এক জায়গায় হোপুন কাজ করছে। কিন্তু ওর দলের মধ্যে চাঁদমণি নেই। নিজের অজান্তে সাস্তনার দুই চোখ চারিদিকে ঘুরল একপ্রস্থ। হয়তো তার বাবার সঙ্গে আছে, হয়তো বা আর কারো দলে গিয়ে ভিড়েছে। বেন জানি ভালো লাগল না সাস্তনার। ঠিক এমনটি প্রত্যাশা করে আসে নি। ওই হোপুন লোকটার দিকেই চোখ গেল আবার। দুই হাতের কোদাল উঠছে মাথার ওপর। লোহখণ্ডের ধারালো দিকটা সূর্যছটায় বকমকিয়ে উঠছে। আর সঙ্গে সঙ্গে চকচক করছে ঘামে ভেজা কালো দেহের পেশল রেখাগুলি। তেমনি ঝড়, কঠিন। আর তেমনিই নির্বিকার, নিরাসক্ত।

কে বলবে, বিগত ঋক্ষোষের অভয়-নির্জনে এই সেই ধরা-পড়া বিড়ম্বিত মূর্তি। সাস্তনাকে সেও ক্ষেপে, কিংবা, দেখেও দেখল না...

অনেক দূরে ষড়ষড় বমর বমর শব্দ হচ্ছে একটা। চার্লিং মেশিন চলেছে। সাস্তনা এগলো। মাটি থেকে ক্রমশ ওই ওপরে উঠে গেছে চার-পাঁচতলা সমান-

উচু কনভেয়ার। আগাগোড়া এক হাত প্রমাণ চওড়া পুরু চামড়ার বেল্ট ফিট করা। অনবরত ঘুরছে। এ মাথা থেকে বেল্ট-এর ওপর পাথরকুঁচি ঠেলে দাও। সড়সড় করে ওপরে চলল। ওপরে ঘূর্ণ্যমান এক বিশাল ইস্পাতের চৌবাচ্চায় কংক্রীট মিক্চার তৈরির ব্যবস্থা। চার্নিং হয়ে গেলে সেটা ক্রেনে করে ঢেলে নিয়ে এসো অতিকায় বাল্টির আকারের লোহার ‘বাকেট’-এ। এদিক থেকে দেখলে মনে হয়, বেল্টের ওপর দিয়ে মাটি থেকে পাঁচতলা উচু একসারি পাথর-কুঁচির অবিরাম শোভাযাত্রা চলেছে। মইয়ের মত একটা খাড়া সিঁড়ি দিয়ে সেখানে ওঠা যায়, কিন্তু একটু পা ফসকালেই সব শেষ। আর ওঠা যায় ক্রেনের সঙ্গে ‘কেজ্’ ফিট করে। কর্মচারীবা সচরাচর কেজ্-এ করেই ওঠে। সাস্তুনার ভিতরটা উসখুস করে সেখানে উঠে সব দেখার আগহে। ওই মইয়ের মত খাড়া সিঁড়ি পেয়েই অনায়াসে উঠতে পারে সে। লোকজন হাঁ হা করে উঠবে তাহলে। কিন্তু স্বযোগ স্ববিধে পলে ওখানে একদিন উঠবেই ও। ঠিক উঠবে।

নমস্কার।

এত কাছে, সাস্তুনা চমকে উঠল প্রায়। নীল চশমা, হীরের আংটি, খাকী ট্রাউজার, সিল্কের বুশ শার্ট।

ঘোষ-চাকলাদারের রণবীর ঘোষ।

প্রত্যাবিধান। প্রথম সাক্ষাতের সেই আড়ষ্ট সঙ্কোচ ভোলে নি সাস্তুনা। যমুন ওর বুদ্ধি। আজ তো মুখের দিকে এক নজর চেয়েই বুঝেছে কম করে বছর চল্লিশ বয়স হবে এই ভদ্রলোকের। হেসে বাক্যলাপ শুরু করে দিল সাস্তুনা।—এদিকটায় বুঝি আপনার কাজকর্ম?

হ্যাঁ, আজ একেবারে আমার রাজত্ব এসে পড়েছেন।

আগেও এসেছি। উচু সেই ঘরের মত এলিভেটরের দিকে দেখিয়ে জিজ্ঞাসা করল, আচ্ছা ওখানটায় ওঠা যায় না?

কেন যাবে না, ওই তো উঠছে ওরা। আপনাকে কেজ্-এ করে একদিন তুলব’ধন।...আপনি আমার গোড়াউনও দেখেন নি বোধ হয়?

না তো, কোথায় সেটা?

মাইল দুই হবে এখান থেকে। জিপে যেতে হবে, চলুন একদিন—মস্ত মস্ত সিমেন্ট আর বালুর পাহাড় দেখতে পাবেন।

সাস্তুনা সাগ্রহে রাজী। কবে নিয়ে যাবেন?

যেদিন খুলি, আজই চলুন না।

ছ’দশ পা এগিয়েছে। মনে মনে সাস্তুনা জল্পনা করে নিচ্ছে আজ যাওয়া চলে

কিনা। কাছেই একটা এবড়োখেবড়ো নিচু জায়গার ওপর চোখ পড়ল। আরো এগোল খানিকটা। ছোট একটা পাম্প বসিয়ে জল হেঁচছে জনা-দুই লোক। আর ঝুড়িতে পাথরের ঝুড়ি বোকাই করে করে দূরে কেলে দিয়ে আসছে পনের বিশটি মেয়ে। এদের কারোরই বয়স বেশি নয়। এখানে চাঁদমণিকেও দেখা গেল।

পাশ থেকে রণবীর ঘোষ জানালো, কাটাকুটিতে জল উঠছে, ওখান থেকে পাথর না সরালে হাত-পা ভাঙ্গার ভয় আছে বলে মেয়েগুলোকে এ কাজে লাগিয়ে দেওয়া হয়েছে।

কানে গেল না সাব্বনার। ঝুড়ি হাতে চাঁদমণি নিম্পলক চেয়ে আছে এদিকেই। তার কালো চোখে যেন সাদা আগুন ঠিকরে বেরুচ্ছে।

তদারকরত কুলিবারু তাড়া দিল, দাঁড়িন পড়লি কেনে, গগাগপ তুলে লে।

চাঁদমণি ঝাঁজিয়ে উঠল তাকেই, ধমকাইছিস কিসের লেগে, হাকোপাকো (মুহূর্ত) বিরাম লিব নাই?

এক পাও নড়ল না। জলস্ত দুই চোখ এদিকেই নিষ্কিপ্ত হ'ল আবার। চলতে চলতে পিছন ফিরে তাকালো সাব্বনা। চাঁদমণি দাঁড়িয়েই আছে। সাব্বনা অবাক। কাল কি দেখেছিল আজ কি দেখছে। কাল বরং রাগতে পারত। ঝুঁটে হাসির বজ্রায় নাকানি-চোবানি খাইয়েছে ওকে। কিন্তু আজ কি হ'ল—?

যাবেন নাকি আজ গোড়াউন দেখতে?

অ্যা! আজুস্থ হয়ে সাব্বনা তাকালো তার দিকে। অভ্যস্ত অন্ধকারে হঠাৎ একটা জোরালো আলো জলে উঠলে যেমন হয়, চোখে চোখ পড়তে ভেমনি একটা ধাক্কা খেল সাব্বনা।

নীল চশমাটা রণবীর ঘোষের হাতে। চেয়ে আছে। চেয়েই ছিল। সাব্বনা, লক্ষ্য করে নি এতক্ষণ। চাউনি নয়, অজ্ঞাত একটা নগ্নতার স্পর্শ লাগল যেন ওর চোখে মুখে সর্বাংগে। দৃষ্টি নয়, লেহন।

না আজ না, আর একদিন যাব'খন। সবলে সেই পিচ্ছিল দৃষ্টিরজ্জ্ব থেকে নিজেকে বিচ্ছিন্ন করে নিল সাব্বনা। পাশাপাশি ব্যবধান বাড়ল।

আজ কাজ আছে বুঝি?

বাবার শরীর খারাপ—বাড়ি যেতে হবে।

হ্যাঁ হ্যাঁ, শুনেছিলাম বটে তিনি অস্থস্থ। অন্তরঙ্গ হুশিস্তা রণবীর ঘোষের, তিনি সেরে ওঠেন নি এখনো?

উঠেছেন—

আচ্ছা, আজ থাঁক তাহলে, তাড়া কি! চলুন, আমরাও ওদিকেই কাজ

আছে একটু।

দৃষ্টি বিনিময় ঘটল আবারও। ঘটবে জেনেও না তাকিয়ে পারল না সাব্বনা। অসহায় বোধ করছে কেমন। দিন ছুপুর। এত বড় মড়াইয়ে এত লোক কাজ করছে। তবু—। পুরুষের চোখে কামনার দাহ এ বয়স পর্যন্ত একেবারে দেখে নি এমন নয়। কিন্তু এ সেরকম নয়। অস্বস্তিকর সিন্ত অল্পভূতি একটা। না তাকিয়েও তার চাউনিটা যেন উপলব্ধি করছে সাব্বনা। খুঁটিয়ে খুঁটিয়ে দেখছে ওকে। খুঁটিয়ে আশ্বাদন করার মত। যেটুকু বস্ত্র গায়ে জড়িয়েছে এ দৃষ্টির সামনে সেটুকু যেন যথেষ্ট নয়।

বাঁচা গেল।

ওই অদূরে পাগল সর্দার দাঁড়িয়ে। একলা নয়, দলের সঙ্গে। সাব্বনাকে দেখেছে। দেখে হাতের কাজ থামিয়ে এদিকে চেয়ে আছে। অবশ ভাবটা নিমেষে কেটে গেল সাব্বনার।

আপনি যান, আমি একটু পরে যাব।

হন হন করে একেবারে সর্দারের কাছে গিয়ে থামল সে। হাঁক ধরে গেছে। ভিতরে ভিতরে ঘেমেও গেছে।

কিন্তু সর্দারের দিকে চেয়ে বিব্রত বোধ করছে আবার। নিরক্ষর বৃদ্ধের এক-জোড়া সন্ধানী প্রোঞ্জ চোখ বারকতক যেন শিথিল ভাবে বিচরণ করে কিরল ওর মুখের ওপর। তারপর, অদূরে রণবীর ঘোষ যেখানে দাঁড়িয়ে এখনো, সেইদিকে। তার নীল চশমা চেখে উঠেছে।

সাব্বনা বিমূঢ় আবারও। দৃষ্টি নয়, অকস্মাৎ যেন ছোট ছোট কয়লার টুকরো ধুধুকিয়ে উঠেছে পাগল সর্দারের চোখের কোটরে। ধীরেস্থে আবার চলতে শুরু করেছে রণবীর ঘোষ। পাগল সর্দার চেয়েই আছে।

কিরে তাকালো খানিক বাদে। ঠাণ্ডা হয়েছে। স্নেহসিক্তও যেন। সামনের ফাঁকা জায়গাটা দেখিয়ে বলল, টুকচি বসে লিই—।

ছু'জনেই এসে বসল মাটির ওপর। সর্দার জিজ্ঞাসা করল, উবাসীরবাবুর শরীল আরাম হ'চ্ছে?

সাব্বনা ঘাড় নাড়ল, হয়েছে।

তু ইদিকে কোথা ঘেঁষেছিলি?

কোথাও না, এমনি ঘুরছিলাম।

একটু থেমে সর্দার জিজ্ঞাসা করল, উ কন্টাটির বাবুর সন্তে?

চকিতে একবার তার দিকে তাকিয়ে সাব্বনা জবাব দিল, না, ওখানে

দেখা হ'ল।

তু আমার থানে ছুটে আসলি কিসের লেগে, উ কি বুলল বট্টে ?

আবার তাকালো সান্থনা।—ছুটে আবার কোথায় এলাম ? তোমাকে দেখেই তো এলাম। কি ভেবে পরের প্রশ্নটার জবাব দিল !—উনি বলছিলেন আমাকে একদিন তাঁর গোড়াউন দেখাতে নিয়ে যাবেন।

চূপচাপ বিহুক্ষণ।—তু যাস না দিদিয়া, আমি একটো দিন তুকে সেটো দেখিয়ে লিয়ে আসব ..।

যাবে না তো বটেই। কিন্তু সান্থনা উন্মুখ আরো কিছু শোনার জন্ম।

রেখে ঢেকে কথা বলতে জানে না ওরা। নিজে থেকেই সর্দার জানালো অনেক কথা।—খুব 'ভদ্র মুনিষ' নয় ওই বাবুটি, 'চি-লোকের' মান মর্যাদা রাখতে জানে না—ফাঁক পেলেই সোমন্ত মেয়েগুলোকে বিগড়ে দেয়—এই নিয়ে খুব গুণগোলও পাকিয়ে উঠেছিল একবার, ইত্যাদি—।

সান্থনার লজ্জা গেছে। উত্তেজিত ভাবে বলে উঠল, ওর নামে মুক্কাবীদের কাছে নালিশ করা না কেন তোমরা ?

পাগল সর্দার সেখান্দে জানায়, তাও করা হয়েছিল, কিন্তু মুক্কাবীদের কাছে ও অগ্নায় তগ্নায় নয়, বড় সাহেব শুধু কাজই বোঝে, মেয়েদের দাম বোঝে না।

বড় সাহেব অর্থাৎ চিফ ইঞ্জিনিয়ার। সর্দারের ক্ষোভ সান্থনাকে স্পর্শ করল যেন। গা-ঝাড়া দিয়ে সর্দার তার বক্তব্যটুকুই ফিরে বলল আবার।—উনি সন্তোষে তু যাস না দিদিয়া, বোঝলি ?

মুখে ফুটে সান্থনা বলতে পারল না কিছু। কিন্তু মাথা নেড়ে সায় দিল তৎক্ষণাৎ। বুঝেছে, যাবে না—।

মডাইয়ের গম্বর থেকে ওপরে পা দিয়েই সান্থনা আড়ষ্ট হয়ে গেল আবারও। জায়গাটা এমন নয় যে কাউকে পরিহার করে চলতে চাইলেই চলা যায়। পাঁচটা পথ নেই আনাগোনা চলাফেরার।

অদূরে রণবীর ঘোষ দাঁড়িয়ে কথা বলছে কার সঙ্গে।

সান্থনা ধরে নিল লোকটা ইচ্ছে করে দাঁড়িয়ে আছে। অপেক্ষা করছে। এতেই কাজ হ'ল। আড়ষ্টতা গেল। দ্বিতীয় পথ নেই এখন, পাশ কাটাতে হবে। ভয়টা কিসের !

এবারও সহাত্তেই আপ্যায়ন করল রণবীর ঘোষ। —এই কিরছেন নাকি ?

হ্যাঁ-না সাস্থনা কিছুই বলল না।

আমিও আটকে গেলাম, চলুন। এক মিনিট, এঁর সঙ্গে আপনার আলাপ হয় নি, আমার পার্টনার দ্বিজন চাকলাদার।

সাস্থনা দেখল। চিনল। জিপের সেই দ্বিতীয় লোকটি, যে তাকে সামনের আসন ছেড়ে দিয়ে পিছনে গিয়ে বসেছিল। কিন্তু এদের কারো সঙ্গেই আর আলাপ করার জন্ম ব্যর্থ নয় সে। প্রতি-নমস্কারে হাত তুলল কি তুলল না।

পড়ন্ত রোদে রণবীর ঘোষের নীল চশমা বুক-পকেট আশ্রয় করেছে। কলমের ক্লিপের মত তার একটা ডাঁটি পকেটের বাইরে ঝুলছে। ওভাবে তখন হঠাৎ ওই সদার লোকটার কাছে চলে যাওয়ায় বা এখানকার এই নির্বাক পরিবর্তনে কিছু উপলব্ধি করেছে কিনা সে-ই জানে। চোখের সেই নয় দৃষ্টি গেছে। বেশ হাসিখুশি মেজাজেই সঙ্গ নিয়ে বলল, বাবার শরীর খারাপ, তাড়াতাড়ি বাড়ি যানেন বলেছিলেন তখন—এই তাড়াতাড়ি ?

সাস্থনা নিকন্তর। কিছু বলতে পারলে বলত। একটু হাসতে পারলে হাসত অন্তত। কিন্তু কিছুই পারল না। ওদিকে দ্বিজন চাকলাদারও নীরব। রণবীর ঘোষ বলল আবার, চলুন, ওই সামনেই জিপ রয়েছে।

সামনেই মানে বাঁকের মুখে ভূতুবাবুর দোকানের সামনেই।

মনে মনে আবারও যেন বাঁচল সাস্থনা। ভয় না হোক অস্বস্তি যাবে কোথায়! নারী-চেতনার অস্বস্তি! এভাবে ও চেতনার মুখোমুখি আর বড় হয় নি কখনো। কিন্তু জবাব না দিলে নয় এবার। বেশ সহজ ভাবেই বলল, আমার যেতে চের দেরি এখনো, আপনারা যান।

রণবীর ঘোষ একবার ঘাড় ফিরিয়ে দেখে নিল ওকে। ছ'চার মুহূর্তের বিশ্লেষণী দৃষ্টি।—এখানে আবার কোথায় যাবেন ?

কাজ আছে। মনে মনে নিজেই বিস্মিত হ'ল সাস্থনা। হাসতেও পারল যতটুকু হাসা দরকার।

দোকানের বাইরে দাঁড়িয়েছিল ভূতুবাবু। তার স্থির চোখ দু'টো আরো বেশি গোল দেখাচ্ছে। চেয়েছিল ক্যাল্ ক্যাল্ করে। এদের সঙ্গে দেখবে সাস্থনাকে ভাবে নি যেন। আরো কাছাকাছি হতে এদেরও চোখে চোখ পড়ল বোধ হয়। তাড়াতাড়ি আড়ালে চলে গেল ভূতুবাবু।

তার জিপের দিকে এগোতে সাস্থনা ঘুরে দাঁড়াল। রণবীর ঘোষও খেমে গেল। ও, এইখানে আপনার কাজ বুঝি ?

বাড়ী নেড়ে সাস্থনা রাস্তা পার হয়ে ভূতুবাবুর দোকানের দিকে চলল। খুব

নিশ্চিন্ত নয় এখনো। ভূতুবাবুর দোকান সকলেরই জগ্না খোলা। আড়াল হলেও ভূতুবাবু লক্ষ্য করছিল ঠিকই। খতমত খেয়ে উঠে দাঁড়াল।—মা-লক্ষ্মী! আস্থন, আস্থন—

ভিতরের দিকে কোণের একটা বেঞ্চ-এ ধূপ করে বসে পড়ল সাঙ্ঘনা।—কই, চা দিতে বলুন!

বিলক্ষণ, বিলক্ষণ! সাবান দিয়ে তাড়াতাড়ি ভূতুবাবু নিজেই একটা গেলাস পরিষ্কার করতে বসে গেল।

আড়চোখে সাঙ্ঘনা দূরে শালগাছের নিচে জিপটাকে দেখছে। উৎকর্ণ।—স্টার্ট শোনা গেল। জিপ চড়াই ভেঙে চলল।

নিশ্চিন্ত। ফিরে দেখে চা তৈরি শেষ ভূতুবাবুর। হেসে বলল, পয়সা নেই কিন্তু সঙ্গে, কাল এনে দেব।

পানখাওয়া পুরু কালো জিত বার করে মাথা ঝাঁকালো ভূতুবাবু। সাঙ্ঘনার কথাগুলি ঝেকেই কান থেকে বার করে দিল যেন। চায়ের গেলাস তার সামনে রেখে বলল, আপনাদের চাট্রি খেয়ে-পরেই বেঁচে আছি মা-লক্ষ্মী, তা'বলে এ রকম বললে ভূতু ছেড়ে ভূতেও লজ্জা পাবে—।

নরেনবাবু শুনলে বলতো 'ঘুঘু'। কিন্তু এর মুখে মা-লক্ষ্মীটুকু শুনতে বেশ লাগে। আজ এই মুহূর্তে তো রীতিমত আপন জন মনে হচ্ছিল সাঙ্ঘনার। চায়ের প্রয়োজন ফুরোলেও গেলাসটা সাগ্রহেই টেনে নিল।

দ্বিধা কাটিয়ে ভূতুবাবুই প্রশ্ন করল প্রথম।—এনাদের সঙ্গে বুঝি আলাপ-পরিচয় আছে মা-লক্ষ্মীর?

কাদের সঙ্গে? চায়ের রূপ নিরীক্ষণ করছে সাঙ্ঘনা।

এই ঘোষবাবু আর চাকলাদারবাবুর কথা বলছিলাম, একসঙ্গে আসছিলেন মনে হ'ল—

একটু-আধটু। হুঁচকার চুমুকে গলা ভিজল। আপনিও চেনেন বুঝি ঔঁদের?

বিলক্ষণ! ভূতু আর কা'কে না চেনে এখানে? আর ঔঁদের তো—খেমে গেল—তা বেশ লোক, লাখে লাখে টাকা কামাচ্ছেন, ধরচেও অকেপণ—বিশেষ করে ওই ঘোষবাবুটি যাকে বলে দিলদার মাছুষ।

শুনলে নরেনবাবু যা বলত ভেবে এখন একটু খটকা লাগছে। দূর থেকে ওই হুঁজনের সঙ্গে প্রক্কে দেখে লোকটার সেই নিম্পলক বিষ্ময় ভোলে নি সাঙ্ঘনা। তার আড়াল, ইঁওয়াটুকুও নয়। চা নিঃশেষ হ'ল। যে প্রসঙ্গ এড়িয়ে চলার কথা সেদিকেই ঝুঁকল সাঙ্ঘনা। উহুনের ছাই খুঁচিয়ে আঁচ জ্বেলার মতই

ফস্ করে ভুতুবাবুকেও একপ্রস্থ খুঁচিয়ে দিল যেন।—কিন্তু আপনাদের পাগল সর্দারের মুখে তো গুনলাম ওই ঘোষবাবুটি মোটেই ভালো লোক নন !

নড়েচড়ে কিছুটা টান হয়ে বসল গোলগাল ভুতুবাবু। আলগা স্ততির ছাই কিছু ঝরেও পড়ল নিজের অগোচরে। গলা নামিয়ে সাগ্রহে বলল, বলেছে বুঝি ? কবে ? আজ ? তার পরেও আপনি—ব্যাপারটা কি জানেন, অটেল পয়সাওলা লোকের একটু-আধটু যেমন ইয়ে—

কি বলবে আর কি বলবে না ঠিক না পেয়ে হাঁসফাঁস করে থেমেই গেল। থেমে গিয়ে মনে হ'ল, যেটুকু বলেছে বলা উচিত হয় নি। মেয়েটাকে বেশ হাসিমুখে এদের সঙ্গে আসতে দেখেছিল—কোন কথা কোথায় গিয়ে দাঁড়ায় ঠিক কি ! গলা চড়িয়ে দিল।—তা ও ব্যাটারা তো বলবেই, নিজের ঘর সামলাতে পারিস না, যত দোষ বাইরের লোকের ! নিন্দে করিস, দুধের মেয়ে রেখে সেই কোন যুগে তোর নিজের বউ পালায় নি ঘর ছেড়ে ? আর তোর মেয়েটাই বা কি। একসঙ্গে দশটা লোকের মুণ্ড চটকে বেড়াচ্ছে—সেবারে বাপের হাতে হাড়ভাঙা পিটুনি খেয়ে টিট হয়েছে, নইলে ওই বাহাদুর জমাদারটার সঙ্গেই তো প্রায়, যাক্‌গে—

পাগল সর্দারের জীবনে গভীর অঘটন কিছু আঁচ করেছিল সাব্বনা। কিন্তু বাহাদুর সংশ্লিষ্ট চাঁদমণির প্রসঙ্গটা প্রচণ্ড বিষ্ময়। স্থান কাল ভুলে হাঁ করে চেয়ে রইল ভুতুবাবুর মুখের দিকে। লজ্জা বা সঙ্কোচের অবকাশও নেই।

ভুতুবাবু বলে গেল, ওদের পূর্বপুরুষেরা হাঁসের লোভে পায়রার লোভে খেলনাপাতির লোভে ঘর বাড়ি বিকিয়েছে জাত কে জাত—সেপাই বেয়ার পাহারাওয়ালার সঙ্গে আজতক তিন-তিনটে মেয়ে নিখোজ হয়েছে এই দেড় বছরের মধ্যেই। সেই মেয়েগুলো ঠিক ওদের জাতের নয় অবশ্য, কতই ভে আছে এখানে—রঙচঙে শাড়ি আর ঠুনকো গয়না পেলে ছ'চারখানা, অমনি চলল ঘর-বাড়ি ছেড়ে। আর পেতোক বারই পেশমে দোষ চাপাবে বাবুদের ঘাড়—যেন ওই কণ্ঠেই আছে বাবুরা ! গেল বার এই নিয়ে গোল পাকিয়ে উঠতে বড় সাহেব কশে ধমকে দিয়েছে সকলকে—সমঝে চলতে না পারলে মেয়েদের ঘরে আটকে রেখে দাও গে যাও, কাজ করতে হবে না—বড় সাহেবের কাছে ও সব মেয়েটেকের কোন খাতির নেই, বুঝলেন ?

তড়বড় করে এতগুলো কথা বলেও ভুতুবাবু একেবারে নিশ্চিন্ত হতে পারত না বোধ হয়। সাব্বনার নির্বাক মুখের ওপর দুই গোল চকু সংবদ্ধ হ'ল আবার—এই-কিছু ঠারো নিন্দের মধ্যে নেই, বুঝলেন ? নিজেরা সামলে-স্বমলে থাক না যে ভাবে খুশি, কে তাদের বারণ করেছে—মিথ্যে নিন্দে কত্তে বাস কেন—যা

বলব হ'ল কথা বলব, নিন্দে কেন করব, কি বলেন মা-লক্ষ্মী ? এই এতগুলো কথা হ'ল, একটা নিন্দেব কথা কারো নামে বলেছি—আপনিই বলুন ?

এত কথার সার কথাটা এতক্ষণে স্পষ্ট হ'ল। সাস্ত্রনা মাথা নেড়ে নীরবে আশ্বাস দিল তাকে, নিন্দে কারো করা হয় নি বটে। কিন্তু ভালও লাগছে না আর। উঠে পড়ল। নিশ্চিন্তে এবার বাড়ি ফেরা যাবে বোধ হয়।

চড়াইয়ের মাঝামাঝি এসে পাহাড়ের ধার ঘেষে অতল মড়াইয়েব দিকে চেয়ে চুপচাপ দাঁড়িয়ে রইল কিছুক্ষণ। দূরে দূরে ওই মানুষেরা কাজ করছে। আর ওদের মেয়েরা। এত উচু থেকে মেয়ে-পুরুষের তফাত বোঝা যায় না খুব। পাগল সর্দারের ক্ষোভটুকু সাস্ত্রনার মন থেকে মোছে নি তখনো। ভূতবাবুর মুখে বড় সাহেবের অশুশাসনের কথা শুনে বরং লেডেছে আরো। নিনিড মমতায় সেই দূরের দিকে দৃষ্টি পড়ে রইল।—ওই মানুষদের বীতি আলাদা। নারী-পুরুষ এক সঙ্গে কাজ করে। ঘরোয়াইবে, পাশাপাশি, কাছাকাছি। ওদের এই আনন্দ, এই বিনিময়টুকু বিশেষ করে স্পর্শ করে তাকে। লোভের বিষ ছড়িয়ে কলুষিত করা যেমন জঘন্য অপরাধ, নিস্পৃহ অশুশাসনের জুড়ুটিতে তাকে ব্যাহত করাও তার থেকে কম নিষ্ঠুরতা নয়। দাঁড়িয়ে দাঁড়িয়ে অন্তত সেই রকমই মনে হ'ল সাস্ত্রনার।

—ছয়—

ছুটির দিন নয়। তবু মস্ত একটা মাছ এনে হাজির নরেন চৌধুরী। এই বেখাপ্লা জায়গায় টাটকা মাছ কমই জোটে। রেফ্রিজারেটারের কল্যাণে একবারের চালান পাঁচ-সাত দিন চালায় এখানকার মাছের কারবারী। তাই সামনা-সামনি লোভনীয় কিছু পেয়ে গেলে ছুটির দিন হোক আর বেদিন হোক নরেন চৌধুরীর পক্ষে লোভ সামলানো দায়।

নতুন নয়। এ রকম আরো হয়েছে। সাস্ত্রনা খুব একগ্রন্থ বকাবকা করে দাওয়ায় বসে সেই মাছ কোটা প্রায় শেষ করে এনেছে। অবনীবাবু সকালের আপিসে বেরুবার উত্তোগ করছিলেন। তাঁর সঙ্গে আপিস সংক্রান্ত কিছু দরকারী কথাবার্তা সেরে ফিরে এসে নরেন বলল, যাক, তোমার পিতৃদেবকে ভুলিয়ে-ভালিয়ে ইচ্ছলে পাঠিয়ে দেওয়া গেল, এখন বাবা নিশ্চিন্দ।

আপনার ইচ্ছল নেই ?

হতাশ নেত্রে তাঁর দিকে চেয়ে থেকে নরেন বলল, এই টু ক্রটাস তোমার বাবাকে বলে দিলাম একটু বাধে যাব—এই মাছ রেখে এক্ষুনি ঘাই কি করে

বলো !

আ-হা, তা তো বটেই। চুপটি করে এবার ওই মোড়ায় বসে থাকুন, আমায় কাজ করতে দিন, নয়তো আপনার মাছ আবার জলে গিয়ে সাঁতার কাটবে।

হঠাৎ মোড়ায় আসন পরিগ্রহ করল নরেন চৌধুরী।—বেশ। কিন্তু আমি তা হলে মুখ বুজে বসে এখন কি করব ?

কান কুড়কুড় করুন।

মস্ত এক সমস্তার সমাধান হ'ল যেন। পকেটে হাত ঢুকিয়ে নরেন হাতীর দাঁতের কানকাঠি বার করল। তারপর সম্ভর্ণণে সেটা কর্ণপটহে প্রবেশ করিয়ে দিয়ে গোটাকতক সেই অদ্ভুত শব্দ বার করল গলা দিয়ে। হাসতে হাসতে সাঙ্ঘনা বঁটির ওপরেই পড়ে আর কি ! কি বিচ্ছিন্ন যতাব, মা গো !

এই ! এই মেয়ে ! কেটে এঙ্কুনি রক্তগঙ্গা হবে যে ! থাক বাবা, এই আমি রেখে দিচ্ছি কানকাঠি। সাথে কি সবাই ছেলেমানুষ বলে !

ছদ্ম-কোপে সাঙ্ঘনা তাকালো তার দিকে, কে বলে ?

ওই ওরা—

কারা ?

ওই ড্যাম কলোনীতে যারা কাজ করে, যারা মাটি কাটে, যারা ইট চুন-স্বরকি নিয়ে ঝাটাঝাটি করে তারা—তাদের সঙ্গেই বেশি ভাব কিনা তোমার।

মিথ্যাবাদী ! আবার মাছ কাটায় মন দিল সাঙ্ঘনা।

নরেন দেখছে।—সেদিনের মত দৈ-মাছ হবে তো ?

হঁ।

আর মাছের পোলাও ?

হবে।

আর মাছের চপ ?

হবে হবে হবে—বাবা রে বাবা, একেবারে পেটুকরাম গোস্বামী ! নাম-করণের ফুঁতিতে নিজেই হেসে উঠল খিলখিল করে।

হাসির ধার দিয়েও গেল না নরেন। গম্ভীর মুখে প্রস্তাব করল, একটা ছুতো-নাতায় আজ তাহলে আপিসটা কামাই করে দিই, কি বলো ?

তা হলে কিছু হবে না। সেবারের মত ঠিক একটায় গাছতলায় বসে লাফ ধাবেন।

কিন্তু নরেন চৌধুরীর এই অবসর বিনোদনের আনন্দে ছেদ পড়ল একটু পরেই।

কড়া নাড়ার শব্দ হ'ল বাইরে।

সাস্থনা উঠে দেখতে গেল।

ভৃত্যশ্রেণীর একজন লোক দাঁড়িয়ে। সাস্থনা চেনে তাকে। অনেকদিন তার পিছনে পিছনে অথবা আগে আগে টিফিন ক্যারিয়ারে করে মনিবের খাবার নিয়ে নামতে দেখেছে। লোকটার ভাবভঙ্গী চালচলনে একটা গুরুগম্ভীর আত্ম-মর্যাদার ভাব দেখে ডেকে আলাপ করে নি কখনো। সর্কোতুকে নিরীক্ষণ করেছে শুধু। বড় সাহেব অর্থাৎ চিক ইঞ্জিনিয়ারের খাস চাকর নিধুরাম। নরেনের মুখে ওর গল্প শুনেছে সাস্থনা। বহুকাল ধরে আছে এবং প্রভুর হাবভাব চালচলন সযত্নে অঙ্কুশীলন করে আসছে।

নরেনবাবু এখানে আছেন দিদিমণি ?

সাস্থনা ঘাড় নাড়ল।

স্বস্তির নিশ্বাস ফেলল নিধুরাম।—সায়েরবে চিরকুট নিয়ে আমি তামাম বাজি উয়াকে খুঁজতেছি। একবার ডেকে দেন।

সাস্থনা হাত বাড়াল, আমায় দাও, আমি দিচ্ছি।

ফিরে এসে সেটা নরেনের দিকে বাড়িয়ে দিয়ে বলল, এই নিন আপনার।

কে দিলে ?

ভগীরথবাবুর চাকর নিধু।

কিছু না বুঝেই নরেন চিরকুটটা নিয়ে পড়ল। বড় করে একটা নিকপায় দীর্ঘ-খাস ফেলতে গিয়ে থেমে গেল। বিস্মিত নেত্রে তাকালো, ভগীরথবাবু মানে ?

নিরীহ মুখে ফিরে তাকাল সাস্থনা। নরেন চোঁধুরী হা হা করে হেসে উঠল।—তোমার সাহস তো কম নয়! বিলেত জার্মান ফেরত চিক ইঞ্জিনিয়ারকে নিয়ে সেদিন ওই কাণ্ড করলে, আজ আবার তাকে বলছ ভগীরথবাবু!

সেদিনও বলেছিলাম। সাস্থনা হেসে ফেলল, আমার কি দোষ, আমি কি শুনে জানব উনি বড় সাহেব—কোট-প্যাপ্টের যা ছিরি, ওর থেকে আপনাকেই অনেক বড় সাহেব মনে হয়।

ঠাট্টা হচ্ছে! কিন্তু সেদিনের কথাবার্তায় তো মনে হ'ল বড় সাহেব ওই রকম বলেই বেশি পছন্দ তোমার।

সাস্থনাও ছাড়বার পক্ষী নয়। স্বীকার করে নিল, পছন্দই তো। সুন্দরী জন্ম ওঁকেই রাখব ভাবছি, ছোট্টাটা বেজায় ফাঁকি দেয়। হাত অবশ্য কাঁচা, তা হলেও গায়ে জোর-টোর আছে, পায়বে'খন।

স্নাকে নিয়ে এই হাসি-ঠাট্টা, তার চিরকুটের তাগিদটুকু তা বলে তোলা চলে

না। অনিচ্ছা সত্ত্বেও নরেন চৌধুরীকে উঠতে হ'ল।—বাই বাবা এক্ষুনি হয়তো আবার দ্বিতীয় দফা পেয়ালা এসে হাজির হবে।

সাস্তনা হালকা নিঃশ্বাস ফেলল একটা। এই মাহুঘটির আচরণে এতটুকু ব্যতিক্রম দেখে নি কখনো। ভালো লাগতো। এখনো লাগে। কিন্তু কোথায় যেন তফাত একটু। এতক্ষণ তার এই বসে থাকাটা শুধু মাছের আকর্ষণে কি না আগে একবারও মনে হ'ত না। কিন্তু এখন হয়। তফাত এখানেই। সব-প্রথম মাসি ওকে সমঝে দিয়ে গেছে। তারপর চাঁদমণি আর হোপূনের নিভৃত-বিনোদনের ছাপটা চেষ্টা করেও তাড়াত্তে পারে নি মন থেকে। আর নিজের সম্বন্ধে সবচেয়ে বেশি ওকে সচেতন করেছে মড়াইয়ের বৃকে কণ্ট্রাক্টর রণবীর ঘোষের সেই নগ্ন দৃষ্টিলেহন। সব মিলিয়ে সাস্তনার ভিতরে ভিতরে পরিবর্তন হয়েছে একটু। এই পরিবর্তনের উপলব্ধিটুকুই অস্বস্তির কারণ।

একটা বাজার কিছুক্ষণ আগে সাস্তনা দুই হাতে দুই টিকিন ক্যারিয়ার নিয়ে বেরিয়ে পড়ল। কাঁধেও একটা থলে ঝুলছে। মেন কোয়ার্টারস ছাড়িয়ে একটু নেমে আসতেই হঠাৎ চোখে পড়ল অদূরে টিকিন ক্যারিয়ার হাতে আর একটি লোকও হেলে দুলে চলেছে। নিধুরাম।—ডাকল, ও নিধু, বাবুর খাবার নিয়ে যাচ্ছ ?

ডাক শুনে নিধুরাম দাঁড়িয়ে পড়ল। সাস্তনা কাছে আসতে একগাল হেসে জবাব দিল, হ্যাঁ গো দিদিমণি, তুমিও খাবার নিয়ে যাচ্ছ ?

যেন একই কাজ দু'জনার। খুশি মুখে সাস্তনা বলল, হ্যাঁ, বাবার আর নরেনবাবুর। ভালোই হল, চলো তোমার সঙ্গে যাই।

অত বড় বড় দুটো টিকিন-কার নিয়ে তোমার কষ্ট হচ্ছে না ? একটা বরং আমায় দাও—

সাস্তনা জবাব দিল, কিছু কষ্ট হচ্ছে না, নামার সময় ভারী হলেও টের পাওয়া যায় না।

হু পা এগিয়ে জিজ্ঞাসা করল, বাবুর রান্না তুমিই কর বুঝি ?

নিধু সর্গর্বে জবাব দিল, শুধু রান্না ! সব কাজেই এই নিধুরাম—নিধু ছাড়া বাবু অচল।

কি ভাবল সাস্তনা ! নিছক মেয়েলী কৌতূহল। আগেও হয়েছে। কিন্তু আগে স্নেহের সঙ্গে মেলে নি। পথের ধারে একটা পাথরের ওপর বসে পড়ে বলল, এখানে বসি দু মিনিট, একেবারে অত হাঁটতে পারিনে। আচ্ছা দেখি নিধু কি রান্নাধালা তুমি—

জবাবের প্রতীক্ষা না করে হাত থেকে টিকিন ক্যারিয়ার টেনে নিল।

ক্যারিয়ারের হ্যাণ্ডলে একটা তোয়ালে জড়ানো। খুলে যা দেখল, সাস্তনার চক্ষু স্থির।

ভাত যে ঠাণ্ডা কড়কড়ে হয়ে আছে নিধু!

বাবুর ওই রকমই খাওয়া অব্যাস, আমি গরম ভাত ছাড়া খেতে পারিনে।

বাটি তুলে সাস্তনা দেখছে। এক বাটিতে একটু ভরকারি, পরের বাটিতে একটু মাছ। দেখে মুখে কুঞ্জন-রেখা পড়ল গোটাকতক। নিধু বলল, তলার বাটিতে বিলিতি বেগুনের চাটনিও আছে।

এই দিয়ে খাবেন তোমার বাবু?

আত্মপ্রত্যয়ে মাথা হুলিয়ে হাস্তবদন নিধুরাম বলল, হ্যাঁ, একেবারে তৃপ্ত হয়ে খাবেন। আমার বাবু বড় ভালো গো দিদিমণি—যা রোঁধে দিই মুখটি বুজে খেয়ে নেন।

খাসা! সাস্তনা হঠাৎ রেগেই গেল যেন। কিন্তু নিধুর কাছে সেটা প্রকাশ পেল না। বাটিগুলো আবার গুছিয়ে টিফিন ক্যারিয়ার বন্ধ করল সাস্তনা। এক মুহূর্ত ভেবে এদিক ওদিক তাকিয়ে বলল, ওই শালতলা থেকে দুটো পাতা কুড়িয়ে আনো তো, হাতে লেগে গেছে।

নিধু বলল, এই তোয়ালে দিয়ে মুছে ফেল না।

আঃ, যা বলছি শোন না, ওই তো কত পাতা পড়ে আছে।

খতমত খেয়ে নিধু তাড়াতাড়ি পাতা আনতে গেল। ফিরে এসে দেখে দু হাতে দুই টিফিন ক্যারিয়ার নিয়ে মেয়েটা উঠে দাঁড়িয়েছে। বলল, থাকগে দরকার নেই, মুছে নিয়েছি।

পাতা কেলে তোয়ালে জড়ানো টিফিন ক্যারিয়ার নিয়ে নিধুরামও অগ্রসর হ'ল। কিন্তু সাস্তনা থামল পরক্ষণেই।—তুমি যাও নিধু, আমার একটা জিনিস আনতে ভুল হয়ে গেছে, চট করে একবার বাড়ি থেকে ঘুরে আসছি।

হন হন করে সে ফিরে চলল আবার।

হতভঙ্গের মত নিধুরাম দাঁড়িয়ে রইল কিছুক্ষণ। খেয়াল করলে তফাত কিছু খেয়াল হবারই কথা। কিন্তু এই মর্মগ্রাহী যোগাযোগ এবং নারী-চরিত্রের দুজ্জ্বলতার কথা ভাবতে ভাবতেই নিধু গম্ভব্যপথে অবতরণ করতে লাগল।

আর, সেটুকু যথাযথ উপলব্ধি করল যখন, দুই চক্ষু স্থির একেবারে।

আগিস ঘরে বসেই, মুখ্যাহ্নের আহারপর্ব সমাধা করে থাকে বাদশ্শ গাছুলি। টিফিন ক্যারিয়ার থেকে একে একে আহাৰ্য সামগ্রী নামাচ্ছে আর অবাক হচ্ছে। আর ততোধিক বিস্ময়িত হয়ে উঠছে অদূরে লগ্নয়মান নিধুরাম।

কি রে, করেছিস কি এসব—এ আবার তুই কবে রাঁধতে শিখিলি ?

টেবিলের ওপর তোয়ালের পাশে টিফিন ক্যারিয়ারের হ্যাণ্ডেলের দিকে তাকালো নিধুরাম। অবাক বিষ্ময়ে দেখল তোয়ালেটা তাদের বটে, কিন্তু টিফিন ক্যারিয়ারটা তাদের নয়। আহাররত মনিবের দিকে তাকালো। কি বলতে গিয়েও ভোজ্য পদার্থের দিকে চেয়ে রসনা সিক্ত হয়ে ওঠায় আর বলা হ'ল না। চেয়ে চেয়ে দেখতে লাগল শুধু।

খেতে খেতে বাদল গাঙ্গুলি বলল, এমন যদি রাঁধতে পারিস হাঁদারাম, বারোমাস ওই একষেয়ে ছাইভস্ম খাওয়াস কেন শুনি ?

টোক গিলে নিধুরাম হাসতে চেষ্টা করল শুধু। চোখের দৃষ্টি মাছ আর পোলাওয়ার ওপরেই আটকে আছে। বাবুর খাওয়ার নমুনা দেখে কিছু মাত্র আশা আছে বলে মনে হ'ল না। বাটির শেষ মাছের টুকরোটোও প্লেটে নামিয়ে নিয়েছে...

দাঁড়িয়ে দাঁড়িয়ে করণ নেক্রে আহার পর্যবেক্ষণ করতে লাগল নিধুরাম।

ওদিকে বাড়ি ফিরে আবার টিফিন ক্যারিয়ার ভরে নিয়ে আসতে আসতে ভাবছে সান্ধনা। কাজটা ভালো হ'ল না। ভদ্রলোক জানবেই। জাহুক, কিন্তু ওই দিয়ে খায় কি করে। তবু ভালো হ'ল না কাজটা। কি ভাববে কে জানে। হয়তো হাসবে মনে মনে আর মজা করে খাবে। মেয়েদের ওপরে লোকটার বিষম অবজ্ঞা শুনেছে। একে একে তিনজনের মুখে শুনেছে। অ্যাডমিনিস্ট্রেটিভ অফিসারের স্ত্রী মিসেস চ্যাটার্জির চায়ের আমন্ত্রণ প্রসঙ্গে নরেনবাবু বলেছিল প্রথম। তারপর সেদিন মড়াইয়ে বসে পাগল সদীর সখেদে বলেছিল। বলেছিল, বড়সাহেব শুধু কাজই বোঝে, মেয়েদের দাম বোঝে না। আর ভুতুবাবুও সেদিন বড়সাহেবের অহুশাসন প্রসঙ্গে প্রকারান্তরে সেই কথাই সমর্থন করেছে।

ভিতরে ভিতরে ক্ষুব্ধ হয়েই ছিল সান্ধনা। আজ বিরক্তি বাড়ল আরো। যা খুশি থাক, যেমন খুশি থাক, ওর তাতে কি। কোন খোশামোদ তোখামোদের ধার ধারে না। কিন্তু লোকটা তাই ভাবছে হয়তো...

বাবার নির্দিষ্ট শিলাসনে খাবার রেখে সান্ধনা বলল, নাও বাবা, তুমি বসে যাও, আমার একটু দেরি হয়ে গেল আসতে, নরেনবাবুকে আমি খুঁজে বার করে নিচ্ছি।

খিদের মুখে অবনীবাবু আর বিরক্তি করলেন না। দ্বিতীয় টিফিন ক্যারিয়ার

নিয়ে সাস্থনা নরেনের আপিস ঘরে উকি দিয়ে দেখে কেউ নেই। বেরিয়ে এলো। দালানের পিছনের গাছতলায় নরেন ধ্যানী বৃক্ষের মত বসে আছে চুপচাপ। সাস্থনা হেসে কেলল।—কি ঘুমুচ্ছিলেন নাকি ?

বড় একটা নিঃশ্বাস ফেলে নরেন জবাব দিল, খেতে দেবার লোভ দেখিয়ে এ ভাবে শান্তি দিতে বোধ হয় মেয়েরাই পারে।

সত্যি বড় দেরি হয়ে গেল। পরিপাটি করে আহাৰ্য গুছিয়ে দিল তার সামনে। নিম্ন, এবারে শুরু করুন।

নরেন বলল, আগে দেরি হ'ল কেন তাই শুনি ?

নিজে দিবি করে খেয়ে দেয়ে ঘুমুচ্ছিলাম বলে। আরম্ভ করুন নয় তো সব আবার টিফিন কারিয়ারে তুলে নোব এফুনি।

ত্রস্তে আহারে মন দিল নরেন চৌধুরী। গো-গ্রাসে। সাস্থনা হাসতে লাগল।

মড়াইয়ের অল্প ধারটা দেখা যায় এখানে বসেও। লোকজন তেমন নজরে আসে না। যন্ত্রপাতি বা গঠন-সমারোহ কিছু কিছু চোখে পড়ে। একটা দুটো করে কনক্রিটের ব্লক উঠছে প্রায় পাতাল-গর্ভ থেকে। এরকম বহু ব্লক একসঙ্গে জুড়ে দিলে তবে মড়াইকে বরাবরকার মত প্রাচীন অবরোধে দ্বিখণ্ডিত করা সম্পূর্ণ হবে। সাস্থনার মনে পড়ল কি। সেদিন ব্যাপারটা ঠিক মত বুঝতে পারে নি। বলল, আচ্ছা, ওই ব্লকের নিচে যে লোহার ঘরের মত কি একটা তৈরি হচ্ছে, ওটা কী ?

দাঁড়াও বাপু, এখন তোমার কথার জবাব দিতে গেলে আমার খাওয়া পণ্ড।

আঃ বলুন না কি ওটা—লোহার ঘরের মধ্যে একরাশ লোহালকড় দরজা-চাকা ছাউল-ম্যাউল—কি হচ্ছে ওখানে ?

অটোমেটিক প্রেসার গেট হচ্ছে। বুঝলে ?

সাস্থনা ঘাড় নাড়ল, না। কি হবে ওতে ?

বরাবর জলের নিচে থাকবে, জল বাড়লে তার প্রেসারে আপনি যন্ত্রপাতি চলবে, আর কমলে আপনি বন্ধ হয়ে যাবে।

সাস্থন উদ্গ্রীব হয়ে জিজ্ঞাসা করল, তারপর ?

তারপর পোলাওয়ের সঙ্গে কালিয়া মিশিয়ে তাতে চপ ভেঙে একেবারে উদরে চালান। আচ্ছা আমাকে এখন বকাচ্ছ কেন, দেখছ না ব্যস্ত আছি।

কিন্তু সাস্থনার মন তখন অল্প রাজ্যে খাওয়া করেছে। সাগ্রহে বলল, চলুন তাহলে ওর ভিতরে একদিন গিয়ে ঘুরে আসি।

কেন ?

আপনি তো বলছেন, বরাবর ওটা জলের নিচে থাকবে। কেউ জানতেও

পারবে না ওখানে এ রকম একটা জিনিস আছে, আর সাঙ্ঘনা বলে একটা মেয়ে সেখানে ঘোরাঘুরি করত—বেশ মজা না ?

বড় রকমের একটা গরাস মুখে তুলে নরেন বলল, হঁঃ ! তোমার তো সবচেয়েই মজা !

বাস্তবে ফিরে এলো সাঙ্ঘনা । তেমনি জবাব দিল, না তা কেন, যত মজা আপনার ওই পোলাও-কালিয়ার মধ্যে ।

‘ওর এ ধরনের আগ্রহের কারণ কিছু কিছু জেনেছে নরেন চৌধুরী । কিছু এঁবটা জিজ্ঞাসা করার জন্যই মুখ তুলল এবার । কিন্তু সাঙ্ঘনা বেশমন যেন বিব্রত হয়ে উঠেছে হঠাৎ । ওর দৃষ্টি অহুসরণ করে ফিরে তাকালো । পায়ে পায়ে এদিকে আসছে চিফ ইঞ্জিনিয়ার বাদল গাঙ্গুলি । কাছে আসতে নরেন হেসে কলল ।—আবার তুমি এসে গেলে, নিরিবিলিতে খাচ্ছিলাম চাটি !

মৃৎ হেসে বাদল গাঙ্গুলি দু’জনকেই নিরীক্ষণ কবল একবার । পরে সাঙ্ঘনাব দিকে চেয়ে প্রশ্ন করল, অষ্টগ্রহর জলকীর্তন শোনেন বলছিলেন সেদিন—এঁর কাছে শোনেন ?

সাঙ্ঘনা জবাব দিল না । এক গাল মুখে নিয়েই নরেন চৌধুরী দুচোখ কপালে তুলে বলল, আমি জলকীর্তন করি ! ওর কাছে !...আর জন্মে ও-ই বরং চাতক পাখি ছিল, জল আসবে শুনেই মনে মনে অষ্টগ্রহর সাতার কাটছে তাতে ।

সাঙ্ঘনা বড় রকমের একটা ভেংচি কাটল তাকে ।—হ্যাঁ কাটছে সাতার, আপনাকে বলেছে ।

বাদল গাঙ্গুলি সর্কোতুকে চেয়ে রইল । সশব্দে হেসে উঠল নরেন চৌধুরী । পরে বলল, বোসো না, দাঁড়িয়ে কেন, দেখ কি খাচ্ছি, এ রাজ্যে এ রকম জোটে না সচরাচর, সাঙ্ঘনা আর একটা ডিশ—

শশব্যস্তে উঠে দাঁড়াল সাঙ্ঘনা । অনেক দেরি হয়ে গেল, বাবা অপেক্ষা করছে, আমি—আমি চলি, খাওয়া হয়ে গেলে ওগুলো বেয়ারা দিয়ে পাঠিয়ে দেবেন ।

যাবার জন্ত পা বাড়াল ।

বাদল গাঙ্গুলি জিজ্ঞাসা করল, ওই...ও ভালো আছে ?

সাঙ্ঘনা থামল ।—কে ?

ওই কি যেন ওর নাম—আপনার স্ত্রী ?

বিব্রত হোক আর বাই হোক, উত্তর আর আঁচটুকু যায় নি । তৎক্ষণাৎ জবাব দিল, হ্যাঁ ভালো আছে, আপনার খোঁজ করছিল ।

জ্ঞাত প্রস্থান করল । বাজ মিটেছে একটু । বড়সাহেব হোক আর বাই হোক,

খাবার পাঠাক আর যাই করুক, ও কেয়ার করে না কাউকে—সেটা বুঝবে।

এরকম কথা চিক ইঞ্জিনিয়ার শুনতে অভ্যস্ত নয়। বিস্মিত নেত্রে চেয়ে রইল যতক্ষণ দেখা গেল।

মনে মনে বিব্রত একটু নরেনও হয়েছে। হেসে বলল, কিছু মনে করো না হে, ওর চালচলন কথাবার্তা সব এই রকম।...তোমাকে দেখার আগে তো একেবারে ভগবান গোছের একজন ঠাওরেছিল।

তার দিকে ঘুরে দাঁড়িয়ে বাদল গাঙ্গুলি হালকা জবাব দিল, আর দেখাব পরে গোপাল ভেবে গোক টানিয়ে ছেড়ে দিল।

নরেন সশব্দে হেসে উঠল।—না হে, ভয়ানক লজ্জা পেয়েছে সেদিন, সে যদি দেখতে...

সেদিন না হোক, আজ লজ্জার বহর স্বচক্ষেই দেখল বটে। সে কথা বলেই টিল্লনী কাটতে যাচ্ছিল আবারও। কিন্তু তার আগেই ছড়ানো আহাৰ্যসামগ্রীর দিকে চোখ আটকে গেল। সেই মাছের পোলাও আর কালিয়া, সেই মাছের ক্রাই আর চপ।

অবাক বিষ্ময়ে চেয়ে রইল সে।

কি হ'ল? নরেন বুঝে উঠছে না।

কিছু না, খাও তুমি। আত্মস্থ হয়ে নিজের আপিস ঘরের দিকে পা বাড়ালো আবার।

বাবার কাছে যাবার কোন তাড়া নেই সাব্বনার। তার টিকিন 'ক্যারিয়ার'ও বেয়ারাই নিয়ে যাবে। মেজাজ এখন প্রসন্ন একটু। ভূতুবাবুর দোকানের উদ্দেশে চলল। যাবে ঠিকই করেছিল। সেদিনের চায়ের পয়সা ক'টা দেওয়া হয় নি।

কিন্তু এসে দ্বিগুণ বিষ্ময় আর দ্বিগুণ বিপন্ন অবস্থা।

এক কোণে, বাইরে থেকে দেখাও যায় না এমন এক কোণের বেষ্টিতে পাশাপাশি ঝেঁষাঝেঁষি বসে চা খাচ্ছে আর হেসে গল্প করছে একটি মেয়ে আর একটি পুরুষ। মেয়েটিকে চেনে সাব্বনা। অ্যাডমিনিস্ট্রেটিভ অফিসারের মেয়ে স্বরনা। আর লোকটিকেও যেন দেখেছে কোথায়...। টেবিলের ওপরেই ছোট একটা স্ট্রাকেস।

ভূতুবাবু তার ক্যাশবাল্লের সামনে বসে নিরাসক্ত মুখে একটা পুরানো ক্লাগজ নাড়াচাড়া করছে। তার চোখ-কান অগ্নজ, অর্থাৎ সেই কোণের দিকে। হঠাৎ সাব্বনাকে দেখে উৎফুল্ল মুখে বলে উঠল, এই যে, আসুন মা-সব্বী, আসুন!

কোণের দু'জনের কলগুঞ্জে ছেদ পড়ল। ঘাড় ফিরিয়ে তারা তাকালো একিকে। ঝরনা মেয়েটি নিজের অজ্ঞাতেই যেন সঙ্গীর কাছ থেকে সুশোভন ব্যবধানে সরে বসল একটু। একিকে মা-লক্ষ্মী রাঙিয়ে উঠেছে।

বস্ত্রন মা-লক্ষ্মী, চা দিই? সানন্দে ভাবছে ভূতুবাবু, একটুখানি আক্ৰ দিয়ে আলাদা ক্যাবিন এবারে একটা না করলেই নয়।

সাস্তনা অশ্রুট আপত্তি জানিয়ে বলল, না এখন চা নয়। পয়সা ক'টা বাড়িয়ে দিল, সেদিনের সেই...

আঁতকে উঠে হাত গুটিয়ে নিল ভূতুবাবু। কিন্তু কিছু বলার আগেই কাঠের বাক্সের ডালার ফুটো দিয়ে পয়সা ক'টা তাড়াতাড়ি ফেলে দিল সাস্তনা। তারপর যাবার জগ্ন ঘুরে দাঁড়াতেই বাধা পড়ল আবার।

চললেন যে? আমায় চিনতে পারলেন না? ঝরনা বলল।

বিত্রতমুখে ঘাড় নাড়ল সাস্তনা, চিনতে পেরেছে।

তাহলে পালাচ্ছেন যে বড়? আমরা বুঝি কেউ নই? উঠে এসে একেবারে হাত ধরে বেষ্টির ওপর বসিয়ে দিল তাকে। সঙ্গীর উদ্দেশে বলল, আমাদের এখানে একাধারে গিরিকণ্ঠা আর মড়াইকণ্ঠা আছেন একজন, তোমাকে বলে-ছিলাম না? এই ইনি—সাইনোশিওর অফ দি স্পট—লক্ষণীয় নক্ষত্রবিশেষ—আর ইনি এই...আমার একজন বন্ধু, কলকাতায় থাকেন, এখন ফিরে চলেছেন। কই ভূতুবাবু, এঁকে চা দিলেন না?

আর এক পেয়ালা চা নিয়ে হাজির হ'ল ভূতুবাবু।

সোনালী চুচশমার পুরু লেন্সের ওধারে ঝিকমিক হাসি এবং আর একজনের নীরব কৌতূহলের মধ্যে পড়ে সাস্তনা যেন হাবুডুবু খেতে লাগল। বিনিময়ে নমস্কারও করতে পারল না। কিন্তু তবু বন্ধুটিকে যেন চিনেছে সাস্তনা। ওদের অগোচরে মেন কোয়াটার্সএ ঝরনার সঙ্গেই দেখেছিল আর একদিন। ভবেছিল, আত্মীয়পরিজন কেউ হবে। প্রথম দিনের প্রথম দর্শনে ভালো লেগেছিল ঝরনাকে। কিন্তু আজ ভালো লাগল না তেমন। একটা অবিস্থাসের কারণ দেখলে যেমন লাগে তেমনি লাগল।

ঝরনা জিজ্ঞাসা করল, ওপরে যাচ্ছেন তো? চলুন একসঙ্গে যাই। সঙ্গীর দিকে তাকালো, তোমার গাড়ির সময় হয়ে গেল বোধ হয়?

হ্যাঁ, এইবার উঠব। হাতঘড়ি দেখা এবং জবাব।

তিনজনেই উঠল একই বাদে। স্টাটকেস হাতে বন্ধু বিদায় নিল। ওরা দু'জন চড়াইয়ের পথ করল।

রয়ে সয়ে উঠলে বড় জোর আধঘণ্টা লাগে সাঙ্ঘনার মেন কোয়ার্টারস পর্যন্ত উঠতে। প্রায় ঘণ্টাখানেক লাগল সেখানে। কিন্তু এই একঘণ্টা সাঙ্ঘনার এক জীবনের নিশ্বাস যেন। মেয়েটার মাথায় গোলমাল আছে কিনা তাও সন্দেহ হচ্ছিল মাঝে মাঝে। ঝরনাই কথা বলে গেল। অনর্গল কথা। যে সব কথা একদিনের আলাপে কেউ বলে না, তেমন ধরনের কথাও। আর অজস্র হাসি। সাঙ্ঘনা বোনা সারাক্ষণ।

—সাঙ্ঘনাদের বাড়ি একদিন সে যাবে অনেকদিন ভেবেছে। সেই প্রথম দেখার পর থেকেই। হয়ে ওঠে নি।—কি করে হবে? ও বাবা! মায়ের যা ছাটাই বাছাই! তা এবার একদিন ঠিক যাবে। এখানে যে বাড়িতেই যায়। মেয়েরা, মানে মহিলারা সবাই বলে সাঙ্ঘনার কথা। বলে মানে টিপ্পনী কাটে। হিংসা, সোজা হিংসা—বুঝলেন না, অ্যারিস্টোক্র্যাট কি না ওরা—ওমা, আপনি আপনি করে বলছে কেন সে সাঙ্ঘনাকে। বয়স কত? যতই হোক, সাতাশ তে নয়। ওর সাতাশ—মা অবশ্য...যাকগে, আর আপনি বলবে না। ঝরন কলকাতায় কবে যাবে? কেন? এম-এ ক্লাস!...ও, মা বলেছিল বুঝি সেই প্রথম দিন—হ্যাঁ, এম-এ পড়ে বৈ কি, পাঁচ বছর ধরেই পড়ছে। কবে যে শেষ হবে পড়া কে জানে! না, হোস্টেলে থাকে না। দাদার কাছে থাকে। দাদা বৌদি ঠিক মায়ের মনের মত হয়েছে। অ্যারিস্টোক্র্যাট হয়েছে। কি মজা জানো—ওই জন্যেই আবার বৌদির ওপর মা মনে মনে একটু ইয়ে—নিজের বোনদেব মধ্যে মায়েরই মনমত কিছু হ'ল না কিনা—বাবা তো এতদিনে ঘষে মেটে মোটে অ্যাডমিনিস্ট্রেটিভ অফিসার—বোনদেব ওঁরা সব মস্ত মস্ত দিকপাল এক একজন। না, এখন সে চট করে যাচ্ছে না, মা যেতে দিলে তো! নতুন নতুন কত হোমরাচোমরা লোকের সঙ্গে বলে আলাপ পরিচয় হচ্ছে এখানে। নরেন চৌধুরী লোকটি বেশ—আলাপ হয়েছে, দিকি হাসিখুশি আর তোমার প্রশংসায় তো পঞ্চমুখ। কিন্তু ওই গোমড়ামুখো চিক ইঞ্জিনিয়ারটিকে দেখলে গায়ে জর আসে, দসকস-শূন্য নিরেট একেবারে, প্রথম দিন পার্টিতে ওকে এন্টারটেন করতে গিয়ে মায়েরই হিমশিম অবস্থা, আমার মজা লাগছিল বেশ। আচ্ছা, এঁই যে লোকটা গেল, গাড়ি পাবে তো? আর একটু আগে উঠলেই পারত—মাস্টারী বুদ্ধি আর কত হবে—মা বলে, মাথায় সাঁদা দ্রব্য থাকলে কেউ আর প্রাইভেট কলেজে ছেলে পড়ায় না—কিন্তু লোকটা ভালো, বুঝলে—মা বলে বোকা, কিন্তু আসলে ভালো বলেই একটু বোকা-বোকা দেখার আর কি!

সারাক্ষণ সাঙ্ঘনা স্থান কাল বিস্মৃত হয়ে ঘাড় কিরিয়ে ওর মুখের দিকে চেয়েই

উপরে উঠে এলো। নিজে বোধহয় দশটা কথাও বলে নি, কিন্তু ঝরনা থামতে মনে হ'ল ও নিজেই যেন হাঁপিয়ে গেছে বেশি। মেন কোয়ার্টারসএ পৌঁছেই হাসতে হাসতে বিদায় নিল ঝরনা। কিন্তু সোনালী চশমার ওধারে তার চকচকে দুই চোখে শুধু হাসিই চিকচিক করছিল কিনা তাও যেন বুঝে উঠছিল না সাব্বনা।

বাড়ি ফিরে বাদল গাঙ্গুলি সামনে নিধুকে দেখেই জিজ্ঞাসা করল, ইয়া রে, আমার দুপুরের খাবার আজ কোথা থেকে এসেছে ?

ফাঁপরে পড়লো নিধুরাম। বলত তখনই। কিন্তু সেই আহাৰ্যসামগ্রী দেখে জিব নেড়ে কথা বলা শুরু হয়ে পড়েছিল বলেই বলা হয়ে ওঠে নি। কোন প্রকারে জবাব দিল, আঁজ্ঞে...বাড়ি থেকেই তো এসেছিল, পথের মধ্যে ওই...ওভারসিয়ার-দিদিমণি কি রেঁখেছি দেখতে চাইলে...তারপর কেমন করে কি হয়ে গেল !

প্রচ্ছন্ন হাসির আভাস বাদল গাঙ্গুলির মুখে।—যা পালা, আর শোন, এখন কিছু খাব না।

দুপুরের খাওয়াটা বেশি হয়ে গেছে। কাপড়-জামা বদলে হাতমুখ ধুয়ে ইজিচেয়ারে গা এলিয়ে দিল।

ক্লান্ত লাগছে। রাজ্যের অবসাদ। কাজের মধ্যে ডুবে থাকে সারাক্ষণ, কিন্তু আজ কিছু ভালো লাগছিল না। অন্যদিনের থেকে একটুতাড়াতাড়ি বাড়িফিরেছে ঘরের আলো নিবিয়ে আরাম-কেন্দারায় গা ছেড়ে দিয়েও আরাম কিছু পাচ্ছে না।

কাজে ডুবে থাক আর যাই করুক, বিশ্বস্তির কবরের তলায় সব কিছুর নির্বাসন অত সহজ নয়, আজ সেটাই আবার নতুন করে উপলব্ধি করছিল বোধ হয়। হাল ছেড়ে দিল বাদল গাঙ্গুলি।...আম্বক ওরা। আম্বক ব্যথার দূতেরা। আম্বক খুশির দূতেরা। ভিড় করে আম্বক নিভৃত অতল থেকে ব্যর্থতার যত বোঝা আর যত কিছু...

এবারে যেন সহজ হ'ল একটু। টানধরা স্নায়ুগুলি শিথিল হ'ল অনেকটা। ওভার-সিয়ারের ওই মেয়েটার আজকের এই খাবার বদলে পাঠানো থেকে সেই আর একদিনের আর এক মেয়ের টিফিন ক্যারিয়ার পাঠানো মনে পড়ছে। এক নয়। এক রকমও নয়। বরং একেবারে উল্টে। তবু মনে পড়ছে। আজ ছিল পূর্ণতার বিশ্বাস। সেদিন ছিল শূন্যতার বিশ্বাস।...সেদিন সেও ভালো লেগেছিল বাদল গাঙ্গুলির। কিন্তু সেদিনের সেই ভালো লাগাটুকুও বুকের হি টনটনিয়ে উঠছে যেন। ওর নতুন দিনের সেই ভরা-প্রাচুর্য অমনি এক শূণ্যতার পেউলে উজাড় করে দিয়ে বসে আছে আজও, সেই ব্যাথাটাই যেন নতুন করে জাগিয়ে দিল একজন

সামান্য ওভারসিয়ারের এক অতি সাধারণ মেয়ের ভরা টিফিন কারিয়ার।

...টিক একটার সময় সেদিন মোটর-হর্ন বেজে উঠেছিল নেশান বিলডার্স লিমিটেডের দোরগোড়ায়।

উচু-নিচু আপিসহৃদ লোক চিনত এই মোটর-হর্ন। তারা বলত শ্রামের বাঁশি। সাত সুরে মেশানো মার্কামারা হর্ন। কিন্তু একটার সময় কেউ শুনতে অভ্যস্ত নয় এ হর্ন। ওটা বেজে উঠত কাঁটায় কাঁটায় পাঁচটায়। ঘড়ির দিকে না চেয়েও অল্প কর্মচারীরা বুঝতে পারত, পাঁচটা বাজল। জানত, এইবার পড়ি মরি করে ছুটেবে একজন। যত কাজ থাক, আর যত ফাইলই ভরে উঠুক। সত্যি তাই। বাদল গাঙ্গুলি তখন কলের মানুষ নয় আজকের মত। দাঁড়িয়ে দাঁড়িয়েই হয়তো শেষ ফাইলের কাজ শেষ করে নিত সেই মুহূর্তে হর্নের তাগিদে। নয়তো ঠেলে একপাশে সরিয়ে রাখত পরের দিনের জুতা। তারপর একে ঠেলে, ওকে ধাক্কা দিয়ে তরতর করে নেমে আসত সিঁড়ি বেয়ে।

এরই মধ্যে তাক বুঝে একমাত্র নরেন চৌধুরীই এসে পথ রোধ করে দাঁড়াত মাঝে মাঝে। শ্রামের বাঁশি কথটা তারই মস্তিষ্কজাত। গলা ছেড়েই একদিন বলে উঠেছিল, শ্রামের বাঁশি শুনে গোপিনীকুলই আকুল হ'ত, লোক হাসালেতুমি।

তাকে ঠেলে দিয়ে বাদল গাঙ্গুলি জবাব দিয়েছিল, কলিতে সব উল্টো বন্ধু, সব উল্টো—

তবু সে পথ আগলালে ধামতে হত। নরেন কখনো বলত, এ ফাইলের কাজ শেষ করে দিয়ে যাও, নয় তো খেসারত দিতে হবে।

কি খেসারত ?

আমিও যাব সঙ্গে।

বাদল গাঙ্গুলি কখনো হিড়হিড় করে তাকে হৃদ টেনে নামাতো সিঁড়ি দিয়ে। কখনো আবার এক ধাক্কা তাকে ফিরে চেয়ারে বসিয়ে দিয়ে একাই ছুটত। একগাল হেসে মোটরাসনার সামনে এসে দাঁড়াত। কে বলবে বাদল গাঙ্গুলি একজন ক্লাস ওয়ান ইঞ্জিনিয়ার, আর কে বলবে ও ঝকঝকে তকতকে মোটর গাড়ি এক ক্রান্তগতির যান্ত্রিক সরঞ্জাম মাত্র। ওই মোটর গাড়িতে নীলাকে গা এলিয়ে বসে থাকতে দেখলে কাব্যের রোমাঞ্চ জাগত ক্লাস ওয়ান ইঞ্জিনিয়ারের মনোযন্ত্রের মধ্যখানে।

যতক্ষণ না নেমে আসে, থেকে থেকে ততক্ষণই হর্ন বাজে। দেহি হলে ছদ্মকোপে নীলা বাঁজিয়ে উঠত, কানে তুলো গুঁজে বসে থাকে নাকি, একধার থেকে হর্ন বাজাচ্ছি।

দরজা খুলে ধুপ করে তার পাশে বসে পড়ে জবাব দিত, শুনেছি, সব ক'টাই শুনেছি—তোমার ওই মিষ্টি হন' শুধু আমার নয়, আপিসমুখ লোকেরই কানের ভিতর দিয়ে একেবারে মরমে গিয়ে বেঁধে, কিন্তু সখি, কাজ বড় বিষম গরল।

তবে নাবো, কাজই কর গে যাও !

কখনো আবার কোনো জবাব না দিয়ে সেই ভরা দিনের খোলা রাস্তায় মোটরের ভিতর হঠাৎ একেবারে তার প্রগল্ভ সান্নিধ্যে বুঁকে আসত বাদল গাঙ্গুলি।

—এই ! ষ্টিয়ারিং ছেড়ে যথাসম্ভব দরজার দিকে সরে বসত নীলা।—রাস্তার মধ্যে ইয়ারকি করলত হবে না। রাগ দেখাত সত্যি, কিন্তু ঠোঁটের হাসিটুকু একেবারে গোপন থাকত না। গাড়িতে স্টার্ট দিত তারপর। কমল-কলি হাতে ষ্টিয়ারিং ধরে গাড়ি চালাত...বাদল গাঙ্গুলি দেখত চেয়ে চেয়ে। গাড়িটা যেন 'ওর দাসালুদাস।

কখনো পার্টিতে যেত, কখনো নাচগান বাজনার আসরে, কখনো ক্লাবে বা থিয়েটার-বায়স্কোপে। আবার কখনো কোথাও না—শুধু পাশাপাশি যাওয়াটাই উপলক্ষ।

রোজ, প্রত্যহ।

কিন্তু দিনেদুপুরে বেলা একটায় সেদিন ওই মোটরের হন' কেন ?

দোতলার বিশাল হলেরই একধারে সারি সারি চেয়ার পদস্থ অফিসারদের। ওইই একটা থেকে শ্রিং-আঁটা দরজা ঠেলে এফুনি একজন বেরিয়ে এসে হস্তদস্ত হয়ে সিঁড়ির দিকে ধাওয়া করবে এবার, সেটাই প্রত্যাশিত ছিল হলের কর্মময় কর্মচারীদের। কিন্তু কেউ এলো না। যার উদ্দেশে হন', তার চেয়ার থেকে বেয়ারার উদ্দেশে প্যা-ক করে একটা শব্দ হ'ল শুধু।

বাদল গাঙ্গুলি জানত এ সময়ে এই হন' বাজবে, কিন্তু বাজলেও ব্যস্ত হওয়ার মত কিছু নয়। বেয়ারা ছুটে আসতে তাকে বলল, দেখো, ওই নিচের গাড়িতে আমার খাবার এসেছে, নিয়ে এসো।

বেয়ারা প্রস্থান করল।

দুপুরে সেদিন লাঞ্চার নেমস্তয় ছিল নীলার ওখানে। প্রায়ই থাকে। কিন্তু সম্ভ্রান্তি কাজে ব্যস্ত খুদু। একবার উঠলে তো আর অল্প সময়ে হবে না। তাই বলে দিয়েছিল তার খাবার আপিসে পাঠিয়ে দিতে।

কেন, তোমার আসতে কি ? নীলার বিরস প্রশ্ন।

বেজায় চাঞ্চল্যে, তোমার বাবাই বিষম তেতে আছেন, ছুটি মিলবে না।

নেশান বিলডার্স লিমিটেডের ম্যানেজিং ডাইরেক্টার বিপুল বাড়রী। নাম-ডাকের ছড়াছড়ি। সরকারী বেসরকারী এক্সপার্ট কমিটিতে বিশেষজ্ঞ হিসাবে ডাক পড়ে যখন তখন। নীলার বাবা। বাদল গাঙ্গুলির ভাবী স্বশ্রু। হলে কি হবে, কাজের সময় কোন সম্পর্কের ধার ধারেন না। একটু এদিক-ওদিক হলে ছাড়ন-ছাড়ন নেই। নেই বলেই ধাপে ধাপে এত অল্প সময়ে অতটা উঠতে পেরেছিল বাদল গাঙ্গুলি। কারণ, এদিক-ওদিক বড় হ'ত না তার কাজ। হলেও ভালর জন্যেই হয়েছে। অনেকবার সেটা বুকটান করেই প্রমাণ করে এসেছে সে।

ভুরু কঁচকে নীলা চেয়ে ছিল তার দিকে। অর্থাৎ, চালাকি পেয়েছে? হাত ধরেই টানতে টানতে নিয়ে গিয়েছিল পাশের ঘরে।—বাবা, কাল ও লাঞ্চে আসতে পারবে না বলেছে, এত কাজ তুমি নাকি ছুটি দেবে না—খাবার আপিসে পাঠিয়ে দিতে হবে।

পাইপ মুখে বিপুল বাড়রী হেসেছিলেন। বাদল গাঙ্গুলির পদমর্যাদায় ছু বণ্টা ছুটি দেওয়া-না-দেওয়ার প্রশ্ন ওঠে না। কিন্তু কাজের চাপটা মিথ্যে নয়। আর শ্রীমান কাজ ছেড়ে একবার বেরুলে খেয়েদেয়ে স্তবোধ ছেলেটির মত আবার আপিস করবে সে আশাও রাখেন না। বলেছেন, কাজটা আগে না তোর খাওয়া আগে? তুই তো তোর বন্ধুদের কম্প্যানী পাচ্ছিসই—ওর খাবারটা পাঠিয়েই দিস।

পছন্দ হয় নি। নীলারও না, নীলার মায়েরও না। মিসেস বাড়রী বলেছেন, কতকগুণই বা লাগবে—তোমার কাজ একেবারে উটে বাবে ওটুকুতে!

ওন্টাবে কি না সে তো ও-ই ভালো জানে। কাজ আছে যখন বলছে নিশ্চয়ই কাজ আছে—ওটা তো আপিস একটা না কি! বিপুলবাবুর সাক্ষ্যে।

—থাক বাবা থাক, আপিসেই পাঠাব'খন সব খাবার। কিরে যেতে যেতে রাগ করে নীলা বলেছে, আমারও যেমন—তোমার কাছে এসেছি বলতে।

দরজা ঠেলে অতিকায় টিকিন ক্যারিয়ার নিয়ে বেয়ারার আবির্ভাব। টেবিল থেকে ফাইল নিয়ে গ্লাস ডিস সাজালো সে। তারপর টিকিন ক্যারিয়ার খুলে একেবারে হাঁ। প্রথম বাটিতে কিছু নেই—শুধু এক লাইন লেখা কাগজ একটা। বেয়ারার সামনেই অগ্রস্বতের একশেষ সে। নীলা বড় বড় করে লিখেছে, খাওয়ার ইচ্ছে থাকে তো পত্রপাঠ চলে এসো। ওদিকে দ্বিতীয় বাটিটাও খুলে কেলেছে বেয়ারা। তৃত্যেও ত্রিণ একটা। বাদল গাঙ্গুলি ইয়ারায় বেয়ারাকে বলল চলে যেতে। সুদীর্ঘ বাটিতেই ওই এক-টুকরো করে ভাঙল। লাইনের বেহু কি, কারা কারা অপেক্ষা করছে, কতকগুণের মধ্যে না বলে যেহুটা শুধু

মুখেই শুনতে হবে, ইত্যাদি।

টিফিন ক্যারিয়ার দেখেই খিদেটা বেশ চাড়িয়ে উঠেছিল।...হাসিও পেয়েছে, আবার রাগও হয়েছে। রাগ হয়েছে বেয়ারার সামনে অপ্রস্তুত হয়েছে বলে। বোতাম টিপে তাকে ডাকল আবার। নির্দেশমত সে টিফিন ক্যারিয়ার ইত্যাদি গুছিয়ে নিয়ে চলে গেল।

কিন্তু জন্ম বাদল গাঙ্গুলিও করতে জানে। কাজ মাথায় উঠল। বসে আছে, অপেক্ষা করছে। টেলিফোন বেজে উঠল। রিসিভার তুলে নিল।

কি এলে না?—ওধার থেকে।

ওধার থেকে।—এক্ষুনি যাবো, একেবারে মুখ তুলতে পারছি না। তোমর অপেক্ষা কোরো না।

না, ওরা তোমার জগ্রে বসে আছে।

সেই জগ্রেই তো আরো যাবো না। আমার জগ্রে তুমি একা বসে থাকবে। চালাকি করতে হবে না, এসো শীগ্গির!

যাচ্ছি, তোমরা শুক করো। হাতের কাজটুকু সেরে না গেলে তোমার:বাবাই চাকরি খতম করে দেবেন। অপেক্ষা কোরো না কিন্তু, হ্যাঁ—ঠিক যাবো।

ঠিকই গিয়েছিল। ঠিক পাঁচটায় আপিস থেকে বেরিয়েছে। তার পর যেতে' বতরুণ লাগে।

নীলা চটেছিল। তার থেকে বেশি চটেছিলেন নীলার মা। কেন জানি স্বামী বা মেয়ের মত ওকে অতটা সূচক্ষে দেখতে পারেননি মহিলা। যেভাবে জামাইকে হাতের মুঠোয় পেতে চেয়েছিলেন, সেভাবে ঠিক পাওয়া যাবে কি না ভেমন একটা সংশয় ছিল বলেই বোধ হয়। এত বড় বাড়ি, দুটি ছেলে, একটি মেয়ে। ছেলেদের তো ইস্কুলের বয়স পেরোয় নি। বিয়ের পর জামাই অনায়াসে এখানেই থাকতে পারে। এখন থেকেই থাকতে পারে। সে মনোভাব অনেকবারই ব্যক্ত করেছেন তিনি। কিন্তু গেরো মা-ই বেশি হ'ল ওর। আর যে ছিরি ওর বাড়ির! মেয়ের সেখানে গিয়ে থাকার সম্ভাবনার কথা ভাবতেও শিউরে ওঠেন।

বিকেল পাঁচটা না বাজতে মেয়ে সেজেগুজে সাত-তাড়াতাড়ি গাড়ি নিয়ে যায় কোথায় জানেন। বিরক্ত হন। মেয়ের বাবার উদ্দেশে অনেকদিন বলেছেন, যেমন তুমি তেমনি তোমার মেয়ে, হু'জনেই তোমরা দিনকে দিন ওকে বাড়িয়ে তুলছ। বাড়িতে আরটে বাজলেই মেয়ের আর তর সয় না, ছুটবে গাড়ি নিয়ে। কেন? গ্যাটিনো? বসে থাক, ও আপনি আসবে'খন হুড়হুড় করে।

আড়াল থেকে নীলাও শোনে। বিপুল বাড়রীর মেজাজ ভাল না থাকলে

জবাব দেন না। ভালো থাকলে বলেন, তা ওদের বিয়েটা দিয়ে দাও না, মিছি-মিছি দেরি করে লাভ কী ?

খামো বাপু তুমি, হেসে খেলে দু'দিন বেড়াচ্ছে মেয়েটা বেড়াক, তার পরে আছেই বিয়ে, বিয়ে পালাচ্ছে নাকি ?

ভদ্রলোক ঠাট্টা করেন, কিন্তু তোমার মেয়ে যে পালাচ্ছে।

এসব খবর ঘুরিয়ে ফিরিয়ে নীলাই আবার যথাস্থানে জানিয়েছে। মায়ের এ অনুযোগ অভিযোগ ওদের দু'জনের কাছেই হাসির ব্যাপার।

বিপুল বাড়রী সেদিন বাড়ি ফেরা মাত্র মহিলা অগ্নিমূর্তিতে ভাবী জামাইয়ের লাঞ্চে না আসার দাস্তিকতাটাই বড় করে বিস্তার করতে বসলেন।—মেয়েটা সেই থেকে প্রায় না খেয়ে মন খারাপ করে আছে। বলেছিলাম না, যেভাবে চেয়েছিলাম ঠিক সেভাবে পোষ মানে নি ও, আর মানবেও না কখনো !

বিপুলবাবু বললেন, কিন্তু ওর তো খাবারটা আপিসে পাঠিয়ে দেবার কথা ছিল।

কেন, ও আসবে না কেন ? টেলিফোনে বলল আসবে, তার পরেও এলো না কেন ?

আসামী আসার পর তার কাছেও মেয়ের খকলটাই ফেনিয়ে তুললেন মিসেস বাড়রী। টিকিন ক্যারিয়ারে খাবার না পাঠাবার ব্যাপারে তাঁরও পরোক্ষ সায় ছিল বলেই রাগ চাপতে পারছিলেন না।

কিন্তু মেয়ের সঙ্গে আপসটা ওর সহজেই হয়ে গেল। কারণ কাজটা আর যাই হোক ভালো হয় নি খুব, সেটা নীলা উপলব্ধি করেছিল।

ছপুরের খাওয়াটা বেশ ভালো ভাবে উত্তল করে নিয়ে ওরা বেড়াকতে বেরিয়েছিল তারপর। গাড়ি চালাতে চালাতে মায়ের মেজাজ কতখানি বিগড়েছে নীলা তারই ফিরিস্তি দিচ্ছিল একটা।

সে খামলে বাদল জিজ্ঞাসা করল, আর কি বললেন তোমার মা ?

আর বললেন, ছেলেটা এখনো ঠিক পোষ মানে নি।

তোমাদের টমি কুপুরের মত ?

তোমার যা বুনো স্বভাব, ওতে কুলোবে না, আরো শক্ত শেকল দরকার। সন্ধ্যার সময় একটা নিরিবিলি পথ ধরে নীলা গাড়ি চালাচ্ছিল। ষ্টিয়ারিং থেকে হাত তোলার উপায় নেই। আচমকা অধরস্পর্শে গাড়ির টায়ার সামলানো দায় হয়েছিল প্রায়। ছদ্মকোণে বাঁজিয়ে উঠেছিল শুধু, আকস্মিকভাবেই চাল তখন

জবাবে আবার 'এবং তেমনি আচমকা।

ভালো হবে না বলছি, একুনি দোব কিন্তু ষ্টিয়ারিং ছেড়ে !

বাদল গাঙ্গুলি হেসেছে, বলেছে, একে বুন্দো স্বভাব, তায় ছাড়া আছি—
জামার কি দোষ !

কিন্তু মধ্যাহ্নের এই আহার-প্রসঙ্গ বাড়িতে ওর নিজের মায়ের কাছে প্রকাশ
হয়ে যেতে একেবারে অগুরুকম দাঁড়াল ব্যাপারটা। রাত্রিতে থাকে না শুনে মা
ধবর করতে এসেছিলেন, সেই দুপুরে নেমস্তন্ন খেয়েছিস এখনো খিদে পায় নি ?

মায়ের কাছে হাসতে হাসতে সবিস্তারে জ্ঞাপন করেছিল দুপুরের মজার
ব্যাপারটা। ওকে জন্ম করতে গিয়ে উন্টে নিজেরাই কেমন জন্ম হয়েছে সেই কথা।

কিন্তু মা এর মধ্যে মজা কিছু দেখলেন না, আর জন্ম হওয়া বা করার
আনন্দও কিছুমাত্র উপভোগ করলেন বলে মনে হ'ল না। শোনা মাত্র মুখ যেন
সাদা হয়ে গিয়েছিল মায়ের। বলে ফেলেছিলেন, খালি টিফিন ক্যারিয়ার পাঠিয়ে
তার তাকে সমস্ত দিন না খাইয়ে রাখলে !

সামলে নেবার জন্ম ছেলে তারপরে অনেক কথাই হয়তো বলেছিল। কিন্তু
মা তার একবর্ণও শুনেছেন বলে মনে হয় নি। আর একটি কথাও না বলে
নিঃশব্দে প্রস্থান করেছিলেন তিনি।

মনে মনে মায়ের ওপর সেদিন একটু বিরক্তও হয়েছিল। মায়ের চোখের
সামনে ওর সমস্ত ভিতরস্থদ্ধু এমনি ঝোলাখুলি ধরা পড়ে যায় বলেই বোধ হয়।
মায়ের ধারণা মিথ্যে নয় খুব। কিন্তু যোগ্যতা তো তারও আছে। নেশান
বিলডার্সএর ম্যানেজিং ডাইরেক্টর বিপুল বাড়রী হাজার গুণা লোক চরান, ওর
মত তো আর পাঁচজনকে বেছে নেন নি তিনি। যোগ্যতা না থাকলে, বরাবর
কোম্পানি না পেলে, ওর মত গরীবের ছেলের ইঞ্জিনিয়ারিং পড়াটাই স্বপ্ন। অবশ্য
কোম্পানির মধ্যে মা অনেকখানি। ছেলেবেলা থেকে মায়ের সবল ইচ্ছাশক্তি যেন
ঘিরে থাকত ওকে। চাকরিতে ঢুকে ও চট করেই নাম করেছিল। ম্যানেজিং
ডাইরেক্টর বিপুল বাড়রী কোম্পানী থেকে ওকে ট্রেনিংএর জন্য বাইরে পাঠাবার
ব্যবস্থা করেছিলেন। এ রকম একটি ছেলেকে বড় হবার স্বযোগ দেওয়াও সহজ।
আর স্বযোগ দিয়ে কিনি রাখাও সহজ। বিপুল বাড়রীর স্বার্থ সেদিনও অবিস্মৃত
ছিল না বাদল গাঙ্গুলির। নীলাকে কাছাকাছি পাওয়ার পর থেকে সে স্বার্থের
পাকে পাকে জড়িয়ে যেতে আপত্তিও ছিলনা তার। গরীবের ছেলে এত বড়
ভাগ্যের সম্ভাবনা কোনো ভাবে নি। কিন্তু ওর অস্থিমজার আর একদিকে মিশে
আছে মায়ের পড়া পড়াবোধ। বিপুল বাড়রীর স্বার্থে নিজেকে সমর্পণ করতে
চেয়েছে, কিন্তু শুনিয়েছে থাকতে চায় নি তাঁদের। অনেক সময় সেটা নিজেরই

সে বরদাস্ত করতে পারত না। কিন্তু এ ব্যাপারে মায়ের দুশ্চিন্তা বা ইজিত-কটাক্ষও খুব ভালো লাগত না তা বলে।

...কিন্তু সব শেষে একদিন সব কিছুর সেই কল্যাণক অবসান।

আলো-নেবানো ঘরের নিভূতে বসে থাকতে থাকতে বাদল গাঙ্গুলির হঠাৎ মনে হ'ল ঘরের বাতাস যেন কমে যাচ্ছে। একটা অব্যক্ত শূণ্যতা চেপে বসছে ক্রমশ। ইজিচেয়ার ছেড়ে উঠে দাঁড়াল। সামনের টেবিলে নীলার ফোটা আছে একখানা। অনেকদিন ধরেই আছে। রাখার কোন অর্থ হয় না। তবু রেখেছে।

সামনে এসে দাঁড়াল। হুঁহাতে তুলে নিল ফোটাখানা। আরো অনেক ছিল। সব নিখূল করেছে। এটাও করত—

—হ্যাঁ রে, এত বুঝিস আর এটুকু বুঝিস নে, জর হলে গাঙ্গুলি জল ঢেলে গাটাগা করা যায় ?

সচকিতে ঘুরে দাঁড়াল বাদল গাঙ্গুলি। ঘরের মধ্যে, শূণ্য ঘরের মধ্যে, তার খুব কাছে, একেবারে কাছে, কোথায় বুঝি মা এসে দাঁড়িয়েছেন! তার মা! তার মায়ের কথা! সেই সবশেষে সব শেষ করার জগুই ও যখন ফোটা ছিঁড়ছিল একে একে—ওর মা বলেছিলেন। সেই কথাগুলি আজ আবার নিবিড় স্পর্শ হয়ে কানের ভিতরে, বুকের ভিতরে পৌঁছল হঠাৎ। অব্যক্ত যাতনায় শূণ্য ঘরের মধ্যে একমাত্র সেই মাকেই যেন খুঁজে বেড়ালো মড়াইয়ের চিক ইঞ্জিনিয়ার বাদল গাঙ্গুলি। মা, মাগো!

কে? হাতের ফোটা রেখে দিল। নিভূত রোমন্থনে ছেদ পড়ে গেল।

আমি নিধু, রাস্তিরের খাবার।

ঘরের আলো জ্বলে দিল বাদল গাঙ্গুলি। ঘড়ি দেখল। ছোট টেবিলে খাবার রেখে অপেক্ষা করতে লাগল নিধু। আলো জ্বালার সঙ্গে সঙ্গে পারস্পর্যহীন নিম্পৃহতার আবরণ নেমে এসেছে ভিতরে বাইরে।

চেনার টেমে আহারে বসল কলের মাছ চিক ইঞ্জিনিয়ার বাদল গাঙ্গুলি।

—সাত—

সাত্বনা হুঁচাববার অস্বরোধ করতে নব্বইরাজী হয়ে গেল।

ইতস্তত করেছিল প্রথম। কিন্তু আনন্দ জিনিসটাও হাঁসাতে কম নয়। চাকরির বাইরেও শুকনো পক্ষমর্দ্যাদার শিকলে আটকা পড়ে থাকা বৈধ নয় নরেন চৌধুরীর।

বাদনা উৎসবে নেমন্তন্ন করে গেছে পাগল সর্দার ।

সাস্থনা শুনেছে সে এক মন্ত পব ।

বারো মাসে তেরো ছেড়ে তেত্রিশ পার্বণের অজস্রতাই ছিল একদিন ওদেব । সেদিন গেছে । পোষে ধান কাটার উপলক্ষও আর নেই বড় । মেয়ে-পুরুষের প্রবান জীবিকা এখন চাকরি । ক্ষুধার দায়ে পেশা বিকিয়েছে । সে পেশার লাগাম অগ্নির হাতে । তবু দুই একটা উৎসবে লাগাম ছেঁড়ে ওদের । বাদনা উৎসবে বেশ ভালো করেই ছেঁড়ে । উপযুপরি পাঁচটা দিন একটি সাঁওতাল নারী-পুরুষকেও আব মড়াইয়ের ধারে কাছে দেখা যাবে না ।

ওদের এই ক'টা দিনেব অল্পপস্থিতি মড়াইয়ের কর্মকর্তাদেরও মেনে নিতে হয় । বিভিন্ন জাতের সহস্র সহস্র কুলিকামিনের মধ্যে মাত্র ক'টা দিনের জগ্ন এই একদলেব অল্পপস্থিতি লক্ষণায় নয় এমন কিছু । উৎসবের ব্যাপারটা নরেন চৌধুরী কিছু কিছু জানে । গতবার আভাস পেয়েছে । সাস্থনা দেখে নি কখনো । শুনেছে । শোনার পরেও আর চুপচাপ ঘরে বসে থাকে কি করে ।

যেতে হবে ওদের বাড়ির পেছন দিক দিয়ে পাহাড়ী রাস্তা ধরে নিচে নেমে, গোটা দুই গ্রাম ছাড়িয়ে শালমহয়ার বন পেরিয়ে তারপর ।

অদ্ভুত ভালো লাগছে সাস্থনার । এ পথে আর আসেনি কখনো । মহুয়া বনে রসে টাইটশুর মহুয়া ফলের মিষ্ট মাতাল আতপ আতপ গন্ধে কি একটা সাড়া জাগছে যেন চেতনার তলায় তলায় । আসন্ন বসন্ত বাতাসে শালপিয়ালের ঝরঝরানি যেন গানের মতই কানে বাজছে । নরেন এটা সেটা টিপ্তানী কাটছে মাঝে মাঝে । এ পরিবেশে নীরবতাও প্রায় স্পর্শবাহিনী । তাই কথা বলতে হচ্ছে ওকে । নইলে চুপচাপ ওই যৌবন-প্রাচুর্যের দিকে চেয়ে থাকা বেশি লোভনীয় ।

কিছুটা পথ বাকি তখনো । দূর থেকে ঢোল মাদলের শব্দ কানে আসছে । সামনের বাকি একজন ঝোক দাঁড়িয়ে । অবাকালী । সেপাই বা দারোয়ানের কাজটাজ করে বোধহয় । নরেন চৌধুরী মন্তব্য করল, ব্যাটা এখানেও এসে জুটেছে আবার ।

কে ও—সাস্থনা কিরে তাকালো ।

জবাব দেওয়া হ'ল না । কাছাকাছি এসে পড়েছে । লোকটা আগে দেখে নি ওদের । দেখে বেশ বিব্রত হয়েছে বোঝা গেল । তাড়াতাড়ি আনত অভিযান জ্ঞাপন করল নরেন চৌধুরীর উদ্দেশে ।

কেন?—হয়, দেখে আসা? নরেনের হিন্দী ।

জবাবে লোকটা লজ্জায় ঠোট দুটো একবার নাড়ল ওঁধু । তার পাশ কাটিয়ে

এগিয়ে গেল। নামটা শোনা-শোনা লাগছে সাঙ্ঘনার। নরেনকে মুখ টিপে হাসতে দেখে আবার জিজ্ঞাসা করল, কে লোকটা বলুন না ?

যাকে দেখবে তাকেই চিনে রাখতে হবে তোমার ?

সাঙ্ঘনা লজ্জা পেয়ে বলল, তবে হাসছেন কেন ?

অল্প খেমে নরেন জবাব দিল, একটুখানি কাব্যকথা মনে পড়ে গেল, ওই ফুলের লোভে লোভে কারা সব আসে...সেই কথা। ওর নাম বাহাদুর, জমাদার—একেবারে বাহাদুর জমাদার। হেসে উঠল।

...জমাদার...বাহাদুর—

কার মুখে শুনেছিল ? কোথায় শুনেছিল ? মনে পড়তে একেবারে ঘুরে দাঁড়াল সাঙ্ঘনা। কিন্তু দেখা গেল না। লোকটা আড়াল নিয়েছে। ভূতুবাবুর মুখে শুনেছিল এ নাম। পাগল সর্দারের মেয়ে চাঁদমণির সঙ্গে জড়িয়ে ভূতুবাবু বলোছিল কিছু। বলে নি, বলতে যাচ্ছিল...

কি হ'ল ?

অপ্রতিভ মুখে সাঙ্ঘনা এগলো আবার।—কিছু না, এই লোকটা ভয়ানক পাজী শুনেছি।

আর একটু বিব্রত করার উদ্দেশ্যেই নরেন লোকটাকে সমর্থন করে বলল, ওর দোষ কি ? ফুলের লোভে লোভে ওই কারা সব না এলে ফুলের জীবনই ব্যর্থ শুনেছি।

যা-ন, আপনাকে আর কাব্য করতে হবে না। বলল বটে, কিন্তু হেসেই কেলল সেও। দিনকতক আগেও পাগল সর্দারের সঙ্গে দেখা হয়েছিল তার। কথায় কথায় সাঙ্ঘনা মেয়ের বিয়ের কথা তুলেছিল। সর্দারের কথা শুনে বেজায় হেসেছিল সেদিন। মনে পড়তে জোরেই হেসে উঠল এবার।

সর্দারের ওই মেয়েটার সঙ্গে হোপুনের বাপলা হবে শিগ্গির জানেন ? বাপলা বুঝলেন না ? বিয়ে—

বুঝলাম, ত' তোমার এত হাসি কেন ? তোমাকেও নেমস্তন্ন করবে ?

করবেই তো। হাসিছি ওই সর্দারের কথা শুনে। ঠিক করেছে এই চৈত্র মাসে বিয়ে দেবে ওদের—কিন্তু ওদের কিছু বলে নি এখনো—ঠিক করেছে শুধু। চৈত্র মাস শিবরাত্রি পার হলে দিয়েই দেবে বিয়েটো—শিব হল বাবা—আগে বাবার বিয়ে না হলে ছেলেমেয়ের বিয়ে হবে কি করে। সে রকম নিষ্ঠুর নেই ওদের। মুখে আঁচল চাপা দিয়ে হুঁতুলতে লাগল সাঙ্ঘনা।

নরেনের সমস্তা বর্ধনয়। হাসবে, না হাসি দেখবে...

সুরে বীধা জমাট আসর নয় কিছু। সুরে আর বেহুবে, গানে আর গর্জনে, তালে আর তাণ্ডবে একটা একাকার ব্যাপার। আবালবৃদ্ধবনিতার উৎসব। মাঝি পারাগি-জগমাঝি, জগপারাগিক নায়ক প্রভৃতি গণ্যমান্তদের সমাবেশ। ছেলেমেয়েদের হৈ-হুল্লোড়ে তারা সরাসরি যোগ দিচ্ছে না বটে, কিন্তু চোখে-মুখে তাদেরও প্রশ্রয়ের আভাস। জোয়ানেরা অনেকে কালিঝুলি মেখে সং সেজেছে। অনেকে আবার ময়ূরের পেখম পবেছে বা মাথায় চূড়ো বেঁধেছে। বাসন্তী রংএ শাড়ি ছুপিয়েছে মেয়েবা, কপালে টিপ পবেছে, কালো চুলে গুঁজেছে মহা ফুল।

মন্ত্র পড়ে নায়ক অখণ্ড পুরোহিত। বলে, ওগো পীঠস্থানের ঠাকুর, ওগো ‘জাহের এরা’, তোমাকে প্রণাম। তোমার নামে আজ আমরা ছোট বড় সকলে এসে মিণেছি। ‘জাহের এরা’ আমাদের স্বথ-স্বাচ্ছন্দ্য দিও। তোমায় প্রণাম বাবাঠাকুর, আমাদের ব্যারাম পীড়া দুঃখজালা সব দূর কোরো, প্রাচীনকালের মত ধনে-ধাণ্ডে সমৃদ্ধ কোরো আমাদের ‘জাহের এরা’, আমাদের আত্মীয় কুটুম বন্ধু-স্বজন ছোট বড় সকলের মঙ্গল হোক, আমাদের মধ্যে ঝগড়া-বিবাদ নাশ-বিনাশ যেন হয় না হয় ঠাকুর, নেচে গেয়ে স্বথে স্বচ্ছন্দে যেন আমরা থাকতে পারি। ওগো বাবাঠাকুর, ওগো ‘জাহের এরা’, প্রণাম তোমাকে।

মাঝি সকলকে আশীর্বাদ কবে বলে, ঝগড়াঝটি কোরো না, লোভলালচ কোরো না, পাঁচ দিন পাঁচ রাত্রি ভাই-বোনেরা মিলে ফুটি করো।

এই ফুটির আমেজ লাগে ছেলেবুড়ো সকলের মনে। মুরগী উৎসব হয়। সাদা রঙের আর বাদামী রঙের। স্ককরা পোলাও রান্না হয়। আর নাচ আর গান, গান আর নাচ। ঢাক বাজে মাদল বাজে নাগবা বাজে, মোঘের শিল্পের বাঁশি ফৌকা হয়। একটা শব্দতরঙ্গের উত্তাল আনন্দের আরতি হতে থাকে দেহের প্রতি রক্তে।

সাস্থনা এবং নরেন চৌধুরীর পদার্পণে সব থেকে খুশি পাগল সর্দার। এমনিতে অতিথিখণ্ডসল ওরা। তার ওপর দিদিয়া এসেছে, সাহেব এসেছে। আনন্দ ধরে না। কিন্তু আর সকলের ওদের দিকে তাকাবার অবকাশ নেই খুব। নিজের নিয়ে নিজেরাই বিহ্বল।

বিহ্বল সাস্থনাও। ওদের কাণ্ডকারখানা দেখে প্রচুর হেসেছে। কিন্তু এই মত আনন্দের ছোঁয়ায় উজাড় করে দেবার একটা ইশারাও আছে যেন। অস্বস্তি লাগে। দেহের রক্তে সর্ববিলানো নাচনের ছোঁয়া। থেকে থেকে মূখ রাঙিয়ে উঠছে, চোখে ঘোর লাগছে কিসের। বাতাসে মহায়া গন্ধ ভেসে আসছে এক একবার।

এখানে টাকমাটিক আচ্ছন্ন হোপনও আছে। এত লোকের মধ্যে দুজনকে

বিচ্ছিন্ন করে দেখার জায়গা নয় বলেই সাঙ্ঘনা বিশেষ করে দেখার স্বেযোগ পাচ্ছে ওদের। মত্ত মাতাল খুশির নেশায় যেন চলে চলে পড়ছিল মেয়েটা।

কিন্তু খানিক বাদেই কি হ'ল যেন। ফিরে ফিরে তাকায় সাঙ্ঘনার দিকে। সাঙ্ঘনার হাসির সঙ্গে ওর হাসি আর মেলে না তেমন। এই মেয়েটার প্রতি বরাবর একটা প্রচ্ছন্ন আকর্ষণ সাঙ্ঘনার। ভেবেছিল চাঁদমণি কাছে আসবে, কথা বলবে, আর হাসবে। যেমন করে কথা বলে ও, আর যেমন করে হাসে।

কিন্তু সাঙ্ঘনার হাসি দেখে ওর হাসি কমে এলো আস্তে আস্তে। আড়ে আড়ে দেখে, চলনে চাউনিতে একটা সর্পিল কাঠিগু দেখা দেয় কেমন। হোপুনের কাছে এসে কানে কানে বলে কি। হোপুন ওদের দিকে ফিরে তাকায় একবার। ওর চাউনিটাও তুর্বোধ্য মনে হয় সাঙ্ঘনার।

নরেন তাড়া দিল, এইবার পালাই চলো, একটু বাদেই মদ গিলতে বসবে সব।

সভয়ে উঠে দাঁড়াল সাঙ্ঘনা। এতক্ষণে মনে হ'ল, ওদের এত ফুর্তির উৎসটা খুব যেন স্বাভাবিক নয়। মদ খেয়েই বোধ হয় আসরে নেমেছে সব। আসর শেষ হলে আবারও থাকে। পাগল সর্দার এলো। জিজ্ঞাসা করল, আখুনি যাবি তুরা ?

সাঙ্ঘনা ঘাড় নাড়ল।

সর্দার বলল, কাল আসিস দিদিয়া, কাল ভাংরা লিয়ে জোর লাচ হবে।

সাঙ্ঘনা জবাব দিল না। দূর থেকে চাঁদমণি চেয়ে চেয়ে দেখছে ওকে। হোপুনও। ওদের মুখভাব খুব যেন সদয় নয়। মনে মনে অবাক হ'ল সাঙ্ঘনা। ...কিন্তু হুঁচার মুহূর্তের জগ্গে শুধু। তার পরেই ভুলে গেল ওদের কথা। বিশ্বস্তিরই আসর এটা। অনেকটা আচ্ছন্নের মতই নরেনের পাশে পাশে চলতে লাগল সে।

...ভাবছে। ভাবতে চেষ্টা করছে। এ ভদ্রলোকই বা এমন চুপচাপ কেন। হালকা হাসি-ঠাট্টা কিছু করতে পারলে এ ভাবটা কাটে হয়তো। কিন্তু মুখ তুলে চাইলেও পারছে না। কি যেন হচ্ছে ভিতরে ভিতরে।

হঠাৎ সচকিত হ'ল সাঙ্ঘনা। সম্ভবত নরেন চোঁধুরীও। অপ্রত্যাশিত সাক্ষাৎ ঘটল আর একজনের সঙ্গে। একজন নয়, দুজনের সঙ্গে। শাল মদ্য পেরিয়ে দুজনেই ধমকে গেল অদূরের জিপ গাড়িটা দেখে। ঘোষ-চাকলাদারের জিপ। শুকনো মড়াইয়ের ধারে পাশাপাশি বিচরণ করছে রণবীর ঘোষ আর অ্যাডমিনিস্ট্রেটিভ অফিসারের মেয়ে বরনা চ্যাটার্জি।

ওদের দেখেই ঘোষ ফুল মুখে এগিয়ে এলো দুজনেই। রণবীর চোখ বলল,

উৎসব দেখতে গিয়েছিলেন নাকি ? ওয়াগারফুল, না ?

নরেন কিছু জবাব দেবার আগেই ঝরনা বলে উঠল, এ মা, দেখব বলে এতদূর এলাম, আর দেখা হ'ল না ! অহুযোগ করল রণবীর ঘোষকেই, আপনার জন্যেই তো, কেন নিয়ে গেলেন না ?

নরেন বলল, জিপ রয়েছে সঙ্গে, এখনো যেতে পারেন ।

ঝরনা সাগ্রহে তাকালো তার সঙ্গীর দিকে, চলুন যাই তাহলে । এগোতে গিয়েও সাস্থনার মুখোমুখি দাঁড়িয়ে পড়ল, কি গো মেয়ে, আমাকে যেন চিনতেই পারছ না—তোমার মুখ দেখে তো মনে হচ্ছে না উৎসব দেখে এলে !

চশমার ওধারে চোখ দুটো তার হেসে উঠল । ও ধরা পড়ে নি, সাস্থনাই রা পড়ে গেছে যেন ।

নরেন বলল, ওদের ওই আত্মরিক আনন্দ দেখে সাস্থনার মাথা ধরে গেছে । যাপনারা যাবেন তো যান তাড়াতাড়ি—সন্ধ্যা হয়ে গেলে আর কি দেখবেন, রসো সাস্থনা—আচ্ছা, নমস্কার ।

এগিয়ে চলল আবার । পাহাড়ী রাস্তা । উঠতে লাগল । এই মেয়েটার সঙ্গে এই লোকটার এই অন্তরঙ্গতা সাস্থনা কিছুতেই যেন বরদাস্ত করতে পারছে না । দিও মেয়েটা কেমন খুব বুঝেছে । সেদিন ওর সঙ্গে সেই পাহাড়ে উঠতে ঠাতেই বুঝেছিল । আজ আরো বেশি বুঝল ।

ওদের এখন ওখানে যেতে বললেন যে ?

নরেন ফিরে তাকালো তার দিকে । হাসল একটু । সংক্ষিপ্ত জবাব দিল, ললেও ওরা যাবে না, গেলে আগেই যেত ।

এতটা হাঁটার পর চড়াইয়ে ওঠাটা কষ্টকর বেশ । তবু যত তাড়াতাড়ি স্তব সাস্থনা বাড়ি যেতে পারলে বাঁচে এখন । মন বললে, আসা উচিত হয় নি । মন জানলে আসত না । কিন্তু ভিতর থেকে আর একটা অহুভূতি যেন দ্বিগুণ ত্রুত করে তুলছে তাকে । এই অস্বস্তিকর অহুভূতিটা অনাকাঙ্ক্ষিত নয় খুব ।... মনদায়ক, কিন্তু অবাস্তিত নয় যেন ।

এইখানে বসা যাক একটু । নরেন একটা পাথরের ওপর বসে পড়ল ।

চকিত দৃষ্টিনিষ্কপ করল সাস্থনা । বসতে চায় না, তবু বসতে হ'ল । আপত্তি রতে গেলেই এই লোকটার চোখে আরো যেন ধরা পড়ে যাবে ও । কিন্তু ঠিকে আর বিশ্বাস করতে পারছে না, মনেজেকেও না ।

কি হ'ল যখনোঁর্দেঁলি তোমার, অমন চুপ মেয়ে গেলে কেন ? নরেন চৌধুরী ায় ঘুরে বসল তার দিকে ।

বড় পাখরটাও খুব বড় মনে হচ্ছে না সাব্বনার। বলল, ওদের ওই অত চাকচোল শুনে মাথাটা সত্যি ঝিম ঝিম করছে কেমন।

বাড়ি যাবে ?

সাব্বনা উঠে দাঁড়াল তৎক্ষণাৎ, ইঁ্যা চলুন, বাবা হয়তো ভাবছে।

বাড়ি ফেরার সঙ্গে সঙ্গে অবনীসাবু উণ্টো কথা বললেন। এরই মধ্যে ফিরে এলে যে তোমরা, ভালো লাগল না বুঝি ?

মায়ের কোলে বসে শিশু যেমন জাহির করে নিজেকে, বাড়ি ফিরে সাব্বনাও সেই চেষ্টাই করল প্রায়। হেসে বলে উঠল, ভালো আবার লাগবে না, খুব ভালো লাগল, লাফালাফি ঝাঁপাঝাঁপি, নরেনসাবুকে ধরে রাখাই দায়।

হাসতে হাসতে ভিতরে চলে এলো। স্বতোৎসারিত নয়, ভিতরে আসার সঙ্গে সঙ্গে হাসি মিলিয়ে গেল।

রাত্রি।

ঘুম নেই সাব্বনার চোখে। এপাশ ওপাশ করছে খালি। আর যাবে না কক্ষনো। জীবনে আর ও-মুখো হবে না। অবশ লাগছে, ক্লান্ত লাগছে। অস্বস্তি একটা। কোথায় যেন। কিসের যেন। চোখের সামনে, কানের পরদায়, আর মনের অতলে কি সব আনাগোনা করছে। এলোমেলো দেখা, টুকরো টুকরো কথা, আর আবোল-তাবোল অল্পভূতি। মাসতুত বোনের চপল ইঙ্গিত আর মাসিমার কথা। পাহাড়ের নিজনে চাঁদমণি আর হোপুন আর চাঁদমণির হাসি। মড়াইয়ে রণবীর ঘোষ আর রণবীর ঘোষের সেই ক্রোড়াক্ত চাউনি। সর্দারের কথা আর ভুতুবাবুর কথা আর বাহাদুর জমাদার। সর্দারের উৎসব আর ওই মেয়ে পুরুষদের নাচন মাতন আর মহয়ার গন্ধ। ঝরনা আর ঝরনার সেই বন্ধু আর ঝরনা আর রণবীর ঘোষ। আর ও নিজে আর নরেনসাবু আর সেই পাথরে বসা আর সেই ভয় আর সেই...

আর সেই কি ?

অন্ধকারে অধর দংশন করে নিজেকেই যেন চোখ রাঙালো সাব্বনা।

আর সেই যাতনা...আর সেই ভয়-মেশানো প্রত্যাশা।

না, আর সে যাবে না, কক্ষনো যাবে না। কোন দিন না।

পরদিন ঘুম ভাঙলো খুব সকালে। হালকা লাগছে, উঁলো লাগছে। আর একটু নতুনও লাগছে যেন। রাতের সেই অবসাদের বোকাভোলে মিনি-কিন্তু আজ আর সেটা তেমন সঙ্কোচের কারণ বলে মনে হচ্ছে না। তা বলে আজ

আর যাবে না কোথাও। আজ কেন, কোন দিনই যাবে না। যাক, কিন্তু ভালো লাগছে।

বেলা গড়িয়ে গেল। দেয়ারার হাতে বাবার খাবারটা পাঠিয়ে দিয়ে নিশ্চিন্ত হয়ে সেলাই নিয়ে বসল একটা।

...কিন্তু এখন আবার তেমন ভালো লাগছে না। পাগল সদীর বলেছিল ডাংরা, অর্থাৎ গোন্ধ নিয়ে নাচ হবে আজ। গোন্ধ নিয়ে নাচ! সে আবার কি? কতই জানে ওরা। যাই হোক, কিছুতেই আজ আর ও পথ মাড়াচ্ছে না সে।

কিন্তু ক্রমশ কেমন অসহিষ্ণু হয়ে উঠতে লাগল। থেকে থেকে মন টানছে কোথায়।

কোথায়?

সেই শাল মহয়ার বন পেরিয়ে, সেই দুটে গ্রাম ছাড়িয়ে সেই নাচ আর সেই আনন্দ আর সেই বিশ্বাস-ঘন মহয়ার গন্ধ। নেশা খন্তের নেশা ছাড়ার পণনা ভাড়া পর্যন্তই যত বিড়ম্বনা। সান্ত্বনারও সেই অবস্থা প্রায়। কেন, যাবে না-ই বা কেন? কোথায় বাধা? কিসের বাধা? অথায় তো কিছু করছে না, তবে—?

এই তবের সঙ্গে সঙ্গে উঠে দাঁড়াল। এতক্ষণের একটা জমাটবাধা প্রতিরোধ সঙ্কল্পবিচ্যুতির এক পলকা হাওয়ায় উড়ে গেল। দিনের আলোয় যাবে আর দিনের আলোয় ফিরে আসবে।

শান্তি আর মুক্তি।

বৃদ্ধ মাতব্বরেরা তখনো আসেনি। পুরুষ ও মেয়েরা পৃথক পৃথক রঙ্গরসে মেতে আছে। পুরুষেরা নিজেদের মধ্যে একজনকে মরা সাজিয়ে কান্নাকাতি জুড়ে দিয়েছে। মেয়েরা গান গাইছে:

বনেরো গুড়ুরি, কি খায়ে আছে বেচারি।

শিকারী তো আছে বেনা বুদা আহড়।

শিকারী তো বেনা বুদা আহড়ে,

গুড়ুরি তো চরি চরি বেড়ায়।

বনের গুড়ুগুড়ে পাখি বেচারী কি খেয়েই বা আছে! গুড়ুগুড়ে পাখি তো খুব চরে চরে বেড়ায়, এদিকে শিকারী তো বেনাঝোপের আড়ালে।

কিন্তু ওদের মধ্যে আসল গুড়ুগুড়ে পাখিটিকে দেখতে পেল না সান্ত্বনা। পুরুষের মাধ্য হোপুন আছে। বসে বসে ঝিমুচ্ছে যেন। হাঁকো হাতে জগমাঝি এসে মাঝে মাঝে ঘুরে যাচ্ছে। এ ক'টা দিন বিষম দায়িত্ব তার। কোনও

ছেলেমেয়েদের মধ্যে গহিত কিছু ঘটলে সে দায় তার।

আসর আজও জমল খুব। কিন্তু কালকের মত লাগল না সাঙ্ঘনা'র। আজকের ব্যাপারটা যেমন আত্মরিক তেমনি স্থল। খুঁটি পুঁতে গোরু বাঁধা হয়েছে ক'টা। তাদের তেল-সিঁদুর দেওয়া হয়েছে। ঘণ্টি ইত্যাদি দিয়ে সাজানো হয়েছে বেশ করে। তারপরে হৈ-হুল্লোড়! হঠাৎ এক একবার মাঙ্গল নাগরা ভেঁপু বেজে ওঠে, ভয় পেয়ে লাফিয়ে ওঠে গোরুগুলি। তার দ্বিগুণ লাফায় ওরা। মাতব্বরেরা দেখে আর হাসে। গোরু যত ভয় পায়, যত লাফায়, ওদের ততো ফুঁতি। গতকাল থেকে মদ খেয়ে সব অগ্নরকম হয়ে আছে, যা করছে তাতেই আনন্দ।

চাঁদমণি কখন এসেছে খেয়াল করে নি। চোখে চোখ পড়তে আজ আরও বেশি অবাক হ'ল সাঙ্ঘনা। এই আনন্দ মাতামাতির সঙ্গে তার তেমন যোগ নেই যেন। কালকের থেকে আজ আরো বেশি রষ্ট মনে হচ্ছে তাকে। সাঙ্ঘনা ভাবল উঠে গিয়ে কথাবার্তা বলবে ওর সঙ্গে। কিন্তু রকমসকম দেখে ভরসা পেল না। শুধু হোপুন নয়, আরো দু'পাঁচ জনের কানে কানে বলছে কি। আর তারা ঘাড় কিরিয়ে কিরিয়ে দেখছে ওকে। সে দৃষ্টিতে আর যাই থাক, হৃদয়তা আছে বলে মনে হ'ল না সাঙ্ঘনা'র।

স্ববিধে পেলে সর্দারকে হয়তো জিজ্ঞাসা করত কি ব্যাপার। কিন্তু বুড়ো একধার থেকে হুকো টানছে আর ঝিমুচ্ছে। এবার আর একটা আনন্দপর্ব দেখে সাঙ্ঘনা হেসে উঠল খুব। গান আর নাচের ভেতর দিয়ে পুঁষ আর মেয়েরা পরম্পরের নিন্দাবাদে মেতে উঠেছে খুব। সাঙ্ঘনা ঘাবড়ে গিয়েছিল প্রথম, বগড়াঝাঁটি শুরু করে দেবে নাকি রে বাবা! কিন্তু না। পুরুষেরা হাত ধরে নাচতে রাজী নয় মেয়েদের সঙ্গে, বলে তাদের হাত ভাঙা। আর মেয়েরাও পা মিলিয়ে নাচতে রাজী নয় পুরুষদের সঙ্গে, বলে তাদের পা গোলা। তারপর হাসির হাট এবং নাচ। ওদের এই আপসের রঙ্গ দেখে সাঙ্ঘনাও হেসে সারা।

কিন্তু হাসি থেমে গেল আবার চাঁদমণির সঙ্গে দৃষ্টি বিনিময় হতেই। তার চোখে খুশির লেশমাত্র নেই কোথাও। দর্শকদেরও অনেকেই নাচ ছেড়ে বার বার নিরীক্ষণ করছে তাকে।

কিন্তু এ নিয়ে আর ভাববারও সময় পেল না। বেলা পড়ে এসেছে। বাড়ি পৌঁছতে সন্ধ্যা হয়ে যাবে। আজ আর সঙ্গে কেউ নেই। চিন্তিত মুখে যাবার জন্য উঠে দাঁড়াল সে। হুকো হাতে পাগল সর্দার কাছে আসতে বলল, যাই সর্দার, ভয়ানক দেখি হুঁয়ে গেল, একা একা যাব।

যুমযুম চোখেও সর্দার ওর হুঁশ্টিটুকু উপলব্ধি করল যেন। কি ভেবে যুয়ে

দাঁড়িয়ে হোপুনকে ইশারায় ডাকল কাছে। দিদিমাকে বাড়ি পৌঁছে দিতে বলল সে।

না না না, কিছু দরকার নেই। ব্যস্ত হয়ে উঠল সাঙ্ঘনা, এই তো, কতক্ষণ আর লাগবে যেতে। তাড়াতাড়ি পা চালিয়ে দিল।

কিছুদূর এসে পিছন ফিরে তাকাতেই দেখে, অলস মন্থর গতিতে হোপুন আসছে পিছনে পিছনে। সাঙ্ঘনা দাঁড়িয়ে পড়ল। বিরক্তও হল মনে মনে। হোপুন কাছে আসতে বলল, আমার সঙ্গে আসতে হবে না, তুমি ফিরে যাও, আমি একলা খুব যেতে পারব।

ঠাণ্ডা নিশ্চাপ চোখে হোপুন চেয়ে রইল শুধু।

সাঙ্ঘনা জোরে জোরে হাঁটতে শুরু করল আবার। অনেকটা দূরে এসে পিছনে ফিরে তাকালো আর একবার। আর মর্মান্তিক ক্রুদ্ধ হয়ে উঠল সঙ্গে সঙ্গে।

হোপুন ফিরে যায় নি। তেমনি নির্বিকার পদক্ষেপেই অহুসরণ করছে তাকে।

না খেমে সাঙ্ঘনা দ্রুত চলতে লাগল আবার। কি মতলব লোকটার? চিন্তিত হ'ল এবারে। পর পর দু'দিনই কেমন কেমন লেগেছে। চাঁদমণির কানে কানে কথা বলা আর এদের চাউনি। দু'দিন ধরে সমান মদ টেনে চলেছে মনে পড়তে বেশ ভয়ও ধরল। রেগে গেল পাগল সর্দারের ওপর। কি দরকার ছিল সর্দারী করে ওকে সঙ্গে যেতে বলার।

বেশ জোরেই পা চালিয়েছে সাঙ্ঘনা। শাল মত্তয়ার বন পেরোলে অনেকটা নিশ্চিন্ত। ওধারে দু'পাঁচজন লোকজনের যাতায়াত আছে।

কিন্তু এই নিশ্চিন্ত জায়গায় এসেই পা যেন একেবারে স্থাগুর মত আটকে গেল মাটির সঙ্গে। পাহাড়ী চড়াইয়ের ধারে রণবীর ঘোষের সেই জিপ। সঙ্গে সঙ্গিনী নেই আজ। জিপে ঠেস দিয়ে একলাই দাঁড়িয়ে দাঁড়িয়ে পাইপ টানছে। সামনের দিকে চেয়ে আছে, এখনো দেখে নি ওকে।

ত্রিশঙ্কর অবস্থা।

ভয়ে ভয়ে পিছন ফিরে তাকালো সাঙ্ঘনা। যথাপূর্ব হোপুন আসছে ঠিকই। নিজের অজান্তে দু'চার পা পিছিয়েই গেল। হোপুন কাছে এসে দাঁড়াল। সাঙ্ঘনা প্রায় অসহায় দৃষ্টিতেই তাকালো ওর দিকে। হোপুন দেখল ওকে; দেখল দূরের জিপটাকেও। কিন্তু কিছু উপলব্ধি করেছে কি করে নি, মুখের দিকে চেয়ে বোঝা গেল না কিছুই। পাশাপাশি এগিয়ে চলল তারা।

নীল চমশা নেই। খুশিতে একবার ঝকঝকিয়ে উঠেছিল বুঝি রণবীর ঘোষের মুখ। কিন্তু সাঙ্ঘনার মনে হ'ল পরক্ষণেই যেন ঠাণ্ডা হয়ে গেল হঠাৎ।

কি, আজও এসেছিলেন নাকি?

সাম্বনা ঘাড় নাড়ল শুধু। জিপে করে বাড়ি পৌঁছে দেবার আহ্বান প্রত্যাখ্যানের জন্ত প্রস্তুত হয়েছে সে। ঘোষ বলল, আপনার আগ্রহ তো খুব! আমি এখানটায় প্রায়ই আসি বেড়াতে। নিরিবিলিতে বেশ লাগে।

ওই পর্যন্তই। জিপে পৌঁছে দেবার আমন্ত্রণ এলো না। সাম্বনা মনে মনে অবাকই হ'ল একটু।

চড়াই। আর এগিয়ে যাওয়ার চেষ্টা করল না সাম্বনা। হোপুনের পাশেপাশে চলতে লাগল। আড়চোখে ওকে দেখলও বারকতক। ইচ্ছে হ'ল, যা হোক কিছু কথা বলে ওর সঙ্গে। ইচ্ছে হ'ল, চাঁদমণির সঙ্গে এই চৈত্রমাসেই ওর যে বিয়ে দেবার কথা ভাবছে পাগল সর্দার, সেই স্ত্রসমাচারটা জানিয়ে দেয়। কিন্তু একটা কথাও বলা সম্ভব হ'ল না।...সঙ্গে আসছে বটে, কিন্তু ঠিক যেন জ্যাস্তমাসুধনয়।

ভয় গেছে। পাহাড়ের মাথায় উঠে এসেছে তারা। আর মিনিট পনেরও লাগবে না বাড়ি পৌঁছতে। সাম্বনা দাঁড়াল। খুব মিষ্টি করে বলল, এবারে তুমি কিরে যাও হোপুন, এখন আমি ঠিক যেতে পারব।

ঠাণ্ডা দুই চোখ তুলে হোপুন তাকালো ওর দিকে। মাথা নেড়ে বলল, সর্দার তুকে ঘরতক্ এথে আসতে বুলেছে।

ওর স্ত্রবিধে-অস্ত্রবিধের কথা ভেবে সঙ্গে আসছে না সে, আসছে সর্দার বলেছে বলে। চূপচাপ পথ চলা আবার। সাম্বনার আনন্দ হচ্ছে একটু। চাঁদমণি যে জগ্নেই ওর ওপর চটুক, আর দলের লোকের কানে কানে যাই গুজগুজ করুক, ওর জোরটা কোথায় সেটা এরা বেশ ভালো করেই জানে।

একবারে বাড়ির দোরগোড়া পর্যন্ত ওকে পৌঁছে দিয়ে তেমনি মন্থর পদক্ষেপে আবার ফিরে চলল হোপুন।

পরদিন আর নয়। আর যাওয়ার সম্ভাবনাটা সাম্বনা চিন্তা থেকে বাতিল করে দিল।

কিন্তু তার পরদিন আবার...

ভোরের আলোয় ঘুমন্ত পাখির ডানা যেমন উসখুস করে ওঠে, তেমনি এক বাঁধনছেঁড়া মুক্তির হোঁয়ায় ওর এই একদিনের অবকাশ-আচ্ছন্ন মনের তলায় তলায় একটা টান পড়তে লাগল। মনের জোরও বেড়েছে। বিগত একদিনের আচরণে রণবীর ঘোষও তুচ্ছ হয়ে গেছে ওর কাছে।

গত দিনের থেকে আজ আবার অল্পরকম লাগছে সাম্বনার। প্রায় প্রথম দিনের মতই। নরেনবাবু পাশে থাকার অস্বস্তিও নেই। হাতের ফাঁকে হাত

গুঁজে নাচছে একদল মেয়ে-পুরুষ। নাচছে না, নিজেদের একেবারে সমর্পণ করে দিচ্ছে যেন। অগ্র একদিকে গোল হয়ে বসে একদল মেয়ে গান ধরেছে। ভাত মাংস পরিবেশন করা নিয়ে যেন সমস্তায় পড়েছে তারা :

থোড়া থোড়া মুরগী শূকর

বহু বহু বুটম

ভাত কিনা ঝোল

আমি বাবা না পারি বাটতে।

কিন্তু সাঙ্ঘনা আসার মাত্র ঘণ্টাখানেকের মধ্যেই আবহাওয়ার পরিবর্তন হতে লাগল কেমন। আসর কিমিয়ে পড়তে লাগল। সাঙ্ঘনা প্রথমে ভাবলে, চারদিন ধরে ক্রমাগত মদ খেয়ে খেয়ে ওদের এই অবস্থা বোধ হয়।

কিন্তু না।

আজ তার শুধু চাঁদমণি নয়। শুধু হোপুন বা আর পাঁচ সাত জন নয়। ওই নারী-পুংয়েরা আজ এক প্রতিকূল স্তরতায় বার বার নিরীক্ষণ করছে তাকে। আগে খেয়াল করে নি সাঙ্ঘনা। শুধু চাঁদমণিকেই দেখেছিল। তার রাগ-বিরাগের ধার ধারে না, সেটা বোঝাবার জন্তে আর কিরেও তাকায় নি। রোজ কাঁহাতক ভাল লাগে। একটা দিন না আসার দকন চোখ-কান-মন দিয়ে ওই নাচগানে বুঝি মেতে উঠেছিল সাঙ্ঘনা। একটু বেশিই হাসছিল বোধ হয় আজ। কিন্তু হঠাৎ একসময় মনে হ'ল যারা নাচছে আর যারা গাইছে তাদের সঙ্গে খুব যেন একটা যোগ নেই বাকি নারী-পুরুষদের। থেকে থেকে যেন একটা শিথিল ছেদ পড়ছে। ই্যা, ওকেই দেখছে ওরা। মাতব্বররা অনেকে। নিজেদের মধ্যে কি কিস কিস করছে মাঝে মাঝে। ওদের চার দিনের মদ খাওয়া ঘোলাটে চোখে প্রীতির আমেজ নেই।

সাঙ্ঘনা অবাক! প্রথমে সঙ্কোচ, তারপর অস্বস্তি, তারপর ভয়-ভয় একটু। নাচ গান করছে যারা, সাড়া না পেয়ে তারাও কিরে কিরে তাকাচ্ছে এদিকে। ক্রমেই অগ্ররকম লাগছে। ওদের মুখের ভাব কঠিন হচ্ছে ক্রমশ। একটা অজানা আশঙ্কায় সাঙ্ঘনা ফ্যাল ফ্যাল করে তাকাতে লাগল সকলের দিকে।

এরা এমন করছে কেন?

এ ভাবে দেখছে কি?

চাঁদমণি কোণের এক দিকে শক্ত হয়ে দাঁড়িয়ে আছে, যেন শাপ দেওয়া অস্ত্র একখানা।

হোপুনের চোখ ছটোও তার মুখের ওপর সংবদ্ধ—আরো মরা, আরো নিস্ত্রাণ।

এমন কি জগমাবির চাউনিও অল্পকূল নয়। অন্তত সেইরকম মনে হল সাঙ্ঘনার।

ভয়ে বিষ্ময়ে হকচকিয়ে গেল একবার। তারপরেই ওর ব্যাকুল দুই চোখ বিশেষ করে খুঁজে বেড়ালো কাকে।

সর্দার কই...পাগল সর্দার ..!

পাগল সর্দারও তাকেই দেখছিল।

দৃষ্ট বিনিময় হাত আন্তে আন্তে এগিয়ে এসে তার পাসে বসল। সশঙ্ক ভীক চোখে সাঙ্ঘনা তাকালো তার দিকে।

সামনের নারী-পুরুষের দিকে একটা ভীত দৃষ্ট নিষ্ক্ষেপ করে পাগল সর্দার হঠাৎ হক্কার দিয়ে উঠল যেন—বেজায় বুল আকানাথ? চেং হোয় এনা? এনেঃ ই মে! সেরিং সেরিং মে—!

বেজায় নেশা হয়েছে বুঝি? হ'ল কি সব? নাচ্ না! গান কর্ না!

যেটুকুও নাচগান হচ্ছিল থেমে গেল।

সর্দার সাঙ্ঘনাকে বলল, চল দিদিয়া, তুকে ঘর পানে ছেড়ে আসি।

যন্ত্রচালিতের মতো উঠে দাঁড়ালো সাঙ্ঘনা। অজ্ঞাতসারে চাঁদমণির সঙ্গে দৃষ্ট বিনিময় হ'ল আবারও। হিংস্র ধারালো মূর্তি, পারলে সাঙ্ঘনার ওপরে ঝাঁপিয়ে পড়ে একুনি।

অনেকটা পথ এসে পাগল সর্দারই কথা বলল প্রথম। তু উদের মাজ্জনা করে লে দিদিয়া। আতভর হাঁড়িয়া খেয়ে উদের মাখার ঠিক লাই।

কাতর আবেদন কথাগুলির মধ্যে। সাঙ্ঘনা আন্তে আন্তে মুখ তুলে তাকালো। মদ পাগল সর্দারও কিছু কম খায় নি। শুধু এ জগেই নয়। কারণ আছে কিছু। কথা বলতে গিয়ে ঠোঁট কেঁপে গেল সাঙ্ঘনাব। বলল, কিন্তু ওরা সবাই আমার ওপর রেগে গেল কেন? আমি কি করেছি?

বারকতক ঘাড় নাড়ল সর্দার। পরে বলল, তু কিছু করিস লাই, তু ওজ এসে খুব হাসিস, উ-সব ভাবল উদের লিয়ে তু 'সিরোগ' (ঠাট্টা) করতে লেগেছিস। ভদ্রনোক সিরো। করলে পেচও রপমান হয়।

সাঙ্ঘনা হতভম্ব।—কিন্তু আমি তো একটুও ঠাট্টা করে হাসি নি সর্দার।

সর্দার বারকতক মাথা নাড়ল আবারও। অর্থাৎ, সেটা সে খুব ভালো করেই জানে। বলল, দিদিয়া যেন কিছু মনে না করে, দিদিয়া যেন 'আগ' না করে, নেশা টুটে যাক, ও ওদের সবকটাকে দেখে নেবে, সবকটাকে টেনে এনে দিদিয়ার পায়ের কাছে গুড়ো করাবে।

চুপচাপ চলতে লাগল তারপর। কিন্তু ভিতরটা চুপ করে নেই সাঙ্ঘনার।

কেন ? কেন ওরা এমন করল আজ ?

চাঁদমণি সকলকে উসকে দিয়েছে, উত্তেজিত করেছে তাই !

কিন্তু কেন ?

কেন মড়াইয়ে চাঁদমণি সেদিন কাজ থামিয়ে এমন জ্বলন্ত চোখে ভস্ম করতে চেয়েছিল তাকে ? কেন এখানেও এমন হীন মিথ্যে কোঁশলে এই নেশাগ্রস্ত নারী পুরুষদের তার বিরুদ্ধে বিধিয়ে ছিল চাঁদমণি ? প্রত্যেক দিনই সাঙ্ঘনা স্বচক্ষে দেখেছে সেটা, উপলব্ধি করেছে। কিন্তু কেন ? কেন ?

বলবে নাকি পাগল সর্দারকে, সকলকে টেনে আনতে হবে না, নিজের মেয়েকে শুধু জিজ্ঞাসা করে দেখো, তার কাছ থেকে কৈফিয়ৎ নাও।

কিন্তু বললে এর জের অনেক দূর গড়াবে। কিছুই বলল না। বলতে পারল না। নিঃশব্দে বাড়ি পৌঁছলো। নিঃশব্দে বিদায় দিল পাগল সর্দারকে। সচরাচর যা হয় না, তাই হয়ে গেল তারপর, রাগে দুঃখে অপমানে বরবর করে কঁদে ফেলল।

আর কোনদিন ওদের সংস্রবে যাবে না, আর কোনদিন কাছে টানতে চাইবে না ওদের।

কিন্তু পরের ক'টা দিনের মধ্যে এই ছোট পরিসরে আচমকা যেন ভূমিকম্প হয়ে গেল একটা। এরকম বিপর্যয় এখানকার বাসিন্দারা হয়তো আর দেখে নি কখনো। মাহুঘ ছেড়ে মড়াই ঘেরা শুকনো পাহাড়টা পর্যন্ত যেন নাড়া খেল একপ্রস্থ।

সাঙ্ঘনা জানত না কিছুই। গত দশ পনের দিন বাড়ি থেকেও বেরোয় নি বড়। সেদিনের সে অপমান তখনো ভোলে নি। খবরটা দিল ওর গোরুর জন্ত বহাল আছে যে ছোকরা সে। জানালো, পাহাড়ের নিচে দোকানের রাস্তায় শ'য়ে শ'য়ে লোক জমছে আর ভাল ফেরাচ্ছে।

সাঙ্ঘনা অবাক।—ভাল ফেরাচ্ছে কি রে।

হিঁ গো! দিদিয়া, পাগল সর্দারের 'বিটলা' হবে। উকে মেয়ে কেটে মাটির নিচে পুঁতে ফেলাবে একেবারে।

শুনে বিদ্যুৎস্পৃষ্টের মতো দাঁড়িয়ে রইল সাঙ্ঘনা। বুঝল না কিছু, কিন্তু বিষম কিছু একটা ঘটতে যাচ্ছে পাগল সর্দারের—এটাই বুঝল শুধু। ব্যাকুল হয়ে জিজ্ঞাসা করল, কেন ? কেন রে ?

ছোকরাটা ততক্ষণে আরো কিছু জানার উত্তেজনার এটুকু খবর নিয়েই আবার ছুটেছে। বিমূঢ় ভাবটা কাটতেই অস্থিরচিত্তে বরবার করতে লাগল।

সাম্বনা। বাবাও নেই, সকালে নিচে নেমে গেছে, একটা খবর করারও উপায় নেই।

স্থির থাকতে না পেরে ঘরের শিকল তুলে দিয়ে পায়ে পায়ে মেনকোয়াটারস-এর পথে চলে এলো। কিন্তু সেখান থেকেও গোঝা যাচ্ছে না কিছু। প্রায় নিচে নেমে আসার পর থমকে দাঁড়ালো। ভূতুবাবুর দোকান ছাড়িয়ে আরো অনেক দূরে অনেক লোকজনের একটা জটলা দেখা যাচ্ছে বটে, কিন্তু তার থেকে বেশি দেখা যাচ্ছে তাদের হাতে হাতে পাতা সমেত ছোট ছোট শালের ডালগুলো। ভেতরটা কার্স হয়ে আসছে সাম্বনার।

দুই-একজনকে জিজ্ঞাসা করল কি ব্যাপার। তারাও ব্যাপার দেখতেই চলেছে। বলল শুধু, বিটলা হবে পাগল সর্দারের।

কেন হবে?

বা রে—ওর মেয়েটা যে ঘর ছেড়ে বেজাতের সঙ্গে পালিয়েছে।

তাই ভাল ফেরাচ্ছে ওরা, গাঁয়ে গাঁয়ে খবর পাঠাচ্ছে।

সাম্বনা তুচ্ছিত।

আন্তে আন্তে ভূতুবাবুর দোকানের কাছে গিয়ে দাঁড়াল।

ব্যতিবাস্ত এখন ভূতুবাবুও। দোকানের সামনে বিভিন্ন জাতের দর্শক। নারী পুরুষদের ভিড়। রাস্তার ওপরেই চা ইত্যাদি সরবরাহ করতে হচ্ছে তাদের। তফাতে দাঁড়িয়ে ইশারায় সাম্বনা একজনকে বলল, ভূতুবাবুকে ডেকে দিতে।

ব্যস্তসমস্ত ভাবে ভূতুবাবু এসেই বলল, দেখুন কাণ্ড মা-লক্ষ্মী, ওই সর্দারটাকে একেবারে শেন করে ছাড়বে সব—ওদের বিটলা বড় সাংঘাতিক ব্যাপার।

ভূতুবাবুর কথা থেকে ব্যাপারটা মোটামুটি বুঝল সাম্বনা। বুঝে শরীরের রক্ত আরো জল হয়ে গেল। বিটলা অর্থাৎ সমাজচ্যুতি। তেমন বড় রকম কিছু না ঘটলে বিটলা সচরাচর হয় না আজকাল। কিন্তু বড় রকমেরই ব্যাপার এটা। খোদ মাকর ছেলের বউ হবে বলে বাগদত্তা হয়ে আছে, সে পালিয়েছে বেজাতের সঙ্গে—সোজা কথা নাকি? ওই সর্দারের জগুই এরকমটা হয়েছে, নইলে হোপুন তা আজ দু'বছর ধরে হাঁ করে বসে আছে চাঁদমণিকে বিয়ে করার জগু। সর্দারই ইচ্ছে করে দেয় নি পিয়ে। মাকি-মাতব্বরদের বরাবরই বেজায় রাগ সর্দারের ওপর—ছেলেটার জগুই করতে পারছিল না কিছু—এবারে ছেলেই বিগড়েছে সব থেকে বেশি—কাজেই এখন পোয়া-বারো, আগের রাগও হুদে আসলে ঝালিয়ে নেবে সব। শ'য়ে শ'য়ে লোক দল বেঁধে যাবে, বাড়িঘর ভেঙে গুঁড়িয়ে ধুলো করে দেবে, উঠোন কুণিয়ে ঝাঁটাঝাঁ শূঁতবে। আর সর্দার? সর্দারকে আর পাবে কোথায়? বিটলা যায় হয়, সে কি বাড়িতে বসে থাকে?

তাকে পালাতেই হয় কোথাও না কোথাও। নইলে একেবারে ছালচামড়া ছাড়িয়ে তাকে স্বল্প পুঁতে ফেলে দেবে না! কেউ আটকাতে পারবে না, কেউ আসতেই সাহস করবে না এ সব ব্যাপারে। পাগল সর্দার নিশ্চয় এতক্ষণে সরে গেছে কোথাও। মিটিং করে বিচার না হওয়া পর্যন্ত তাকে কেউ আটকাচ্ছে না। পরে ফিরে আসতে পারে আবার। তখন প্রাণে আর কেউ মারবে না বটে, কিন্তু সমাজ তার কাছে একেবারে বন্ধ।

নিষ্পদের মতই সাব্বনা ফিরে এলো। কিন্তু বাড়ি এসে ছটফটানি চতুর্গণ বাড়ল। কি করবে এখন? কি করা যায়? কি করার আছে? ছোকরা চাকরটা এসেছে দেখে তৎক্ষণাৎ তাকে পাঠাল বাবাকে সংবাদ দিতে। তিনি ওপরেই যেন খেতে আসেন আজ, আর খুব তাড়াতাড়ি আসেন যেন। কি ভেবে ডাকল তাকে আবার। আর শোন্, নরেনবাবুকে খবর দিবি একটা, বলবি ট্রাফে করে এক্সুনি যেন একবার আসেন, বিশেষ দরকার।

পাগল সর্দার বিপন্ন। এতবড় বিপদ বোঝ করি কারো হয় না কখনো। কিন্তু থেকে থেকে এই অপরিসীম দুশ্চিন্তার মধ্যেও মনের তলায় আর এক প্রশ্ন ঝুঁকি-ঝুঁকি দিচ্ছে। ভূতবাবুর সঙ্গে কথা বলার সময়েও মনে হয়েছিল, কিন্তু মুখ ফুটে জিজ্ঞাসা করতে পারে নি। পাগল সর্দার বিপন্ন কারণ তার ওই দজ্জাল পাজি মেয়েটা ঘর ছেড়ে চলে গেছে কারো সঙ্গে...

...কার সঙ্গে?

এই মেয়ের দ্বারা সবই সম্ভব। তবু এতটা কল্পনাভীত। চালচলন যেমনট হোক, ওই হোপুন লোকটার প্রতি অন্তত...যাকগে, গেল কার সঙ্গে?

অবনীবাবুই বাড়ি ফিরলেন আগে। দুশ্চিন্তাগ্রস্ত তিনিও। ট্রাক এবং লোকজন দিয়ে নরেনকে পাগল সর্দারের খোঁজ করতে পাঠিয়েছেন। বাড়িতে পাওয়া যায় নি তাকে। পেলে অন্তত বিশ তিরিশ মাইল দূরে কোথাও রেখে আসতে হবে।

অধীর প্রতীক্ষা আবার। অবনীবাবু ফিরে আপিসে বেরুবার আগেই নরেন এলো।

সর্দারের দেখা মেলেনি। ব্যাকুল হয়ে সাব্বনা জিজ্ঞাসা করল, কি হবে তাহলে?

কি আবার হবে, মার খেয়ে মরার জন্তে ও এখানে বসে আছে নাকি, নিশ্চয় গেছে কোথাও।

যথাসময়ে আবার আপিস করতে বেরিয়ে গেল তারা। সাব্বনার মন মানছে না। যদিই সর্দারকে ওরা ধরে ফেলে! যদিই খুঁজে বার করে! হিংস্র প্রতিশোধ নিতে এবার সবাই আগে এগিয়ে আসবে মান্নির ছেলে হোপুন। যতবার মনে

হয় সেকথা, ততবারই কণ্টকিত হয়ে ওঠে। একটা অব্যর্থতার বর্ম আঁটা হোপুনের চোখে-মুখে চালচলনে। লোকটা সহায় হলে ভয় নেই, শত্রু হলেও রক্ষা নেই।

ডু ডু ডুম্! ডু ডু ডুম্! ডু ডু ডুম্!

আঁতকে উঠল সাঙ্ঘনা। দুপুর গড়ায় নি তখনো। নাগরা বাজানোর শব্দ আর কোলাহল একটা। বাইরের দোরগোড়ায় এসে দাঁড়াল সে। এই পথেও পাহাড় ডিঙিয়ে দলে দলে লোক চলেছে পাগল সর্দারের ঘর বাড়ি উচ্ছেদ করতে। সমস্ত শরীর কিম্ব কিম্ব করে উঠল সাঙ্ঘনার। বসে পড়ল সেখানেই।

সন্ধ্যার আগেই নরেন চৌধুরী এলো আবার। কিছুক্ষণ সাঙ্ঘনা তখন কিছু জিজ্ঞাসা করার সাহসও হারিয়ে ফেলেছে প্রায়।

নরেন বলল, পাগল সর্দার যায় নি কোথাও, সে বাড়িতেই ছিল।

আঁ!—! অশ্রুট আঁর্তনাদ করে উঠল সাঙ্ঘনা।

ভেবো না কিছু, সে ভালো আছে।

এইটুকুই নয় শুধু। বিষয়ে অভিভূত হবার মতই শোনার ছিল আরো কিছু।

লাঠিসোটা কোদাল শাবল নিয়ে প্রায় হাজার লোক নাকি গিয়েছিল পাগল সর্দারের ভিটে-মাটি নিমূল করতে। সকলের আগে ছিল গায়ের মাঝি হোপুনের বাবা আর অগ্র মাতঙ্গরেরা। তাদের ইঙ্গিত মাত্রে নিষ্ঠুর উল্লাসে ঝাঁপিয়ে পড়ার জন্তে প্রস্তুত সকলে।

কিন্তু- মাঝি মাতঙ্গরদের পিছনে পটে-আঁকা ছবির মতই দাঁড়িয়ে পড়তে হ'ল সকলকে।

পাগল সর্দারের ভিটে আগলে পাষণ মূর্তির মতো দাঁড়িয়ে আছে একজন। হাতে তীরধনুক, পিঠে তীরের বোঝা।

হোপুন।

আদিম হিংসায় আজ সকালেও যে হোপুন তন্ন তন্ন করে খুঁজছে পাগল সর্দারকে। মড়াইয়ের সমস্ত ইট পাথর উপড়ে ফেলে যে খুঁজে বার করতে চেয়েছে ওই বাপ-ময়েকে। যে ছেলের এত বড় প্রতিহিংসা ঠিক তত বড় করে চরিতার্থ করার জগুই বিটলার আয়োজন মাঝির।

দূরের জনশ্রোত দেখেই পাষণ-মূর্তি হোপুনের হাতের ধনুক বেকে গেছে গোল হয়ে, ছিলায় পড়েছে নির্মম টান। ওই একটা তীর এক উত্তত বাজের মত সহসা এক সহস্রের গতিরোধ করে দিল যেন।

বিশ্রু, বিভ্রান্ত সকলে।

বাগের উদ্দেশে ঐকবার মাত্র ছন্দার শোনা গেছে ছেলের।—ওদের কিরে

যেতে বলো, হোপুন বেঁচে থাকতে একটা লোকও যেন তার ভীরের আওতা
না আসে। সর্দার এখানেই আছে, যায় নি কোথাও, কিন্তু তাকে মারতে হলে
হু'জনকেই মারতে হবে, আর অনেককে মরতে হবে। তাদের যেতে বলো।
ওদের বলে দাও, বিটলা হবে না।

মাঝি কি করবে? কি হ'ল, কেন হ'ল, ভাবার সময়ও নেই। ছেলের
হিংসা মেটাতে এসে ছেলেকেই মারবে সকলের আগে? পাগল সর্দারও পালায়
নি, মরবার জন্ত বসে আছে প্রস্তুত হয়ে, এও এক অভিনব খবর! শুধু মাঝি নয়,
বিভ্রান্ত সকলেই।

মাঝি ঘুরে দাঁড়াল।

মাতব্বরেরাও।

বোবা পুতুলের মতো সেই সংস্কারাচ্ছন্ন সহস্রের উদ্দেশে মাঝি বলল, চলো
ভাই, বিটলা হোক মারাংবুকের ইচ্ছে নয়। পরে শুনব, পরে ভাবব।

অম্লক্ষণ ছবিটা যেন চোখের সামনে ভেসেছে সাস্থনার। পর পর তিন দিন
অধীর আগ্রহ নিয়ে মড়াইয়ে এসেছে তার পর, কিন্তু সর্দারের দেখা পায় নি!
হোপুনকে দেখেছে। তেমনি উঠছে হাতের কোদাল, তেমনি নামছে।...
কিন্তু ঠিক তেমনি নয়। আঘাতে আঘাতে বরে পড়ছে যেন অন্তস্তলের
পুঞ্জীভূত যত ক্ষোভ। সাহস করে কাছে যেতে পারে নি সাস্থনা।

কার সঙ্গে ঘর ছেড়েছে আর এই মানুষটাকে ছেড়েছে চাঁদমণি, সেও আর
অজানা নয় কারো। মড়াই থেকে নিরুদ্দেশ হয়েছে আরো একজন। বাহাদুর
জমাদার। এ খবর শুনে কেন জানি সাস্থনার উত্তেজনা কমেছে অনেকখানি।

আরো দিন দুই পরে পাগল সর্দারের বাড়ি গিয়েছিল সাস্থনা।

...মানুষটা পাথর হয়ে গেছে।

বুকের ভেতরটা হুমড়ে মুচড়ে যেন একাকার হয়ে গেছে সাস্থনার। বলতে
পারলে বলত, সর্দার, চেয়ে দেখো—এখনো তোমার একজন মেয়ে আছে সর্দার।

...একদিন। দু'দিন...

মুখ ফুটে সর্দার কথা বলেছে তার পর। বলেছে, হোপুন মরল ছে দ্বিদিয়া,
জমছিম বোজর (স্বর্ঘদেবের) ব্যাটা আছে উঃ...

আরো কয়েকদিন গেছে তার পর।

সর্দার মেয়ের প্রসঙ্গ উত্থাপনও করে নি একবার। শুধু বলেছে, আগের দিন
হলে, ইতিহাসের দিন হলে, রক্তে ভেসে যেত মড়াই। ইতিহাসের যুগে, সিধু
কাছুর যুগেও প্রথম রক্তের বান ভেকেছিল গোরা সাহেবরা ওদের তিনটে মেয়ে

চুরি করার পরেই।

সাম্বনা বলতে গিয়েছিল, তাব মেয়েকে তো চুরি করে নি কেউ, আর কোন ভদ্রলোকেরও কাজ নয় এ। কিন্তু সাদা আগুন সর্দারের গুনকো চোখে। ভয়ে চূপ করে গেছে সাম্বনা।

কিন্তু সর্দারের চোখের ও আগুন নিবতেও দেখেছে আবার।

হোপুনই বাঁচিয়েছে তাকে। আগেও বাঁচিয়েছিলো। কিন্তু আগে সর্দারও বাঁচতে চেয়েছিল। এবারে কোন দরকার ছিল না। তবু বাঁচিয়েছে। মারতে এসেও বাঁচিয়েছে।

পালাতে গিয়েও ফিরে এসেছিল সর্দার। বিটলার আয়োজন হচ্ছে জেনেও নিঃশব্দে ফিরে এসেছে। এই সংস্কারাচ্ছন্ন উন্নত জনতাই সব নয়, তারও শুভার্থী সংখ্যা আছে কিছু। কিন্তু কাউকে ডাকে নি সে। হোপুন নেবে প্রতিশোধ, ডাকবে কেন কাউকে!

চুপি চুপি একজনকে দিয়ে শুধু হোপুনকেই খবর পাঠিয়েছিল সর্দার।

হোপুন এসেছিল।

নিরস্ত্র আসে নি। অস্ত্র নিয়ে এসেছিল। জিঘাংসা নিয়ে এসেছিল।

সর্দার বললে, এসো হোপুন, আমাকে মারতে চাও তো? সেইজন্তেই ফিরে এসেছি আমি। সেইজন্তেই তোমাকে ডেকেছি।

হোপুন দেখেছে তাকে। সেই খুন-চোখে হাড়-পাঁজরা সরিয়ে সরিয়ে দেখেছে একেবারে। তার পর কথা বলেছে।—চাঁদমণির সঙ্গে এত দিন আমার বিয়ে দাও নি কেন?

দিই নি, তুমি ‘ছাড়ই’ হতে বলে। ছাড়ই হয়ে আমার মতো চিরকাল জ্বলতে বলে।

আরো বলেছে সর্দার। বলেছে, বিয়ে দেয় নি নিজের মেয়েকে সে চিনত বলে, আর ওই মেয়ের মাকে চিনত বলে—আর ওই মেয়ে কারো ধরে থাকবে না জানত বলে।

কিন্তু এসব বলো নি কেন কখনো? নিম্পলক চোখে চেয়ে হোপুন জিজ্ঞাসা করেছিল।

বলে নি চাঁদমণি যেমন মেয়েই হোক নিজের মেয়ে বলে, আর...একদিন শুধরে যেতেও পারে, মরে মনে এই আশা না করে পাল্লত না বলে।

কিন্তু বিয়ে হাড়পাঁজর শুধরে যেতেও পারত। চোখ থেকে খুন সরে যাক হোপুনের।

পাগল সর্দার জবাব দিয়েছে, হোপুনের বয়সে সেও কম জোয়ান, কম মরদ, কম প্রিয় ছিল না মেয়েদের। কিন্তু তবু চাঁদমণির মা ফুলমণি তাকে ছেড়ে গিয়েছিল। হোপুন তার বুকের পাজর। সে পাজর সে ভেঙে দিতে চায় নি বলেই অপেক্ষা করছিল আর আশা করছিল।

হোপুন দেখছিল চেয়ে চেয়ে। নির্নিমেষে দেখছিল আর চোখ থেকে খুন সরে যাচ্ছিল।

তার পরে, অনেকক্ষণ পরে, পায়ে পায়ে হোপুন বেরিয়ে গেছে ঘর থেকে।

আবার ফিরেছে।

ধনুক নিয়ে। আর তীর নিয়ে।

—আট—

মড়াইয়ের চেহারা বদলে যাচ্ছে একটু একটু করে, সেটা বেশ বোঝা যায় এখন। প্রতিরোধের এক-একটা সাদা পাষণ অঙ্কুর গজাচ্ছে এখানে সেখানে। দিনে দিনে বাড়ছে সেগুলো। শুকনো গৈরিকের মাধুরী বিদীর্ণ করা শ্বেতকায় ক্ষীণ ভক্তগুলো পরস্পরের সঙ্গে এসে মিলবে একদিন, বাতাস চলাচলেরও ফাঁক থাকবে না মাঝে, সেটা এখনো অবশ্য বোঝা যায় না। ওগুলোকে এরা বলে ব্রক। যে যার পৃথক সত্তায় মাথা তুলে দাঁড়াচ্ছে এখন। ওর প্রত্যেকটার পিছনে যে এত জল্পনা-কল্পনা, এত কারিগরি, এত অসংখ্য ছোট বড় প্রয়াস পাষণবন্দী হয়ে আছে, চোখে দেখেও ঠাঁহর করা শক্ত।

ধনুক কঠিন এক প্রকাশের তপতায় বসেছে মড়াই, তার আভাস সর্বত্র। মড়াইয়ের বুকের এক-একটা অতিকায় গহ্বর যেন অমনি করে নিটোল পাষণ-প্রাচীরে ভরে ওঠার জগ্ৰ উন্মুখ তাগিদ দিচ্ছে নিঃশব্দে। কাজ বাড়ছে। কাজের তাগিদে বাড়ছে। মাসুলও দিতে হচ্ছে এক এক সময় বড় কম নয়। ছোটখাটো অঘটন ঘটে যাচ্ছে মাঝে মাঝেই। গোড়ায় গোড়ায় এত হয় নি। কিন্তু এত বড় স্ট্রের বেদিতে এটুকু অর্থা না দিলে নয়, এও যেন মেনে নিয়েছে সকলে। দুর্ঘটনা হয়, জীবনেরও অবসান ঘটে ছুঁটো চারটে। কেন হ'ল বা কার দোষে হ'ল সেটা পরের ব্যাপার, নথিপত্রের ব্যাপার। মড়াইয়ে বোবা শকার ছায়া নামে কিছুক্ষণের জগ্ৰ বা কিছুদিনের জগ্ৰ। তার পর আবার কাজ, আবার কাজের তাগিদ। তুমি চাও বা না চাও। এই স্ট্রের সঙ্গে জেঁমার সকল গ্রন্থির

অমোঘ বাঁধন পড়ে গেছে একটা।

কিন্তু সেদিনের অবসানটা অল্প রকমের। যেমন ঘটে সচরাচর, তেমন নয়।

ছোট্ট এক দূষিত ক্ষত যেমন পারে গোটা একটা দেহ বিষিয়ে পঙ্কু করে ফেলতে, চিক ইঞ্জিনিয়ার বাদল গাঙ্গুলির চোখে তেমনি হঠাৎ এক ধ্বংসকীট বুঝি গোচর হ'ল এত বড় স্রষ্টা-সমারোহের মর্মস্থলে। কিন্তু খুব সহজে নিমূল করার মত ক্ষীণাণু নয় সেই ধ্বংসকীট। ফলে অনাগত এক কালবৈশাখীর শঙ্কা জাগল অনেকের মনে।

ঘুরে ঘুরে মড়াইয়ের কাজ দেখছিল। আরও জনা-দুই অফিসার ছিলেন সঙ্গে। কথায় কথায় একজন অফিসার খবর দিলেন, অমুক ব্লকএ বড় রকমের একটা ফাটল দেখা গেছে, মাটির নিচে যা আছে আছে—ওপরের এক দিক ভেঙে আবার নতুন করে জুড়তে হবে। মাটির ওপর সামান্যই তোলা হয়েছে, কাজেই অস্ববিধে হবে না খুব।

শুনে চিক ইঞ্জিনিয়ারের মনে খটকা লাগল কেমন। বলল, চলুন দেখে আসি।

দেখে খটকাটা বাড়ল আবার। আড়াআড়ি ফাটল একটা। অনেক কারণে হতে পারে। পঞ্চাশ-ষাট ফুট চওড়া দেয়ালের সেই ফাটলের দিকটা ভেঙে আবার মেরামত করে নেওয়া কঠিন কিছু নয়। কিন্তু ভিতরটা খুঁতখুঁত করতে লাগল বাদল গাঙ্গুলির। ভাবল কিছুক্ষণ। ল্যাবরেটরী অ্যাসিস্ট্যান্টদের ডেকে পাঠালো।

নির্দেশমত তার পর সিমেন্ট কন্ক্রীট তুলে নিয়ে যথাবিধি পরীক্ষা-পর্ব। ফিজিক্যাল টেস্ট কেমিকেল টেস্ট প্রেসার টেস্ট। পরিস্থিতি জটিল হয়ে দাঁড়ালো আরো। মিক্সারে সিমেন্টের অংশ নির্দিষ্ট পরিমাণ থেকে অনেক কম। এক ফাঁক খুঁড়তে তিন ফাঁক বেরুলো। কন্ক্রীট তৈরী হচ্ছে যেখানে সেখান থেকে সিমেন্টের স্যাম্পল এনে নিজে সামনে দাঁড়িয়ে একে একে আবার যাবতীয় পরীক্ষা করলে বাদল গাঙ্গুলি। পাথরগুঁড়ো আর জমাটবাঁধা সিমেন্টও মেশানো তাতে।

মাথাটা খুঁবে উঠল কেমন।

মিক্সারে সিমেন্টের পরিমাণ পরীক্ষা করার কথা নিজেদের তরফ থেকেও। মাঝে মাঝে করাও হয়। কিন্তু নিয়ম যাই হোক, এত বড় কাজে হামেশা সম্ভব নয় সেটা। বিশ্বাসের ওপরেই ছেড়ে দিতে হয় বেশির ভাগ। আর এ ধরনের অবসানও হয় না বড়। বিশেষ করে ঘোষ-চাকলাদারের মত এতদিনের এত বড় কার্যকে অবিশ্বাস করার কারণ নেই কিছু। সরকারের কাছ থেকেই সিমেন্ট কিনে বরাবর সরবরাহ কাজ চালিয়ে আসছে তারা।

পায়ে পায়ে মড়াইয়ের দিকে চলল আবার বাদল গাঙ্গুলি। সঙ্গে নরেনকে

ডেকে নিল।

কী ব্যাপার? নিশ্চয় মূর্তি দেখে নরেন অবাক।

এসো। ব্লকটার কাছে এসে আঙুল দিয়ে ফাটলটা দেখিয়ে দিল।

ফেটে গেছে? তেমন না ভেবেই নরেন বলল, তা ভালো করে একটু প্লাস্টার করে দিলেই তো হয়।

খামো। নিষ্পন্দ-মূর্তি মানুষটা ঝাঁজিয়ে উঠল হঠাৎ। তার পর সংক্ষেপে বলল ব্যাপারটা।

চূপচাপ অনেকক্ষণ। পায়ের তলা থেকে মাটি সরে সরে যাচ্ছে বাদল গাঙ্গুলির। অস্বাভাবিক জলজল করছে চোখের তারা ছটো। ওই হাঁ-করা ফাটলটা বড় হয়ে হয়ে যেন সমস্ত মড়াই জুড়ে বসছে, আর এত বড় ড্যাম কনস্ট্রাকশন নিঃশেষে মিলিয়ে যাচ্ছে তাব মধ্যে।

সব শুনেও ব্যাপারটা অত বড় করে দেখে নি নরেন চৌধুরী। তবু নীরব যেও। এই অসহিষ্ণু বিক্ষোভের হেতু জানে। নিজের হাতে গড়া যে স্ট্রিট-সমাবোধ ভেঙে গুঁড়িয়ে খান খান হয়ে গেছে একদিন, মানুষটার ভিতরে সেই ফাটল মিলায় নি আজও। এখানকার এত বড় এই স্ট্রিট কণায় কণায় একদিনের মর্মচ্ছেদী পরাজয়ের নিখুঁত একটা পান্টা জবাব লিখে রাখতে চায়। এই অমরতার আয়োজন দিয়ে বিগুন নিটোল কবে ভবে তুলতে চায় সেদিনের সেই ব্যর্থতার ফাটলটা। ব্লকের ফাটল দেখে সেই পুরনো স্থিতিই মুখব্যাধান করে আসছে আবার।

চলো, কি এমন হয়েছে, আপিসে বসে যা হয় ভেবেচিন্তে ঠিক করা যাবে-খন। হালকা করে দিতে চাইল নরেন চৌধুরী।

কিন্তু আপিসে ফিরেই যে ব্যবস্থা করল চিক ইঞ্জিনিয়ার তাতে অল্প সকলেই উতলা হয়ে পড়ল বেশি। অফিসার এবং কর্মচারীদের ডাকিয়ে সোজা হকুম দিল, বোম্ব-চাকলাদায়ের সিমেন্ট দিয়ে যেখানে যা কাজ হচ্ছে সব বন্ধ করে দিতে। অ্যাডমিনিস্ট্রেটিভ অফিসারকে তলব করে পাঠালো তার পর।

অ্যাডমিনিস্ট্রেটিভ অফিসার, অর্থাৎ বরনার বাবা মিঃ চ্যাটার্জী। স্ত্রী টি-পার্টি দিন আর যাই করুন, তব্বলোক অহুকুল আশা পোষণ করেন না খুব। ওপর-অলাটিকে মনে মনে বরং স্নানহই করেন একটু।

বহন। শুনেছেন সব?

মিঃ চ্যাটার্জী মাথা নাড়লেন, শুনেছেন।

কি করবেন এখন?

চিন্তিত মুখে ভরলোক... ভাবলেন একটু।—কি আর করা যাবে...গাউণ্ড-

ওয়ার্কএর কাজে লাগিয়ে দিতে বলি এ লটের মেট্রিয়াল, আর ঘোষ-চাকলাদারকেও নোটিস দিই একটা, কেন এরকম হ'ল...

কিন্তু না জানতে পারলে ওই দিয়েই আমরা ইরেকশনের কাজ করতাম, তার পরের কথা ভাবুন।

নিকপায় মিঃ চ্যাটার্জী হাসলেন একটু। বললেন, কিছুকাল বাদে জ্যাক্ হ'ত, রিপেয়ারের হান্ধামা লেগে থাকত...এরকম অবস্থা হওয়া উচিত নয়, কিন্তু দেখলাম তো অনেক...

চেয়ার ছেড়ে উঠে স্বল্প-পরিসর ঘরের মধ্যেই বারকতক পায়চারি করে নিল চিফ ইঞ্জিনিয়ার। সামনে স্থির হয়ে দাঁড়াল তার পর।—গুহন, হেড অফিসে ইন্টিমেশন পাঠান, আর ঘোষ-চাকলাদারকে এক্সুনি নোটিস দিন মাল তুলে নিয়ে যাক। হেড অফিস থেকে ইনস্টাকশন এলেই বলে দেবেন, সাত দিনের মধ্যে গো-ভাউন্ড খালি করে দিতে হবে।

ভবলোক মহা ফাঁপরে পড়লেন যেন। নরেন একটা কথাও বলে নি এতক্ষণ। নির্দেশ শুনে নড়েচড়ে সোজা হয়ে বসল সেও। অ্যাডমিনিস্ট্রেটিভ অফিসার দুর্ভাবনাটা প্রকাশ না করে পারলেন না শেষ পর্যন্ত।—একেবারে এতটা কি ঠিক হবে?

যা বললাম করে পাঠিয়ে দিন, আমি সই করছি।

চেয়ারে বসে অসহিষ্ণু হাতে একটা ফাইল টেনে নিল সে। আর বাক্যব্যস্ত না করে সোজা প্রস্থান করলেন অ্যাডমিনিস্ট্রেটিভ অফিসার।

নরেন তেমন চূপচাপ বসে রইল আরো কিছুক্ষণ। হালকা শিস দিল একটু। হাসলও।

বেশ।

সাদাশব্দ নেই।

বলব কিছু, না সরে পড়ব?

হঁ। ফাইলে নিবিষ্ট।

চিফ ইঞ্জিনিয়ার, না বাদল গাঙ্গুলি...কাকে বলি?

খুঁটি করে বন্ধ হয়ে গেল হাতের ফাইল। সোজা তাকালো মুখের দিকে। খুব স্পষ্ট করে জবাব দিল, চিফ ইঞ্জিনিয়ারকে।

বিরূপ না হয়ে হাসি মুখেই বলল নরেন, তাহলে আর হ'ল না আপাতত, পরে হবে'খন কথা—

পরদিন গো-ভাউন্ডে যিজন চাকলাদারের হাতে পড়ল নোটিসটা।

রণবীর ঘোষ কাছাকাছি গেছে কোথায়। তখনই লোক পাঠালো তাকে ডেকে নিয়ে আসতে।

এসব ঝামেলা পছন্দ নয় দ্বিজেন চাকলাদারের। লাভ যত বাড়তে পারবে বাড়তে, সে জগ্রে যা করা দরকার করো, কিন্তু গোলযোগে পড়ার সম্ভাবনা আছে এমন কিছু কোনো না। যদিও অর্থে-সামর্থ্যে যে পর্দায়ে এসে দাঁড়িয়েছে আজ ঘোষ-চাকলাদার কার্য, তাকে অল্পবয়সী এক ইঞ্জিনিয়ারের এরকম চোখরাঙানিকে খুব একটা পরোয়া করে না দ্বিজেন চাকলাদারও। দু-পুরুষের ব্যবসা, সরকারী কাজও কম করল না আজ পর্যন্ত, এখানেও এত বড় কাজ নিয়েছে, বাদল গাঙ্গুলির স্থপারিশে নয়, হেড অফিসের দাক্ষিণ্যে। তবু এসব ঝামেলা কে চায়। আর কিছু না হোক দুর্নাম তো একটা। কিন্তু দ্বিজেন চাকলাদারের পক্ষে রণবীর ঘোষকে সামলানো শক্ত। এই সাতসকালেই কোথায় কার পিছনে ঘুরছে ঠিক কি—। ব্যবসায় কুশাগ্র বুদ্ধি, কিন্তু যা হচ্ছে দিন-কে-দিন, ব্যবসা করাবে কাকে দিয়ে।

রণবীর ঘোষ এলো। নোটস পড়ল। ঠোঁটের ফাঁকে বক্ররেখা।—ও বাবা! একেবারে বাতিল! নোটসটা ফেরত দিয়ে হাঁটুর ওপর পাইপ ঠুকল বারকতক।—ছেলে-ছোকরার হাতে এত বড় কাজের ভার, ওরা যুধিষ্ঠিরের ভায়রাভাই-ই হয়ে থাকে প্রথম প্রথম। চলো, পিঠ চাপড়ে আসি।

প্রথম যোগাযোগে রণবীর ঘোষের ওপর মনে মনে প্রসন্ন ছিল চিফ ইঞ্জিনিয়ার। তার ঘনিষ্ঠ সংসর্গে আসে নি কখনো। তবু হৃদয়তা ছিল কিছুটা।

সেটা কর্মগত।

মড়াইয়ের কাজে প্রথম দিকের বিরোত্তরণের সময় রণবীর ঘোষের সহায়তা ছিল কিছু। গোড়ায় গোড়ায় কুলি আমদানির ব্যাপারে সাহায্য করেছে। একটা সময় গেছে যখন একসঙ্গে পঞ্চাশজন কুলির আবির্ভাবও শুভ সূচনা বলে ভাবত। রণবীর ঘোষের কাজের অন্তর্গত নয় সে কাজ। নয় বলেই এই সহযোগিতায় তার কর্মক্ষমতা প্রতিপন্ন হয়েছে।

নিজের স্বার্থের দিক থেকে মানুষকে ঘাচাই করার এবং খুশি করার নিজস্ব একটা পদ্ধতি আছে রণবীর ঘোষের। প্রথম সংযোগে কর্মকর্তাদের সম্বন্ধে তার স্থপটু বিশ্লেষণ। খুশি হতে সকলেই চায়। পরিতোষণের ভক্ত নয় কে? শুধু জেনে নাও, খুশি করার ষাট-নীতিটি কার বেলায় কি?

মড়াইয়ের এই সর্বাধিনায়কটিকে বুঝে নিতে অসুস্থ সময় লাগে নি একটুও। একজনে কৌনরকম দুর্ভাগ্য জটিলতার আবরণও ভেদ করতে হয়নি তাকে। সিমেন্টের সঙ্গে বালু মেশানোর মত কাজের সঙ্গে কাজের আড়ম্বরটুকুও নিপুণ সমতায় বেশ

করে মিশিয়ে দিতে পারলে নির্বিঘ্ন আস্থার ভিত্তি পাকাপোক্ত হবে এটুকুই বেশ করে বুঝে নিয়ে নিশ্চিত ছিল রণবীর ঘোষ। কাজের বাইরে এই জন্তেই আর কোনরকম ঘনিষ্ঠতা স্থাপনের চেষ্টাও করে নি সে। করলে, ভুল হবে জানত। দেখা হয় প্রায়ই, যে যার 'নড্' করে শুধু। আলোচনা উঠলে সপ্রতিভ অথচ সপ্রশংস চোখে কনট্রাকশনের কাজের দিকে চেয়ে চেয়ে বলে, এ চোখ জহরীর চোখ মিঃ গাঙ্গুলি...এই মরা জায়গায় প্রাণ আসছে সেটা বোঝা যাচ্ছে বেশ।

সেই গোড়া থেকেই তার জহরীর চোখ বাদল গাঙ্গুলির সামনে এই মরা জায়গায় প্রাণসঞ্চারের স্থচনা দেখে আসছে।

ব্যক্তিগত তোষামোদে নয়, এ ধরনের কর্মগত তোষণে চিফ ইঞ্জিনিয়ার তুষ্ট হ'ত বৈকি।

পাটনারের কাছে সবিজপে এই পিঠ চাপড়ানোর কথাই বলেছে রণবীর ঘোষ।

সকালের রাউণ্ডে বেরিয়ে বাদল গাঙ্গুলি মড়াই থেকে সরে উপরে উঠে এসে দাঁড়িয়ে দাঁড়িয়ে কিছু নির্দেশ দিচ্ছিল জনা-দুই কর্মচারীকে। সঙ্গে অ্যাডমিনিস্ট্রেটিভ অফিসার আছেন, নরেন আছে। জিপ থেকে নেমে টুক টুক করে তাদের সামনে গিয়ে দাঁড়াল রণবীর ঘোষ।—গুড মর্নিং, স্যার, গুড মর্নিং, ভালো আছেন?

বাদল গাঙ্গুলি ফিরে তাকালো। চোখে চোখ রেখে সামান্য মাথা নাড়াল শুধু। কর্মচারীদের সঙ্গে কথা শেষ করে বলল, আসুন।

ওপর থেকেই একাগ্র নিবিষ্টতায় নিচের কনট্রাকশনের দিকে চোখ রেখে অগ্রসর হ'ল রণবীর ঘোষ। ভ্রাণে বাতাস বোঝে। জহরী আজ মরা-জায়গায় প্রাণসঞ্চারের বিপুল উচ্ছ্বাস মুখে ব্যক্ত না করে চোখেই ফোঁটালে।

নীরবে আপিসের দিকে চলেছে বাদল গাঙ্গুলি। পিছনে নরেন এবং অ্যাড-মিনিস্ট্রেটিভ অফিসার। রাস্তার পাশে দ্বিজন চাকলাদার জিপে বসে। ইশারায় তাকে অপেক্ষা করতে বলে রণবীর ঘোষ হাসিমুখে চিফ ইঞ্জিনিয়ারের পাশে পাশে চলল।

অফিসঘরে সকলে বসল। ঘোষ বাদল গাঙ্গুলির সামনে, মুখোমুখি। ছ'চাব মুহূর্তের নিঃশব্দ দৃষ্টি বিনিময়।

বলুন—

ঘোষ হাসল।—আপনার নোটিস পেলাম।...আই অ্যাম সারপ্রাইজড্... বাট ইট'স ওয়ানডারফুল্...আই মান্ট্ সে ইট ইজ্ ওয়ানডারফুল। এরকম শব্দ হওয়াই দরকার—

বাদল গাঙ্গুলি চেয়ে আছে। প্রতীক্ষা করছে।

রণবীর ঘোষ আবার বলল, আপনি ঠিকই করেছেন, তবু একটা কথা কি জানেন মিঃ গাঙ্গুলি, সিমেন্ট তো আমরা নিজের তৈরি করিনে, কিনে নিয়ে আসি মাত্র, কি করে জানব বলুন এই কাণ্ড হয়ে আছে।

এবারে জবাব দিল বাদল গাঙ্গুলি। শাস্ত্রমুখে বলল, আপনার তো জহরীর চোখ—জহরীর চোখ শুধু খাটি চেনে না মিঃ ঘোষ, নকলও চেনে।

ঘোষ থমকে গেল। সজোরে হেসে উঠল তাবপর।—ওয়ানডারফুল। ঘাট মানছি আপনার কাছে, কিন্তু এ ভুলটা সত্যি ভুল।

মিক্‌শারে যে প্রোপোরশন সিমেন্ট মেশাবার কথা, মেশানো হয় নি—

নিশ্চয় হয় নি। শেষ করতে দিল না ঘোষ।—হলে আর আপনি লিখবেন কেন?...কথা হ'ল, আপনাদের যেমন লোক আছে প্রোপোরশন যাচাই করে নেবার জ্ঞান, অথচ দেখা হয়ে ওঠে না সব সময়, তেমনি আমারও নিজের চোখেই দেখার কথা সব, কিন্তু আসলে নির্ভর করতে হয় দশ জনের ওপর। যাক, সেদিকটা ভালো করেই দেখছি এবার আমি।

কর্তৃপক্ষের গলদেবর কথাটাও পরোক্ষে স্মরণ করিয়ে আরো ভুল করল রণবীর ঘোষ। দীর্ঘ কণ্ঠে বলল বাদল গাঙ্গুলি, কিন্তু আপনার সিমেন্টে স্টোন ডাস্ট পাওয়া গেছে—জমাট-বাঁধা সিমেন্টও গ্রাইণ্ড করে মেশানো হয়েছে।

বললাম তো, এ ব্যাপারে আমাদের হাত কোথায়, সরকারের কাছ থেকে যেমন পাই কিনে নিয়ে আসি...

তাহলে তাদের দায় তারা বুঝবে, আপনার আর কি! আমি ও দিয়ে কাজ হতে দেব না।

ব্যাপার কি জানেন, ঘোষের মুখে অমায়িক হাসিটুকু লেগে আছে, এ ভুলের দায় শেষ পর্যন্ত আমাদের কাঁধেই চাপবে, মাল যখন একবার বুকে নিয়েছি, ঠিক জিনিস পাই নি প্রমাণ করব কি করে! কিন্তু এতদিনের এত বড় কার্য আমাদের, তাদের কাছ থেকে খাটি নিয়ে আমরা গুণগোল করেছি এ তো আর আপনি বলবেন না...এখন কি করতে পারি তাই বলুন।

ক্রমে ধৈর্যচ্যুতি ঘটছে। তবু ক্ষুদ্র জবাব দিল, মাল তুলে নিয়ে যান, আর গো-ডাউন খালি করে দিন।

এ কথা শোনার জন্তে আসে নি ঘোষ। হৃদয় হতাশার ভঙ্গি করল একটা। —এ তো খশা মারতে একেবারে কামান—বাক্ গে। দু'চার মুহূর্ত ভেবে একটা সমাধান বার করল যেন, বলল, এ মালটা আপনি না হয় ভিত্তি-টিউএর কাজে

লাগিয়ে দিন, এর পরে আমি দেখছি।

কি আর দেখবেন? অহুচ্চ কঠিন কঠে বলল বাদল গাঙ্গুলি, আমাদের চরিত্রের ভিতটাও ভেজাল মিশে মিশে এমন হয়েছে যে ওর ওপর আর পাকা কিছু টেকে না। যাক, গুণগোল আরো বাড়ার আগে যা বললাম তাই করুন—এদিকে হেড অফিসকে যা ইনস্ট্রাকশন দেবার আমি দিয়েছি।—

হেড অফিস...! সপ্রতিভ ভাবটুকু আস্তে আস্তে মিলিয়ে গেল ঘোষের মুখ থেকে। বলল, দেখুন মিঃ গাঙ্গুলি, দু'পুরুষের এত বড় কার্য আমাদের, লাখ দু'লাখ গেলেও খুব যায় আসে না, কিন্তু এতে গুড-উইলটা যাচ্ছে...সেটা ঠিক...। বুঝতে পারছেন। হেড অফিসের ব্যবস্থা আমি করছি, আপনি শুধু আপনার অর্ডারটা তুলে নিন। একেবারে নিখুঁত আর কোন জিনিসটা হয় বলুন?

বাদল গাঙ্গুলি বলল, আপনার ওই দু'পুরুষের গুড-উইলেও খুঁত একটু থাকুক তাহলে। আপনি বলতেন, মরা জায়গায় প্রাণ আসছে—কিন্তু আমি নিখুঁত প্রাণই আনতে চাই, নিকল প্রাণ নয়।

পরম্পরের দিকে চেয়ে রইল তারা। ঘরের বাকি দু'জন নির্বাক মূর্তির মতো বসে আছে। কণ্ট্রাক্টরের চোখে মুখে বিদ্বেষ, বিজ্ঞপ, কৌতুক। হাতের পাইপ আস্তে আস্তে টেবিলে ঠুকল দু'চার বার।

আর তাহলে আপাতত কোন কথা নেই?

আপাতত নেই, আর এ সম্বন্ধে পরেও নেই।

পরের কথা ভবিষ্যতের কথা, চেয়ার ছেড়ে উঠে সহাস্তেই বলল ঘোষ, কে আর জোয় করে বলতে পারে বলুন, হতেও পারে আবার কথা, বাট ইউ আর রিয়েলি ওয়াগারফুল! ভারী খুশি হলাম।

ঝকঝকে চকচকে এক জোড়া চোখ সকলের মুখের ওপরে বুলিয়ে নিক্রান্ত হয়ে গেল ঘর থেকে।

ভেজালকে নিখুঁত করার জগা ওই সিমেন্টের সঙ্গে একটা অন্তত জ্যাস্ত মাল্‌মকে চটকে মিশিয়ে দিতে পারলে দিত।

সন্ধ্যার পর বাদল গাঙ্গুলির কোয়ার্টার থেকেই কিরছিল নরেন। ভেবেছিল বলবে কিছু। কিছু বোঝাবে। কিন্তু সে চেষ্টা আর করে মি। মাটির কণায় আকর্ষণ, বালুর কণায় বিচ্ছেদ। মাটির আভাস পেলে চেষ্টা করে দেখত।

অবনীবাবুর বাড়ির ঝইয়ের ঘরে পা দিয়েই নিশ্চল হয়ে দাঁড়িয়ে পড়ল। এরকম আশুন-গলানো কখনো আর বড় শোনে মি।

কেটে কুচি কুচি করে ওকে গলায় তাসিয়ে দিলে না কেন তোমরা? গাঙ্গুলি

বলছে।

কি বকছিল রে তুই পাগলি আবোল-তাবোল ! অবনীবাবু বললেন।

সাস্থনা বলতে যাচ্ছিল আবার কি। পায়ের শব্দে থেমে গেল। এ ঘরে এসে নরেন বাপ মেয়ে দু'জনকেই দেখল একবার। পরে সাস্থনার উদ্দেশে বলল, কি ব্যাপার, ধান ফেললে যে খই ফোটে ! অবনীবাবুকে জিজ্ঞাসা করল, কাকে কেটে কুচি কুচি করছে ?

অবনীবাবু হেসে জবাব দিলেন, কন্ট্রাক্টার রণবীর ঘোষকে।

হা হা শব্দে হেসে উঠল নরেনও। ফলে তার ওপরই রেগে গিয়ে ভেঙচি কেটে উঠল সাস্থনা, হা হা হা হা—যেন কি একটা মজার কথা হ'ল।

মনে মনে এ সময় এমনি হালকা অবকাশ-বিনোদনই চাইছিল বোধ হয় নরেন। জাঁকিয়ে বসল অবনীবাবুর বাছাকাছি।—বেশ, মজার কথা না হয় নাই হ'ল, ধরা যাক কেটে কুচি কুচি করা হ'ল লোকটাকে, কিন্তু গঙ্গায় ভাসাবে বলছিল, এখানে গঙ্গা পাবে কোথায় ?

বাবার অলক্ষ্যে আবার বড় রকমের একটা ভেঙচি কাটতে যাচ্ছিল সাস্থনা, কিন্তু তার আগেই অবনীবাবু বললেন, তুই এবার তোর কাজে যা দেখি, খবর শুনতে দে এদিকের। নরেনকে জিজ্ঞাসা করলেন, কি হ'ল, বুঝিয়ে বললে তাঁকে ?

নাঃ। বলেও লাভ নেই কিছু।

‘কিন্তু এ তো ভালো কথা নয়। এত বড় প্রতিপত্তিশালী লোক...কত কুলি মজুর পর্যন্ত তার মুখের কথায় ওঠে বসে, কি ক্যাসাদ যে বাধায়...তা ছাড়া হেড অফিসেও তো তার জোর কম নয়।

যাবার জন্য উঠে দাঁড়িয়েছিল সাস্থনা। নরেন কিছু বলার আগে সে-ই অসহিষ্ণু কণ্ঠে বলে উঠল, কি যে তুমি বলো বাবা ঠিক নেই, প্রতিপত্তিশালী বলে যা খুশি তাই করবে ! আর পাঁচজন নেই ? নাকি হেড আপিসের চোখ কানা ?

নরেন এবারে নিজের মাথার ওপর এক চকর আঙুল ঘুরিয়ে টিপ্তনী কাটল, তোমার এই হেড অফিসের সঙ্গে সে হেড অফিসের কিছু তফাৎ আছে।

সাস্থনা চটে গেল।—আর আপনার হেড আপিসের সঙ্গে সে হেড আপিসের পরম মিল আছে।

এক রকম রাগ করেই ঘর ছেড়ে চলে গেল।

নরেনের সঙ্গে সঙ্গে অবনীবাবুও হেসে উঠেছিলেন। কিন্তু হাসি থেমে গেল।

...ভাবছেন কিছু। জল্পলোকের এ ধরনের বিশ্বাস নরেন আগেও দেখেছে।

সেই পুরানো কথাই ভাবছেন ওভারসিয়ার অবনী বাব। ভাবনাটা প্রকাশ

করেই ফেললেন আজ। বললেন, নিজের আগ্রহে বদলী হয়ে এসেছিলাম এখানে...কিন্তু প্রায়ই মনে হয়, কাজটা বোধ হয় ভালো করি নি।

কনট্রাক্টর রণবীর ঘোষের সমস্তা আপাতত সবে গেছে মন থেকে। নরেন চুপচাপ চেয়ে রইল তাঁর দিকে। এই জল নিয়ে বা ড্যাম নিয়ে এত আগ্রহ কেন সাধুনার—এতদিনে অনেকটাই জেনেছে। কিন্তু ভদ্রলোক আজ হঠাৎ এ কথা বললেন কেন বুঝে উঠল না।

এত বড় কাজের মধ্য দিয়ে জীবনের এক ব্যর্থ অপমানকে পেরিয়ে চলছিল বাদল গাঙ্গুলি।

অনেক দিন হয়ে গেল কী!...কিন্তু মাত্র সেদিন যেন।

অল্প সময়ের মধ্যে এক আটতলা ম্যানসন তুলে দেওয়ার কন্ট্রাক্ট নিয়েছে নেশন বিলডার্স লিমিটেড। এত বড় দায়িত্ব ও কোম্পানী নিতে পারে অবলীলাক্রমে।

সেই প্রথম নিজের হাতে বড় কাজের ভার পেয়েছিল বাদল গাঙ্গুলি। হোক বিলেত জার্মান ফেরত ইঞ্জিনিয়ার, হোক পদস্থ কর্মচারী, হোক ম্যানেজিং ডাইরেক্টরের ভাবী জামাই—বাসনার ভরা জোয়ারে সেই ওর প্রথম অবগাহন আর প্রথম রোমাঞ্চ...

প্রাথমিক ব্যবস্থাদি সুসম্পূর্ণ। দিনে পাঁচবার করে গিয়ে 'সাইট' দেখে আসছে। কাজ আরম্ভ করলেই হয় এবার। করতেও হবে।

কিন্তু মনে খটকা বাধল একটা।

ছোট কাঁটার মতো কি যেন একটা খচ খচ করতে লাগল ভিতরে ভিতরে। বিস্তিংয়ের ডিজাইন করেছেন স্বয়ং ম্যানেজিং ডাইরেক্টর। খাতিরের পাটি, খাতিরের তাগিদ। পাকা হাতের পাকা ডিজাইন। বলার নেই কারো কিছু। বাদল গাঙ্গুলিও না। কিন্তু তার হুশিয়ার হেতু অশ্রু।

সর্বপ্রথম নরেন চৌধুরীর কাছে সন্দেহটা ব্যক্ত করেছিল।—কেমন যেন লাগছে হে, আগে একবার সয়েলটা টেস্ট করে নিতে পারলে হ'ত, ওরকম জমিতে এত বড় কনস্ট্রাকশন যদি না টেকে?

সাড়ঘরে নিজেই দুই কান চাপা দিয়েছে নরেন।—সর্বনাশ! তুমি না হয় জামাই হতে চলছে, আমার চাকরিটা থাকে? আমি বাবা এসবের মধ্যে নেই। পরে পরামর্শ দিয়েছে, ~~কিন্তু~~ বি ফাদার-ইন্-ল'কে বলেই কেল না চোখকান বুজে।

সেটা পেয়ে উঠছে না বলেই যত অস্বস্তি। আপিসের ছাঁচার জম বিশেষজ্ঞের

সঙ্গে আলোচনা করল এ নিয়ে। কিন্তু সুরাহা হ'ল না কিছু, একেবারে নিঃসংশয় হওয়া গেল না।

ম্যানেজিং ডাইরেক্টর ওকে ঘরে ডেকে পাঠালেন সেদিন। জিজ্ঞাসা করলেন, সব রেডি তো?

আজ্ঞে হ্যাঁ।

বেশ। রাইট-আর্নেস্টলি কাজ আরম্ভ করে দাও, পার্টির জোর তাগিদ, দেখতে দেখতে কাজ শেষ করে দিতে হবে। বাই বি ভেরি কেয়ারফুল, কোথাও গলদ না থাকে।

সে ঘাড় নাড়ল। একটু ইতস্তত করে বলেই ফেলল তারপর।—সাইট দেখে এসে আমার একটু খটকা লাগছে...ওরকম ভ্রমিতে এত বড় ডিজাইন...আগে সয়েলটা অন্তত একবার টেস্ট করে নিলে হ'ত...

শুনে ম্যানেজিং ডাইরেক্টর ভুরু কঁচকালেন প্রথম। ঠোটে বাঁকাহাসির মতো দেখা গেল একটু। ওর দিকে চেয়ে মাথা নাড়লেন বার দুই।—অনেক শিখে ফেলেছ বলেই সতের ঝামেলার কথা মনে আসে তোমার, নট ব্যাড—

বক্রোক্তি শুনে দু'কান লাল হয়ে গেল। আবারও বলতে যাচ্ছিল কি। ম্যানেজিং ডাইরেক্টর থামিয়ে দিলেন। এ সুর ভিন্ন।

—ওয়েট মাই বয়...কথাটা ডিপার্টমেন্টের আরো কাকে যেন তুমি বলেছ শুনেছি। তা কোম্পানীর একটু বিশ্বাস-টিশ্বাস আছে আমার ওপর, ওই দু চোখের সাদা অভিজ্ঞতায় তোমাদের ওই সব টেন্‌ট্‌ই ঠিক ঠিক হয়ে আসছে। তোমার কাজের সুনাম খুব, কিন্তু সেটা টেনে বাড়াতে যেও না, ও আপনি আসবে—নাউ গো অ্যাহেড উইথ ইয়োর জব।

কিন্তু বিপুল বাড়রী সেখানেই থামেন নি। বাড়ি এসে জ্বর কাছেও বলেছেন কথাটা। কিছুদিন হ'ল ভাবী জামাইয়ের ওপর একটু তেতো আছেন মহিলা। বাড়লের মা কিছুদিনের জন্ত দেশে গেছেন শুনেই সাগ্রহে তাকে এ বাড়ি এসে থাকার অনুরোধ জানিয়েছিলেন তিনি। আশা ওর মা সেটা শুনলে দেশেই থেকে যেতে পারেন বরাবর। কিন্তু ভাবী জামাই প্রস্তাবটা একবার ভেবে দেখে নি পর্যন্ত। মেয়ে বা মেয়ের বাবার কাছে ক্লোড চাপা থাকে নি মিসেস বাড়রীর। এভাবে ওকে মাথায় তোলার ফল ভুগতে হবে, সে ভবিষ্যৎবাণী অনেকবারই করেছেন তার পর।

তাকে গুশি করার জন্তেই সেদিনের কড়া শাসনের খবরটা ব্যক্ত করলেন বিপুল বাড়রী। শুনে একেবারে যেন হাঁ হয়ে গেলেন মিসেস বাড়রী। এবং সেই হাঁ

হওয়া বিশ্বয়টুকু পঞ্চপল্লবে সাজিয়ে মেয়ের কাছেও প্রকাশ না করে পারলেন না।

সারাক্ষণই মনটা খারাপ হয়ে ছিল বাদল গাঙ্গুলির। এরকম কটুক্তি কখনো শুনতে হয় নি। সেদিন পাঁচটার হর্ন বাজতে নরেন এসে পথরোধ করে দাঁড়াল যখন, তাও ভালো লাগে নি। বরং বিরক্ত হয়েছে। অথচ, অস্তান্ত দিনের মতো পড়িমরি করে যে ছুটেছে তাও নয়।

নীলার প্রথম কথাতেই মেজাজ যেন আরো বিগড়ে গেল। চূপচাপ কিছুক্ষণ গাড়ি চালিয়ে নীলা বলল, এরকম অবস্থা কেন মুখের, বাবার কাছে বক্তৃনি খেয়েছ বলে?

বাদল গাঙ্গুলি ঘুরে বসল আন্তে আন্তে। চূপচাপ চেয়ে রইল শুধু।

আবার বলল নীলা, বেশ করেছে বকেছে, বকবে না তো কি! বাবাকে পর্যন্ত রাগাতে সাহস করো তুমি, বাবা ডিজাইন করে দিলেও নিঃসন্দেহ হতে পাব না এত গুমোব তোমার—ক'দিনের ইঞ্জিনিয়ার হে তুমি?

খানিক চূপ করে থেকে জবাব দিল, এসব আলোচনা আমার ভালো লাগছে না নীলা।

তা তো লাগবেই না। হাসি আর রাগ মেশানো কটাক্ষ। তেতো কথা কাব আর ভালো লাগে! মুখখানা অমনি হাঁড়িপানা করে বসে থাকবে, না যাবে কোথাও?

সব কিছু মন থেকে ঝেড়ে ফেলেই হাঁড়িমুখে হাসি ফুটিয়ে বাদল গাঙ্গুলি ওব দিকে মন দিতে চেষ্টা করেছিল তার পর।

কিন্তু নেশান বিলডার্স-এর ওই আটতলা ম্যানসন আর ওঠে নি।

তার আগেই খামতে হয়েছে।

সমস্ত কোম্পানীর সজাগ দৃষ্ট পড়েছে এদিকে। ছোট বড় সকলের। বিশেষজ্ঞ ইঞ্জিনিয়ার দলের আবির্ভাব ঘটেছে। তাঁরাও মাথা নেড়ে গেছেন। একটা অশ্রুট গুঞ্জন উঠেছে অফিসময়। আটতলা বাড়ির সঙ্কর ছ'তলায় শেষ, কে কার মুখ চাপা দে ব। কারো মতে কোম্পানীর গুড-উইলটি গেল এবার, কারো বিশ্বয় বাদল গাঙ্গুলি কাঁচা ছেলে নয়—এরকমটা হল কেন। কারো জবাব, ম্যানেজিং ডাইরেক্টরের ওই প্ল্যান আর ডিজাইনের গোলমাল আছে শুনে রাখো, বিশ লাখ টাকার কনস্ট্রাকশনে কম করে দেড় লাখ টাকা পেয়েছে ডিজাইন করে—অন্ত্যেস নেই, লোভ করতে গেছে, বেশ হয়েছে।

এই খামার সঙ্গে সঙ্কটজীবনের স্পন্দন খেমে গেছে যেম বাদল গাঙ্গুলির। ধর্মীর রক্ত চলাচল ধৈর্যে গেছে। দিনের আলোর রং শুচে গেছে চোখ থেকে।

রাতের নির্জনতা ঘাতনামুখর। পরিত্যক্ত বাড়িটার সামনে দাঁড়িয়ে ঘণ্টার পর-ঘণ্টা কেটে গেছে।

বাড়ি নয়, বাড়ির কঙ্কাল। মানুষ নয়, নিষ্প্রাণ মূর্তি।

বোঝাপড়ার ডাক এলো।

কৈকিয়ৎ থাকলে এত বড় বিপর্যয়ও কিছু নয়। বিপুল বাড়রীর কাছে অন্তত নয়। বড় জোর দু'পাঁচ লাখ টাকা ক্ষতিপূরণ দিতে হবে কোম্পানীকে। কিন্তু ঝড় উঠল এই কৈকিয়ৎ দেওয়া এবং কৈকিয়ৎ নেওয়ার ব্যাপারেই।

সাইণ্ড-প্রফ ঘর তাঁর। বাইরে থেকে কিছু শোনা গেল না, কিছু বোঝা গেল না।

ম্যানেজিং ডাইরেক্টর কেটে পড়লেন, উত্তেজনায় উঠে দাঁড়ালেন চেয়ার-ছেড়ে।—ননসেন্স! রিডিক্লাস! প্রিপস্টারাস!

বাদল গাঙ্গুলি নীরব, নিশ্চল।

এক জায়গায় দাঁড়িয়ে এত বড় ইজিত বরদাস্ত করে উঠতে পারছিলেন না বিপুল বাড়রী। পায়চারি করছিলেন ঘরের এমাখা ওমাখা। রাগে সমস্ত মুখ সাদা।—তোমারই ভবিষ্যৎ গড়বার জন্য এত বড় দায়িত্ব দিয়েছিলাম, তার বদলে মুখে একেবারে চুনকালি দিয়েছ তুমি! কোথায় লজ্জিত হবে তা না... কোথায় না ভুল হতে পারে? স্নিন্ধ-এ ভুল হতে পারে, কনস্ট্রাকশনে ভুল হতে পারে।...

জানত এসবে কোন ভুল হয়েছে বলে আমার মনে হয় না।

জানত—জানত—জান! কতটুকু জান তোমার? ক'টা ম্যানসন তুলেছ আজ পর্যন্ত? নাকি একবার ওই বাইরে ঘুরে এসেছ বলেই জানের আর বাকি নেই কিছু?

বাদল গাঙ্গুলি উঠে দাঁড়াল চেয়ার ছেড়ে। কোন মীমাংসা হবার নয় জানাই ছিল। কিন্তু সঙ্গে সঙ্গে ম্যানেজিং ডাইরেক্টর হুকুর দিয়ে উঠলেন আবার। সিট্ ডাউন প্লীজ অ্যাণ্ড লেট মি থিঙ্ক।

নিজেও চেয়ারে বসলেন আবার। খানিকক্ষণ দম নিয়ে অপেক্ষাকৃত শাস্তমুখে বললেন, এত বড় ক্ষতিপূরণ দিলে কোম্পানী তো আর চূপচাপ বসে থাকবে না। বোর্ড বসবে, তোমার কৈকিয়ৎ নেবে, রীতিমত বিচার করবে।... বেশ ভেবেচিন্তে আনকোরসিন রিজনস-এ কিছু একটা গোলযোগ হয়ে গেছে বলে রিপোর্ট দাও।

তার মানে, খুব শাস্ত খুব সংযত কণ্ঠে বাদল গাঙ্গুলি বলল, আমারই কোথাও ভুল হয়েছে বলে স্বীকার করে নেব?

টেবিল চাপড়ে বিপুল বাড়রী বলে উঠলেন, হ্যাঁ নেবে নেবে—তোমার।

ওপর দায়িত্ব ছিল আর ঝুঁলটা কি স্বীকার করবে বাইরের লোক এসে ? রিপোর্ট দাও, তার পর দেখা যাক—

নিঃশব্দ দৃষ্টি বিনিময়। সমস্ত জড়তা কাটিয়ে বাদল গাঙ্গুলি আবার উঠে দাঁড়াল আস্তে আস্তে। স্পষ্ট জবাব দিল, কিন্তু আমি তাতে রাজী নই। বিল্ডিংয়ের পাশের জমি থেকে এখনো সয়েল টেস্ট করে নেওয়া যেতে পারে। ওই জমিতে আর ওই ডিজাইনের ফাউন্ডেশনে এত বড় কনস্ট্রাকশন দাঁড়ায় কিনা—আমার স্টেটমেন্ট-এ সেটাই আগে আমি পরীক্ষা করে দেখতে বলব। তাতে কোন গলদ না থাকলে বোর্ডের বিচার আমি মাথা পেতে নেব।

শান্ত মুখে ঘর থেকে বেরিয়ে এলো।

পাশবন্ধ দোর্দণ্ডকেশরীর নিকপায় স্তব্ধতায় ভঙ্গলোক স্থির হয়ে রইলেন কিছুক্ষণ। সর্বাক্ষেপ গলিত দাছ অহুভূতি একটা। অফিসে বসে থাকা সম্ভব হ'ল না আর। ঝড়ের বেগে বেরিয়ে বাড়ি ছুটলেন ম্যানেজিং ডাইরেক্টর বিপুল বাড়বী।

...পরিত্যক্ত বাড়িটার সামনে দাঁড়িয়েছিল বাদল গাঙ্গুলি। সামনে যেন ওরই হাড়-পাঁজরাগুলো দেখছিল চেয়ে চেয়ে। সন্ধ্যার ছায়ায় দিনের আলো ধুসর হয়ে হয়ে সেন মিলিয়ে গেল একসময়। ক্লান্ত, মস্তুর গতিতে ফিরে চলল।

নিধু দরজা খুলে দিল। কিছু বলতে চাইল বোধ হয়। কিন্তু বলা হ'ল না। ক'দিন ধরেই মনিবের কবরের দ্বিতীয় খমখমে মুখ দেখে ভয়ে কাঁঠ হয়ে আছে। বাদল গাঙ্গুলি সোজা নিজের ঘরে চলে গেল। খমকে দাঁড়াল তার পর।

নীলা বসে আছে শান্ত মুখে।

ওর ওপর দিয়েও ঝড় গেছে একটা। জানা নেই, কিন্তু অহুমান করা কঠিন হ'ল না। তার আভাসও পেল। নীলাই কথা বলল প্রথম, আশা করো নি দেখছি... না। ...তুমি এ সময়ে ?

নীলা মুখের দিকে চেয়ে রইল খানিক।—আগে তো যে কোন সময়ে আসতুম, এখন তাহলে সময় ধরে আসার মতো কিছু একটা হয়েছে।

জবাব না দিয়ে গায়ের কোটটা খুলে আলনায় রাখল বাদল গাঙ্গুলি। নীলা বিছানার ওপরেই বসে। খানিকটা ব্যবধানে বসল সেও।—বলবে কিছু ?

নীলা তেমনি নিরীক্ষণ করছিল তাকে।—বলব কিছু, কিন্তু শুনতে হয়তো তোমার খুব ভালো লাগবে না।

জোর করেই বাদল গাঙ্গুলি এবারে হাসতে চেষ্টা করল একটু। শব্দ্যর শরীর ছেড়ে দিল খানিকটা। হালকা জবাব দিল, তার থেকে সমস্ত ভালো লাগে এমন কিছুই না হয় বলা।

যা বলার স্পষ্ট বলবে বলেই এসেছে নীলা। অশ্বি জানেও স্পষ্ট বলতে। কিন্তু তবু বলার আগে খুব ভালো করে দেখে নিতে চায় যেন।—বাবার বিরুদ্ধে যাবার দুঃসাহস তোমার হ'ল কি করে? নিজেকে তুমি কি ভেবেছ? আজ পর্যন্ত উনি যা করেছেন তোমার জন্ম—সব ভুলতে পারলে?

আমার জন্ম কিছু করেন নি, নিরুত্তাপ জবাব, করেছেন তাঁর মেয়ের জন্ম ... এখন দেখছেন, যা করেছেন সবই ভুল করেছেন।

শুধু বাবা নয়, সকলেই তাই দেখছে। অল্পচ কণ্ঠে নীলা ঝাঁজিয়ে উঠল প্রায়, ভুল না হয় হয়েছে, ভুল মানুষেরই হয় কিন্তু সে দায়টা বাবার ওপর চাপাতে লজ্জা হ'ল না তোমার? সঙ্কোচ হ'ল না?

বাথায় দিবর্ণ হয়ে গেল মানুষটার সমস্ত মুখ। সামলে নিয়ে শাস্ত মুখেই জবাব দিল যাবার, ভুলের দায় আমি কারো ওপর চাপাতে চাইছি না নীলা, সত্যি নিজে ভুল করেছি কি না সেটুকুই বুঝে নিতে চাইছি। ওই জমিও আছে আর তোমার বাবার ডিজাইনও আছে—এ দুটো একবার তিনি এক্সপার্ট দিয়ে পরীক্ষা করিয়ে নিচ্ছেন না কেন? তাতে কোন গলদ না থাকলে, ভুল আমার তো বটেই! ..কিন্তু তোমার বাবা তা করবেন না, কারণ, তাঁর মনে সন্দেহ আছে।

কি বলছে, খানিক চুপ করে থেকে বুঝতে চেষ্টা করল নীলা। কিন্তু বোঝা অসম্ভব। বিশেষ করে যেখানে ভালো করে কিছু বোঝবার জন্মেই এখানে আসা। উণ্টে রেগে গেলো আরো। শাস্ত ধৈর্যটুকুও তিরোহিত হ'ল।—বলিহারি আস্তা তোমার নিজের ওপর। বাবার কাজ ঠিক আছে কি না অল্প এক্সপার্ট ডেকে সেটা যাচাই করতে হবে?

নিরুত্তর।

অতশত আমি বুঝিনে, তোমার আমার ভালোর জন্ম বাবা যা বলছেন তাই তোমার করা উচিত, আর তাই তুমি করবে, অন্তত আমার জন্যেও করবে।

কিন্তু তোমার বাবা যা বলেছেন তাই করলে যেখানে আমায় নেমে আসতে হবে, তাতে তোমার আমার কারোই ভালো হবে না।

হবে হবে হবে। নীলার ধৈর্যের বাঁধ ভেঙে এসেছে। আরো সামনে ঝুঁকে এলো। বলে গেল, হৃদয়তো তোমার দুর্নীম হবে কিছু, হয়তো বা উন্নতিও বন্ধ থাকবে কিছুকাল, কিন্তু বাবা ঠিক আবার টেনে তুলবেন তোমায়। তার বদলে তাঁকে অপদস্থ করতে গেলে তাঁর নাগালও পাবে না তুমি, উণ্টে সবই যাবে—তার অধিষ্ঠা ভেবে দেখছ?

হৃদয় গুমোট একটা। একটামা। দুঃসহ।

আগে দেখি নি। এখন দেখছি। সঙ্গে সঙ্গে আরো কেউ যাবে, সব ছেড়ে নিজেকে আর আমার সঙ্গে জুড়ে দিতে পারবে না, এই তো ?

সোজা হয়ে বসল নীলা। তীক্ষ্ণ ব্যঙ্গ করে উঠল তার পর, ইঞ্জিনিয়ার না হয়ে কাব্য করলেই তো পারো। তুমি কি ভাবো এ পর্যন্ত তোমায় টেনে তোলা হয়েছে তোমার ভাবের ঘোরে বৈরাগী হবো বলে ? সে রকম লোকের কি খুব অভাব ছিল ?

এর থেকে স্পষ্ট আর বোধ হয় কিছু শোনার ছিল না বাদল গাঙ্গুলির।... ওকে টেনে তোলা হয়েছে। ইচ্ছে হ'ল বলে, অভিভ্যন্তার ফাঁস পরিয়ে টেনে যাকে তুলছ, উঠলে এবারে একটা মরা মানুষই উঠবে। বিবর্ণ পাণ্ডুর মুখে একখানা হাত রাখল শুধু কাঁধে।—নীলা...

বলো। হাত সরিয়ে দিয়ে কঠিন মূর্তির মতো বসে রইল নীলা।

তোমার আমার সম্পর্কটা এর বাইরে আর কিছু নয় তা হলে ?

তোমার এত বড় ঘা খেয়েও সেটা ভাঙবে না এমন কিছু নয়। বাবাকে তুমি অপমান করেছ, তাঁর মানসন্ত্রম নষ্ট করতে বসেছ। নিজের ভুল স্বীকার করে নাও, আবার সব ঠিক হয়ে যাবে, তাঁর ক্ষমতা তুমি ভালই জানো।

কিছুক্ষণ।...অনেকক্ষণ। একটা আচ্ছন্নতার ঘোণ কাটল যেন।—এই তাহলে তোমার শেষ কথা ?

হ্যাঁ। হাতঘড়ি দেখে নীলা উঠে দাঁড়াল।—আচ্ছা, কালকের মধ্যে তোমার জবাব পাব আশা করি, গুড নাইট—।

...আর দেখা হয় নি।

কিন্তু জবাব নীলা পরদিনই পেয়েছিল। নীলা ঠিক নয়, বিপুল বাড়রী পেরিয়ে-ছিলেন।

নীলা চলে যাওয়ার পর সে রাত্রিরও অবসান হয়েছিল বৈকি। এত বড় জবাবের দুর্ব্বহ বোঝা বহন করে নিঃশব্দে কেটেছে সে রাত। তিলে তিলে, পলে পলে। আবার সকাল হয়েছে। আবার অকিসের সময় হয়েছে। আবার অকিসে এসেছে...

শেষবার।

স্টেটমেন্ট লিখেছে। বেমন চেয়েছিলেন বিপুল বাড়রী তেমনি। যে জবাব নীলা আশা করে গেছে-বোঝি। স্টেটমেন্টে সই করে পাঠিয়ে দিয়েছে।

আর সেই সঙ্গে প্রসঙ্গিগ পত্রও দাখিল করেছে নিজের।

ওটুকু কাজ শেষ করেই ফিরে এসেছে আবার। একটা দীর্ঘ সময়

চকড় করে উঠেছে থেকে থেকে। তার পরেই মনে হয়েছে মা নেই এখানে। নেকদিন নেই।...মায়ের কাছে যাবে।

নরেন এসেছিল তার আগে।

তেমনি হাসি। তেমনি খুশি। আরো বেশি হাসিখুশি যেন। অক্সিস কামাই বৈ টেশনে পৌছে দিয়ে গেছে ওকে। অনর্গল কথা বলেছে। কতক কানে ছে, কতক যায় নি।

...মুক্তিটা যেন ওরই। কেননা ওকেও ভালবাসত এত, সেটা যেন ভারী জে চোখে পড়েছিল সেদিন।

মা অবাক হয়েছিল বৈকি। অবাক নয়, ভয়ই পেয়েছিল। একসঙ্গে কত কথা জ্ঞাসা করেছিল ঠিক নেই।—এমনি চলে এলি কি রে।...তা বেশ করেছিস। কিন্তু এরকম হঠাৎ...শরীর ভালো আছে তো? হ্যাঁ রে? এমন শুকনো খাচ্ছে কেন?

অত হাসছিল তাও ওই কথা।...তার পর আস্তে ধীরে মা শুনেছে সব। নও মন্তব্য করে নি কিছু। কিন্তু মায়ের ভিতরটা যেন দেখতে পাচ্ছিল। কি মনে পড়ে গেছে তাঁর দিকে চেয়ে। খুশিতে বলেই ফেলেছিল।—সার দিন নরেন সারাক্ষণ সঙ্গে ছিল মা, গাড়ি ছাড়ার আগে আমাকে বলল, দর অত বড় অবিচার মাথা পেতে নিলে তোমার মুখের মা ডাকও আর লো লাগত না তোমার ওই মায়ের—গিয়ে দেখো।

শুনে মা হেসেছিল। নরেনের উপরে মায়ের নীরব আশীর্বাদ বয়েছিল দুই খে।—তা তো হ'ল, কিন্তু তোর মুখ-চোখের এ অবস্থা কেন, অত বড় চিঁড়িটা গেল বলে?

মিথ্যেই অত হাসছিল। অত হাসতে চেষ্টা করছিল।

একদিন নয়। আরো একদিন ধরা পড়েছে।

খাঁচা ভেঙে এসেছিল। কিন্তু বড় অভ্যস্ত খাঁচা। মুক্তিটা ঠিক মুক্তির মতো ছিল না। নীলার ফোটো ছিল ট্রাক-ভরতি। অনেক সগ্রগল্ভ হাসিখুশি ঠিক বন্দী করেছিল একে একে। একা ঘরে সেগুলো বার করে বসেছিল দিন। ছিঁড়ছিল একটা একটা করে। ঠাণ্ডা মাথায়। শান্ত মুখে। সন্মানোযোগে। বর আনাচেকানাচে ঘুর ঘুর করে আশার আলোয়। উকিরুঁকি দেয় চাকার নটীরা। কে জানে সেদিনের সেই একরাঙের তিলে তিলে পলে পলে দাহ করা ভস্ম থেকে আবার তারা উঠে আসবে কিনা। আবার তারা ছানি রেখেছিল। আবার তারা সোনার টাকার গাঁতের পদায়ে কিনা।

মা কখন এসে দাঁড়িয়েছে খেয়াল করে নি। মূহু ভূর্জনায় চমকে উঠেছিল।
—এই করে কি কিছু সুবিধে হবে?

অপ্রস্তুতের একশেষ। শেষে হেসেই কেলেছিল। নাঃ, তোমাকে লুকিয়ে
চুরিয়ে কিছু করারও জো নেই।

খণ্ড ছিল ফোটোগুলোর দিকে খানিক চেয়ে থেকে ভারী অভূত কথা
বলেছিল মা তার পর। বলেছিল, হ্যাঁ রে এত বুঝিস আর এটুকু বুঝিসনে, জ্বর
হলে গায়ে জল ঢেলে গা ঠাণ্ডা করা যায়? ও যেমন আছে থাকতে দে, আপনি
সব ঠিক হয়ে যাবে।

ছেলের অনেকক্ষণ আর বাকশূরণ হয় নি তার পর। চেয়েই ছিল শুধু।
তার পর বলেছিল, এত বুঝি, কিন্তু তোমার মত যদি সব কিছু এত সহজ করে
বুঝতাম মা...

খাক, খুব হয়েছে। তেমন সাদাসিধে কথা তাঁর। কি করবি এবারে ঠিক
করে ফ্যাল। কাজের মানুষ তুই, দিনরাত এমন শুয়ে বসে ভালো লাগবে
কেন? কোথায় যাবি চল, আমিও না হয় যাই তোর সঙ্গে।...

মড়াই ঘুমিয়ে পড়েছে। মড়াই ঘেরা পাহাড়গুলো ঘুমিয়েছে। মড়াইয়ের
রাজিও ঘুমিয়েছে। নিটোল ঘুম সর্বত্র। মাথার ওপর ওই আকাশভরা তারাগুলো
জেগে আছে শুধু। খোলা বারান্দায় ইজিচেয়ারে বসে মড়াইয়ের চক্ষু ইঞ্জিনিয়ার
বান্দল গাঙ্গুলি তাদের দেখছে চেয়ে চেয়ে।...ছেলেবেলায় গল্প শুনত জীবনের
শেষে নাকি ওই তারা হয়ে থাকার জীবন।

তাই যদি হয়, কোনটি তার মা?

—নয়—

মড়াইয়ের কাজে এখন পর্যন্ত বিয় ঘটে নি কোথাও।

যেমন চলছিল তেমন চলছে। ঘোষ-চাকলাদারই এখানকার একমাত্র
কনট্রাক্টর নয়। ছোটবড় আরো আছে, ছোটবড় কাজ নিয়ে আছে। একজনের
বিপর্যয়ে আর একজনের সুদিনের সম্ভাবনা। ভবু প্রতিকূল আবর্তের ছায়া পড়ে
একটা। অনাগত ঐক্যের মতো কিছু একটা দুর্বোধ্য যেন খিস্তিয়ে আছে।
থেকেই ঘোষ-চাকলাদারকে সকলে স্বতন্ত্র চোখে দেখে এসেছে বলেই হয়তো
এরকম লাগছে।

বাবা বা মরেনবাবুর দুশিক্ষা দেখে সাধনা মুখে যাই 'বন্ধু', 'সেবক' ঠাণ্ডা

হতে ভিতরে ভিতরে একটু দমে গেল সেও। যাই হোক না কেন, স্থচনা শুভ নয় তো বটেই।

অনধিত এক জীবনের অধ্যায়ও তার পর শুনল একদিন। নরেনই বলেছে। যেভাবে বলে সচরাচর, সেভাবে নয়। সাস্থনার শোনার দরদ তারও ভেতরটাকে ছুয়ে গিয়েছিল বোধ হয় সেদিন। সাস্থনা তন্ময় হয়ে শুনেছে।

শেষ হতে নরেন নিজেই যেন থমকে গেল একটু। সারাক্ষণ সাস্থনা ওরই দিকে চেয়েছিল বটে, ওরই কথা শুনছিল। কিন্তু তার কথার বুনটে দেখছিল যাকে সে অল্প মাহুষ। দেখছিল চিক ইঞ্জিনিয়ারের খোলস থেকে যাকে উদ্ঘাটন করে দেখাল, তাকে। হালকা হেসে নরেন বলল, কি হ'ল, কেঁদে-টেঁদে ফেলবে নাকি?

নিজের স্তব্ধতায় নিজেই একটু লজ্জা পেল সাস্থনা। বলল, না, বড় দুঃখের জীবন তো ভদ্রলোকের।

দুঃখের বলেই তো এমন একটা নিখুঁত জিনিস গড়ে উঠছে, নরেন ঠাট্টা করল আবারও, ওর ভেতরটা যত জ্বলবে, লোকে ততো বেশি আলোর আশ্বাস পাবে, মন্দ কি?

যান, আপনি ভারি নিষ্ঠুর।

অন্তমন্বের মতো নরেন ভাবল কি। পবে বলল, নিষ্ঠুর নয়, ওর জীবন থেকে নীলা গেছে ভালই হয়েছে...কিন্তু একেবারে গেছে কি না ভেবেই ভয় হয় মাঝে মাঝে।

সাস্থনার জিজ্ঞাস্ব চোখে চোখ রেখে বাকিটুকুও না বলে পারল না।—মাহুষটাকে যত শক্ত দেখো ততো শক্ত নয়, আমার বিশ্বাস ওই মেয়ে সামনা-সামনি এলে আবারও পারে ওর জীবনে সব কিছু ওলটপালট করে দিতে, ওর এই কাজ এই নিষ্ঠা সব কিছু তছনছ করে ফেলতে।

শোনা মাত্র মুখভাব বদলাতে লাগল সাস্থনার। একজন গেলেও সরকারী কাজ বন্ধ থাকবে না—সে কথা মনে হ'ল না। ওলটপালট হয়ে যাওয়া এবং নিষ্ঠায় ছেদ পড়ার সঙ্গে ড্রামের কাজে ব্যাঘাত ঘটান সম্ভাবনাটা এক করে দেখল কিনা সে-ই জানে। মেয়েটার আবার সামনাসামনি আসার প্রসঙ্গ কল্পনা করে সমস্ত মুখে কঠিন ছায়া পড়ল একটা।

রণবীর ঘোষের ব্যঙ্গপারটা স্বগিত আছে এখনও। কতকাল থাকবে তারও ঠিক নেই। হেড অফিস থেকে নির্দেশ আসে নি এখনো কিছু। কেন আসে নি তাও অজ্ঞান করণ্ডে পারে বাফল গাঙ্গুলি। বোম্ব-চাকলাগায় নিশ্চেষ্ট বসে নেই।

এ ব্যাপারের ফলে কাজের ধারা একটু বদলেছে বাদল গান্ধুলির। বিশ্বাসের শাস্তিভঙ্গ হয়েছে একবার। ঘোষ-চাকলাদারকে সস্পেণ্ড করুক আর যাই করুক, ভিতরে চিড় খেয়ে গেছে একটা। দিনের মধ্যে দু'তিন বার মড়াইয়ে নামে। সন্ধানী চোখে খুঁটিয়ে খুঁটিয়ে দেখে সব। ঘুরে ঘুরে পর্যবেক্ষণ করে।

ফলে মড়াইয়ে সান্ধনার সঙ্গেও আজকাল দেখা হয়ে যায় মাঝে মাঝে।

সান্ধনার ইচ্ছেও হয় সামনে গিয়ে ছুটো কথা বলে। গাছতলায় সেই লাঞ্চার পর্ব মনে পড়তে রাঙিয়ে ওঠে নিজের। রাগের মাথায় কি যাচ্ছেতাই না বলেছিল, বড়সাহেবের প্রতি পাগল সদারের সেই অভিযোগ মুছে গেছে মন থেকে, ভুতুবাবুর কথাগুলোও। একটা মেয়ের কাছ থেকে অত বড় ঘা খেয়েও মেয়েদের ওপর ভদ্রলোক বীতশ্রু হ'বে না তো কি! সব শুনে ওর নিজেরই রাগ ধরে গিয়েছিল মেয়ে জাতটার ওপর।

সামনাসামনি পরে গেলে নমস্কার বিনিময় হয় বড় জোর। ইচ্ছে থাকলেও কাছে ঘেঁষে না সান্ধনা। পারেও না।

কারণ সান্ধনাও বদলেছে।

মাসির বাড়িতে বাবার সঙ্গে বকাঝকি করে যে মেয়ে মড়াইয়ে এসেছিল, সে বদলেছে। একটু একটু করে বদলেছে। দশ জনের চোখে নিজেকে দেখে বদলেছে। সেই হাসিখুশি আছে, সেই কোঁতুহল-প্রাচুর্যও আছে, কিন্তু ভরা জোয়ারের মধ্যে চেতনার রাশটাও তেমনি সজাগ আজকাল। ওভারসিয়ারের মেয়ে, সেটাই একমাত্র পরিচয় নয় এখন। স্ব-মহিমায় স্বতন্ত্র, স্বয়ংবিকশিত। নিজের পরিপূর্ণতার রহস্য নিজে জানে। ওই যে এত বড় চিফ ইঞ্জিনিয়ার মড়াইয়ের, ঘা-খাওয়া পোড়-খাওয়া মানুষ—দেখলেও যে না দেখার ভান করে কত সময়, কাজের ফাঁকে ফাঁকে তারও বিমনা দৃষ্টি উধাও হয়ে আসতে দেখেছে ওর কাছ পর্যন্ত।

অগ্র রকমের যোগাযোগ ঘটল একটা সেদিন।

বিকলে মেন কোয়ার্টারস-এর দিকে ছিল সান্ধনা। বড় বড় ফোঁটায় জল পড়তে লাগল হঠাৎ। অসময়ের জল। অগ্ন্যম্নঙ্ক ছিল, ধমকে দাঁড়াল। তার পর আকাশের দিকে চেয়ে দিল ছুট।

অদূরের সব ক'টা কোয়ার্টারই চেনা। একটার খুব কাছে নয় আর একটা। চকিতে ভেবে নিয়ে যে দিকে এগোলো, একা কোনদিন সেখানে যাবে ভাবে নি। ভদ্রলোক তো বাড়ি নেই এখন, শুধু নিধু আছে...

কিন্তু জলটা চেপে এলো যেন। বতটা ভিজবে ভেবেছিল তার থেকে বেশি ভিজে গেল। একেবারে বাড়ির গারে এসে সেই চেতনার রাশে টান পড়ল।

আবার। না, যাবে না। আগে হলে ভাবত না, সরাসরি ঢুকে পড়ত। এখন মন চাইছে বলেই যাবে না। তাছাড়া ভিজছে একেবারে কম না। হলই বা নিধু...

বাড়ির গা ঘেঁষে দাঁড়িয়ে ছাতের আলসেয় মাথা বাঁচাতে চেষ্টা করল। কি যাক্কেতাই জল রে বাবা! কতক্ষণে ছাড়বে ঠিক কি। ভ্রলোক যদি এসেই পড়েন এর মধ্যে। অস্বস্তিতে আকাশ বিশ্লেষণ করতে লাগল সাঙ্ঘনা।

ওদিকে মাথার ওপর জানালা খুলে যে লোকটা গলা বাড়িয়েছে সে স্বয়ং নিধুরাম।

দিদিমণি, তুমি এখানে দাঁড়িয়ে ভিজছ। এসো এসো ভিতরে এসো।

চমকে উঠেছিল সাঙ্ঘনা। পবে নিম্পৃহ বিশ্বয়ে জিজ্ঞাসা করল, এটা তোমাদের বাড়ি নাকি নিধু?

বহুবচনে প্রীত হ'ল নিধুরাম। হুট কণ্ঠে জবাব দিলে, ই্যা দিদিমণি, আমাদের বাড়ি, আমার আর বাবুর। কিন্তু তুমি ভিজ়ে যাচ্ছ যে, ছুট্টে ভেতরে চলে এসো না!

এভাবে গা বাঁচানো সম্ভব নয়। কিন্তু পা যেন আটকে আছে এখন মাটির সঙ্গে। বলল, ভিতরে যাব...তোমার বাবু বাগ করবে না তো?

নিধু অবাক।—বিস্টীতে ভিজ়ছ, রাগ করবে কেন? আর বাবু তো এখন আপিস ঠ্যাঙাচ্ছে—

ভিতরে প্রবেশ করে সাঙ্ঘনা শাড়ির আঁচলে হাতমুখ মুছে ফেলল। কটাক্ষে নিধুকে দেখে নিল একবার। দিদিমণি আসার আনন্দই তার চোখে মুখে।

দিদিমণিকে সন্ধলে চেনে, সন্ধলে জানে আর সন্ধলে ভালোবাসে।

দাঁড়াও, একটা তোয়ালে এনে দিই তোমাকে।

না-না, তোয়ালে কিছু দরকার নেই, সাঙ্ঘনা শশব্যস্তে থামালো তাকে, এই তো একটুখানি ভিজ়েছি মোটে।

কতটা ভিজ়েছে নিধু তাই দেখে নিল একবার। শাড়ির আঁচলটা ভালো করে গায়ে জড়িয়ে সাঙ্ঘনা সকোতুকে ভিতরের দিকে উঁকি দিল। নিধু বলল, সব ঘুরে ঘুরে দেখো না দিদিমণি, আমি তো আছি, ভয় কি।

সাঙ্ঘনা মাথা ঝড়ল। আশ্বস্ত হ'ল যেন। কিন্তু এগোবার আগেই সাগ্রহে আর একটা প্রস্তাব করে বসল নিধুরাম। নিজের বা কিছু অন্তের চোখ দিয়ে আত্মদান করে নেওয়ার বৃত্তিটা শাস্বত। দিদিমণির মতো এমন সমরদার আর পাবে কোথায়। সবিনয়ে বলল, আগে আমার ঘরখানা দেখে যাও, ই্যা? বাবুর ঘর থেকে আমার ঘর চেনে ভালো, দেখবে এসো, কাউকে দেখাইনে।

সানন্দে আগে তারই ঘর দেখতে চলল সাধুনা। সত্যই দেখার মতো ঘর। নিধুর নিজস্বতা আছে একটা। যেখানে যা কিছু পছন্দসই সবই ঘরে এনে পুরেছে। চৌকি, হাতলভাঙা চেয়ার, খবরের কাগজে ঢাকা কেরোসিনকাঠের টেবিল। টেবিলে রাজ্যের জিনিস। রঙ-ওঠা টাইমপীস, ফাটা আয়না, রোঁয়া-ওঠা বুদ্ধশে দামী চিক্রনি, সস্তা ফাউন্টেন পেন, কালি, চকচকে অ্যাশ-পট একটা, দামী তেলের শিশি, দুটো একটা অন্ত ফাইল পর্যন্ত। আলনায় আধময়লা কাপড় জামা আর ছেঁড়া টার্কিশ তোয়ালে, নিচে দু'তিন জোড়া পুরানো জুতো। সামনেই দেয়ালে মহাদেবের ছবি আর তার পাশেই শ্রুতবসনা নারীমূর্তির বিলিতি ক্যালেন্ডার।

বাঃ সুন্দর! সাধুনা হেসেই ফেলল, এত সব তুমি কোথায় পেলে?

একটু যেন বিব্রত হয়ে পড়ল নিধুবাম। জবাব দিল, পাবে আবার কোথায়, এ সব তো তারই। কিন্তু একেবাবে নিশ্চিত হতে পারল না তবু। একটু সতর্ক করে রাখা ভালো। বলল, আমার ঘরে এত সব আছে তুমি যেন বাবুকে বোলো না দিদিমণি।

সাধুনা মাথা নেড়ে আশ্বস্ত করল তাকে, বলবে না। খুশি হয়ে নিধুরাম নিচু গলায় বলল আবার, তোমাকে তাহলে বলি দিদিমণি, বাবুর তো কিছু মনে থাকে না, যখন যা ভালো কিছু নিয়ে আসে, কিছুদিন গেলেই সেটা আমার হয়ে যায়। যদি কখনো খোঁজ পড়ে, বলি খুঁজে দোব'খন—বাস, তার পর আর মনে থাকে না, কি করে থাকবে, সারাক্ষণ তো মাথার মধ্যে বৌ বৌ করে ড্যাম্ ঘুরছে।

দিদিমণিকে হাঁ করে তার মুখের দিকে চেয়ে থাকতে দেখে কিছু বোধ হয় খেয়াল হ'ল নিধুরামের। অতঃপর ঘুরিয়ে ফিবিয় যে মনোভাবটুকু জ্ঞাপন করল, তার সার কথা, দিদিমণি ভাবছে চুরি, চুরি নয়, চুরি কেন হতে যাবে। এমনই নেয় সে, তেমন বেশি খোঁজ পড়লে চুপি চুপি তো আবার ফিরিয়েই দেয়। আর তাছাড়া সে তো আর বিয়ে-থাওয়া কিছু করে নি, ঘর সংসারও নেই—এ সব তো এখানেই থাকবে বরাবর, কোথায় আর যাবে।

কোনরকমে হাসি দমন করে তার কথায় সাগ্ন দিতে দিতে বাইরে এলো সাধুনা। নিধু বলল, বাবুর আসার সময় হয়ে গেল, আমি চট করে চায়ে জল চাপিয়ে আসি।

নিধুর পাল্লায় পড়ে এভাবে এখানে এসে পড়ার অবস্থি অনেকটা কেটেছিল। গৃহস্থামীর প্রত্যাবর্তন-সম্ভাবনার সঙ্কোচ বাড়তে লাগল আবার। বাইরে অঝোরে জল পড়ছে ডেম্ফ্রি। ওর সঙ্গে আড়ি করে নেমেছে যেন। এত জলে কেউ বেরোয় না এই যা ভরসা। একটু ধরে এলে ও নিজেই আশে

পালাবে এখান থেকে ।

দরজার চৌকাঠে দাঁড়িয়ে নিধুর মনিবের ঘরে উকি দিল সাশ্বনা । আবগন্ত অগোছালো ঘরের ছিঁরি দেখে ওর হাসি পেয়ে গেল । যেটার যেখানে খুশি পড়ে আছে । সব ছাড়িয়ে চোখ গেল ঘরের কোণের টেবিলটার দিকে । টেবিলের দামী ফোটোস্ট্যাণ্ডের ওপর ।

এরই কথা শুনেছিল নরেনবাবুর মুখে । ফোটোখানার কথাও শুনেছিল । পায়ের পায়ে এগোলো সাশ্বনা । কাছে দাঁড়িয়ে নিরীক্ষণ করে দেখতে লাগল । ঝকঝক চকচকে চেহারা । স্ত্রী । শোখিন বেশবাস । সুপরিষ্কৃত আভিজাত্য ।

এই তাহলে নীলা ! সামনাসামনি এলে যে এখনো পারে সব ওলটপালট করে দিতে, এই কাজ এই নিষ্ঠা সব তছনছ করে ফেলতে !

চেয়ে চেয়ে দেখছে সাশ্বনা ।

পারে বোধ হয় । নইলে এ ছবি এখনো এখানে কেন । হাতে তুলে নিল ছবিখানা । কাছে দূরে এপাশে ওপাশে ঘুরিয়ে কিরিয়ে দেখল আবার । আয়নায় চোখ পড়ে নি, নইলে দেখত নিজের এই দেখাটার মধ্যে খ্রীতি ছিল না খুব ।

নিধুর সাড়া পেয়ে কোটো যথাস্থানে রেখে দিল আবার । নিধু চুপি চুপি পরিচয় করিয়ে দিল, উটি নীলা দিদিমণি, বাবুর সঙ্গে খুব ইয়ে ছিল একসময়, কি রকম সব গুণগোল হয়ে গেল, নইলে বাবুর তখন ফুঁটি ছিল কত ।

সাশ্বনা জানে সবই । কিন্তু জামুক বা না জামুক নিধুর মুখে কিছু শুনতে যাওয়া বিড়ম্বনা । বোরিয়ে এসে বাইরের ঘরে বসল সে ।

নিধুর ভদ্রলোক হওয়ার সরঞ্জাম সংগ্রহে বিশেষ একটা অভিলাষ অপূর্ণ থেকে গেছে বলেই নীলা দিদিমণির প্রসঙ্গ চাপা পড়ে গেল । গোপনে বাসনাটা ব্যক্ত করে ফেলল সাশ্বনার কাছে ।—কাউকে যদি না বলো তো একটা কথা বলি দিদিমণি, হ্যাঁ ?

কোনরকম প্রতিশ্রুতি না দিয়েই সাশ্বনা আবার কিছু শোনবার সম্ভাবনায় শব্দিত নেত্রে তাকালো তার দিকে ।

আমাকে অমনি রূপোর খাপে বাঁধানো ছবি দেবে একটা দিদিমণি ? টেবিলে রাখতুম—

নিবেদন শুনে দুই চক্ষু প্রথমে বিস্ফারিত হয়ে উঠল সাশ্বনার । উজ্জ্বলিত হাসির আবেগে স্থির বসে থাকা দায় হ'ল তার পর । এই নিয়ে ওর সামনে বসে হাসাটাও রিসদৃশ । আবেদন পেশ করে কেলেই নিধুও লজ্জায় অধোবদন । দিদিমণি অত হাসবে জানলে বলত না ।

সাস্থ্যনা বলল, আমার কাছে তো নেই, পেলে দেব'খন। প্রসঙ্গটা চাপা দেবার জন্তই জিজ্ঞাসা করল, তোমার চা হয়ে গেল ?

না, সবে জল গরম হ'ল, এবারে খাবারটা আগে তৈরী করব, তুমি বসো।

মনে মনে নিধুও একটু আড়াল হবার কিকির খুঁজছিল হয়তো। ব্যস্ত হয়ে রান্নাঘরের দিকে চলে গেল।

কিন্তু দিদিমণির মতো একজনকে চুপচাপ বসিয়ে রেখে কতক্ষণ আর ভালো লাগবে। তার ওপর একটা প্ল্যানও এসে গেছে মাথায়। এবারের প্রস্তাবে নিশ্চয় খুশি হবে। সেই টিফিন ক্যারিয়ার বদলানোর ব্যাপারটা নিধু জীবনে তুলবে না। বাবু অবাক হয়ে কেমন চেটেপুটে খেয়েছিল এবং পরে জেনে ফেলে আরো কত অবাক হয়েছিল, সে সব ফিরিস্তি দিদিমণির কাছে অনেক দিন আগেই বলা হয়ে গেছে।

গামছায় হাত মুছতে মুছতে কাছে এসে দাঁড়াল আবার। দিদিমণি, নতুন খাবার কিছু তৈরী করে দেবে ? দাদাবাবু খেয়ে ভারি খুশি হবে সেবারের মতো—

ঝোঁকের মাথায় এখানে এভাবে এসে আটকে পড়ার অস্বস্তি ক্রমেই বাড়ছিল সাস্থ্যনার। ভুকুঁচকে জলের বহর দেখছিল। ওকে জম করার জন্তেই যেন সব কিছু। যার কথা ভেবে এত সঙ্কোচ, এর ওপর তাকে খুশি করার এই প্রস্তাব শুনে প্রায় রেগেই গেল। বলল, রোজ কচ্ছ তুমিই করোগে যাও, আমি এখন পারব না—তোমাদের ছাতাটাটা আছে কিছু ?

হঠাৎ এই বিরাগের সুরটা কানে বাজতে থতমত খেয়ে গেল নিধু। মাথা নাড়ল, নেই—। ফিরে গেল।

ছাতা থাকলেই বা এ জলে যেত কি করে! সাদা মনে এসেছিল লোকটা, এভাবে না বললেই হ'ত। ভাবল সাস্থ্যনা। নেমস্তন্ন করে তো আর ডেকে আনে নি, বরং এসেছে বলে খুশিতে আটখানা হয়েছে। উসখুস করতে লাগল।... নীলার মতো মোটর হাঁকায় নি কখনো, ঝরনার মতো এম.এ. পড়ে নি—কিন্তু এই একটি জায়গায় তার হাত পড়লে তেমন কিছু করে তুলতে পারে, সে অবস্থা পুরোপুরি আছে। আর এটুকু পাবার আকর্ষণও কম নয় ওর কাছে।

উঠল। পায়ে পায়ে নিধুর রন্ধনশালার দরজায় এসে দাঁড়াল। কাগজে জড়ানো বড় একটা পাউরুটি আর গোটা'কতক ডিম সামনে রেখে গম্ভীর মুখে নিধু পৈয়াজ কুচোতে বসেছে।

কি খাবার কচ্ছ নিধু ?

জবাব না দিয়ে নিধু ডিম-পাউরুটির দিকে একবার তাকালো শুধু। বড়

সাহেবের আপনার লোক গ্রাম, তারও একটা মানমর্যাদা আছে। নেহাত দিদিমণি বলেই ভুলেছিল আর অমন অহুরোধ করেছিল।

সাস্তনা আবার জিজ্ঞাসা করল, আপিস থেকে এসে এই শুকনো ডিম-কুটি খাবেন তোমার বাবু?

নিধু সাফ জবাব দিল, খিদেয় পেট চুঁই চুঁই করে তখন, খাবে না তো কি।

জবাব শুনে বিমর্ষ হ'ল সাস্তনা। কিন্তু ওব দিকে চেয়ে বেশ একটু কৌতুকও অনুভব করল।—জল ছাড়ার তো কোন লক্ষণ নেই, তোমার বাবু আসবেন কি করে?

আঁটা-পুফ আছে, বিষ্টির জল ভেতর সেধেয় না, ঠিক আসবে।

সাস্তনা হ'চার মুহূর্ত ঘরের ভেতরটা দেখে নিল চুপচাপ। তেমনি হালকা করেই বলল আবার, তোমার আছে তো দেখছি শুধু ডিম আর কুটি, এ দিয়ে আবার নতুন কি করতে চাইছিলে তুমি?

জবাব না দিয়ে নিধু ঘরের কোণে তরকারির ঝুড়িটার দিকে দৃষ্টিনিক্ষেপ করল।

সাস্তনা হাসল একটু।—আচ্ছা সরো, দেখি কি করতে পারি।

এতক্ষণে নিধুর ফুঁটি ফিরে এলো আবার। একগাল হেসে তরকারির ঝুড়িটা টেনে আনলো। অগ্ন্যাদ্র সরঞ্জাম হাতের কাছে গুছিয়ে দিতে লাগল। চৌকাঠের ওপর বসে নিরীক্ষণ করে দেখতে লাগল তার পর।

নিধু অরসিক নয়। তার মনে হল, দুখানি যোগ্য হাতের তৎপর ছোঁয়া পেয়ে ঝিমস্ত রান্নাঘরটাই যেন নড়েচড়ে জেগে উঠেছে। তরকারি শেষ, আদা-পেঁয়াজের রস সহযোগে সেন্দ আলুর কাটলেট শেষ, এবারে ডিম আর কুটি এক-সঙ্গে করে ভেজে নামাচ্ছে। কথাবার্তা থেমে গেছে নিধুরামের, সব ক'টিরই হুজাণে রসনা সিঁড়।

বাইরে খটাখট্ কড়া নাড়ার শব্দ।

নিধু ছুটল। হাত থেমে গেল সাস্তনারও।

গৃহস্থামীর পদার্পণ ঘটেছে। জলবরা ওয়াটার-প্রফ খুলে নিধুর হাতে দিল। ভিজ়ে জুতো বদলে ঘরে ঢুকলো। তোয়ালে দিয়ে আঁখভেজা হাতমুখ মুছে কেলে ইজিচেয়ারে গা ছেড়ে দিয়ে চুপচাপ পড়ে রইল খানিকক্ষণ। নিধু দোরগোড়ায় দাঁড়িয়ে।

খানিক-বাধে আপিসের বেশজুবা বদলে এবং হাত মুখ ধোয়া শেষ করে আবার ইজিচেয়ারে এসে বসল, বলল, খুব ভালো করে চা কর—

এরই প্রতীক্ষায় ছিল নিধুরাম। নির্দেশ শোনার আগেই রান্নাঘরে এসে হাজির। সাস্থনা গুছিয়ে রেখেছে সব। একটি কণ্ঠাও না বলে তার হাতে তুলে দিল। খেয়াল করে ওর মুখের দিকে তাকালে নিধুরামও ভড়কে যেত হয়ত। কিন্তু তার চোখ অন্যদিকে। নিজের জন্তু কতটা আছে না আছে দেখে নিয়ে খাবার হাতে দ্রুত প্রস্থান করল আবার।

রোজকার মতই খবরের কাগজ নিয়ে বসেছে মনিব। খাবারের ডিশে হাত বাড়াল। তার পরেই তফাৎটা বুঝতে পারল। কাগজ কোলে নামিয়ে ভালো করে দেখল চেয়ে। তার পর অবাক হয়ে তাকালো নিধুর দিকে। কিছু স্বরণ হ'ল বোধ হয়।

নিধু প্রস্থানোত্তত।

ডাকল, এই শোন্ তো—

প্রত্যাবর্তন।

এ খাবার তুই তৈরী করেছিস না কেউ পাঠিয়েছে?

নিধু জবাব দিল, এ ঝুটতে আবার পাঠাবে কেমন করে, ঘরে বসেই তৈরী করেছে দিদিমণি।

দিদিমণি।

স্বরণ করিয়ে দিতে চেষ্টা করল নিধু, সেই ওভারসিয়ার দিদিমণি—সেই সেবারে রাস্তায় যার সঙ্গে গোলাও-কালিয়া বদল হয়ে গেছিল। বাইরে দাঁড়িয়ে জলে ভিজছিল, আমি ধরে নিয়ে এলাম—আসতে কি চায়, বলে, তোমার বাবু রাগ করবেন না তো?

চায়ের সরঞ্জাম হাতে সাস্থনা সরাসরি ঘরে ঢুকে পড়ল। তেপায়ার ওপর রাখল ঠক করে। বলল, অত জেরার কি আছে, খেতে ভালো না লাগে সরিয়ে রেখে দিন। নিধু ওমলেট আর পাউরুটি নিয়ে আশ্বক, চিবোন বসে বসে।

বাক্য শুনে নিধু হতভম্ব। বাইরের জলের দরুন ঘরে আলো কম হচ্ছিল। আলোটা জেলে দিল। মনিবের মুখে রাগের চিহ্নমাত্র না দেখে আশ্বস্ত। উটে হাসির মতোই দেখল যেন। তবুনি রান্নাঘরের কথা মনে পড়ে গেল তারও। তাড়াতাড়ি সেদিকেই চলল সে।

বসুন।

বন্ধ দরজা-জানালার কোনো এক ফাঁক দিয়ে আলোর রেখা যদি এসেই পড়ে সেটা উপলব্ধি না করে উপায় নেই। চাক বা না চাক, ভালো লাগার আভাস লাগল চিক চিক শব্দে মনিবের মুখে।

এ রকম পরিবেশে সাস্থ্যনার একমাত্র সোজা রাস্তা সহজ হওয়া। এই সহজ হওয়ার দায়েই সরাসরি ঘরে এসে ঢোকা। বলল, হ্যাঁ বসবে, বাড়িতে ওদিকে বাবা কত ভাবছেন।

জানালা দিয়ে বাইরের জলঝরা আকাশ নিরীক্ষণ করে বাদল গাঙ্গুলি হালকা জবাব দিল, তাহলে বাড়ি যান।

বিস্মিত নেত্রে তাকালো সাস্থ্যনা, এই বৃষ্টিতে যাব কি করে?

তাহলে বসুন।

সাস্থ্যনা সকৌতুকে দেখল আবারও। পরে বলল, আমার নাম সাস্থ্যনা। আমাকে আপনি বসুন বলতে হবে না।

খেতে খেতে বাদল গাঙ্গুলি মুখ তুলে হাসল একটু।—নাম জানি।

সকলেই জানে।

অর্থাৎ সকলেই যখন জানে, তার জানাটাও এমন কিছু নয়। এই নিষ্পৃহ অভিব্যক্তির পিছনে আয়াস কতটুকু বুঝতে দিতে রাজী নয় সাস্থ্যনা। বলল, কতক্ষণে যে ধরবে এ ছাইয়ের জল কে জানে, সেই কখন থেকে আটকে আছি।

নরেনবাবু হলে এ অকালবর্ষণের সুবিবেচনার কথা বলে খাবারের প্রশংসায় পঞ্চমুখ হয়ে উঠত। আহার-রত মানুষটা সে দিক দিয়েও গেল না। ক্ষুদ্র প্রশ্ন করল, আজ এদিকে রাউণ্ড ছিল বুঝি?

এবারেও সেই একই কথার টোপ ফেলল সাস্থ্যনা।—ছিলই তো, আপনার ডিম-রুটি চিবুনা বরাতে নেই বলেই ছিল বোধ হয়। ওই নিধুর জগ্রে, নইলে কবে এতক্ষণে ভিজ্জেই বাড়ি চলে যেতাম।

এবারেও স্মৃতিটা ছেড়ে দিয়ে গেল বাদল গাঙ্গুলি। মূহু হেসে পেয়ালায় চা ঢেলে নিয়ে আবার আহারে মনঃসংযোগ করল।

জানালার কাছে গিয়ে একবার আকাশটা দেখে এলো সাস্থ্যনা। তার পর দাঁড়িয়ে রইল ভেমনি। ভুরুযুগলে কুঞ্জনরেখা মিলিয়ে গেল। এতক্ষণ লক্ষ্য করে নি, আগের থেকে শুকনো দেখাচ্ছে ভদ্রলোককে। মড়াইয়ে বিগত গোলযোগের দরুন বোধ হয়। কিন্তু শুকনো হলেও সঙ্করের কাঠিগ্র আছে তাতে। আর আছে প্রায়-রূঢ় স্বাতন্ত্র্যবোধ। ভেবেছিল এই নিয়ে কথাবার্তা হবে, মড়াইয়ের ভালোমন্দ মিশে আছে তারও মনের সঙ্গে, জানিয়ে দেবে। কিন্তু এখন মনে হচ্ছে ভয়ানক গায়ে-পড়া শোনাবে। এরকম নির্বিকার অভ্যর্থনার সাস্থ্যনাও অভ্যস্ত নয় আজকাল।

কি হ'ল, বসতে আপত্তি আছে নাকি? চায়ের পেয়الا রেখে বাদল

গাঙ্গুলি মুখ তুলল আবার। আপনি বা তুমি দুইই এড়িয়ে গেল।

সাস্থনাও লক্ষ্য করল সেটুকু। ঘরের মধ্যে বসবার দ্বিতীয় জায়গা শয্যা বিছানো খাটখানা। খাটের পাশেই টেবিল। টেবিলের ওপব নীলার ফোটা। ফোটোর মধ্যে মেয়েটা যেন একেবারে মুখোমুখি হাসছে তার দিকে চেয়ে চেয়ে। পান্টা জবাবেই যেন সাস্থনা ঈষৎ জ্রতঙ্গি সহকারে দেখতে লাগল তাকে। আর তার এই দেখাটা অনুসরণ করে অগ্র লোকটির নীরব চাঞ্চল্য না তাকিয়েও উপলব্ধি করতে পারল।

বাদল গাঙ্গুলির দু'চোখ ওব দিকেই সংবদ্ধ। ভিতরে একটা নাড়াচাড়া পড়ল হঠাৎ। গুরুগম্ভীর পদমর্যাদার আবরণ সরিয়ে অনেকদিনের আহত মানুষটাই জেগে উঠল যেন। নিছক কোঁতুহলে ভিতবের একটা দুর্বল ক্ষত কেউ উন্টে পাণ্টে দেখতে থাকলে যেমন লাগে তেমনি লাগছে। অস্বস্তিকর, যন্ত্রণাদায়ক।

হঠাৎ বেদম হাসি পেয়ে গেল সাস্থনাব। হাসতে হাসতে খাটের কোণ ঘেঁষে বসে পড়ল এনার। মানুষটার চোখের দৃষ্টি ধারালো হয়ে উঠেছে দেখেও হাসি থামে না কিংবা হয়তো ইচ্ছে করেই থামতে দিল না সেটা।

এত হাসির কি হ'ল? নীরস ঐশা প্রশ্ন।

সাস্থনার সামলে নিতে সময় লাগল তবু। শাড়ির আঁচলে চোখ মুখ মুছে নিয়ে বলল, শুনলে আপনি রেগে না যান। আপনার নিধুরও ভারি শখ এইরকম একখানা ঝকঝকে ফোটা ওর টেবিলে রাখে, আমাকে বলছিল যদি একটা যোগাড়-টোগাড় করে দিতে পারি।

হাসির কারণ শুনে অন্তস্তলের একটা ছায়াভয় মুহূর্তে অপসৃত হয়ে গেল যেন। ইচ্ছে না থাকলেও যেখানে সহজ হওয়া যায়, সহজ হতে হয়, তেমন পরিবেশ সৃষ্টি করতে মেয়েটার জুড়ি নেই বোধ হয়। মৃদু মৃদু হাসতে লাগলো বাদল গাঙ্গুলি। বলল, তা তুমি ইচ্ছে করলে এর থেকে অনেক ভালো ফোটাই তো নিধু পেতে পারে, বলছিল যখন দিয়েই দাও একখানা।

বুঝল সাস্থনা। বুঝেও দুর্বোধাতার ভান করতে হ'ল তাকে।—আমি কোথেকে দেব?

তোমার নিজের ফোটাই একখানা দিয়ে দিতে পারো...

চকিত কটাঞ্চে সাস্থনা তাকালো একবার তার দিকে। অপরিণত অজ্ঞতায় ঠোট উন্টে জবাব দিল, আমার ফোটাই নেই—। কি মনে পড়তে আর এক বলক হাসল আবার। মুখোমুখি জাঁকিয়ে বসল।—জানেন, মাসিমা একবার তো আমার সাজিরেখা দিয়ে কোটো ভালানোর সব ঠিকঠাক করলে।

গ্রাফারের সামনে যেই গিয়ে দাঁড়ানো, অমনি ভদ্রলোক সেই কালো ঘোমটা মাথায় দিয়ে যা শুরু করে দিলে—সোজা হোন, বেকে দাঁড়ান, মুখ তুলুন, মুখ নামান, গম্ভীর হোন, ওয়ান—টু—হাহুন। আমার আগেই হাসি পেয়ে যাচ্ছিল, তার ওপর যেই না বল হাহুন, আমি হেসে একাকার—কালো ঘোমটা সরিয়ে ভদ্রলোক এমন চেয়ে রইল—আমার হাসি আর খামলই না, একেবারে দে ছুট!

নিজের অজ্ঞাতে ভালো লাগছে বাদল গাঙ্গুলি। কল খুলে দিলে যেমন বরঝরিয়ে জল পড়ে, এ মেয়ের হাসির উৎসে নাড়া পড়লে তেমনি বরঝরিয়ে হাসি ঝরে।

তোমাব সুন্দরী কেমন আছে?

আর একদিন আর এক জায়গায় এই একই প্রশ্ন করে যে জবাব পেয়েছিল বিলক্ষণ মনে আছে। আছে বলেই আজ আবারও জিজ্ঞাসা কবল।

সাহুনা যথার্থই লজ্জা পেল এবার।—তবু বলল, ওর ওপর আপনার খুব টান দেখছি।

যে টানা টানিয়েছিলে, টান হবে না?

আরক্ত হয়ে উঠল সাহুনা।—আমি কি জানতুম আপনি চিফ ইঞ্জিনিয়ার এখানকার?

জানলে কি করতে?

শালুট-ট্যালুট করতাম বোধ হয়।

গোরু ছুটে যেতে যেভাবে হুমড়ি খেয়ে পড়েছিল, দৃশ্যটা মনে পড়ে গেল বাদল গাঙ্গুলির। সে কথা বলে লজ্জা না দিয়ে বলল, কিন্তু তার পরেও তো অনেকবার দেখা হয়েছে, পরোয়া কর নি তো?

অল্পান বদনে উন্টো জবাব দিল এবার। আমি পরোয়া করতে যাব কেন, আমি আপনার চাকরি করি?

বাদল গাঙ্গুলি হাসছে।

ঘরের আলোয় বাইরের দিকটা এতক্ষণ লক্ষ্য করে নি কেউ। অধ্যবসায়ী ছাত্রের দুরূহ কোন আঁকের ফল মিলে গেলে যেমন হয় তেমনি একটা তৃপ্তির আশ্বাসন নিয়ে সাহুনা উঠে জানালার ধারে জল খেয়েছে কিনা দেখল। জিব কান্ধে বলল, এই ষা, জল কখন ছেড়ে গেছে, বাবা দেবে'খন, আমি চলি—

বাড়ি'কিরিয়ে বাদল গাঙ্গুলিও তাকালো বাইরের দিকে। সন্ধ্যার ঘন ছায়া নেমেছে। বলল, নিখুঁত ভেকে দিই, সে সঙ্গে থাক।

অঙ্কুট হেসে উঠল সাহুনা, জল নেই, জলোয়ার নেই নিধিরাম সর্দার—

নিধুকে ডাকতে হবে না, আমি একাই যেতে পারব।

লঘু চরণে ঘর থেকে দ্রুত নিক্রান্ত হয়ে গেল।...বাদল গাঙ্গুলি চূপচাপ বসে।
রাত্রিচেরা বিদ্যুৎবলকে বিবরাশ্রয়ীদের সাড়া পেয়ে হঠাৎ সচেতন হ'ল যেন।
এ বিশ্বস্তি চায় নি, চায়ও না। চোখ দুটো আবার শুকনো ধরধরে হয়ে উঠতে
লাগল আগের মতোই।

কিন্তু ভবু ঘরের আলোটা এখন নিশ্চয় লাগছে কেমন।

চিফ ইঞ্জিনিয়ারের কোয়ার্টার থেকে সাঙ্ঘনা বেরিয়ে এলো বিজয়িনীর মতোই।
অন্ততুষ্টিতে ভরপুর। কাউকে বলা যাবে না, নরেনবাবুকেও না।...বলতে
পারলে কিন্তু বেশ হ'ত। কলের মাছুষ নাকি! কলের মাছুষের কলকব্জাগুলো
একটু নাড়াচাড়া করে দেখে আসতে পারে বোধ হয় ইচ্ছে করলে।

কিন্তু মেন কোয়ার্টারস-এর বাঁধানো রাস্তায় এসে দাঁড়াতেই সমস্ত নারী-
বিক্রম ঠাণ্ডা। কোয়ার্টার থেকে পঁচিশ-তিরিশ গজ দূরে রাস্তার আলোর নীচে
দাঁড়িয়ে রণবীর ঘোষ কথা বলছে নিধুর সঙ্গে। মড়াইয়ের সোশাইটি বলতে মেন
কোয়ার্টারস। দেখা এখানে সকলের সঙ্গেই হতে পারে। কিন্তু জলঝরা রাস্তায়
লোকজন নেই আজ, এখানে এ সময়ে নিধুর সঙ্গে কথা বলাটা শুধুই যোগাযোগ
নয় নিশ্চয়। সেই বাদনা উৎসবের পর এই ক'মাসের মধ্যে লোকটাকে আর
সামনাসামনি দেখে নি সাঙ্ঘনা।

মুহুর্তে কর্তব্য স্থির করে নিল। সোজা নিধুর সামনে এসে থমকে দাঁড়িয়ে
অশ্রুশাঁসনের হুরে বলল, তুমি এখানে আর ওদিকে ডেকে সারা এতক্ষণ।
আমাকে পৌঁছে দেবে চলো।

কিন্তু নিধুর মনে রয়েছে অল্প চিন্তা। বলে উঠল, এই যাঃ, তুমি চলে এলে
দ্বিগমিণি, তোমার খাবার যে রান্নাঘরে ঢাকা পড়ে থাকল! আমি অপেক্ষে করে
করে ভাবছিলাম ..

তুমি আসবে না দাঁড়িয়ে দাঁড়িয়ে বক্বক করবে? যথার্থ রেগে উঠল সাঙ্ঘনা।

নিধু হকচকিয়ে গেল। সাঙ্ঘনা জরুজ্ঞপ করুক বা না করুক, রণবীর ঘোষ
নিজে থেকেই অমায়িক হেসে বললে, আপনার যাবার তাড়ায় বেচারীর
দরদরুঁকু মাঠে মারা গেল, খবর সব ভালো তো?

জবাব না দিয়ে সাঙ্ঘনা পলকের জন্য শুধু মুখ তুলে তাকালো একবার।
সেই হাসি ভেজানো বক্ববক্কে মুখ আর চকচকে চোখ। বিগত গোলযোগের
আঁচ লেগেছে কোথাও মনে, না, একটুও বদলায় নি।

পা বাড়ানোর আগেই দ্বিতীয় দফা বাক-নিঃসরণ হ'ল রণবীর ঘোষের।—

সেই দু মাস আগে আমার গো-ডাউন দেখতে যাবেন বলেছিলেন, এতদিনের মধ্যে কই একবারও গেলেন না তো ?

আপনার গো-ডাউন এখনো আছে নাকি ?

বলবে ভাবে নি, বলতে চায়ও নি। মুখ দিয়ে আপনিই যেন বেরিয়ে গেল হঠাৎ। সচকিত হয়ে ডাকল, নিধু এসো—

সায়েরবকে বলে আসি দিদিমণি...

বলতে হবে না, এসো তুমি। ঝাঁঝিয়ে উঠে সাঙ্ঘনা হনহন করে এগিয়ে গেল।

রমণী-বিরাগে অনভ্যস্ত নিধুরাম শশব্যস্তে অনুসরণ করল তাকে। মনটাই ধারাপ হয়ে গেছে। দিদিমণি এ রকম বললে বলে নয়, নিজের হাতে সব করে না খেয়ে চলল বলে। বেচারীর দোষ নেই। জিজ্ঞাসা করতে এসেও মনিবের স্বরের আবহাওয়া দেখে রসভঙ্গ করতে মন সরে নি। বাবুর অমন হাসিমুখ দেখে নি অনেককাল।

সামনের বাক না পেরনো পর্যন্ত সাঙ্ঘনা আর এদিক ওদিক চাইতেও পারছে না। না তাকিয়েও পিছনে রণবীর ঘোষের দুই চোখ উপলব্ধি করতে পারছিল। নিধু পাশে আসতে জিজ্ঞাসা করল, লোকটা দাঁড়িয়ে আছে না তোমার বাবুর সঙ্গে দেখা করতে গেল ?

নিধু ঘাড় ফিরিয়ে দেখল একবার। বলল, দাঁড়িয়ে এদিকপানে চেয়ে আছেন। বাবুর সঙ্গে আজ আর দেখা করবেন না তো উনি।

সাঙ্ঘনা বলল, দেখা করবেন না তো তোমার সঙ্গে দাঁড়িয়ে এত কি কথা হচ্ছিল ?

যেন সে-ই মনিব নিধুর। নিধুর বক্তব্য, দেখা করার জন্য লোকটি অনেকক্ষণ অপেক্ষা করে শেষে ঠিক করেছে অত রাজে আর দেখা করবে না, আর একদিন আসবে।

জবাবদিহি শুনে আরো রেগে গেল।—অপেক্ষা করছিল তো তুমি তোমার বাবুকে খবর দাও নি কেন ?

তাই বা কি করে দেবে নিধু ! লোকটা যে নিষেধ করল, সাহেব দিদিমণির সঙ্গে গল্প করছে যখন আর বিরক্ত করে কাজ নেই, বাড়িতে কখন কি রকম ফুরসত থাকে সাহেবের, তাই জেনে নিচ্ছিল।

নিধুর আত্মসমর্থনে কিছুমাত্র খুশি না হয়ে নিজের মনে গজগজ করতে করতে এগোলো সাঙ্ঘনা।

নিধু মিথ্যে বলে নি খুব। তা বলে নির্জলা সত্যিও বলে নি একেবারে। দিদি-

মণির মেজাজ দেখে চেপে গেল। নইলে কথা উঠতে আরো অনেক কথাই বলে কেলোছে সে। দ্বিদিমণির কথা। যত বড় সাহেবই হও, দ্বিদিমণির সামনে সব জল। প্রকারান্তরে এ কথাটাই ঘুরিয়ে ফিরিয়ে বলেছে রণবীর ঘোষকে। তার পর দ্বিদিমণির রামার প্রশংসাও করেছে বৈকি। আর তাই যখন করল, সেবারের সেই 'টিপিনকার' বদলে দেওয়ার মজার খবরটাই বা না বলে পারে কি করে।

কিন্তু সাস্তনার মন থেকে রণবীর ঘোষ মুছে গেল একটু বাদেই। তার আগের অধ্যায়টুকুই জুড়ে বসল আবার। ...নরেনবাবু মিথ্যে বলে নি বোধ হয়। আসলে ওই মেয়েটাকে তুলতে পারে নি বলেই একটা শোকের অহকার চোখের সামনে সর্বদা জ্বিয়ে রাখতে চায় মামুমাটা। নইলে ও ছবিটা ওভাবে ওখানে থাকত না। থাকুক, সাস্তনার আপত্তি নেই। কিন্তু ঠুনকো এক নারী-বিষে জ্বলছে বলে নিঃশ্বাসে নিঃশ্বাসে একজন তার মানি চড়িয়ে সমস্ত মেয়ে জাতটাকে কালো করে দেখবে, সেখানেই যত আপত্তি। ওকে যেন তাদের সকলের অপমান। থেকে থেকে কেবলি মনে হতে লাগল, একটা কাজের মতো কাজ হয়েছে আজ। ওপর ওপর দেখতে গেলে কিছুই নয়, কি আর এমন বলে এসেছে কিন্তু মনের কারিগরী অস্ত্র রাস্তায়। ও যেন জানে, বলাটাই সব নয়। বলে হোক, না বলে হোক, ওই লোকটার ওই কালোর শোক কিছুক্ষণের জন্য অন্তত খুচিয়ে এসেছে।

নিধুকে আগেই বিদায় দিয়েছে। বাড়ি ঢুকে দেখে, বাবা চিন্তিত মুখে ঘরবার করছেন। দেখেই বলে উঠলেন, ঝড়জল দেখে বেরোস্ না, না কি—?

অপ্রস্তুত হয়েও জবাব দিল, জল এসে গেল তার আমি কি করব?

বিরস বদনে অবনীবাবু কাছে এসে হাত দিয়ে তার গা মাথা ভালো করে পরীক্ষা করে দেখলেন, ভিজছে কি না।

বেমন, ভিজেছে?

অবনীবাবু হেসে বললেন, না, খুব বাহাহুরি—সেই থেকে ভাবছি আমি, ছিল কোথায় তুই?

তোমার তো কাজ না থাকলেই ভাবা, রোসো এদিকের ব্যবস্থা দেখে আসি আগে।

সরে এলো সাস্তনা। ব্যবস্থার জন্ত নয়, ছিল কোথায় এতক্ষণ সেটাই এড়াতে চায়। কিন্তু কেন?

এই কেনটাই ভাবনা লাগছে না কেন জানি। নিজের পরিবর্তন জানে, উপলব্ধি করে। আগে হলে বাবার সামনে জাঁকিলে বসন্ত, ধলন্ত সব। আজ

বলতে পারল না। পারল না, কারণ জলটা হঠাৎ এসেছে বটে, কিন্তু বাঙ্গল গাঙ্গুলির বাড়িতে ওর বাওয়াটা আকস্মিক কিছু নয়। জলের স্বযোগে ভিতরের একটা আগ্রহ ওকে ঠেলে পাঠিয়েছে।

তিন চার দিন পরে বাড়ি ঢুকেই নরেন হৈ-টৈ করে উঠল প্রায়, তোমার ব্যাপারখানা কি বল তো! অমন একটা অ্যাডভেঞ্চার করে এলে অথচ আমাকে বলই নি কিছু?

শোনার সঙ্গে সঙ্গে মুখে এক ঝলক রক্ত নেমে এলো সান্ত্বনার। কাজের অছিলায় উঠে গিয়ে একটু বাদে ফিরে এলো আবার।—কি হয়েছে বুঝলাম না।

বুঝলে না? সেদিনের জলে কোথায় আটকে পড়েছিলে?

ও, এই কথা। সে আবার বলার মতো কি?

বলার মতো কি! জবাব শুনে নরেন আরো অবাক। যেন নিরীক্ষণী বলছে, ঝরার মতো কি।

যথাসম্ভব নিশ্চুপতা বজায় রেখে সান্ত্বনা সাদাসিধে ভাবেই জিজ্ঞাসা করল, কার কাছে শুনলেন?

নিধুরাম দি গ্রেট।

হাঁক ছেড়ে বাঁচল। ওর কথা ভুলেই গিয়েছিল। এবারে রাগও হ'ল বেশ। ঠেস দিয়ে বলল, নিধুরামের সঙ্গে খুব ভাব বুঝি আপনার?

খুব। নিধু হ'ল আমার দশ বছরের শাকরেল।

কান কুড়কুড় শেখে? হেসে উঠল। ঠাট্টা করতে পেরে নয়, প্রসঙ্গ চাপা দেবার জন্য।

অ্যাডভেঞ্চারের কথাটা চাপা পড়ে গেল ঠিকই। এর পরেও ও কিছু বলল না দেখে নরেনও তুলল না কথা। মনে একটা জিজ্ঞাসার আঁচড় পড়ল কি পড়ল না। ব্যাভিক্রমটুকুই উপলব্ধি করল শুধু। কিছুদিন ধরেই করছে। কথার ফাঁকে ফাঁকে ওকে লক্ষ্য করল অনেকবার।...উচ্ছলতা নয়, সম্প্রতি খুশির জোয়ারটা ওর ভিতরে এসে থেমে আছে যেন।

ভ্যামের সকলেই ব্যস্ত ইদানীং। আর একটা বছর ঘুরে আসছে। কাজের গতি লক্ষ্যের নিশানায় পৌঁছয় নি। নতুন বছরের ছক কাটা হচ্ছে। সম্ভাব্য মিটিং বসছে রোজই। আরো লোকজন আরো সাজসরঞ্জাম আরো তৎপরতা পাড়ানোর জমজমাট।

অবনীবাবুর বাড়ি কিরতে রাত হয় প্রায়ই। নরেনেরও ক'দিনের মধ্যে দেখা নেই। আগে এ ধরনের বাড়তি অবকাশে সাধুনা নিজেকে আরো বেশি করে বাইরে ছড়িয়ে দিত। কিন্তু পর পর ক'টা দিন বাড়ি বসেই কাটছে একরকম। বাইরের সঙ্গে নিজেকে মেলানোর অশান্ত তাগিদে ছেদ পড়েছে। বেশ লাগছে এই ভরা ভরা অলস মুহূর্তগুলো।

দিদিয়া।

হঠাৎ পা থেকে মাথা পর্যন্ত যেন কাঁটা দিয়ে উঠল সাধুনার। ভিতবেব দাঁড়ায় বসে বাইরের আলোর রংবদল দেখছিল চূপচাপ। উঠবে, আলো জ্বলবে, সফ্যে দেখাবে। আঁধার ঘনিজে আসছিল, কিন্তু উঠি উঠি করেও ওঠা হচ্ছিল না। এরই মধ্যে অনতিদূরে কোথায় চাপা গলার অতিপরিচিত ফিস ফিস ডাক শুনে সর্বাঙ্গ শিউরে উঠল। সহসা প্রেতের ডাক শুনল যেন।

ই দিদিয়া।

সাধুনার সারা অঙ্গে হিমশ্রোত বইছে একটা। নড়াচড়ার ক্ষমতা নেই। আকুল হয়ে বলতে চাইল, কোথায় রে, কোথায় তুই? ব্যাকুল নেত্রে এদিকে ওদিকে তাকাল শুধু।

দি-দি-য়া।

এক ঝটকায় উঠে দাঁড়াল এবার। হৃন্দরীর ঘরের দিক থেকে আসছে অশ্রুট কণ্ঠস্বর। এগিয়ে গেল। আড়ষ্ট কাঠ হয়ে দাঁড়িয়ে গেল তার পর। গোয়ালঘরের দেওয়াল ঘেঁষে অন্ধকারে আবছা মূর্তির মতো দাঁড়িয়ে আছে।

চাঁদমণি।

অশ্রুট হান্তধ্বনি।—আমাকে চেনতে পারিস লাই দিদিয়া?

সাধুনা সামলে নিয়েছে খানিকটা, মূহু গলায় ডাকল, আয়।

উবাসীর বাবু কথা?

নেই, আয়। হাত ধরে তাকে ভিতরের দাঁড়ায় নিয়ে এসে আলো জ্বলে দিল। তারপর আর মুখে কথা সরল না একটাও।

চাঁদমণি কিন্তু হাসছে। যেমন হাসতো আগে তেমন নয়, তবু হাসছে। সাধুনার আপাদমস্তক একবার চোখ বুলিয়ে নিয়ে বলল, তুকে একটোবার দেখতে আলাম, আরো অনেক সোল্লরপানা দেখতে লাগছে তুকে।

সোজাহজি সাধুনা ছাড়াতেও পারছে না। মড়াইয়ে চাঁদমণি বলে মেয়ে ছিল একটা পাগল সঙ্গী। অনেকদিন পর্যন্ত তার মূর্তি আর তার কথা সকলেরই মনে হয়েছে। অন্তত সাধুনার তো হয়েছে। কিন্তু সব সবেও প্রেতের প্রত্যাঘর্ষন

যেমন কাম্য নয়, তেমনি বিষয় এক অস্বস্তিতে তুচ্ছ হয়ে রইল যেন।...কালোর ওপর আলগা কালো ছাপ পড়েছে আর একটা, চলচলে প্রাচুর্যে শুকনো টান ধরেছে, যে কালো চোখ কারণে অকারণে জ্বলতে দেখেছে কতবার, তার নিচে যেন কালো দীঘির ছায়া। চকচকে মুখে পক্ষ নির্ঘাতনেব কক্ষতা, আর... আর...মেয়েটা একলা নয় এখন, ওর দিকে তাকালেই সেই অনাগত সম্ভাবনাটা চোখে পড়ে।

চাঁদমণি দাঁওয়ার ওপরে বসল।

সাস্ত্রনা দাঁড়িয়ে তেমনি। কি করবে, কি বলবে বুঝে উঠছে না। কেন এলো মেয়েটা। এলো যদি, এমন লুকিয়ে তাব কাছেই বা এলো কেন! অশ্রুট প্রশ্ন করল, এতদিন ছিলি কোথায় তুই?

ছেলাম? হাসিতে দাঁতগুলি আগেব মতো ঝকঝকিয়ে উঠল না আর।... ছেলাম—কেতো লয়া জায়গায় ছেলাম।

তোর বাবার সঙ্গে দেখা হয়েছে? সাস্ত্রনাও বসল আস্তে আস্তে।

সভয়ে চাঁদমণি কিবে তাকালে তার দিকে। বলল, উ দেখলে তো ভুঁয়ে পুঁতে ফেলাবে।

বেশ করবে, হঠাৎ রাগে দপ করে উঠল সাস্ত্রনা, আঁশবঁটি দিয়ে কুটবে তোকে, আমি খবর পাঠাচ্ছি তাকে।

চাঁদমণি অনেকক্ষণ শুধু চুপচাপ চেয়ে রইল তার দিকে। তারপর হাসল আবার। সেই হাসি দেখে গা আরও জ্বলে গেল সাস্ত্রনার, মড়ার হাসি-রোগ বায় নি এখনো। কিন্তু পর-মুহূর্তে হকচকিয়ে কাঠ হয়ে গেল একেবারে। সহসা উবুড় হয়ে তার দু পা আঁকড়ে ধরে মাথা গুঁজে পড়ে রইল চাঁদমণি। নড়ার ক্ষমতা নেই, সর্বাঙ্গ অবশ সাস্ত্রনার। এক পাহাড়প্রমাণ জমাট বেদনা যেন কেঁদে কেঁদে তার পায়ের ওপর গলিয়ে দিচ্ছে মেয়েটা।

নিম্পদ পুতুলের মতো বসে আছে সাস্ত্রনা। কিন্তু ওই কান্নার স্পর্শে চোখ দুটো তারও ভিজ়ে উঠেছে বার বার।

নিজেই উঠল চাঁদমণি। শান্ত হয়ে আঁচলে চোখ মুছে নিল অনেকক্ষণ ধরে। আবারও হাসল তারপর। জানাল, দিদিয়ার সঙ্গে ছাড়া আর কারও সঙ্গেই দেখা করতে সাহস করে নি। দিদিয়ার ও ক্ষতি করতে চেয়েছে কতবার, তবু। ও চলে যাচ্ছে, এখান থেকে অনেক দূর চলে যাচ্ছে, আর কোনদিন দেখা হবে না কারও সঙ্গে, কিন্তু সকলকে একবারটি দেখতে ইচ্ছে করে খুব—সকলকে আর কি করে দেখবে, লুকিয়ে লুকিয়ে শুধু বাবাকে দেখবে একবার, দেখে চলে যাবে।

কোথায় যাবি? কার সঙ্গে যাবে, সে প্রশ্ন আর মুখে এলো না।

কে জানে কোথায় যাবে। কে জানে কতদূর নিয়ে যাবে তাকে। বাবাকে একবার দেখা হলেই যেখানে হোক যাবে, আজ ক'দিন ধরে চেষ্টা করছে তাকে লুকিয়ে দেখতে, কিন্তু মড়াইয়ে ভেঁা আর যেতে পারে না, গাঁয়ের দিকে গেলেও সকলে চিনে ফেলবে। দিদিয়া কি আর বাবাকে দেখেছে? ক'দিন দেখেছে? কোথায় দেখেছে?

আবার উচ্চ হয়ে উঠছে সাঙ্ঘনা। সেই নিম্ন বিচারেব মহড়া ভেসে উঠল। কি না হতে পারত। নিজের জীবনের প্রতি ক্রক্ষেপ না করে যে লোকটা এত বড় বিপর্যয়ের হাত থেকে রক্ষা করল তার বাবাকে, তার প্রসঙ্গ আভাসেও জিজ্ঞাসা করল না একবার। সাঙ্ঘনা নীরস কণ্ঠে বলে উঠল, নিজের দেশ ছেড়ে সকলকে ছেড়ে ওই জমাদার লোকটাই বেশি হ'ল যখন, তখন আবার দরদর কিসের এত?

কোন জমাদার? বাহাদুর? হঠাৎ চাঁদমণির দুই চোখ জলন্ত অন্ধারের মতো ধক্ ধক্ করে জলে উঠল। যেমন মড়াইয়ে জলত আগে। চেয়ে রইল সাঙ্ঘনার দিকে। শুধু ওকে নয়, ওর ভিতর দিয়ে সকলের ধারণাটাই উপলব্ধি করে নিজে চাইলে বোধ হয়। তারপর আস্তে আস্তে নিবে গেল আবার। শান্ত হ'ল। ঠাণ্ডা জবাব দিল, বাহাদুর নয়।

সঙ্গে সঙ্গে তড়িৎস্পৃষ্টের মতো একটা ঝাঁকুনি খেলো সাঙ্ঘনা। বাহাদুর নয়। বাহাদুর না হলে যে আর কে সেটা বুঝতে এক মুহূর্ত দেরি হ'ল না তার।

চাঁদমণি জানাল, সেই থেকে কলকাতায় ঘোষবাবুর আড়তে কাজ করছে বাহাদুর। ঘোষবাবু অনেক টাকা দিয়েছে তাকে, আরো দেবে। টাকার লোভে বাহাদুর ওকে দেশে নিয়ে যেতে রাজী হয়েছে, বলেছে বিয়ে করবে। কিন্তু বিয়ে করবে না চাঁদমণি জানে, কেউ করে না...কিন্তু যেতেই যখন হবে কোথাও, ভয়ডর নেই আর, ওর সঙ্গেই যাবে।

মুখ তুলে সাঙ্ঘনা চাইতেও পারছে না আর। নির্বাক, বিমূঢ়, অধোবদন।

অনেকক্ষণ চুপচাপ বসে থেকে চাঁদমণি উঠে দাঁড়াল একসময়। বলল, যাবার আগে পারলে দিদিয়ার সঙ্গে আর একবার দেখা করে যাবে।

তবু একটি কথাও বলতে পারল না সাঙ্ঘনা। মুখ ফুটে একবার জিজ্ঞাসাও করতে পারল না, কোথায় ঝাচ্ছে এখন ও, কোথায় থাকবে।

দিদিয়া—

তাক শুনে এবারে চমকে তাকালো ওর দিকে। কিছু একটা বলবে চাঁদমণি,

স্থিরনেত্রে দেখছে তাকে, চোখ দুটো চকচক করছে প্রায় আগের মতোই।

হঠাৎ অশ্রুট কণ্ঠে একটু হেসে উঠল চাঁদমণি। বলল, দিদিয়া, আশুন তুকে আরো ঢের ঢের সোন্দর দেখতে লাগছে। তু টুকচি সামলে চলিস, বোরলি ?

পিছনের গোরু ঢোকা সরু পথ দিয়ে নিষ্ক্রান্ত হয়ে গেল।

সাম্বনা স্থাগুর মতো বসে আছে তেমনি। কতক্ষণ ঠিক নেই। আজ বুঝতে পারছে, অনেক কিছুই বুঝতে পারছে। কেন মড়াইয়ে রণবীর ঘোষের সঙ্গে প্রথম দিন ওকে দেখে অগ্নিদৃষ্টিতে ভস্ম করে ফেলতে চাইছিল চাঁদমণি, বুঝতে পারছে। বুঝতে পারছে, কেন আদিম ঈর্ষায় বাদনা উৎসবে ওই মেয়ে ক্ষতবিক্ষত করতে চেয়েছিল ওকে। আর বুঝতে পারছে, শাল মহয়ার ধারে কোন্ প্রতীক্ষায় জিপ নিয়ে দাঁড়িয়ে থাকত রণবীর ঘোষ।

কিন্তু আজ ওর কাছেই এলো কেন চাঁদমণি ? এলো কোন্ বিশ্বাসে ? সহানুভূতির জন্তে নয়, নালিশ জানাতে নয়। শুধু ওর বাবাকে দেখার ইচ্ছেয় এসে থাকলে তাকে দেখেই ফিরে যেত। এত বড় মর্মঘাতী বেদনা নিয়ে ওর কাছে আসত না। এসেছে শুধু এই জন্ত, এসেছে শুধু এই শেষের কথাটি বলে যেতে। এসেছে নারীমাংসলোলুপ এক পুরুষদানবের গম্ভীর ওকে সচেতন করে দিয়ে যেতে।

মড়াইয়ের বাতাস পর্যন্ত হুঃসহ বিধ্বস্ত হয়ে উঠল যেন। কিছু ভালো লাগছে না, কিছু না। কাউকে বলবে কিছু ? কি বলবে ?

এক এক করে তিন চার দিন কেটে গেল।

অধীর আগ্রহ। হুক হুক প্রতীক্ষা, চাঁদমণি আবার একদিন আসবে বলে গেছে। সন্ধ্যায় বাড়ি ছেড়ে এক মুহূর্তের জন্ত বেরুতে পারে না। নরেন বা তার বাবা সেই সময় বাড়ি থাকলেও অধীর হয়ে ওঠে।

অস্থিরতা বাড়ে। দুপুর হতে সোজা মড়াইয়ে চলে এলো সেদিন। পাগল সর্দারের দেখা পেল না। প্রায়ই কামাই করে আজকাল। কিন্তু সেদিন আরো একটা লোককে দেখল না সাম্বনা। দাঁড়িয়ে দাঁড়িয়ে কাছে দূরে সর্বত্র খুঁজল। হোপুন। অক্লান্ত নির্মম যান্ত্রিক আঘাতে শক্ত কঠিন পাথুরে মাটির বুকে শুধু কতচিহ্ন আঁকে যে।

ফিরে চলল আবার। কোনো উদ্দেশ্য নিয়ে আসে নি পাগল সর্দারের সঙ্গে দেখা করতে। কিন্তু অষ্টগ্রহের যাতনার সঙ্গে একটা ভীতিও মিশে আছে কেমন।

বাড়িতেই পাওয়া গেল সর্দারকে। মাটির ঘরের মেঝেয় বসে পাতার নলে

তামাক খাচ্ছে। অদূরে হোপুনও চুপচাপ বসে।

‘আই রে দিদিয়া’, ‘আয় আয়! মহা খুশি হয়ে পাগল সর্দার তামাক খাওয়া বন্ধ করে হাত বাড়িয়ে একটা মোড়া টেনে বসতে দিল তাকে।—বসো দিদিয়া, আজ সোমকাল হতে তুকে ভাবতে ছেলাম, অনেক দিন দেখি লাই।

দ্বিতীয় মাল্হুটার উপস্থিতি বরাবরই অস্বস্তির কারণ সাঙ্ঘন্যার। ও যে এসেছে সেটা যেন টেরই পায় নি লোকটা। তবু পাগল সর্দারের খুশির আপ্যায়নে ভিতরের একটা দুর্বর বোঝা যেন হালকা হয়ে গেল অনেকটা। মোড়াটা তার কাছে টেনে বসে অন্তরঙ্গ জুটুটি করে বলল, বাড়ি বসে থাকলে দেখবে কি করে, কাজে যাও নি কেন আজ?

শরীলটা আরাম দেল না, জর আসল ভাবলাম—

তোমার তো রোজই জর আসছে আজকাল। জর এলে কেউ খালি গায়ে বসে থাকে? কপালে পিঠে হাত দিয়ে তার গা পরীক্ষা করল সাঙ্ঘনা।—কোথায় জর, গা তো ঠাণ্ডা পাথর! তুমি বড় শুধু শুধু কামাই কর আজকাল।

ওর হাতের এই স্পর্শ আর অশুশাসন সমস্ত বুক দিয়ে অশুভব করে নিল সর্দার। তার পর হেসে তাকাল হোপুনের দিকে, বলল, উকেও জর লেগেছে, আমো সত্তে দু’দিন কামাই দেল—জরপানা মুক্তিটা দেখে লে দিদিয়া!

সত্যিই এবার না তাকিয়ে পারল না সাঙ্ঘনা, আর হেসেও ফেলল। ওর ভিতরকার ঠাণ্ডার আঁচ দশ হাত দূর থেকেও উপলব্ধি করা যায়। মুখ তুলে হোপুন দু’জনের দিকেই তাকালো। তারপর উঠে আস্তে আস্তে বেরিয়ে গেল ঘর থেকে। প্রায় আগের মতোই, কোন তারতম্য নেই।...একদিন শুধু অগ্নরকম দেখেছিল। চাঁদমণির সঙ্গে সেই পাহাড়ের নির্জনে...

পাগল সর্দার কি বলে চলেছে ঠিক যেন কানে যাচ্ছে না, তার মুখের দিকেই চেয়ে আছে সাঙ্ঘনা। ক’টা মাসে সর্দারের বয়স যেন দ্বিগুণ বেড়ে গেছে। কালো মুখে নিশ্চিন্ত জরা নেমেছে একটা। পাগল সর্দার বুড়িয়ে গেছে।

আস্তে আস্তে জিজ্ঞাসা করল, চাঁদমণির খবর কিছ পেল সর্দার?

এক মুহূর্ত। সর্বাঙ্গের স্ববিরতা মুহূর্তে বিলীন হয়ে গেল বুঝি। কীপহুতি চোখের কোটরে লক্ষ্যভ্রষ্ট ব্যাখ্যার জুর পরিতাপ চিকচিকিয়ে উঠল। সময় লাগল সামলে নিতে। অবসাদাচ্ছন্ন মূহু জবাব দিল তার পর, উ আনুসারী লাম তু আর ইথেনে লিঙ্গিয়া দিদিয়া—

নাম আর নের নি সাঙ্ঘনা। যা বোঝবার ওটুহুতেই বুদ্ধে নিয়েছে।

বাইরের দিকে চোখ পড়তে ব্যস্ত হয়ে উঠল বিকেলের আলো কমে আসছে।
চাঁদমণি যদি আসে...এসে যদি ফিরে যায়।

আর বসতে পারল না এক মুহূর্তও। ভিতর থেকে কিছু যেন ওকে তাড়িয়ে
নিয়ে চলল বাড়ির দিকে।

কিছু দিন যায়, চাঁদমণি এলো না।

হোপুন আর পাগল সর্দারের ক্ষতি কিছুতে আর বড় করে দেখতে পারছে
না সান্ত্বনা। রাগ হয় ওর বাবার ওপর, কেন এতদিন বিয়ে দেয় নি। রাগ
হয় হোপুনের ওপর, কেন জোর করেই বিয়ে করে নি এতদিন! নিদারুণ ভয়ে
নিজের বাবার কাছে গিয়েও দাঁড়াতে পারে নি মেয়েটা। শুধু ওকে বিশ্বাস
করেছে, ওর কাছে এসেছে। আশ্চর্য। কিন্তু আবার এলে বলে দেবে, তোর
বাবাকে দেখে কাজ নেই চাঁদমণি, তুই পালা শিগগির, যেখানে হোক পালা।
কিন্তু পালাবেই বা কোথায়, এত বড় পৃথিবীতে কোথাও আর আশ্রয় নেই...।
বীভৎস শকুনির ছায়া নেমেছে ওর জীবনে।

ধড়কড় করে ওঠে সান্ত্বনার বৃকের ভিতরটা। কাঁপুনি ধরে সর্বান্নে। দিনে
অস্বস্তি। রাতে ঘুম নেই। সেই পা-ভেজানো কান্নার স্পর্শ ভুলতে পারছে না
কিছুতে, চোখের কোণে এসে জমছে। মন বলছে চাঁদমণি আর আসবে না। যে
জন্মে এসেছিল বলে গেছে। তবু সন্ধ্যার ছায়া নামার সঙ্গে সঙ্গে উতলা হয়ে ওঠে।
অন্ধকার গাঢ়তর হতে নিজের অজ্ঞাতে আনাচে কানাচে চকিত দৃষ্টি নিক্ষেপ করে
এক একবার। কোথায় বুঝি কালো মেয়ের কালো ছায়া পড়ে একটা। উৎকর্ণ,
কখন বুঝি ভীত ত্রস্ত কিস কিস ডাক কানে আসে চাঁদমণির, দিদিয়া! ই-দিদিয়া!

—দশ—

কনট্রাক্টার ঘোষ-চাকলাদার যেমনটি আশা করেছিল, তেমনি হ'ল না।

ক্রমশ ভিতরে ভিতরে একটু উতলা হতে থাকল তারা। রণবীর ঘোষ না
হোক স্বিভেন চাকলাদার বটেই। সন্তোহে হুঁতিনবার পালা করে হেড অফিসে
আনাগোনা করছে। আশ্বাস পাচ্ছে না এমন নয়। কিন্তু সেটা খুব জোরাল
লাগছে না এখন। চড়া মাতলে এমন নিম্নত আশ্বাস সর্বত্র মেলে। হেড
অফিস থেকে লেখালেখি চলছে। এখান থেকেও জবাব বাচ্ছে। এই মামুলী
অফিসি চালের রীতি জানে।

নিরুপায় বিক্ষোভ আর অসহিষ্ণু প্রতীক। এ ছাড়া পথও নেই আর।

ইচ্ছে করলেই একটা শোরগোল তুলতে পারে তারা, হেস্তনেস্ত করতে পারে। কিন্তু তাতে করে যে জালে জড়িয়েছে, সেটা আরো জটিল হয়ে পড়ার সম্ভাবনা। যাতে যেতে অভ্যস্ত নয় বলেই প্রথম গর্জে উঠেছিল। কিন্তু তলিয়ে দেখার সঙ্গে সঙ্গে কঁকড়ে গেল একটু। অনবধানে ওই ঘা সুদূরখাতী হতে পারে। কারণ সন্দেহের দায়ে কন্ট্রাস্টারি বাতিল করাটাই শেষ অস্ত্র নয় চিক ইঞ্জিনিয়ারের হাতে। অপটু চালে তাকে ঝাঁটাতে গেলে যে ব্যবস্থায় এগোতে পারে সে, তার রাস্তা সোজাহুজি গারদের দিকে।

অবশ্য এ ধরনের ভাবনা শুধু দ্বিজেন চাকলাদারেরই। রণবীর ঘোষ অত ভাবে না। ভেজালের দায় তারও জানা আছে। কিন্তু সেই সঙ্গে টাকার যাদুও জানা আছে। তা ছাড়া গো-ডাউনে এখনো আর ভেজাল নিয়ে বসে নেই সে। তার প্রতিদ্বন্দ্বী চৌকস হলে গো-ডাউনে পাহারা বসাতো সর্বাগ্রে। তবু চুপ করে আছে সেও। কারণ, ব্লকের সেই কাটলটা তো এখনো ঠাঁ করেই আছে তেমনি। চালে ভুল হলে ওটা যা গ্রাস করেছে, তার থেকে অনেক বেশি উগরে দিতে পারে।

গো-ডাউনে বালুর পাহাড়, পাথর-কুঁচির পাহাড় আর সিমেন্ট-বস্তার পাহাড়গুলো যেন নিঃশব্দ অনাদরের বোঝা বইছে একটা। বির্রাট অপচয়ের সম্ভাবনায় স্তব্ধ। বোঝা নিঃশ্বাস ছাড়ছে যেন। সর্বত্র পরিত্যক্ত শূন্য অস্থূতি একটা। কর্মতৎপরতার সাড়াশব্দ নেই কোথাও। রণবীর ঘোষ সেখানে এসে দাঁড়ায় এক-এক সময়। দুর্জয় ক্রোধে দেহের প্রতি রক্ত ভরাট হতে থাকে।

চিঠি পড়ছে। কলকাতার আড়ত থেকে চিঠি। নতুন বারতা কিছু নেই। হেড অফিসের প্রীতিবদ্ধ শুভামুখ্যারীদের নির্দেশ, চিক ইঞ্জিনিয়ার নরম না হলে তদবির তদারক করে বিশেষ হুবিধে হচ্ছে না। অতএব, ইত্যাদি।

অক্ষুট কটুক্তি করে বসে বসে পাইপ টানতে লাগল। তেলতেলে মুখে লালচে আভা। দ্বিজেন চাকলাদারও চিঠি পড়ে ভুরু কঁোচকালো। চিঠিখানা আবার ছুঁড়ে ফেলে দিল তার সামনে।

পাইপ মুখে রণবীর ঘোষ অনেকটা যেন নিজের মনেই বলল, চিক ইঞ্জিনিয়ারকে নরম করবার পরামর্শ দিয়েছে।

বিরক্ত মুখে দ্বিজেন চাকলাদার জবাব দিল, তা তো দিয়েছে, কিন্তু লোকটা যে নিরেট পাথর একখানা, তাকে নরম করবেন কি করে?

ঠিক কানে গেল না বোঝ হয়। অথবা শুনেও শুনল না। ঘোষ ভাবছে কিছু। আর পাইপ টানছে। অনেকক্ষণ বাঁধে বলল, কিন্তু সেরকম চোঁও তো করি নি।

লোকটার এ ধরনের ভাব ব্যতিক্রম চেনে দ্বিজেন চাকলাদার। মগজের নতুন কিছু মতলব এসেছে বা আসছে। ও মগজের প্রতি আস্থাও প্রচুর। অবশ্য যদি সেটা নারী-বিবর্জিত পথে চলে। মুশকিল আসানের জ্ঞান পেল যেন।

নিজের অজ্ঞাতে চিঠিটা দুই হাতের চেটোয় তালগোল পাকিয়ে কেলেছে রণবীর ঘোষ। তালগোল পাকিয়ে চলেছে আরো। সামনে দেয়ালের গায়ে একটা টিকটিকি আটকে আছে স্থাণুর মতো। চোখ পড়ল। নিশানা করল। ছুঁড়ে মাবল ঠক করে। ঢাপ করে শব্দ হ'ল একটা। টিকটিকিটা মাটিতে পড়ল। গায়ে লাগে নি, আচম্কা আক্রান্ত হয়ে খাবা ফসকেছে।

সেই এক কথাই বলল আবার রণবীর ঘোষ, সে রকম চেঁচাও তো করি নি আমরা তাকে নরম করার, কবেছি?

জবাবের প্রত্যাশায় নয়। নিজের মনেই পর্যালোচনা করছে কিছু। ভুল হয়েছে বৈকি। স্থপারিশ কবতে গিয়েও উপেক্ষা দেখিয়ে এসেছিল। নত হয় নি বরং একটা চ্যালেঞ্জ ছুঁড়ে এসেছে। গোড়ায় গোড়ায় হ'ত না এমন ভুল। ভিতরের দস্ত বিনয়ের আচে তরল করে নিতে পারত যখন তখন। মর্যাদার শিখরে বসে ডায়ের ওই অল্পবয়সী ওপর অলাটিকে প্রতিদ্বন্দ্বীর সম্মান না দিয়ে ভুল করেছে। নইলে কন্দিফিকির জানে বৈকি। পাথর নরম করারও কন্দিফিকির জানে।

এবারে মনভিজানো আবেদন নয় আর। নিরভিমান সমর্পণ। সেও লক্ষ্যস্থলে নয় সরাসরি। মাটি চুঁইয়ে শিকড়ে পৌঁছানোর মতো এই সমর্পণের ধারাও চিক ইঞ্জিনিয়ারের দরবারে পেশ করল নরেন চৌধুরীর মারফৎ। বলল, ফাঁসির আসামীও নিজের হয়ে দুটো কথা বলতে চায়, আমরা কি তাও পাব না?

বিত্রস্ত বোধ করল নরেন চৌধুরী। মাসের পর মাস এরকম নিরুপদ্রবে কেটে যাবে ভাবে নি। উতলা ভাবটা একেবারে যায় নি তবু। স্বচ্ছ জলের নিচে খানিকটা পঙ্কিলতা জমে থাকার মতো এই অনাবিল কর্মস্রোতের তলায় তলায় একটা গোলযোগের আশঙ্কা খিত্তিয়ে আছে সেই থেকে। কখন বুঝি ঘুলিয়ে ওঠে। কিন্তু তার বললে ক'মাসের এই শাস্ত প্রতীক্ষা আর তার পর এই নতি স্বীকার।

এতটা আশা করে নি নরেন চৌধুরী। আশা করে নি বলেই আবেদনও বখাস্থানে পৌঁছল।

সময় অনেক তোলায়। কোন রকম বাধা না পেয়ে চিক ইঞ্জিনিয়ারের সেই রুহতা গেছে। তা ছাড়া মেজাজও অপেক্ষাকৃত ঠাণ্ডা আজকাল। জবাব দিল, কিন্তু আমি আর কি করতে পারি বলো?

নরেন বলল, কি বলতে চায় শুনতে বাধা কি। গোড়ার দিকে লোকটা উপকারই করেছিল। এ ব্যাপারে শাস্তিও যথেষ্ট হয়েছে—এর পর কিছু করা সম্ভব হলে করবে, নয়তো সেটাই বুঝিয়ে বলে দেবে।...কার ভিতরে কি আছে বাইরে থেকে বোঝা শক্ত, দেখেই না কি বলে।

বাদল গাঙ্গুলি আপত্তি করে নি আর। দিন স্থির করে নরেন রণবীর ঘোমকে জানিয়ে দিল।

শুনে মনে মনে আর একদফা কটু ক্তি বর্ষণ করল রণবীর ঘোষ নিজের উদ্দেশ্যে। স্থল দস্তের বশে মিথ্যেই এই ক'টা মাস এভাবে নষ্ট। যেখানে মাটি তেতে আছে সেখানে জল না ঢেলে ছুটল কি না ঠাণ্ডা হেড অফিসকে আরো ঠাণ্ডা করতে।

দিনে দিনে খুশির মাত্রা বাড়ছে নরেন চৌধুরীর। নিজেরই ভিতরে কোথায় যেন অনেকদিন ধরে একটা খুশির আলো জ্বলে বসে আছে সে। মনের আনাচে কানাচে সর্বত্র খুশির ঝলক। বাদে শুধু সেই খুশি প্রদীপের নিচটুকু। সেখানে কি যেন এক আলো-আঁধারি সংশয়।

কিন্তু মাহুঘটাই ভিন্ন ধাতুতে গড়া। ভাবনাশূন্য উচ্ছলতায় ভরপুর। যদিকে তাকালে সংশয় সেদিকে তাকিও না। ঠিক সময়ে ঠিক লগ্নটির প্রতীক্ষা করো শুধু।

গোড়ায় গোড়ায় কি মড়াই ভালো লেগেছিল এত? কাজের হাওয়ায় প্রজাপতির মতো এমন পাখা মেলেছে মন? কি জানি। কিন্তু এখন ভালো লাগার মাত্রাটা প্রায় চূর্বহ হয়ে ওঠে এক-একদিন। মড়াইয়ের ওধারে ধূসর পাহাড়ের কোল ঘেঁষে যখন সূর্য ওঠে তখন থেকে শুরু হয় ভালো লাগা। বেলা বাড়ার সঙ্গে সঙ্গে মড়াইয়ের জল বাঁধার কর্মস্রোতে মিশে থাকে সেই ভর-ভরতি ভালো লাগার উদ্দীপনা। বিকেলে যখন গলানো সূর্যের রঙ আটকে থাকে পাহাড়ী মেঘের কাটলে কাটলে, ওর ভালো লাগার সঙ্গে তখনকার সেই রঙটাও তারি মেলে যেন। তার পরে ভালো লাগে মড়াইয়ের আকাশ আর মড়াইয়ের বাতাস আর মড়াইয়ের সমাহিত পাহাড় আর মড়াইয়ের তমসিনী রাত্রি।

যে লয়ের প্রত্যাশা আর প্রতীক্ষা, তার আভাস এখন মনোগোচর খানিকটা। অস্তিত্ব সেই রকমই ধারণা। চোখের সামনে এক মেয়ের পরিবর্তন লক্ষ্য করেছে একটুখানি। কয়েকটা প্রথম উপলব্ধি করেছে পাগল সর্দারের বাদমা উৎসবের নেমন্তন্ন রাখতে স্মিত। তার পর কেবল গায়ে পাহাড়ের ওপর সেই পাখরটায় বসে। তার পর অনেকদিন। চেতনার আলোয় হঠাৎ থমকে

যাওয়ার মতো সেই পরিবর্তন। তার পর থেকে একটু যেন ব্যবধান বাড়ছে, একটু যেন আড়ালে রাখছে, একটু যেন আগলে রাখছে। নরেন নোকে। বুকেও না বোঝার ভান করে। নিজেকে দেখছে দেখক। ওই দেখাটাই লগের নুচনা।

কি ব্যাপার! দিক্বিদিক ভুলে অমন হন্ হন্ করে চলেছেন কোথায়?

সামনের বড় পাথরটার আড়ালে ঝরনা একটা শুকনো গাছের ডাল দিয়ে পাহাড়েব দেয়াল থেকে পাহাড়ী ফুল চয়নের চেষ্টা করছিল। পাথরটার পাশ কাটিয়ে নরেন আর তাকায় নি বলেই দেখতে পায় নি।

ঝরনা হেসে উঠল খিলখিল করে। হাতের শুকনো ডাল ফেলে এগিয়ে এলো। সোনালি ফ্রেমের পুরু লেন্সের ওধারে দুই সাদাটে চোখে কোঁতুক উপচে তুলে বলল, দিলাম তো বাধা? চলেছেন কোথায় এভাবে?

ঝরনার হাসি আর সপ্রগল্ভ কোঁতুক নরেন চৌধুরীর ভালো লাগে নি প্রথম থেকেই। অনেক দিন দেখা হয়েছে, অনেক দিন হালকা আলাপ করেছে। ঝরনা কথা বলেছে অনর্গল আর হেসেছে অজস্র। কিন্তু নরেনের মনে হয়েছে মেয়েটা কোথায় যেন ঠিক স্নহ নয় খুব। সেই অস্নহতা কয় করার চেষ্টা তার এই হাসিখুশিতে আর চলনে বলনে। সেটা স্বভাবসম্মিত নয় বলেই পানিক বাদে উজাড় করা শূন্যপাত্রের মতই রিক্ত দেখায় ওকে।

জবাব এড়িয়ে নরেন ঠাট্টা করল, পাথরের আড়ালে গা-ঢাকা দিয়ে ফুল চুরি করছেন, দেখব কি করে?

হায় রে কপাল! ঝরনা বড়সড় দীর্ঘনিশ্বাস ফেলল একটা, যান কোথায় যাচ্ছেন, এর পর এত বড় রাস্তাটাই হয়তো গা-ঢাকা দিয়েছে মনে হবে।

যা বললে খুশি হবে জানে, এর পর তাই বলল নরেন।—আপনি আছেন, এতটা নাও মনে হতে পারে।

ঝরঝরিয়ে হেসে উঠল ঝরনা। নরেন জানতো হাসবে। এমনি হাসতে হাসতে হঠাৎ এক সময় হাসি যেন ফুরিয়ে যাবে মেয়েটার। পুরু লেন্সের ভিতর দিয়ে পেউলে হাসির আভাষ তবু চিকচিক করবে চোখের কোণ দুটো। সচকিত হয়ে সোজা প্রশ্নান করবে তার পর।

হাসির মধ্যেই ঝরনা ভেবে নিল বোধ হয় কিছু। জিজ্ঞাসা করল, সত্যিই যাচ্ছেন কোথায়?

অবনীবাবুর কাছে। নরেন গভীর মুখেই জবাব দিল।

ঝরনা বলল, তাহলে অ্যাবাউট-টার্ন করুন, যেন কোয়ার্টার্স-এর দ্বারা ধরে আবার মাক ঘরাবর হেঁটে বান সোজা—আমি পেন্ট হাউসের দিকে দেখে

এসেছি তাঁকে ।

নরেন বেকায়দায় পড়ে গেল । উৎফুল্ল মুখে বরনা বলল, সাথে বলে কেউ-ঠাকুর ছাড়া সবাই মেয়ে, যাচ্ছেন তো মড়াইকণ্ঠা দর্শনে—বেচারী অবনীবাবুকে নিয়ে আবার টানাটানি কেন ? যান, আর আটকাবো না আপনাকে ।

জবাবে নরেনও গোটাকতক টিপ্তনী কাটতে পারত । কিন্তু পান্টা রসিকতার আঁচ পেলেই চকচকিয়ে উঠবে আবার । তাছাড়া অবনীবাবুর বাড়ি না থাকার প্রসঙ্গেও গোপন দুর্বলতায় একটু ঘা পড়েছে । জেনারেল কোয়ার্টারের দিকে ওর পা বাড়ানোর সময়ের সঙ্গে অবনীবাবুর বাড়ি থাকার সময়টা প্রায়ই মিলছে না আজকাল । মিলছে কি মিলছে না আগে একবারও মনে হত না । এখন হয় ।

আমন্ত্রণ জানালা, আপনারই বা এমন কি কাজ, চলুন না একসঙ্গে যাই গল্প করতে করতে ।

খুব আগ্রহ বরনার । কিছু কাজ নেই আমার, কিন্তু সত্যি বলছেন ? আসব সঙ্গে ? চলুন তাহলে, সাস্ত্যনাকে একদিন বলেও ছিলাম যাব । সানন্দে কয়েক পা এগিয়েই থেমে গেল আবার । বলল, থাক গে, মিছিমিছি, আপনি যান—

যেভাবে বলল, সাদা অর্থ যাবার ইচ্ছে যোগ আন', কিন্তু উপর-পড়া হয়ে গিয়ে কারো আনন্দবিনোদনে আবার ব্যাঘাত ঘটাই কেন । নরেন বিরক্ত এবং বিরক্ত হল মনে মনে । আচ্ছা ছেলেমানুষ ত' আপনি ! যাবেন তো চলুন—

উচ্ছল হেসে বরনা বলে উঠল, আমায় কেউ ছেলেমানুষ বললেই মা তাকে সন্দেহ না খাইয়ে ছাড়ে না । উৎফুল্ল নিঃশ্বাস ফেলল একটা, বলছেন যখন যাই চলুন ।

জেনারেল কোয়ার্টার্সের রাস্তা ধরে পাশাপাশি চলল তারা । ছোট মড়াইয়ে নিতান্ত ঘরবন্দী হয়ে না থাকলে সকলেই সকলের হাঁড়ির খবর রাখে । অস্তুত এই মা-মেয়েকে চিনতে বাকি নেই কারো । ভিতরে ভিতরে অবিরাম একটা টাগ-অব-ডয়ার চলছে যেন মা-মেয়েতে । মা চান টেনে রাখতে, মেয়ে চায় ছিটকে বেরিয়ে আসতে । মায়ের টেনে রাখাটাও যেমন বিসদৃশ, বিপরীত বৌকে মেয়ের বেরিয়ে আসার সঙ্গলুভ আতিশয্যও তেমনি অশোভন মনে হয় অনেকের চোখেই । চলতে চলতে নরেন জিজ্ঞাসা করল, আপনি তাহলে এ বছরটা ড্রপ করছেন ?

ড্রপ করছি মানে ?

এ বছর এম. এ. পরীক্ষা দিচ্ছেন না ।

ও, তাই বলুন । কি করে দেব, শরীর ধারাপ হয়ে বাজে দিনকে দিন

দেখছেন না? শরীর আগে না পরীক্ষা আগে?—হাসিতে লাগল, মায়ের কাছে শোনেন নি এসব কথা?

বেগতিক দেখে নরেন চূপ। শুধু পরিহাস নয়, পুঞ্জীভূত খানিকটা ক্ষোভের মুক্তি। সব জেনেও বিস্মিত হ'ল মনে মনে। ব্যাধি মায়ের না মেয়ের!

অবনীবাবুর বাড়িতে পা দিয়েই আরো যেন বোবা হয়ে গেল সে। বাইরের ঘরে বসে অবনীবাবু পড়ছেন কি। নীরব বিস্ময়ে নরেন তাকালো ঝরনার দিকে। চশমার ওধার থেকে চাপা হাসি উপচে পড়ছে।

অবনীবাবু তাড়াতাড়ি উঠে এলেন। ঝরনা বলল, আমাকে আপনি চেনেন না বোধ হয়, তবু আপনার বাড়ি চড়াও করেছি, আপনার মেয়ে চেনে অবশ্য—

আমিও চিনি, অবনীবাবু ব্যস্ত হয়ে ডাকলেন, ওরে সাস্থনা, দেখে যা কে এসেছেন—

একটু আগে ছোকরা-চাকর হুন্দরীকে নিয়ে কিরেছে। সাস্থনা তার তত্ত্বাবধান করছিল। ডাক শুনে তাড়াতাড়ি হাত ধুয়ে যেমন ছিল তেমনি বেরিয়ে এলো।

অতি অন্তরঙ্গ জনের মতো ঝরনা একেবারে জড়িয়ে ধরল তাকে।—কেমন? ভাবো নি তো? বলেছিলাম না আসব—এসে গেলাম। এখন খুশি হয়েছে কি হও নি তুমিই জানো।

বাবার সামনে নরেনবাবুর সামনে এই আচম্কা উচ্ছ্বাসে সাস্থনা হকচকিয়ে গেল প্রায়। যে ভাবে জড়িয়ে ধরেছে, ছাড়ানো শক্ত। ভিতরে এনে দাঁড়াইয়া মাদুর পেতে বসালো তাকে। নিজেও বসল। ভাবে নি তো বটেই। খুশি হয়েছে কি হয় নি তাও জানে না।

ঝরনা দু'চার মুহূর্ত নীরবে নিরীক্ষণ করল তাকে। কি ক'জিলে এসময় বাড়ি বসে?

তার চোখে চোখ রেখেই হালকা হেসে সাস্থনা জবাব দিল, গোয়ালঘরে ছিলাম।

গোয়ালঘর! চশমার ওধারে দুই চোখ বড় বড় দেখালো ঝরনার। যেখানে গোক থাকে? তোমার আছে? সাগ্রহে একেবারে উঠে দাঁড়াল সে, চলো তো দেখি।

এবারে বিস্ময়ের পালা সাস্থনার। হাত ধরেই টেনে আবার বসালো তাকে। আচ্ছা দেখবেন'খন পরে, বসুন। আসার সঙ্গে সঙ্গে ওখানে আপনাকে নিয়ে চোকালে বাবার কাছে বকুনি খেয়ে মগ্ন হবেন।

আগ্রহটুকু এভাবে অগ্রাহ্য হতে বরনা বড় নিঃখাস ফেলল একটা। বাবাকে বুঝি ভয় করো খুব ?

সাস্তুনা হেসে মাথা নাড়ল, খু-উ-ব। পাশের ঘরের দিকে তাকালো একবার। কানে গেলে ছ'জনেই হেসে উঠবে।

চশমার ওপারে বরনার চোখে হাসির ছটা কমে আসছে। দেখছে চেয়ে চেয়ে।...সেই কবে দেখা হয়েছিল তোমার সঙ্গে, আর আজ। সেই যে সাওতালদের কি উৎসব দেখতে গিয়েছিলে তোমরা—বনের ধারে নদীর পারে দেখা হ'ল মনে নেই ?

সাস্তুনা জবাব দিল না। মনে আছে। আর তার পরেও বরনা ওকে না দেখুক, ও দেখেছে। রণবীর ঘোষের জিপে চড়ে হাওয়া খেতে দেখেছে আরো অনেকবার, ভূতুবারুর দোকানের কোণে তেমনি ঘেঁষাঘেঁষি বসে গল্পগুজব করতে দেখেছে কলকাতার সেই প্রাইভেট কলেজের মাস্টারের সঙ্গে—ওব মা যাকে বোকা ভানে, অথচ বোকা নয়। বরনার মতে আসলে ভালো বলেই বোকা দেখায় যাকে।

থেকে থেকে বরনা তেমনি নিরীক্ষণ করছে তাকে। কিছু একটা বিশ্লেষণ করার মতোই।—সেই তখন যা দেখেছিলাম তার থেকে আরো ঢের ঢের স্থলব লাগছে এখন তোমাকে। অক্ষুট হাত্রে বরনা একেবারে গায়ের কাছে ঘেঁষে বসল তার।

হাসতে গিয়েও হাসতে পারল না সাস্তুনা। দিনকতক আগে চাঁদমণিও এই কথাই বলেছিল। কিন্তু সেদিন অন্তত তার চোখে নারীহুলভ প্রশংসাই ছিল। কিন্তু এ যেন ঠিক তা নয়। খানিকটা যেন পুরুষ-চোখে যাচাইয়ের দৃষ্টি। বিশ্লেষণ করে দেখা। সরে বসতে পারলে একটু সরে বসত সাস্তুনা।

বরনা কথা শুক করল আবার। নানা কথা। অবাস্তব কথা। কতদিন ভেবেছে আসবে, কি রকম বিচ্ছিরি লাগে এক এক সময়, কি করে সময় কাটায় সকাল দুপুর বিকেল রাত্তির—মায়ের কত বক্তৃতা তার জন্ম, ইত্যাদি।

এক বর্ণও শুনে না সাস্তুনা। এই ফাঁকে দেখে নিচ্ছে সেও। সজোপনে যা দেখতে চাইছে। চাঁদমণির মুখে যা দেখেছিল। যে পুরুষ-নির্যাতন দেখেছিল। এরকম কোঁতুল নিজের কাছেই বিড়ম্বনা। লজ্জাকর। তবু কোঁতুল।

স্বস্তির নিঃখাস ফেলল। চাঁদমণি হতচ্ছাড়ীটা প্রসাধনগট্ট নয় এমন।

হাঁ করে দেখছে কি ?

নড়েচড়ে বসে সাস্তুনা তেমনি জবাব দিল, দেখছি কোথায়, শুনিছ তো—
আপনি এ সময় এলেন কোথেকে ?

জবাব না দিয়ে ঝরনা হঠাৎ সামনের দিকে ঝুঁকে হাঁক দিল, নরেনবাবু, ও নরেনবাবু!

নরেন এসে দাঁড়াতে বলল, ওখানে ক'চ্ছেন কি, এখানে বসুন। সরে বসে মাহুরে জায়গা করে দিল।—সাম্বনা জিজ্ঞাসা করছে এসময় কোথেকে এলাম, অর্থাৎ আপনার সঙ্গে আমার যোগাযোগ ঘটল কি করে। বলব নাকি?

সাম্বনা ফ্যাল ফ্যাল করে চেয়ে রইল তার দিকে। মাহুরে যোগাসন হয়ে নরেন হালকা জবাব দিতে যাচ্ছিল কি। কিন্তু তার আগেই আবার এক বলক হেসে ঝরনা বলল, জানো, নিয়ে আসতে কি চায় আমাকে, নাছোড়বান্দা হয়ে ধরে পড়ে তবে এসেছি।

আবার সেই চোখে মুখে সাদাটে উচ্ছলতা। নরেন বলল, এরকম সত্যবাদিনীর দেখা পেলো যুধিষ্ঠির মহারাজ হয়তো একেবারে অন্তঃপুরে নিয়ে গিয়ে তুলতেন।

মুখে বিরস ছায়া কেলে ঝরনা তাকালো তার দিকে। বলল, কলকাতায় সাদার বাড়ির চাকরটার নাম যে যুধিষ্ঠির!

সাম্বনা স্তব্ধ এবারে হাসল অনেকক্ষণ ধরে। সেই প্রথম দিন তার মায়ের সঙ্গে দেখে ভালো লেগেছিল। আর এই এখন লাগল। মাঝখানের যত কিছু সব মুছে গেলে আরো ভালো লাগত।

আতিথেয়তার কথাও স্মরণ হ'ল এতক্ষণে। ওঠার উপক্রম করতে ঝরনা বাধা দিল, ও কি, যাচ্ছ কোথায়?

আপনাকে চা করে দিই একটু।

বোসো! ধমকে উঠল প্রায়। তার পরেই মনে পড়ল বোধ হয় কিছু। বলল, চা খেতে যাব কেন, তোমার রান্নার যা প্রশংসা শুনি, ঠিক সময়ে এসে উপস্থিত হব একদিন, দেখো।

ঈষৎ বিস্ময়ে সাম্বনা নরেনের দিকে তাকালো একবার। কিন্তু নরেনও যথার্থই কোন দিন ওকে বলে নি কিছু। সে-ই জিজ্ঞাসা করল, প্রশংসাটা কার কাছে শুনলেন?

লোকের অভাব! এই মড়াইহুক লোক তো ওর ভক্ত, মেয়েটা যাহু জানে—! যাহু জানে কিনা ঝরনা সেটাই যেন নিরীক্ষণ করে দেখল একটু। পরে বলল, এর মধ্যে সেরা ভক্ত দুজন।

নরেন জিজ্ঞাসু নেত্রে চেয়ে রইল। সাম্বনা আশঙ্কায় হুক হুক।

ঝরনা বলল, একজন ভুতুবা, আর একজন নিধুরা।

নরেন হেসে উঠল। সান্ধনাও হালকা নিঃশ্বাস ফেলে বাঁচল। ঝরনা বলে গেল, ভুতুবাবু মা-লক্ষ্মী বলতে অজ্ঞান, নতুন কোন মেয়ে চা খেতে গেলে আগে মা-লক্ষ্মীর পাঁচালি শুনতে হবে তবে চা পাবে। আর ওদিকে নিধু বলে, এমন রান্নার রান্না, খেয়ে তার গুরুগম্ভীর বাবু সুদু কাবু।

হাসিভরা দুই চোখ আলতো করে নরেনের মুখে ওপর বুলিয়ে নিল একপ্রস্থ। কিন্তু নরেন খেয়াল কবে নি। নিজের অগোচরে সান্ধনার সঙ্গেই দৃষ্টি বিনিময় ঘটল তাব। চকিতে অগ্নিদিকে মুখ ফেরালো সান্ধনা। বিরক্ত এবং আরক্ত।

ওদিক থেকে অবনীবাবু এসে দাঁড়ালেন সামনে। ঝরনা বলল, কেমন হাট বসিয়ে দিয়েছি আমরা দেখুন। তার পরেই সোজা উঠে দাঁড়াল একেবারে।—আপনার সঙ্গে আলাপই হ'ল না, আমাকে বাড়ি পৌঁছে দেবেন চলুন—গরু করতে করতে যাব।

বেশ তো, বেশ তো।

বেশ তো না, এখুনি যাব, রাত হয়ে গেল।

তাড়া খেয়ে অবনীবাবু জামা বদলাবার জগ্ন ঘরে গেলেন আবার। ঝরনার দু চোখ যেন ধলখলিয়ে হেসে উঠল নরেনের মুখের ওপর। তার অর্থ শুধু প্রাঞ্জল নয়, অস্বস্তিকরও।

সান্ধনাও লক্ষ্য করল সেটুকু। না করলে অস্বাভাবিক লাগত না কিছু। করল বলেই বাবাকে এভাবে টেনে নিয়ে যাওয়ার পিছনে খুল রসিকতার আভাস পেল। এতক্ষণের ভালো লাগাটুকুর ওপর যেন কালির ছিটে পড়ল একপ্রস্থ। বিরক্তিতে মুখ লাল হয়ে উঠল সান্ধনার।

অবনীবাবুকে নিয়ে ঝরনা চলে গেল। আর যাবার আগে ওদের দুজনকে মাঝে বেশ খানিকটা অস্বস্তি ছড়িয়ে দিয়ে গেল। সেটা কাটানোর তাগিদে নরেনের পকেট থেকে সিগারেট বেরুলো, দিয়াশলাই বেরুলো, হাতীর দাঁতের কানকাঠি বেরুলো, নাকমুখ দিয়ে সিগারেটের ধোঁয়া বেরুলো, আর সব শেষে কর্ণ-পটহ তোয়াজ-মলত গলা দিয়ে সেই পেটেন্ট শব্দ বার হ'ল গোটাকতক।

সান্ধনা চেয়েছিল দরজার দিকে। যে দরজা দিয়ে তার বাবা আর ঝরনা বেরিয়ে গেল। মুখ না ফিরিয়ে জ্বলজ্ব করে বলল, অজুত!

আমি? না, ওই যে গেল? নরেনের মুখে উৎকর্ষের কারুকার্য।

সান্ধনা হেসে ~~কোঁকড়া~~ তাকাল তার দিকে।—দুজনেই, নইলে ও আপনার সঙ্গে এসে জুটল কি করে?

বরাত । দীর্ঘনিঃশ্বাস ।

মেয়েটার মাথায় ছিট আছে ।

তা আছে । নরেন সায় দিল, ও এক ধরনের রোগ—বিষম রোগ ।

শোনামাত্র আবার অশ্রুদিকে চোখ ফেরাল সাব্বনা । লাল হয়ে উঠছে, নিজেই বুঝছে ।

নরেন অবাক । ঠিক ভাষাশা করে বলে নি । যেটুকু বলেছে তাও স্থম্পষ্ট নয় খুব । কিন্তু বরনার রোগের স্বরূপ সাব্বনাও যে যথার্থই উপলব্ধি করে বসে আছে, একবারও ভাবে নি ।

মনে মনে কি জানি কেন আবার সেই অকারণ খুশির স্পর্শ লাগল । কিন্তু আর মনস্তত্ত্ব নিয়ে ঘাঁটাঘুঁটির দিকে এগোলো না । বরনা-প্রসঙ্গ সরাসরি ধামাচাপা দিল ।—যেতে দাঁও ওসব, স্থখবর ছিল, মেয়েটার পাল্লায় পড়ে তোমার বাবাকে বলা হ'ল না ।

জিজ্ঞাসু নেত্রে তাকালো সাব্বনা ।

চিক ইঞ্জিনিয়ারের সঙ্গে ঘোষ-চাকলানারের এবারে একটা কন্সসালা হস্তে পারে বোধ হয়, ব্যবস্থা করে এলাম ।

কি ব্যবস্থা ? ঠাণ্ডা প্রশ্ন ।

রণবীর ঘোষের আবেদন এবং বাদল গাঙ্গুলির কাছে স্থপারিশের কৃতান্ত জানাল ।

অকস্মাৎ দপ করে জলে উঠল যেন একমুঠো নিরুত্তাপ ছাই ।—কেন, কেন আপনি সর্দারি করে এ ব্যবস্থা করতে গেলেন ? কে আপনাকে করতে বলেছিল ? ডেকে দুটো মিষ্টি কথা বলল, আর গলে জল হয়ে অমনি ছুটলেন স্থপারিশ করতে !

নরেন হতভম্ব । এমন আর দেখে নি ।—কি হ'ল ?

উত্তেজনার অধর দংশন করে রইল সাব্বনা । নরেনের বিস্ময়ের শেষ নেই । কি ব্যাপার ? পাছে কিছু গোলমাল হয়, সেই জগ্গেই তো—

মেজাজ চড়লো আরো ।—ওঃ, একটা লোক এত বড় কাজের মধ্যে গোলমাল করে তো একেবারে উশ্টে দেবে সব—সেই ভয়েই গেলেন আপনারা । আর ওদিকে বুক ফুলিয়ে যা খুশি করে বেড়াবে সে । কত বড় পাজী ও লোকটো জানেন ? পাগল সর্দারের ওই মেয়েটাকে পর্যন্ত একেবারে—

রাগে কোঁতে লজ্জায় শেব করতে পারল না । অশ্রুদিকে ঝাড় গৌজ কস্তে বসে রইল ।

বিহ্বল বিষয়ে নরেনের মুখে কথা নেই আর। মড়াইয়ের বুক থেকে এক ভরাপ্রাণ কালো মেয়ের অন্তর্ধান হঠাৎ একটা স্থল রহস্তের পরদা ঠেলে একেবারে চোখের সামনে তীব্র তীক্ষ্ণ স্পষ্ট হয়ে উঠল।

শুধু তাই নয়। সাস্থনা জানল কি করে? সর্দার বলেছে? মন বলছে, না। ওদের বলার রীতি এরকম নয়। বললে সরাসরি রণবীর ঘোষকেই বলত। আর সে বলায় মড়াইয়ের পাঁজরে ত্রাসের কাঁপুনি জাগত।

রাগ কমে আসছে সাস্থনার। অস্বস্তি বাড়ছে। এ নীরবতা শুধু বিস্ময়াহত নয়। জিজ্ঞাসা-মুখরও। কিন্তু মানুষটার বিবেচনার প্রশংসা না করে পারল না। আভাসেও কোন প্রশ্নের দ্বারা বিব্রত করল না ওকে। বিড়ম্বনাটুকু উপলব্ধি করেই যেন উঠে চলে গেল একসময়।

রাগ গেছে। উত্তেজনা কমেছে। পুরুষ-সম্মিধান জনিত সঙ্কোচও নেই। চূপচাপ খানিক বসে থেকে বড় করে একটা নিঃশ্বাস ফেলল সাস্থনা। কিন্তু খুব আরামের নয় যেন। তলায় তলায় একটা অজান্ন বোধ জাগছে। অকারণে এত কথা বলল, এত কথা শোনালো। ভব্রলোক যা করছে বা করতে গেছে সবটাই ভালোর জন্যে। তা ছাড়া ভিতরের এ সব ব্যাপার জানতোও না। কিন্তু রাগের মাথায় কি বলতে কি না বলে বসল।

শুধু অহুতাপ নয়। একটুখানি আশঙ্কাও। ওর কথা শুনে সব আবার নাকচ করে দেবে না তো! জানানানি হবে না তো কিছু? ডায়ের কাজে নতুন কিছু বিভ্রাট বাধবে না তো আবার? ছেলেরামুখির জন্য নিজের উপরেই মর্মান্তিক ক্রুদ্ধ হ'ল সাস্থনা। তবে গোলযোগের আশঙ্কাটা থাকল না বেশিক্ষণ। নরেনবাবু না হয়ে আর কেউ হলে ভাবত। বাদল গাঙ্গুলি হলেও নিশ্চিত হতে পারত না।

স্বয়ং চিৎ ইঞ্জিনিয়ারের কোয়ার্টারে এক নাটকীয় গ্রহসন ঘটে গেল সেদিন। যেদিন রণবীর ঘোষ এলো নিজের হয়ে সওয়াল করতে। ভেজালের কাটল জুড়তে।

নরেনকে সঙ্গে থাকতে বলেছিল বাদল গাঙ্গুলি। সময়মত আসে নি সে। স্মরণও করিয়ে দেয় নি কিছু। তাই প্রতিদিনের মত সকালের রাউণ্ডের জন্য প্রস্তুত হচ্ছিল। সার্নি অ্যাডমিনিস্ট্রেটিভ অফিসারের প্রতীক্ষা করছিল। কি একটা কাজে তাঁরই আসার কথা।

নরেন চৌধুরী ভোলে নি। কিন্তু তার আগ্রহ স্তিমিত। ডামের স্বার্থে আগসের প্রয়াস। সে প্রয়োজন আছেই। তবু...। রণবীর ঘোষকে ভালই জানত। ভালই জানে। তবু...। একজনের ক্ষোভ আর বেদনা কখনো এমন করে স্পর্শ করে নি তাকে। তাই নিরুৎসাহ। আবার এর পর ও লোকটার সংশ্বে আসতেও বিতৃষ্ণ। যা করেছে ভালোর জন্য করেছে। ভালো ভেবে করেছে। এর পর যার দায়িত্ব সে বুক।

কিন্তু মন বলছে তারও উপস্থিত থাকা প্রয়োজন। বাদল গান্ধুলির রাগ জানে। কি থেকে কি হয় আবার ঠিক কি। তা ছাড়া নিজে-মুখে থাকতে বলেছিল ওকে। ঘড়ি দেখল। বেশ দেরি হয়ে গেছে। তবু বেরিয়ে পড়ল।

ওদিকে রণবীর ঘোষ এসেছে ঘড়ির কাঁটা ধরে। হাতে অবিকল বইয়ের আকারের বোতাম-আঁটা চকচকে কালো লেদারকেস একটা। চামড়া মোড়ানো শোশীন বড় ডায়েরির মত। দ্বিজন চাকলাদারকে অদূরে বসিয়ে রেখে সহাস্ত্রে সাড়া দিল, গুড মর্নিং স্যর, ভিতরে আসব ?

আগিস সংক্রান্ত কাগজপত্র উন্টে দেখছিল বাদল গান্ধুলি। মুখ তুলে তাকালো। মনে পড়ল। আজই আসার কথা বটে। ঘড়ি দেখল। সম্ভবত নরেনের আসার কথা ভেবেই।

আসুন।

নমস্কার, ভালো আছেন বেশ ?

হ্যাঁ, বহু।

রণবীর ঘোষ বসল। তেমনি হাসিখুশি, তেমনি সপ্রতিভ।—আপনি বরুছিলেন নাকি ?

হ্যাঁ, আজই আপনি আসবেন খেয়াল ছিল না, নরেনবাবুরও আসবার কথা ছিল, আসেন নি...

দুর্ভাগ্যজনিত একটা বিরস ছায়া নামল ঘোষের মুখে। পরে হাসল অল্প একটু।—বয়স। বাক, আপনার শরণার্থী বটেই, তবু আজ আমি কিন্তু কান ব্যবসার ভাগিদে আসি নি আপনার কাছে।

বাদল গান্ধুলি নীরব, জিজ্ঞাসু।

কিভাবে ব্যক্ত করবে মনের কথাটা রণবীর ঘোষ ঠিক করে উঠতে পারছে না। যেন। স্বীকৃতির বাসনার সঙ্গে অনভ্যাসজনিত সঙ্কোচ মিশলে যেমন হয়। লাজ হাসি। বলল, এসেছি একরকম প্রাণের ভাগিদে। বড়র আকর্ষণ ভারী

বিচিত্র ব্যাপার।

বলতে না পারলে কটু শোনাতে। বিরক্তির কারণ হ'ত। কিন্তু রণবীর ঘোষ নিপুণ কথক।

অল্প দিকে গান্ধীর্যের ব্যতিক্রম ঘটল না খুব। শুধু বিশ্বাসের আভাস একটু।
—আপনি কি বলবেন বলুন।

কত কি বলব ভেবেছিলাম, কিন্তু কি যে বলি, ইট ইজ্ অল্‌সো ওয়াণ্ডার-ফুল। মুখের ভাব নয় শুধু, গলার স্বর পর্যন্ত বদলে গেল। চেয়ার ছেড়ে উঠে কাচের শাশির ভিতর দিয়ে দূরে মড়াইয়ের দিকে চেয়ে রইল ক্ষণকাল। ফিরে এলো আবার। বড় করে নিঃশ্বাস ফেলল একটা। বসল চেয়ারে। হাসল একটু।
—আপনি বিশ্বাস ককন মিঃ গান্ধুলি, কি যে হ'ল সেদিন থেকে নিজেই বুঝতে পারছি না। এত বড় এক লোকসান, তার থেকেও বড় জিনিস, এত বড় একটা দুর্নাম কাঁধে চাপলে অনেক কিছুই করবার কথা আমাদের—আর কিছু না হোক, বড় দরের একটা গোলমাল অন্তত পাকিয়ে তুলতে পারি স্বচ্ছন্দে।

হেসে চোখে চোখ রাখল, আরো মুহু, আরো সাদাসিধে, নিরাসক্ত কণ্ঠে বলল, কিন্তু মন বলছে, তার থেকে অনেক বড় পারা হবে সোজাসুজি আপনার কাছে এসে প্রাণ খুলে হার স্বীকার করা। এ লাভটুকুর কাছে ওই লোকসান কিছুই নয়।

দম্ত নয়, প্রার্থীর দৈন্তও নয়, আহত মর্যাদার অভিব্যক্তি। চিফ্ ইঞ্জিনিয়ারের ঋজু গান্ধীর্য তরল হয়ে এল। এরকম সমর্পণে বিব্রত বোধ করতে লাগল প্রায়।

ঘরে নরেন চৌধুরীর পদার্পণ। বাদল গান্ধুলি ঘড়ির দিকে তাকালো একবার। ঘোষ হু'হাত তুলে নমস্কার জানালো। হেসে বলল, আপনি কিন্তু অনেক লেট।

ঠাণ্ডা চোখে নরেন একবার শুধু তাকালো। প্রতি-নমস্কার না, কিছু না। একটা চেয়ার টেনে শরীর ছেড়ে দিয়ে বসল। পকেট থেকে সিগারেটের প্যাকেট বাক্স করে চেয়ারের কাঁধে মাথা রেখে পা ছড়িয়ে ধীরেস্থে সিগারেট ধরালো একটা। বন্ধুর দিকে না চেয়েই সংক্ষিপ্ত প্রশ্ন করল, বেরোতে দেরি আছে নাকি তোমার ?

না। তার অমন নিম্পৃহ হাবভাব দেখে বাদল গান্ধুলি অবাকই হ'ল একটু। আর তেমনি বিস্মিত রণবীর ঘোষ। প্রয়োজনে এর শরণাপন্ন হয়েছিল বটে, কিন্তু তা বলে একটাকো ধর্তব্যের মধ্যে আনে নি কখনো। বজ্র কটাক্ষে দেখল ছুই একবার। চেয়ারের কাঁধে মাথা রেখে কড়িকাঠের দিকে চেয়ে

সিগারেটের ধোঁয়া ছাড়ছে, যেন ঘরে দ্বিতীয় মানুষ নেই কেউ।

আগের কথাগুলিকে এবারে বাদল গাঙ্গুলি সদয়কণ্ঠে বলল, আপনার সঙ্গে আমার কোন বিরোধ নেই মিঃ ঘোষ, সিমেন্টের ব্যাপারে যা করেছি বাধ্য হয়েই করেছি—কিন্তু সত্যি এরকম করে যদি ভাবতে পারেন তাহলে তো আনন্দের কথা।

উৎক্লম্ম মুখে ঘোষ ভাব দিল, ভাবতে পারতুম না কখনো, এখন শিখেছি। আপনি গিথিয়েছেন।—পরিবেশ যেন তারই আয়ত্তাধীন।—ওই ভেজালের অপকাণ্ডটি যে-ই করে থাক, দায়িত্ব যখন সব আমার দায়ীও আমিই বৈকি।—আমি—আমার মত আরো পাঁচজন। এতকাল সবাই পার পেয়ে এসেছে তেমন শক্ত কৈফিয়তের তলব পড়ে নি বলে—পড়লে ব্যাঙ্কের ছাতার মতই সব—

শেষ না করে অস্ফুট কণ্ঠে হেসে উঠল। চকিতে নরেনকে দেখে নিল আবার। তেমনি নির্মিকার মুখে সিগারেটের ধোঁয়া ছাড়ছে। মুহূর্তের দ্বিধা কাটিয়ে হাল্কা বিনয়ে বলল আবার, যাক কাজের সময় আর আপনাকে বিরক্ত করব না...

হাতের লেদার কেসটা তার দিকে বাড়িয়ে দিল, এটা দয়া করে রেখে দিন, অবসরমত খুলে দেখবেন একটু—

নিপুণ স্ততিতে দুর্বাসাও ঘায়েল হয়। আরো অনেকটাই নরম হয়ে এসেছিল বাদল গাঙ্গুলি। এবারে বিস্মিত হ'ল। কেসটা উন্টেপাণ্টে দেখে জিজ্ঞাসা করল, এতে কি আছে?

ও বোষ্টুমি-বিস্ময় খুব চেনে ঘোষ। সঙ্কোচ বিনম্র হাসি। যেমনটি দরকার। বলল, ও কিছু নয়, আমার জবানবন্দি...

কিন্তু এ দেখে আমি কি করব?

কিছু না, কিছু না—আপনাদের মনে দাগ ফেলতে পারে এমন কিছু নয়। শুধু আমার নিজের মনের সাঙ্ঘনা একটু...নইলে আপনাদের কাছে ওর আর কি দাম...এতবড় এক অভিজ্ঞতার মূল্য স্বাকার না করলে...যাক, সময়মত শুধু দেখে রাখবেন একটু—

তৃতীয় লোকটির বেখাপ্পা নীরবতা প্রায় অস্বাচ্ছন্দ্যের কারণ। চেয়ার ছেড়ে উঠে দাঁড়াবার উদ্যোগ করল ঘোষ।

বাদল গাঙ্গুলি, বলল, কিন্তু এখন আর এসব দেখে আমি কি করব?

অবিমিশ্র প্রশংসাতরঙ্গ তুই চোখে ঘোষ যেন সিক্ত করল তাকে হুঁচার মুহূর্ত—ইউ আর রিয়েলি ওয়াণ্ডারফুল। আপনি নিশ্চিন্ত থাকুন, কিছু আপনাকে করতে হবে না। ওই সিমেন্টের সঙ্গে এর কোন সম্পর্ক নেই। এর

পর যেদিন আপনি বলবেন সেদিনই আপনার সামনে ওই গুদাম ভরা সিমেন্ট আমি মড়াইয়ের জলে ঢালব। আগেই ঢালতুম, পাছে আপনার অবিধাস হয় সেইজন্য অপেক্ষা করছি।—হাসল। যদিও ওতে আর ভেজাল নেই এক কণাও, তবু যে শান্তি দেবেন, মাথা পেতে নেব।

বাদল গাঙ্গুলি বিব্রত আবারও। নরেনের দিকে চোখ ফেরাল। চোখাচোখি হ'ল বটে। কিন্তু তেমনি নিরুৎসুক সে। একটু খেমে বলল, ও সিমেন্ট এখন যেমন আছে থাক, তবে দেখি।

কিন্তু সঙ্গে সঙ্গে গোটা দেহের অগুতে অগুতে আচমকা এক বিদ্যুৎ-শিহরণ। সবেগে চেয়ার ছেড়ে একেবারে দাঁড়িয়ে উঠল বাদল গাঙ্গুলি। দুই চোখে ভয়াভূত বিভীষিকা।

কথা বলতে বলতে বইয়ের আকারের লেদার কেসের বোতাম টেনে খুলেছে। তার ভিতরে রণবীর ঘোষের জবানবন্দি।

খাতাপত্র নয় কিছু। তিন তাড়া নোট। সব একশ' টাকার।

দেহের সব রক্ত মুখে এসে জমাট বাঁধতে লাগল। নরেন চোঁদুরীও বিদ্যুৎ-স্পৃষ্টের মতই উঠে বসেছে। বিশ্বয়ে তারও দু চোখ বিস্ফারিত।

এত বিশ্বয় খুব যেন অমূলক মনে হচ্ছে না রণবীর ঘোষের। আনাড়ীদের রকম-সকম অস্বস্তিকর।

নির্বাক বিমূঢ় বিশ্বয়ের ঘোর কাটল বাদল গাঙ্গুলির। লেদার কেস হাতে তাকালো নরেনের দিকে। নরেনের দু চোখও তার মুখের ওপরই সংবদ্ধ। বাদল গাঙ্গুলি ওর দিকে চেয়েই আছে। দেখছে। অন্তস্তল পর্যন্ত দেখে নিচ্ছে যেন। সহসা তার এই দেখাটুকু উপলব্ধি করল নরেন চোঁদুরী। আপসের সুপারিশ সে-ই করেছিল। আর এতক্ষণ তার বসে থাকাটাও ও-চোখে বিরূত সন্দেহ জাগিয়েছে। এবার এক ঝাঁকুনি খেয়ে সচেতন হ'ল সেও।

চেয়ার ছেড়ে উঠে দাঁড়াল। ঘোষের মুখোমুখি।

সে দাঁড়ানোর মধ্যে বোধ হয় কিছু ছিল। কারণ নিজের অজ্ঞাতে ঘোণও উঠে দাঁড়াল।

হাত বাড়িয়ে নরেন বাদল গাঙ্গুলির হাত থেকে চামড়ার কেসটা নিল। নোটের তাড়া কটা দেখল। চামড়ার কেস থেকে খুলে নিল সেগুলি। খুব মোলায়েম গলায় বলল, আপনার অভিজ্ঞতার মূল্য—যে অভিজ্ঞতায় টাকার ভেজালে ভেজাল সিঁদুর খাটি হয়ে যায়, কেমন?

এমন পরিস্থিতি কল্পনা করে নি রণবীর ঘোষ। এ সাক্ষাৎ-ব্যবহার পিছনে

একটা অর্থই জানে। একটা অর্থই জেনে অভ্যস্ত। কিন্তু খন্দের যে এদিকে এত কাঁচা বোঝে নি। রণবীর ঘোষও না, দ্বিজেন চাকলাদারও না।

আরো মূহ আরো মোলায়েম ব্যক্তির মত শোণাল নরেনের কণ্ঠস্বর। এত-কাল সবাই আপনারা পার পেয়ে এসেছেন তেমন শব্দ কৈফিয়তের তলব পড়েনি বলে, হঁ—?

বাদল গাঙ্গুলি নির্বাক দ্রষ্টা।

ঘোষ সামলে নিয়েছে কিছুটা। পরিস্থিতি উপলব্ধির ফলে বিনয়ের মুখোশ খসেছে। নগ্ন রূঢ়তার ছাপ সেখানে।

নির্মম বিজ্ঞপ-ছটায় নরেন যেন হাসছে।—কিন্তু কৈফিয়ত যারা তলব করে তাদের জাত আলাদা। আপনার এ জ্ঞানবন্দি তারা নেবে না—মুখের ওপর ছুঁড়ে ফেলে দেবে এমনি করে—আর এমনি করে—আর এমনি করে!

তিনবার তিন তাড়া নোট এবং চতুর্থবার চামড়ার কেস। দু হাতে মুখ বাঁচিয়ে ঘোষ একেবারে ঘরের বাইরে এসে পড়ল। জিপ থেকে ছুটে এলো দ্বিজেন চাকলাদার। নিধু আড়ালে ছিল। আর আড়ালে থাকা সম্ভব হ'ল না। ওদিকে আডমিনিস্ট্রেটিভ অফিসার দোরগোড়ায় এসে দাঁড়িয়েছেন কখন।

চিত্রাংগিত সকলে।

ঘোষ-চাকলাদারের জিপ চলে গেছে অনেকক্ষণ। অ্যাডমিনিস্ট্রেটিভ অফিসারকে বিদায় দেওয়া হয়েছে। নিধু আড়াল নিয়েছে আবার। ঘরের মধ্যে গুম হয়ে বসে আছে নরেন চৌধুরী।

আর বাদল গাঙ্গুলি? তার বাড়িতে, তার ঘরে, তার সামনে এরকমটা হবার কথা নয়। কিন্তু তারও সন্দেহ করার কথা নয় চৌধুরীকে। টাকা দেখে তাই তো করেছিল। আড়ে আড়ে দেখছে বাদল গাঙ্গুলি। ছেলেবেলা থেকে এর বিপরীতই দেখে এসেছে। এরকম আর দেখে নি কখনো। দেখবে ভাবেও নি।...রাগ চণ্ডাল। কিন্তু মনে হচ্ছিল, জায়গা বিশেষে সন্দেহও।

হাত বাড়িয়ে টেবিলের ওপর থেকে নরেনের সিগারেটের প্যাকেটটা টেনে নিল সে। সিগারেট ধরাল। কিন্তু ওর দৃষ্টি আকর্ষণ করতে পারল না তবু। জানালায় ভিতর দিয়ে দূরে বাইরের দিকে চেয়ে বসে আছে নিষ্পন্দ মূর্তির মত। দু-চার পলক দেখল। প্যাকেট থেকে আর একটা সিগারেট বার করল। পরে নিজের সিগারেট ঠোঁটে ঝুলিয়ে অশ্রুটা হাতে নিয়ে মূহ একটা খোঁচা দিল তাঁর কাঁধে।

এবার নরেন চৌধুরী কিরে তাকালো। বাদল গাঙ্গুলি নীরবে অশ্রু সিগারে-

টটা বাড়িয়ে দিল তার দিকে। চোখে চোখ রেখে হাসতে লাগল মূহু মূহু।

নিঃশব্দে দৃষ্টি বিনিময়। হাত বাড়িয়ে নরেন চৌধুরী তার হাত থেকে সিগারেট নিল। স্বচ্ছ, নির্মেষ।

ছোট মড়াইয়ে ঘটনাটা চাপা থাকল না।

অ্যাডমিনিস্ট্রেটিভ অফিসার তাঁর জী এবং অন্তরঙ্গ দু'চারজন সহকর্মীকে বললেন। মিসেস চ্যাটার্জী ফিস ফিস করলে সমমর্যাদার গিন্নীদের কাছে। বেশ খোলাখুলি ভাবেই কানাকানি শুরু হ'ল একটা। বিশ্বয়-কন্টকিত নিধুরাম সেদিনই ছুপুরে সবিস্তারে পল্লবিত করতে বসল দ্বিদিগিরি কাছে।...লরেনবাবুর কাণ্ড সর্বাগ্রে এখানে বলবে না তো কোথায় বলবে! এই বলে বেড়ানো স্বভাবের জগা ইদানীং সাস্থনা মোটেই সম্ভব ছিল না ওর ওপর। কিন্তু শুনল যা, দুট চক্ষু বিফারিত। অধীর প্রতীক্ষা তার পর। কিন্তু লোকটার আর পাত্তা নেই পর পর ক'দিন। বাবার মুখেও সাদামাটা ঘটনাটাই শুনেছে শুধু। রণবীর ঘোষ ঘুম দিতে এসেছিল আর মেজাজ ঠিক রাখতে পারেনি নরেন চৌধুরী, ইত্যাদি। এই মেজাজ ঠিক রাখতে না পারার পিছনে আরো যে কারণ, সে শুধু সাস্থনাই জানে। ভদ্রলোককে সেদিন ওভাবে বলার জগা মনে মনে অনেক অনুতাপ করেছে। কিন্তু এই কাণ্ড ঘটবে কে জানত। তাবল, বাবাকেই জিজ্ঞাসা করবে ভদ্রলোকের দেখা নেই কেন ক'দিন ধরে। কিন্তু বলি বলি করেও হ'ল না বলা। ছোকরা চাকরটাকে পাঠিয়ে খবর নেবে ভেবেছিল। তাও পেরে উঠল না।

ওর এই আগ্রহটুকুই অদৃশ্য বাধার মত।

প্রথম দেখে নিজের চোখ দুটোকেই সহসা যেন বিশ্বাস করে উঠতে পারছিল না সাস্থনা।

রণবীর ঘোষের জিপ উপরে উঠে গেল হুস করে। একটা বড় পাথরের ছায়ায় পা ছড়িয়ে বসেছিল সাস্থনা।

ওকে কি দেখেছে? বোধ হয় না দেখলে নীল চশমা ঘাড় কেরাতই। তার পাশে বসে আর একজন। বিচিত্র একজন।

হোপুন...

চড়াই উৎরাইয়ের পক্ষে এ এমন কিছু অভাবনীয় ব্যাপার নয়। জিপে হোক, ট্রাকে হোক হরদম নামের উঠতে দেখা যায় ওদেরও। বিশেষ করে উপরে ওঠার সময়। জায়গা থাকলে সরাসরি চেপে বসে তারা। সঙ্কোচের বালাই নেই কোনো,

স্বাক্ষরপথেও ডেকে থামায়, বাবু টুকটি তুলে লে না কেনে—

কিন্তু সাস্ত্রনার চোখে রণবীর ঘোষের পাশে হোপুন...প্রায় বাঁকুনি লাগার মতই অপ্রত্যাশিত।

হোপুনের স্বভাব বদলানো একটা কালো পাথরের রং বদলানোর মতই। ভাবা যায় না। লোকটার সম্বন্ধে নিজের অজ্ঞাতে সাস্ত্রনার তেমনি একটা ছাপ পড়েছিল মনে। কিন্তু দিনকতক আগেও কেমন একটা ব্যতিক্রম লক্ষ্য করেছিল। লক্ষ্য ঠিক নয়, উপলব্ধি করা। পর পর দু দিন।

প্রথম মডাইয়ে। সেদিন মাটি কাটাছিল হোপুন। সহস্রের সঙ্গে, সহস্রের মতই। এরই মধ্যে তফাৎ কোথায়, সে শুধু সাস্ত্রনাই দূরে দাঁড়িয়ে উপলব্ধি করেছে অনেক দিন। সেদিনও করছিল। এদিক ওদিক চেয়ে পাগল সর্দারকে না দেখে ওর কাছেই খোঁজ করতে এসেছিল তার পর।—সর্দারকে দেখছি নে, সে কাজে আসে নি ?

কোদাল খেমে গিয়েছিল। মাটি কাটার ঝোঁকে আনত দেহে আস্তে আস্তে টান হয়েছিল। শ্রান্ত দেহপঞ্জর ভরাট করে বাতাস টেনেছিল হাপরের মত। তার পর জবাব না দিয়ে নিম্পলক চেয়েছিল তার দিকে। খতমত খেয়ে সাস্ত্রনা আবার জিজ্ঞাসা করেছে, সর্দার ভালো আছে তো ?

এবারও মুখে জবাব দেয় নি কিছু, একটা হাত তুলে আঙুল দিয়ে দূরের এক দিকে দেখিয়ে দিয়েছে। অর্থাৎ ওই দিকে আছে সর্দার। কিন্তু চোখের পাতা পড়ে নি একবারও, আত্মবিশ্বস্তের মত হাতটা আপনি উঠেছিল যেন।

তাড়াতাড়ি ওর কাছ থেকে দু'দশ পা সরে বেঁচেছিল সাস্ত্রনা। সর্দারকে দরকার নেই কিছু। দেখে নি বলেই খোঁজ করেছিল। যেখানে আছে জানল, সেও কাছাকাছি নয়। হোপুন কাজ শুরু করেছিল আবার। কিন্তু একটু বাদেই মাটি কাটার সেই হিংস্র তন্ময়তায় ছেদ পড়তে দেখেছিল সাস্ত্রনা। একাধিকবার তার পর সম্পূর্ণ। কোদাল হাতে হোপুন চূপচাপ দাঁড়িয়ে দেখছিল ওকে। সেই প্রথম ব্যতিক্রম। সাস্ত্রনা অবাক। আর কখনো এমন হয় নি। ওর নির্বিকার নিম্প্রহত্যায় এতটুকু কাটল দেখে নি কখনো। প্রথম ভেবেছিল কিছু বলতে চায় বুঝি।...কিন্তু তা নয়। ওকে দেখার মধ্য দিয়ে দুই নিম্পলক কালো চোখ যেন কোন দূরে সমাহিত।

ইচ্ছে হচ্ছিল সামনে এসে দাঁড়ায় আবার। জিজ্ঞাসা করে কিছু বলবে কি না। ভরসা পায় নি। এই এক কালো মানুষের প্রতি সন্ত্রাসের শেষ নেই। দিনে দিনে সেটা বেড়েছে। পাগল সর্দারকে আপনজন মনে করে। টানমণির

আকর্ষণও সেই প্রথম থেকেই। সেই স্ববাদে এই লোকটার সঙ্গেও একটা সহজ সংযোগ অবাস্তিত ছিল না। কিন্তু ওর সান্নিধ্যে সহজ হতে পারল না কোন দিন। সেদিনও পায়ে পায়ে প্রস্থানই করেছিল।

কিন্তু ওর সেই নীরব আচরণ ভোলে নি।

দ্বিতীয়বারের ব্যতিক্রম এর কিছুদিন পরে। হৃন্দরীর, অর্থাৎ সাঙ্ঘনার গোরুর অপরাধ-রোমন্থনের সেই নিরিবিলা পরিবেশ। ছোকরা চাকর সব গোরু ফিরিয়ে নিয়ে গেছে। সাঙ্ঘনাও উঠবে উঠবে করছিল। মড়াইয়ের ওধারে পাহাড়ের উপর ঠিক তেমনি একটা ধূসর মেঘের দিকে চোখ আটকে গিয়েছিল। পড়তি সূর্যের গলানো সোনায় ঠাসা জমকালো মেঘের বর্ণচ্ছটা।

বিষম চমক তার পর। বিশ তিরিশ হাত দূরে হোপুন। কাজের শেষে ঘরে চলেছিল সম্ভবত। ওকে দেখে দাঁড়িয়ে গেছে। কখন এসেছে, কখন দাঁড়িয়েছে সাঙ্ঘনা লক্ষ্য করে নি। এ পথেও পাহাড় পেরিয়ে গাঁয়ে যাওয়া চলে। তবু এ সাঙ্ঘাৎ শুধুই যোগাযোগ বলে মনে হয় নি সাঙ্ঘনার। তাহলে আর কোনদিন অন্তত চোখে পড়ত।

...তেমনি নিশ্চল, নিম্পলক চাউনি...তেমনি দূর বিস্তৃতির পথে উধাও।

চূপচাপ থাকা বিড়ম্বনা। অস্বাচ্ছন্দ্যের বোঝা ঠেলে সাঙ্ঘনা উঠে এসে জিজ্ঞাস করল, আমায় কিছু বলবে হোপুন?

হঠাৎ যেন আত্মস্থ হ'ল মাহুঘটা। চোখ থেকে দূরের ঘোর কেটে গেল। পাষণ-মুখে চেতনার সাড়া জাগল। সঙ্গে সঙ্গে রুঢ় কঠোর ছাপ পড়ল একটা।

সেই চিরাচরিত নিম্পৃহতা নয়।

তার পর চলে গেল।

বিমূঢ় বিশ্বয় কাটতে সময় লেগেছিল সেদিনও। পরে মনে হয়েছে, এ বিরূপতা হয়তো চাঁদমণির স্মৃতিবিজড়িত। চাঁদমণির রাগ ছিল সাঙ্ঘনার ওপর, ওটুকুই জানে। গরুর খবর তো জানে না। জানানো সম্ভব নয়। হলে বলে দিত।

বিগত ওই দুদিনের ঘটনা মন থেকে মোছে নি। সর্দারের কথা ভাবতে গেলে একটা বোঝা শূণ্যতার নিপীড়ন। চাঁদমণির কথা ভাবতে গেলে বৃকের ভিতরে এক নিটোল স্তম্ভতা, সে স্তম্ভতার পিছনে নারীর অপরাধ... তাই সঙ্কোচ, তাই ভয়ও একটু।

তবু এমন নয়, যা কোন অনাগত সংশয়ের ছায়া কেলে মনে। অথবা বিজয়ের মুণ্ডরে অতর্কিত রসিয়ে দেয় একটা। কিন্তু আজ দিনেদুপুরে জিপে রণবীর ঘোষের পাশে ওই অমার্জিত খম্বমে মূর্তি দেখে তাই হ'ল যেন। সহসা

স্থান কাল ভুল হয়ে গেল। বিভ্রান্তি আর কেমন যেন অস্বস্তি। নীল চশমার পাশে ওই কালো মূর্তি, নিষ্ঠুরতার পাশে কালো ত্রাসের মতই।

অতিকায় গহ্বরের পাশ থেকে ডাম্পার মাটির তৃপ বয়ে নিয়ে ঢেলে দিয়ে আসছে যেখানে দরকার। বুলডোজার ঠেলে ঠেলে সমান করে দিচ্ছে সে মাটি আর মাটি কাটিছে আর্থ-কাটার। সাঙ্ঘনা শুনেছিল, নতুন মডেলের বিশাল বিশাল দু’তিনটে মাটিকাটা যন্ত্র এসেছে আরো। সে নাকি এক ভয়ানক ব্যাপার।

শোনামাত্র সবুর নয় নি আর।

অনেক দূরে একদিকে চলেছে সেই মাটিকাটা যন্ত্র। ভয়ানক ব্যাপারই বটে। হিংস্র গর্জনে সেই যন্ত্রদানবের অস্ত্র-বিভীষিকা স্তরে স্তরে শুকনো কঠিন মাটি টেঁচে নিয়ে আসছে, খুলে নিয়ে আসছে অবলীলাক্রমে। মাটির বুক কুরে নিমেষের মধ্যে এক একটা গাড়ি বোকাই করে ফেলছে। নিঃশব্দ আর্তনাদে মাটির বাঁধন আলগা হয়ে খুলে আসছে। ট্রাকের গহ্বরে মাটি পড়ছে না, ধরণী যেন আপনাকে উজাড় করে অঞ্জলি দিচ্ছে অজস্রধারে।

অদূরে এক জায়গায় বসে তন্ময় হয়ে দেখছে সাঙ্ঘনা। যন্ত্রমুখর, স্থষ্টিমুখর। দেখছে আর নিজের মধ্যে তলিয়ে যাচ্ছে কোথায়। ধূ ধূ অতীতের ওধারে। এর পাশাপাশি আর এক যুগের আর এক মানুষদের সেই চেষ্ঠার ছবি। বুড়ী ঠাকুমার চোখের জলে স্বর্ধ-ভেজানো টোটকা, পণ্ডিতদের মন্তবাণে মেঘ জমানো, চাবী প্রতিবেদীদের যাগযজ্ঞ ক্রিয়াকলাপ। সাঙ্ঘনা ঝাপসা দেখছে সব কিছু। চোখের কোল টলমল।

তন্ময়তায় ছেদ পড়ে গেল। অপ্রস্তুতের একশেষ। পাঁচ সাত হাত দূরে দাঁড়িয়ে চিক ইঞ্জিনিয়ার।

কি ব্যাপার, এ ভাবে বসে ?

মুখ ঘুরিয়ে নিতে হ’ল চট করে। বাহতে চোখ রগড়ে নিল তাড়াতাড়ি। হেসে উঠে দাঁড়াল তার পর। হালকা জবাব দিল, আপনার ওই যন্ত্রগুলির কেরামতি দেখছিলাম, বাবা রে বাবা, এক একটা যেন মাটিগেলা রাক্ষস।

এদিকটায় এই যন্ত্রের কাজ দেখতে এসেছিল বাদল গাঙ্গুলিও। কিন্তু সেখানে এমন এক দৃশ্যও দেখবে ভাবে নি। তদারক সেরে কিরে বাবে বাবে করেও না দাঁড়িয়ে পারে নি। এমন বিশ্বস্তি-বন্দিনী মূর্তি আর দেখে নি। এখন আর তার চিন্তামাত্র নেই। বরং বিপরীত এবং সচেতন মুখরতার তরপুর।

কণপূর্বের দৃষ্টটি মনের কোথাও জমা হয়ে থাকল তবু।

পাশাপাশি আসছে। এভাবে এই লোকের সামনে ধরা পড়বে সাস্থনা স্বপ্নেও ভাবে নি।

কিছু একটা রোমাঞ্চকর সঙ্কেচ এড়ানোর তাগিদ। আর কেমন এক অকারণ খুশির বিড়ম্বনা। নিরুপায়, তাই বেপরোয়া। প্রায় প্রগল্ভা।—ডাম্পার-গুলোকে দেখাচ্ছে যেন শুকনো ডাঙায় মন্ত এক একটা কচ্ছপ। নতুন আর্থ-কাটারের মাথায় ষ্টিয়ারিং হাতে মূর্তির মত বসে আছে ঐ যে টুপিমাথায় লোকটা—মুখখানা দেখলে মনে হয় জন্ম জন্ম ধরে কলের মত শুধু এই করে আসছে। ফাঁকা মড়াইয়ে সাদা ব্লকগুলোকে উঁচু থেকে বেদেদের তাঁবুর মত মনে হয় অনেক সময়। আর্থড্যামের ঐ ওদিকটায় কিছুক্ষণ চেয়ে থাকলে বসা হাতীর পিঠের মত লাগে দেখতে। অনর্গল উপমা আর অনর্গল হাসি সাস্থনার।

সেদিন যেমন আজও তেমনি। মড়াইয়ের সর্বাধিনায়ক তো ওর কি! ও পরোয়া করে না। অন্তত দেখাতে চায় যে পরোয়া করে না। অস্বস্তিতে ঘেমে উঠছে ভিতরে ভিতরে। উঠলেই বা। বাইরে অটুট সহজ। দ্বিগুণ সহজ।

বাদল গাঙ্গুলি দেখছে। হালকা লাগছে। ভালো লাগছে। জিজ্ঞাসা করল, সেদিন আমার বাড়ি থেকে ওভাবে চলে এলে যে?

ঠিক বুঝে উঠল না। কি ভাবে চলে এলাম?

খাবার-টাবার তৈরি করে খাওয়ালে, তার পর নিজে না খেয়ে চলে এলে—নিধু দুঃখ করছিল।

হেসে উঠল সাস্থনা—আর নিধুর মনিব?

নিধুর মনিবও।

আবার সেই খুশির বিড়ম্বনা। ফলে আবার সেই উচ্ছলতা। বড় করে নিঃশ্বাস ফেলল একটা। আহা, মরে যাই মরে যাই, নিধুর দুঃখ তার ওপর আবার নিধুর মনিবের দুঃখ—একেবারে জোড়া কুমীর-কান্না। আর এক দিন গিয়ে রোঁধে দিয়ে আসব।

হাসছে বাদল গাঙ্গুলিও। নিজের অজান্তে হাসছে। বলল, দিলে তো ভালোই, নিধুর রান্নার কথা মনে হলে গায়ে জ্বর আসে। তুমি এত ভালো রান্নাতে শিখলে কি করে!

গভীর মুখে সাস্থনা কুমারি দিল, ইজিনিয়ার দিয়ে প্ল্যান করিয়ে ড্রাক্টসম্যান দিয়ে ছক আঁকিয়ে, ওভারসিয়ার দিয়ে সারভে করিয়ে, কন্সট্রাক্টর দিয়ে—নিজের মুখরতায় নিজেই লজ্জা পেল।

দিনে বার-দুই অন্তত মড়াইয়ে টহল দিতে দেখা যায় চিক ইঞ্জিনিয়ারকে। নিঃশব্দে আসে কখন, নীরব পর্যবেক্ষণ করে, সকলের মধ্য দিয়েই সকলের পাশ কাটিয়ে যায়। কিন্তু আজ যারা দেখল বা দেখছে তারা তফাৎ কিছু উপলব্ধি করছে। গুমোট ছায়া পড়ে নি কোন। বিশ্লেষণী গাঙ্গীরের দূরত্ব নেই।

মড়াইয়ের উপর থেকে দেখছে আর একজন। রণবীর ঘোষ। দিনের মধ্যে ক'বার ভূর্যগতিতে তার জিপ ওঠানামা করছে ঠিক নেই। অকারণে। ক্ষোভে আর আক্রোশে। লাহনার ক্ষত মুখে ফেলার তাড়নায়। দ্রুতগতির মাথায় ঘ্যাঁচ করে থেমে গেল জিপটা। এত উঁচু থেকেও মড়াইয়ের গম্বরে চোখে পড়েছে কিছু। দুই মূর্তি। একজনের শাড়ির আভাস।

ঝুঁকে পিছনের আসন থেকে বায়নাকুলার হাতে নিল। কি কাজে লাগে এটা এখানে? এখন না হোক, আগে লাগত। মড়াইয়ে নিজের এলাকায় বসে দুটিসান্নিধ্য পেত। যখন খুশি, যার খুশি। কাজের ফাঁকে ফাঁকে চোখে উঠত, ওটা। বেছে বেছে নজরবন্দী করত কাউকে।

চোখ থেকে নীল চশমা নামল। বায়নাকুলার উঠল। ব্যবধান ঘুচল। দৃষ্টিবন্দী দুই মূর্তি। চিক ইঞ্জিনিয়ার আর সান্না।

নারী আর পুরুষ আর প্রসন্নতা।

কঠিন চোখে পলক পড়ে না। যতক্ষণ দেখা যায়। তার পর বিচ্ছিন্ন হ'ল ওরা। বায়নাকুলারের আওতা থেকে একজনকে ছাড়তে হয় এবার। অশ্রুটি কটুক্তির সঙ্গে সঙ্গে পুরুষকে জাহান্নমে পাঠাল। নারী-প্রার্থ্য সামনে এগিয়ে আসছে ক্রমশ।

উঠে আসছে। কাছে আসছে। প্রায় হাতের কাছে যেন। তবু রণবীর ঘোষ জানে খুব কাছে নয়। চোখ থেকে যন্ত্রটা সরালে কাছের মোহ ভেঙে যাবে।

...ধমকে দাঁড়াল...জিপটা দেখেছে এবং চিনেছে। নিরীক্ষণ করছে চোখ টান করে। চোখাচোখি হ'ল বায়নাকুলারের ভিতর দিয়ে। কয়েক মুহূর্ত। যন্ত্রটা সরালো রণবীর ঘোষ। বেশ দূর এখনো।

এর পরে কি হবে জানা আছে। ওই বাক পেরোলে আবার দেখা যাবে উঠে আসছে। উঠে আসবে। তারপর সরাসরি ঢুকে পড়বে ওই দোকানে। ভুতুবাবুর দোকানে।

স্থায়ী মত জিপে বসে প্রতীক্ষা করতে লাগল। মড়াইয়ের মিয়াদ ফুরিয়েছে তার। বোঝাপাড়া হয়ে গেছে ছিঁড়েন চাকলাদারের সঙ্গে। এখানে তার এ চাল-চলন আর বরফাস্ত করতে রাজী নয় পার্টিনার। স্পষ্ট জানিয়েছে। কলকাতার

আড়ত নিয়ে থাকতে হবে তাকে। আর হেড অফিস থেকে এনকোয়ারির ব্যবস্থা করতে হবে। মড়াইয়ে শুধু দ্বিজন চাকলাদার থাকবে।

ষাড় কেবল। দেখা যাচ্ছে। যা ভেবেছিল তাই। বিচলিত দৃষ্টি। কণিক দ্বিধা। তারপর ভূতুবাবুর দোকান।

রণবীর ঘোষের চকচকে মুখে হাসির আভাস। ভূতুবাবুর মা-লক্ষ্মী।

সেদিন জিজ্ঞাসা করেছিল ভূতুবাবুকে। সেই জলের দিনে সন্ধ্যায় চিফ ইঞ্জিনিয়ারের বাড়ি থেকে বেরিয়ে তার সামনাসামনি পড়ছিল যখন। গোড়াউন দেখতে আসার আমন্ত্রণের জবাবে মেয়েটা যা বলেছিল ভোলে নি। তবু সেদিন অবাক যত হয়েছিল, অগ্রসর হয় নি তত। হালকা আভাসে জিজ্ঞাসা করেছিল ভূতুবাবুকে। কার বরাতে ঝুলছে? বাদল গাঙ্গুলি? নরেন চৌধুরী?

ভূতুবাবু এত জানে আর এটুকু জানে না। আধ হাত জিব কেটে সারা। কিন্তু সেদিনের সে মেজাজ গেছে রণবীর ঘোষের।

জিপ থেকে নামল। চলল ধীরেস্থে।

দোকান জমে উঠেছে ভূতুবাবুর। পর্দা দিয়ে ক্যাবিন করেছে মেয়েদের জন্য। নিটোল পর্দা নয় মোটেই, দৃষ্টি চলে অনায়াসে। তাও আবার অর্ধেক গোটানো। ভূতুবাবুর গোল মাথার বুদ্ধি গোল নয়।

যেন কোয়ার্টার্স-এর আর একটি মেয়ের সঙ্গে বসে চা খাচ্ছিল ঝরনা চ্যাটার্জী আর হাসি ছড়াচ্ছিল। আসলে হাফ-গোটানো পর্দার ওদিকে ছেলে ক'টার মুখের কারুকার্য উপভোগ করছিল। তারা চলে যেতে মুখে একটা বিষন্ন ক্লান্তির ছায়া পড়ছিল সবে। সাস্তুনাকে দেখামাত্র কলকলিয়ে উঠল একেবারে। ভূতুবাবুর ফোলা গাল হাসি-টসটসে হয়ে উঠল চিরাচরিত অভ্যর্থনায়। —আহ্ন মালক্ষ্মী আহ্ন, আমি ভাবছিলাম ভূতুর দোকান ভুলেই গেলেন।

ঝরনা হেসে উঠল আবার।—এদিকে, সোজা এদিকে চলে এসো মা-লক্ষ্মী।

এক বিপদ এড়াতে গিয়ে আর এক ক্যাসাদ। কিন্তু ঝরনার অভ্যর্থনায় সাড়া দেবে কি ভূতুবাবুর কাছেই দাঁড়াতে ঠিক করার আগেই আবহাওয়ার দ্রুত পরিবর্তন ঘটল আবার। নীল চশমা হাতে দোলাতে দোলাতে রণবীর ঘোষ ভিতরে এসে দাঁড়াল।

সাস্তুনা ষাড় কেবল। দৃষ্টি বিনিময়। চিত্রাঙ্কিত নিশ্চল কয়েক মুহূর্ত। তারপরেই চকিত সাড়া জাগল। সবিনয়ে ভূতুবাবু তার আসন ছেড়ে মাটিতে অবতরণ করল। কলহাস্তে ঝরনাও এগিয়ে এলো ডাড়াডাড়ি। কোঁতুকছটা তার পার্শ্ববর্তিনী তৃতীয় মেয়েটির মুখেও। ঝরনা বলল, ভূতুবাবুরই ভাগ্য

আজ, মা-লক্ষ্মীর পা পড়তে না পড়তে একেবারে কুবেরের আবির্ভাব।

ভুতুবাবু বিনয়-বিগলিত। পলকের জন্তু বরণা ধমকে গেল। সান্থনাকে দেখল। রণবীর ঘোষকে দেখল। অজগরের অমোঘ আকর্ষণী আওতায় অসহায় পশুর অব্যক্ত ধড়কড়ানি দেখল। নির্মম উচ্ছলতায় সমস্ত ভিতরটা খলখলিয়ে উঠল যেন। সান্থনার হাত ধরে বাঁকুনি দিল একটা, কি গো মড়াইকণ্ঠা, একেবারে বোবা হয়ে গেলে যে। অনেকদিন আগে এই ভদ্রলোক দুঃখ করছিলেন, তুমি নাকি স্নানজরে দেখো না—এসো আজ বোঝাপড়া করে ছাড়ব তোমার সঙ্গে। ভুতুবাবু, আমাদের চা দিন, আশ্বন মি: ঘোষ, ভুতুবাবুর লেডিজ ক্যাবিনেই চলে আশ্বন।

আহ্বান কানে আসার সঙ্গে সঙ্গে সান্থনার বিলাস্ত আচ্ছন্নতা কেটে গেল যেন। সবলে এক লোলুপ গ্রাস থেকে ছাড়িয়ে নিল নিজেকে। বলল, না, আমাকে একুনি বাড়ি যেতে হবে। ভুতুবাবুর দিকে এগিয়ে এলো একটু।—সদীরের সঙ্গে দেখা হলে একবার আমাদের বাড়ি যেতে বলবেন তো, দরকার আছে।

কোনদিকে না চেয়ে বেরিয়ে গেল। ভুতুবাবুর গোল চোখে গোলমেলে বিস্ময়। রণবীর ঘোষ নিজের অজ্ঞাতে ঘাড় কিরিয়েছে বাইরের দিকে। চাপা হাসিতে ঝলমলিয়ে উঠেছে বরনার সমস্ত মুখ। মানুষটাকে দেখছে না, তার ইচ্ছাটাকে দেখছে। দেখছে আর কোঁতুকে উঠছে উপছে।—আশ্বন তাহলে, আমরাই আর একটু চা খাই, কি আর করা যাবে।

রণবীর ঘোষ সচকিত। ভুতুবাবুও। ছোকরা চাকরকে হাঁকডাক করে চায়ের অর্ডার দিল তাড়াতাড়ি।

হনহনিয়ে উপরে উঠছে সান্থনা। বিকেলের মিষ্ট বাতাসে আরো বহু লোক উঠছে নামছে। কারো দিকে জ্ঞপ নেই। অসহিষ্ণু ক্ষোভে ভিতরে ভিতরে জ্বলছে। মেন কোয়ার্টার্স ছাড়িয়ে জেনারাল কোয়ার্টার্সএর দিকে পা বাড়িয়ে কিছুটা স্থস্থ হ'ল। বেজায় হাঁপিয়ে গেছে। বসলে হ'ত একটু। কিন্তু বাড়ি পৌঁছানোর অকারণ তাগিদে বসা হ'ল না।

পাগল সর্দারকে আসার জন্তু বলে এলো ভুতুবাবুকে। কেন বলল? কে জানে কেন, শুধু কিছু একটা বলার জন্তেই বলা। সঙ্গে সঙ্গে হোপুনের কথাও মনে পড়ে। জিপে রণবীর ঘোষ আর তার পাশে সেই কালো পাথর মূর্তি। ভিতরে ভিতরে আবার জ্বলে উঠল সান্থনা। খুব তো জিপে করে বসে ঘুরিস,

ভোর চাঁদমণির খবর রাখিস? পাগল সর্দার এলে বলে দেবে, ওই লোকটার সঙ্গে যেন কক্ষনো না মেশে হোপুন। সেদিন জিপে ওদের দুজনকে পাশাপাশি দেখার লিম্বয় এবং অস্বস্তি ভুলতে পারে নি সান্থনা।

বাড়িতে পা দেবার সঙ্গে সঙ্গে মন খুশি। বাবা আর নরেনবাবুতে বসে গল্প করছে। সেই কটুপ্তি শুনে গিয়েছিল ভদ্রলোক, আর এই এলো। অবনীবাবু ঈষৎ বিরক্ত হয়ে বললেন, কোথায় থাকিস সমস্ত দিন? নরেন সেই কখন এসেছে অফিস থেকে, ওর বোধ হয় খিদে পেয়ে গেছে, দেখ্ কি আছে।

কি আছে দেখার বদলে সান্থনা নরেনকে দেখতে লাগল। খুব চেনা মাহুঘের মধ্যে অচেনা কিছু দেখলে যেমন করে দেখে। চোখে মুখে কৌতুকাভাস।

নরেন অল্প অল্প পা দোলাচ্ছে আর হাসছে।—খিদে পেয়েছে কিনা দেখছ নাকি?

জবাব না দিয়ে হাসিমুখে ভিতরে চলো এলো সান্থনা। গুমোট কেটেছে। হালকা লাগছে।

কিছুদিন হ'ল হালকা লাগছে অবনীবাবুরও।

নিজের সঙ্গে বোঝাপড়া করে নিয়েছেন তিনি। সান্থনা জানে না। নরেনও কিছু আভাস পায় নি। সকলের অগোচরেই নিজের সঙ্গে বোঝাপড়া করেছেন অবনীবাবু। একলার জীবনে এক ধরনের দার্শনিক নির্লিপ্ততা এসেছে তাঁর মধ্যে। সংস্কারের বাঁধন শিথিল হয়েছে অনেক। সামাজিক ভ্রুকুটির অর্থ গেছে কমে। মেয়ে স্ত্রী থাকবে। ভালো থাকবে। এইটেই বড় কথা আর সার কথা। নরেনই কথা পাড়বে হয়তো। সঙ্কোচে যদি না পারে, তিনিই বলবেন। ঐ ঘর থেকেই হাঁক দিলেন, আমি বেরুলাম, বুঝলি?

বিকেলে লম্বা একপ্রস্থ হাঁটা অভ্যাস তাঁর।

সান্থনা হাতমুখ ধুয়ে দাঁড়ায় এসে বসে ঠাণ্ডা হয়ে দাঁড়িয়েছে। বাবার কথা কানে এলো। তিনি বেরিয়ে গেলেন টের পেল। ভাল লাগল না। খারাপও লাগল না। মনে মনে উদ্গ্রীব হয়ে ছিল এ ক'দিন। নিধুর মুখে আর বাবার মুখে রণবীর ঘোষের নাকাল হওয়ার ব্যাপারটা শোনার পর থেকেই। নিধু বলেছিল, তাড়া তাড়া নোট দিয়ে অমন পিটুনি জয়েভক দেখেনি। বাবা চিন্তিত হয়েছেন, কি ভাবে শোধ নিতে চেষ্টা করবে ওই কনট্রাক্টের ঠিক কি। সে চিন্তা সান্থনাকেও স্পর্শ করে নি এমন নয়। কেমন মনে হয়েছে, তার জন্যই এতটা হয়েছে। হঠাৎ আবার জিপে রণবীর ঘোষের পাশে হোপুনের মূর্তি স্মরণ হতেই তব্বের ছায়া নামল মূর্ধে।

নরেন এসে দাঁড়াল। মোড়া টেনে দাঁওয়ায় বসল, যেমন বসে। সহজ ভাবেই বলল, আমার খাবার তাজা নেই কিছু, খেয়ে এসেছি।

সাস্বনা সর্কোতুকে তাকালো তাব দিকে। বলল, নতুন নতুন লাগছে শুনতে।

যে ভাবে তাকাচ্ছ, মনে হচ্ছে নতুন নতুন লাগছে দেখতেও।

লাগছেই তো। আপনার আবার এত রাগ জানতুম না।

কোন প্রসঙ্গে বলছে বুঝেই নরেন হাসতে লাগল তার দিকে চেয়ে।...এ ছাড়া আমার আর যা কিছু সব জেনে ফেলেছ বোধ হয়?

হেসে ফেলল সাস্বনা, খুব ফট ফট করে কথা শোনাচ্ছেন যে—এ কদিন আসেন নি কেন?

অনেকবার স্থির করেছিল, দেখা হলে বলবে, সেদিন ওরকম বলাটা তার অগ্রায় হয়েছে খুব। বলে উঠতে পারল না। কিন্তু যা বলল, নরেনের কানের ভিতর দিয়ে মরমে পৌঁছুলো বোধ হয়। নিষ্পৃহ মুখে জবাব দিল, না এসে দেখছিলাম পেয়াদা পাঠাও কি না, আশা নেই দেখে শেষে চলে এলাম।

দেয়ালে ঠেস দিয়ে দাঁড়িয়েছিল সাস্বনা। সেখানেই বসল। চেষ্টা করেও হালকা কথা কিছু যোগালো না। বাইরের দিকে মুখ ফেরাতে হ'ল। ভদ্র-লোকের কথাবার্তার ধরনধারণ স্ববিধের ঠেকছে না।

প্রসঙ্গ বদলে নরেনই জিজ্ঞাসা করে বসল আবার, মড়াইয়ে বাদল গাঙ্গুলির সঙ্গে খুব গল্প করছিলে দেখলাম—

হঠাৎ একেবারে খতমত খেয়ে গেল সাস্বনা। সচকিত বর্ণাস্তর। নরেনের চোখ এড়ালো না কিছুই। চেয়েই আছে। হাসছে একটু একটু।

লঘু বিষয়ে সাস্বনা পান্টা প্রশ্ন করল, ওমা, আপনি আবার কোথেকে দেখলেন?

গা-ঢাকা দিয়ে তো আর ঘুরছিলে না, সব জায়গা থেকেই দেখা গেছে...তা কি কথা হ'ল?

আবার লাল হয়ে উঠছিল সাস্বনা, শেষের প্রশ্নটার আশ্রয় নিয়ে বাঁচল। ছদ্ম গাঙ্গীর্থে বলল, কথা হ'ল আমি খুব ভালো রাঁধি আর নিধুর রাম্মার কথা মনে হলে গায়ে একেবারে জ্বর আসে। আচ্ছা কেমন আপনাদের চিফ ইঞ্জিনিয়ার—এত টাকা মাইনে পায়, দেখেওনে একজন রাঁধুনী রাখলেই হয়।

শুধু টিপ্পনী নয়। নিজে এ বিত্তেয় পটু বলে করুণাও। নিধুর রাম্মার বহর স্বচক্ষে দেখেছে।

সঙ্গে সঙ্গে নরেন ঠাট্টা করল, তা পছন্দমত রাঁধুনীর খোঁজে যদি এ বাড়ির

দিকেই চোখ দেয়, তাহলে ?

খং, আপনি যাচ্ছেতাই লোক। জ্রুটি সঙ্গেও আরক্ত হয়ে উঠল। এ কথার জবাবে ভদ্রলোক এরকম ঠাট্টাই করবে জেনেও বলা। তবু বিকেলে মড়াইয়ের অস্থূতিটুকু নিজের অজ্ঞাতে মিষ্টি আনন্দের মত যেন ভিতরে ভিতরে ছড়িয়ে আছে। সেই খুঁশিটুকুই প্রকাশ পেল আবারও। হাসিমুখেই জিজ্ঞাসা করল, ভদ্রলোককে সবাই এত ভয় করে কেন বলুন তো ? ক’দিন তো কথা বলে দেখলাম, মেজাজপত্র দিবা ঠাণ্ডা !

নরেন চূপচাপ চেয়ে ছিল। মুচকি হেসে বলল, তোমাকে সে মেজাজ দেখাতে যাবে কেন ?

অগ্ন লোককে ? হালকা আগ্রহ।

অগ্ন লোককেও মেজাজ ঠিক দেখায় না, তবে কাজের বাইরে নিজের মনে একা থাকতে থাকতে এমন হয়েছে যে ভরসা করে কেউ বড় খেঁষে না কাছে।

বলার মধ্যে আন্তরিকতা ছিল। একটুখানি বেদনার ছায়া পড়ল সান্ত্বনার মুখে। কিছু না ভেবেই জিজ্ঞাসা করল, আচ্ছা, ভদ্রলোকের আপন বলতে আর কেউ কোথাও নেই, না ?

আবার হাসতে লাগল নরেন চৌধুরী। নিঃশব্দ হাসি আর সকৌতুক নিরীক্ষণ। সান্ত্বনা বিব্রত বোধ করতে লাগল কেমন। বেশ খানিকক্ষণ চূপচাপ থেকে নরেন জবাব দিল, আছে, তেমন কেউই আছে, তবে ভদ্রলোক সেটা এখনো ঠিক জানে না বোধ হয়।

এক বলক রক্ত উঠে আসছে সান্ত্বনার মুখে। সেটা টের পেয়েই জিজ্ঞাসু বিশ্বাসের ভান করতে হ’ল যথাসম্ভব। কিন্তু সেও আর কতক্ষণ। ভদ্রলোকের চোখেমুখে গা-জ্বালানো হাসি।

উঠে চট করে রান্নাঘরে চলে গেল। সেদিকে চোখ রেখে নরেন তেমনি হাসছে মৃদু মৃদু।

সান্ত্বনার সামলে নিতে সময় লাগল বেশ একটু। ওই ভাবে না তাকালে আর ওই ভাবে না হাসলে সেও রাগ দেখাতে পারত বা যাহোক কিছু বলতে পারত। রান্নাঘর থেকে বেরিয়ে করতেও হবে সেরকম কিছু—বা বলতে হবে। কিন্তু আয়না ছাড়াও নিজের মুখের অবস্থা অনুমান করতে পারছে।

চূপচাপ দাঁড়িয়ে দাঁড়িয়ে কিছুক্ষণ। হৃদয়ীর ছোকরা চাকর উত্থান ধরিয়ে রেখে গেছে। বেশ শব্দ করে কেটলি ধুয়ে চায়ের জল চড়ালো। শাড়ির আঁচলে হাত মুছতে মুছতে প্রস্তুত হয়ে বেরিয়ে এলো তার পর। বিমূঢ় পরীক্ষণে।

নরেন চৌধুরী চলে গেছে ।

শ্রুত পায়ে মেন কোয়ার্টার্স-এর দিকে চলেছে নরেন চৌধুরী । অনেকটা নিরুদ্দিষ্টের মত । অল্প অল্প হাসিটুকু মুখে লেগে আছে তেমনি ।...হাসি ঠিক নয় । তবু হাসি বৈকি !

মূর্তির মত দাঁ ওয়ায় বসে আছে সান্দ্রনা । রান্নাঘরে কেটলির জল ফুটে উঠুন নিবেছে, খেয়াল নেই ।

—এগারো—

অন্ধকার শাল গাছের নিচে সাইকেল খাতে নিরাপদ ব্যবধানে দাঁড়িয়ে দুই চোখ বিস্ফারিত করে ভূতবাবু দেখছে আব দবদব করে ঘামছে ।

তারই দোকানের এক ঘরে টিম টিম করে আলো জ্বলছে একটা । সেই আলোয় দেখা যাচ্ছে খাটিয়ার ওপর বসে আছে লোকটা আর ক্রমাগত পাইপ টানছে । পাইপ নিবে যাচ্ছে মাঝে মাঝে । দেশলাই জ্বলে পাইপ ধরাচ্ছে আবার । তার আভাষ চকচকে মুখ লাল দেখাচ্ছে থেকে থেকে । ভূতবাবুর চোখ জানে, সে লালিমা স্বেবাসিক্ত ।

ভূতবাবু কাঠ হয়ে দাঁড়িয়ে থাকে আর দেখে চেয়ে চেয়ে । মনে হয় তারই দোকানে বাসা নিয়েছে এক মূর্তিমান বিভীষিকা । মড়াইয়ের বাতাসে গাছের পাতা মড়মড়িয়ে ওঠে । ভূতবাবুর কানের ভিতর দিয়ে একটা অজ্ঞাত শব্দর স্রোত পা বেয়ে নামতে থাকে ।

রাতের পর রাত কাটিয়েছে দোকানে, কখনো এমন হয় নি ।

শলাই জ্বলে উঠল পাইপের মুখে । তেলতেলে লাল মুখ ঢুলু ঢুলু টুসিটুসি দেখালো ঝাঁকার । দোরগোড়ায় মেঝেতে দ্বিতীয় মূর্তি । অন্ধকারের মতই কালো আর ধ্বংসের । ক্রমাগত মদ গিলছে সেও । ঘরের টিমটিমে আলোয় বাইরের দিকে বিরাট একটা ছায়া পড়েছে তার । সেই ছায়ার নড়াচড়া দেখে ভূতবাবু বুঝতে পেরে, থেকে থেকে বোতল উবুড় করে গলায় ঢালা হচ্ছে ।

পন্ন পন্ন চারদিন... ভূতবাবু ভয়ে কাঠ । আরো এগারো দিন বাকি ।

কোথা দিয়ে কি ঘটে গেল এখনো যেন ঠাণ্ড করছে পারছে না । কেন রাজী হ'ল ? টাকার লোভে ? এক পাজী নোট যখন লোকটা নাড়তে লাগল তার চোখের সামনে, ভূতবাবুর পায়ের নিচে মাটি ছিল । * একেবারে গোল আর

স্থির হয়ে গিয়েছিল তার গোল গোল দুই চোখ। নাকের ডগায় টাকার বাতাস লেগে গোটা শরীরটাই সিঁড়িসিঁড় করে উঠেছিল। তবু টাকার লোভেই শুধু রাজী হয় নি। রাজী হয়েছে ভয়ে। অজ্ঞাত ভয়ে। কি করে যেন বুঝেছিল রাজী না হলে তার দোকানের পাট বরাবরকার মত তুলতে হবে এখান থেকে। লোকটা তার নাকের ডগায় টাকা হুলিয়েছে মতামতের প্রত্যাশায় নয়। মুখ বন্ধ করার জন্তু আর কোঁতুহল দমন করার জন্তু। টাকার দোলানিতে সেটা সম্ভব না হলে আরো উপায় আছে হাতে। সে উপায়টিও আড়ে আড়ে দেখেছে ভূতুবাবু, উপলব্ধি করেছে।

নোটের তাড়া হুলছিল রণবীর ঘোষের হাতে আর ড্যাবডেবে মড়া চোখে নিনিমেষে চেয়েছিল হোপুন।

কেউ তারা ভয় দেখায় নি। তবু ভয় পেয়েছিল ভূতুবাবু। রণবীর ঘোষের হাতে টাকা আছে, টাকায় না হলে হোপুন আছে। একবার টাকার দিকে তাকাও। তার পরে হোপুনের দিকে। ওই ঠাণ্ডা মড়া চোখের সঙ্গে দ্বিতীয়বার আর চোখোচোখি করার সাধ হবে না। চেয়ে থাকো টাকার দিকে। নাকের ডগায় টাকার বাতাস মিষ্টি লাগবে। টাকা নাড়ার ফরফর শব্দটা মিষ্টি লাগবে কানে। বিহ্বল হাত বাড়িয়ে টাকা নাও তার পর। মড়া চোখের দিকে তাকিও না আর।

হাত বাড়িয়ে টাকাকি নিয়েছে ভূতুবাবু।

কিন্তু ওই টাকাই অস্বস্তির কারণ, ভয়ের কারণ, বিভীষিকার কারণ। এত টাকা না পেলে অত ভাবত না ভূতুবাবু, অত ভয়ও পেত না। অত টাকা পেয়েছে বলেই গোলমালে ঠেকছে সব কিছু। গোলমালে ঠেকছে বলেই ভাবছে। আর যত ভাবছে তত ভয় বাড়ছে।

হুদিনের মধ্যে সব কিছু যেন ওলটপালট হয়ে গেল ভূতুবাবুর চোখের সামনে। অথচ ব্যাপার সামান্য। গোড়ায় গোড়ায় তো টাকা নিয়ে হু'পাচ জনের এক-একটা দলকে এমন ঘর ছেড়ে দিয়েছে কতবার। বিদেশে বেঘোরে এসে পড়েছে। রাতে মাথা গৌজার আস্তানা নেই। টাকা ফেলো, থাকো এক রাত হু'রাত। ভূতুবাবু অল্প ঘরে সব পুরে তালাবন্ধ করে সাইকেল ঠেঙিয়ে চলে যাবে চৌদ্দ মাইল দূরে নিজের বাড়ি। ভাঙা কাচের আলমারি ভেলচিটে আসবাবপত্র ব্যবহার করা হাঁড়ি কড়াই চুরি করার জন্তু অত টাকা দিয়ে দল বেঁধে ঘুরে ঘুরে আসবে না কেউ ভদ্রলোক সেজে। মুখ দেখে লোক চিনতে পারে ভূতুবাবু। তাছাড়া ছুটবো চুরির ভয়ও নেই কিছু।

আদিবাসীরা আর যাই হোক, চুরি শেখে নি।

কিন্তু এই সামান্য ব্যাপারটাই অসম্ভব ত্রাস সঞ্চার করেছে ভুতুবাবুর মনে। পনের দিনের জন্ত তার দ্বিতীয় ঘরটি দখল করেছে রণবীর ঘোষ। দিন নয়, শুধু রাতের জন্ত। মড়াই ছেড়ে চলে যাচ্ছে বরাবরকার মত। দিনকতক থাকা দরকার এখনো। পাটনারের সঙ্গে বর্নছে না বলেই এই ব্যবস্থা নাকি। পনের স্বাত্রির জন্ত হলেও যে কোনদিন চলে যেতে পারে।

কিন্তু পনের স্বাত্রির জন্ত অত টাকা কেন? এর পনের ভাগের এক ভাগ হলেও তো। ভুতুবাবু রাজী হয়ে যেত। অত টাকা কেন আর অত খমখমে গোপনতা কেন? সেই গোপনতার সঙ্গী এই মড়া-চোখো লোকটা কেন?

দোকানের শুক খেকেই হোপুনকে চেনে ভুতুবাবু। তার আত্মরিক কীর্তি-কলাপ জানে। মনে মনে সমীচ করে। কিন্তু এরকম ভয় কখনো করে নি। কিছুদিন ধরেই লোকটার কথা ভাবছিল ভুতুবাবু। বিগত ক'টা দিনের মধ্যে ওর সঙ্গে নীরব যোগাযোগ ঘটেছে বারকতক।

নিরবিবলিতে ফস ফস করে আনেকোরা নোট বার করছে ছোটো তিনটে করে। মুখ ফুটে কখনো বলে নি বিশেষ কিছু। সামান্য ইঙ্গিতে ভুতুবাবু বুঝে নিয়েছে। হাড়িয়া বাঁ পচাই নয়, খাঁটি বিলিতি চাই। হাড়িয়া পচাই তো ওদের ঘরে সর্বদাই মজুত থাকে। ওর মুখের দিকে চেয়েই ভুতুবাবু পরিষ্কার বুঝতে পারে, লেবেল-আঁটা বিলিতির স্বাদ লোকটা ভালো করেই জেনেছে।

ভুতুবাবু কি এই ব্যবসা করে নাকি? মোটে না। বিশ মাইল দূরে শহরের দোকান সকলের জগ্গেই ধোলা। তুমি গেলে তুমিও নিয়ে আসতে পারো। কিন্তু তোমার যাওয়ার ফুরসত নেই বা সঙ্গতি নেই। আমি এনে দিই তোমার হয়ে। বোতলের দাম নিই আর পরিশ্রমের দাম নিই। ব্যস, নিবেকের কাছে পরিষ্কার ভুতুবাবু। যার দরকার, যেমন করে হোক আনানেই সে, ভুতুবাবু উপলক্ষ মাত্র।

কিন্তু তা বলে হোপুন। হোপুনের জন্ত! ভুতুবাবু অবাক। অবশ্য এ অর্থের যোগানদার কে ভুতুবাবু অচিরে জেনেছে। কিন্তু জেনে বিশ্বাস চতুর্গুণ বেড়েছে। ভুঁ মুখ ফুটে জিজ্ঞাসা করতে পারে নি কিছু। জিজ্ঞাসা করবে কাকে। লোকটার বোবা চাল-চলনের ব্যতিক্রম নেই কিছু। বরং আরো শাস্ত আরো নিশ্চাপ মনে হয়েছে। কিছু জিজ্ঞাসা করলে এই জমাট কালো পাথর নৃতি যে ভাবে মুখের দিকে চেয়ে থাকবে সে অস্বস্তি। ভুতুবাবু জিনিস এনে দিয়ে খালাস।

তার পর সন্ধ্যায় এই ঘর ছেড়ে দেওয়ার প্রস্তাব, নাকের ডগায় রণবীর ঘোষের টাকা ধোলানো এবং সেই সঙ্গে হোপুন। ভুতুবাবু ভড়কে গেছে, ভাবনা-

চিন্তার অবকাশ বড় পায় নি।

দূরে শালগাছের নিচে অন্ধকারে দাঁড়িয়ে দাঁড়িয়ে পা ধরে গেছে ভূতুবাবুর। যেতে পারলে বাঁচে। কিন্তু পা যেন পাথর হয়ে গেছে। নড়তেও পারছে না।

সন্ধ্যা হতে না হতে মড়াইয়ের হট্টগোল থেমে যায়। কর্মচারীরা ওপরে উঠে যায়। আদিবাসীরা ব্যস্তমস্ত হয়ে ঘরের দিকে ছোট্ট হাড়িয়ার টানে। ভিনদেশি কুলীকামিনের আন্তান। এদিকে নয়। একটু রাত হওয়ার সঙ্গে সঙ্গে ভূতুবাবুর দোকানের আশেপাশে জনমানবের চিহ্ন বড় থাকে না। রাত আটটা বাজতে না বাজতে দু'দশ খর বাঁধা খদ্দেরের রাতের খাবার উপরে চলে যায় শেষবারের ট্রাকে। তার পরেই রাত্রির শুরুত। ধীরেহুস্বে তখন দোকান গোটাবার ব্যবস্থা করে ভূতুবাবু। আর ছোকরা কর্মচারী দুটোর সঙ্গে গল্পগুজব করে।

কিন্তু দু'দিন ধরে রাতের খাবার উপরে পাঠিয়েই ওদের বিদায় দিতে হচ্ছে। একটা ঘর তালাবদ্ধ করে ফেলে দুঃ দুঃ প্রতীক্ষা। ভিঁপে করে রণবীর ঘোষ আসে এক সময়। বাক্যব্যয় না করে সাইকেল নিয়ে প্রশ্নান করে ভূতুবাবু। দূরে অন্ধকারে শালগাছের নিচে এসে দাঁড়ায় তার পর। খাটিয়ায় বসে পাইপ ধরায় রণবীর ঘোষ। ক্রমাগত পাইপ টানে। পাইপ নিয়ে যায়। দেশলাই জ্বলে ধরায় আবার। পিচ্ছিল লালিমায় চকচকিয়ে ওঠে গোটা মুখ।

সাইকেল হাতে ভূতুবাবু দাঁড়িয়ে থাকে নিষ্পদের মত। কতক্ষণ ঠিক নেই।

তার পরে, অনেক পরে শ্লথ গতিতে পাহাড়ের ওপর থেকে নেমে আসে হোপুন। খানিকটা নিটোল অন্ধকারের মত।

ভূতুবাবু জানে, অর্থ দিয়ে সহজে কেনা যায় না ওদের। কিন্তু মদের বশ প্রায় সকলেই।

সমস্ত রাত তা বলে বাইরে দাঁড়িয়ে থাকা চলে না এভাবে। কতদূর যেতে হবে ঠিক নেই। গোলগাল দেহ সঙ্গেও সাইকেলে চেপে অনায়াসে চলে যাওয়া অভ্যাস আছে। কিন্তু ক'দিন ধরে শরীরটা যেন কাঠ। নড়তে-চড়তে সঙ্কট।

আগ্না এক রাত। একই ব্যাপার দেখল ভূতুবাবু।

সিমেন্ট ভেজাল সংক্রান্ত সমস্ত অঘটন জানে। প্রথমে ভাবল, সেই ব্যাপারেই প্রতিশোধের চক্রান্ত কিছ। কিন্তু ভূতুবাবু নির্বোধ নয়। হঠাৎ মনে হ'ল তা নয়। একেবারেই নয় তা। আর কেউ না জানুক, ভূতুবাবু তো জানে ঘর দখলের কথা। জানে যখন, ওখানে মারাত্মক কিছু সংঘটনের সম্ভাবনা নেই। তা ছাড়া প্রতিশোধার্থী হলে এভাবে ঘর দখলের দরকারই বা কি?

তাহলে কি? তাহলে কেন?

ভুতুবাবুর গোল চোখে পলক পড়ে না প্রায়। দম বন্ধ করে ভাবতে থাকে ...তাহলে এমন কিছু, যার জগৎ ঘর দরকার। এমনি নির্জনে, এমনি গোপনে। কোনো একজনের আসার প্রতীক্ষা। কেউ একজন আসবে।

...যেই হোক সে, পুঙ্খমাখুষ নয়।

একটা রোমাঞ্চকর উত্তেজনায় হঠাৎ যেন চাক্ষু হয়ে উঠল ভুতুবাবু। সঙ্গে সঙ্গে এক উচ্ছল চপল মেয়ের মূর্তি ভেসে উঠল চোখের সামনে। অ্যাডমিনিস্ট্রেটিভ অফিসারের মেয়ে ঝরনা। ভারী ভাব দেখেছে এই লোকটার সঙ্গে। যখন তখন যেখানে সেখানে ঘোরে জিপে করে। মেয়েটাকে ভালো মনে হয় নি কোন দিন। তবু খুশি ছিল মনে মনে। দোকানের খদ্দের বাড়িয়েছে অনেক। একবার এসে চা খেতে বসলে টানে টানে অনেকে আসে।

কিন্তু তা বলে এই ব্যাপার। খাপ্পা হয়ে উঠতে লাগল ভুতুবাবু। কিন্তু সেই সঙ্গে এক ধরনের নির্মম উষ্ণতাও উপলব্ধি করছে যেন। পরিবেশটা নিজের দোকানঘর না হলে...

কিন্তু সহসা যেন বিদ্যুতের ঘায়ে একেবারে বিমূঢ় হয়ে গেল আবার। সমস্ত চেতনাস্বন্ধ বুঝি পুড়ে ছাই হয়ে গেল এক নিমেষে। দেহের সব রক্ত জল।

—তাই যদি হবে, সঙ্গে এ হেন অলুচরটি কেন? এই চক্রান্ত কেন? মদে এই দুর্দম লোকটাকে বশীভূত করা কেন?

দরদর করে ঘাম ঝরতে লাগল ভুতুবাবুর। সাইকেলটা পড়ে যাবার মত হ'ল হাত থেকে। রণবীর ঘোষের চালচলন অনেক দিন লক্ষ্য করেছে। লক্ষ্য করেছে।...এবারে সব বুঝেছে ভুতুবাবু। সব জেনেছে। ঝরনা চ্যাটার্জী নয়। আর কেউ, যে স্বেচ্ছায় আসবে না। জোর করে আনা হবে। সেই জন্তে এই চক্রান্ত। সেই জন্তেই হোপুন। সেই জন্তেই তাকে মদ গেলানো।

সাইকেল নিয়ে টলতে টলতে প্রস্থান করল ভুতুবাবু।

মনে মনে এক ধার থেকে জল্পনা-কল্পনা করে চলেছে সাব্বনা। এক-একবার এক-একটা যুক্তির জাল বুঁদেছে। কিন্তু খানিক বাদেই সেটা জোরালো লাগছে না তেমন। আবার ভাবছে। কোন অজুহাতেই জুতসই লাগছে না খুব।

মাসির চিঠি এসেছে। মাসতুতো বোনের দিয়ে। অবিলম্বে তাকে যেতে হবে। বিয়ের প্রায় মাসখানেক দেরি এখনো। কিন্তু মাসির জোর তাগিদ, ওর বাবা যেন পত্রপাঠ দুই-একদিনের ছুটি নিয়ে ওকে রেখে আসে। সাব্বনা

বেশ বুঝছে, একবার গিয়ে পড়লে দু'তিন মাসের ধাক্কা।

বেরোবার আগে অবনীবাবু চিঠি পড়ে গেছেন। ফিরে এসে যা হয় ভেবে ঠিক করবেন বলেছেন। সাস্তনা খুব জানে বাবাও রেখে আসতে চাইবে। কারণ মড়াইয়ে এসে পর্যন্ত আর একবারও যায় নি, তাতেই মাসি ক্ষুব্ধ মনে মনে।

সাস্তনা যাবে তো নিশ্চয়ই। এত দিনে সেই মাসতুতো বোনের বিয়ে। আনন্দও কম নয়। মেয়ে দেখা নিয়ে সেই দু'দুনারেব বিভ্রাট। বোনের বদলে ওকেই নিতে চাওয়া। রাগ আর সঙ্কোচে ওব সেই কৈদে ফেলার উপক্রম। মনে পড়লে এখন কিন্তু খারাপ লাগে না খুব। বরং কেমন যেন খুশির আমেজ লাগে একটু।

সাস্তনার যেতে আপত্তি নেই। দু'চার দিনের জন্ত গিয়ে হৈ-হুল্লোড় করে আসার আগ্রহই বরং ঘোল আনা। কিন্তু ওই দু'চার দিনের জন্ত। সময়-সময় কালে বাবার সঙ্গে যাবে আর বাবার সঙ্গে ফিরে আসবে। কিন্তু মাসি দূরের কথা, বাবাও রাজী হবে না তাতে। ওই জগ্গেই রাগ হয় বাবার ওপর। লিখে দিলেই হয়, সাস্তনা না থাকলে খাওয়া-দাওয়ার অসুবিধে—আরো কত কি অসুবিধে। কিন্তু সে বেলায় ঠিক উন্টো বলবে। যেন ওর কোন দরকার নেই। তা ছাড়া ও না থাকলে ছোকরা চাকরটার হাতে সুন্দরীর কি হাল হবে কে জানে। আসলে মড়াই ছেড়ে যাওয়ার চিন্তাটাই প্রায় হুঃসহও।

বাইরে কড়া নাড়ার শব্দ। বিস্মিত হ'ল সাস্তনা, এই ভরা দুপুরে আবার কে! কণ্ঠস্বর শোনা গেল সঙ্গে সঙ্গে।—মা-লক্ষ্মী আছেন নাকি, আমি ভূতু।

তাড়াতাড়ি এসে দরজা খুলে দিল সাস্তনা। খুশি হয়ে বলল, কি ব্যাপার, আস্থন, ভিতরে আস্থন—এতকাল বাদে সুন্দরীর কথা মনে পড়ল বুঝি?

ভূতুবাবুর ঘামে-ভেজা ফোলা গাল অমায়িক হাসিতে টসটসে দেখালো। কাপড়ের খুঁটে ঘাম মুছতে মুছতে কাঠের চেয়ারে বসে বড় একটা দম নিল।—আসতে তো মন চায়, সময় পাই কোথা মা-লক্ষ্মী, আপনাদের আলীর্বাদে লোকান ছেড়ে নড়তেই পারি নে মোটে। তা ভালো আছেন তো?...ক'দিন দেখি নি, লোকানেও তেমন লোকজন নেই এখন, ভাবলাম এই ফাঁকে টুক করে মা-লক্ষ্মীকে দেখে আসি একবার।

হু চোখ গোল করে মা-লক্ষ্মী দর্শনে মন দিল ভূতুবাবু। হাসি চেপে সাস্তনা পাশের ঘর থেকে একধানা হাতপাখা এনে তার হাতে দিয়ে অদূরে বসল।

ভূতুবাবুর হাতে পাখি ঝুঁড়তে লাগল আর মুখে কথা বলতে লাগল। এলো-মেলো কথা। রাজ্যের কথা। গোকর প্রসঙ্গ তুলল না মোটে। সাস্তনার মনে হ'ল

শুধু দর্শনাভিলাষে আসে নি লোকটা, কিছু দর্শনতত্ত্বালোচনার বাসনাও আছে। কথার তোড়ের মাঝখানে হঠাৎ থেমে যাচ্ছে এক একবার, দেখছে ওকে নিরীক্ষণ করে, আবার সচেতন হয়ে যে কোন একটা প্রসঙ্গ ধরে নতুন করে দর্শনপথ পাড়ি দিচ্ছে একটা। সাস্ত্রনা মনে মনে অবাক হ'ল একটু। শ্রোতা পেলে ভূতবাবু বক্তা ভালো জানে। কিন্তু সে বক্তৃতায় সব সময়েই আত্মগত বা স্বার্থগত হ'র থাকে একটা। অথচ আজ প্রায় দুর্বোধ্য লাগছে। সাস্ত্রনা শুনেছে মন দিয়ে, সেটা বোঝাবার জন্তেই মাঝে মাঝে মুখ টিপে হাসছে একটু, আর সর্কোতুকে চেয়ে আছে।

হাতপাখা হাঁটুর ওপর রেখে ভূতবাবু অনর্গল বলে চলেছে। এবারের প্রসঙ্গ বোধ হয় আবহাওয়াগত।—বেজায় গরম পড়েছে, আগার এ সময়ে প্রচণ্ড জলও হয়ে গেল ন'র দুই। জল হয়ে গেল অথচ গরম কমল না। আকাশ সারাক্ষণ মেঘে থম-থম, ওদিকে বাতাসের দেখা নেই। মড়াইয়ের সমস্ত বাতাস যেন পাহাড়ের ভিতর গিয়ে মেরিয়েছে। মড়াইয়ের সবই উন্টোপান্টা ব্যাপার এখন। কখন যে কি হবে কিছু ঠিক নেই। কিছু একটা হবেই এ বছরটা, আকাশের দিকে চাইলেই বোঝা যায় কিছু হবে। মা-লক্ষ্মীর কি মনে হয়, হবে না কিছু?

জবাব এড়িয়ে সাস্ত্রনা হাসে তেমনি।

—মড়াইয়ের মানুষগুলোও কেমন যেন উন্টোপান্টা রাস্তায় চলেছে এখন। মা-লক্ষ্মী কি সেটা লক্ষ্য করেছে? করে নি তো? কিন্তু ভূত লক্ষ্য করেছে। ভূত দোকান নিয়ে থাকে সারাক্ষণ কিন্তু চোখ এড়ায় না কিছু। বাতাস শুঁকে হালচাল বলে দিতে পারে। না, মানুষগুলোও এখন সোজা রাস্তায় চলেছে না ঠিক। সবাই নয়, কেউ কেউ! শরীরের কোথাও একটা ফুসকুড়ি হলে গোটা দেহে যন্ত্রণা। তেমনি কেউ কেউ সোজা পথে না চললে সমস্ত পথই ঘুলোতে কতক্ষণ? দুনিয়ায় ভালো পড়ে আছে, মন্দও পড়ে আছে। যার সঙ্গে যার যোগ, তেমনি হবে। ওই যোগটুকু না হলে ভালো মন্দ কোনোটারই কোন দাম নেই। তীর আর ধনুক আলাদা আলাদা পড়ে থাকলে তার পাশ দিয়ে হরিন লাফিয়ে বেড়াবে—ও দুটো একসঙ্গে হলে তবেই না কিছু ঘটতে পারে।

সাস্ত্রনার হাঁক ধরে যাচ্ছে প্রায়, আর উপমার বহরে বিক্ষারিত হয়ে উঠছে থেকে থেকে।

—ওই অত বড় মেঘটার গায়ে হাওয়া লাগছে না বলেই না গরমে সেক! আবার তেমন হাওয়া লাগলে প্রলয় হতে কতক্ষণ? কেমন যোগ তেমনি। কথার

কোঁকে ভুতুবাবুকে উত্তেজিত দেখাচ্ছে প্রায়।—শুকনো মড়াইয়ে ভালো যোগা-যোগ ঘটেছিল বলেই ড্যাম হতে চলেছে। অমনি ভালো যোগাযোগ হলেই নিশ্চিন্দ। কিন্তু না হলে? উন্টো হলে? তখন? তখন সমঝে চলা ছাড়া আর উপায় কি? উন্টো যোগাযোগ কি হচ্ছে না? খুব হচ্ছে। যার সঙ্গে যার মেলার কথা নয় তার সঙ্গে সে মিলছে। যার সঙ্গে যার মেশার কথা নয় তার সঙ্গে সে মিশছে। ওই যেমন ধকন, সাঁওতাল মাঝির ওই আধক্ষাপা ছেলেটা আমাদের কনট্রাক্টার ঘোষবাবুর সঙ্গে এসে ভিড়েছে। ঘোষবাবুর পয়সায় মদ গেলে, তার জিপে করে ঘুরে বেড়ায় আর সকাল-সন্ধ্যা গুজগুজ করে। আমি নিন্দে কার কচ্ছি না মা-লক্ষ্মী, তুজনে আলাদা আলাদা থাকলে নিন্দেবই বা কি ভয়েরই বা কি! কিন্তু তুজনে একসঙ্গে হয়েছে বলেই না মেয়েদের যত দুর্ভাবনা! সকাল দুপুর বিকেল রাত্তির এখন তাদের বাড়ির বাইরে পা বাড়াতে হলেই দশবার ভাবতে হবে! ঝড় এলে তার আর সময় অসময় কি, সব সময়ই সমঝে চলতে হয়। অবশ্য দশ পনেরো দিনের মধ্যেই ঘোষবাবু চলে যাচ্ছে মড়াই ছেড়ে—কিন্তু দশ পনেরো দিনই বা কি কম কথা? কখন কার বরাতে অভিশাপ লাগে ঠিক কি। পা বাড়িয়ে অভিশাপ কুড়োনের থেকে ঘর-বন্দী হয়ে থাকাও ভালো। ভালো নয় মা-লক্ষ্মী? আপনিই বলুন—অভিশাপের ভয় কে না করে, অভিশাপের ভয়ে স্বয়ং অমন লক্ষ্মী ঠাকরণকেই বলে সমুদ্রের গর্ভে আশ্রয় নিতে হয়েছিল, হঁ :...

মস্ত একটা দম নিল ভুতুবাবু। জোরে জোরে হাতপাখা চালানো কিছুক্ষণ। ঘামে জবজবে হয়ে গেছে থলথলে মুখ।

কার অভিশাপে বা কোন অভিশাপের ভয়ে সমুদ্রগর্ভে বন্দিদী দশা ঘটেছিল লক্ষ্মী ঠাকরণের, ভুতুবাবু যেমন জানে, সাস্বনাও তেমনই জানে প্রায়। কিন্তু সবটুকু শোনার সঙ্গে সঙ্গে নিষ্পন্দ কাঠ একেবারে। কি বলতে চায় বা কি বলতে এসেছে আর অস্পষ্ট নয় একটুও। স্থান কাল ভুলে বিমূঢ়নেত্রে সাস্বনা চেয়ে রইল ভুতুবাবুর মুখের দিকে।

ভুতুবাবু হাসতে চেষ্টা করল এতক্ষণে।—যাক, অনেক গল্প করা গেল মা-লক্ষ্মী। মন খুলে দুটো কথা বলি তার জো আছে, দোকানের ভাবনা ভেবেই অস্থির। তা বলে গল্প করতে বসলে ভুতুর মনে আগল নেই, যা ভাববে তাই বলবে। চলি এবার মা-লক্ষ্মী, ওই ভূত দুটো এতক্ষণে কি দিয়ে কি করছে ঠিক নেই—ভালো করে গেলুনা না ধুয়েই হয়তো চা দিয়ে বসেছে কাউকে...

খপ-খপ চরণে ঝড়ের করে পাহাড় থেকে নেমে আসছে ভুতুবাবু। এবারের

ঘাম ঝরাটা কায়িক পরিশ্রমের দকন। কিন্তু তা সত্ত্বেও সারা মুখে একটা প্রসন্নতার তৃপ্তি।

গোটা রূপগুণটাই হঠাৎ বৃষ্টি শুরু হয়ে গেছে সাঙ্ঘনা। লজ্জা নয়, ঘৃণা নয়। অল্পভৃতিশ্রুত। সেটা গেল একসময়। ভূতুবাবুর কথাগুলো তলিয়ে ভেবে দেখতে লাগল আবার। আবার স্পষ্ট করে উপলব্ধি করতে চেষ্টা করল। বরাবরই ভয় করত হোপুনকে। কিন্তু সে ভয়ের মধ্যে আর যাই থাক, অস্বাস ছিল না। দুর্বোধ্যতার বিষয় ছিল, সন্মমের শুচিতা ছিল। ওই কালো মূর্তিতে কালিমার আভাসমাত্র দেখে নি কখনো। কিন্তু আজ এক মুহূর্তে সব বিশ্বাস সব সন্মম এক নগ্ন পঙ্কিলতার স্পর্শে একেবারে বিকৃত হয়ে গেল বৃষ্টি। জিপে রণবীর ঘোষের পাশে হোপুনের সেই নিশ্চল পাষণ মূর্তি ভেসে উঠল চোখের সামনে। শুধু ভূতুবাবু কেন, সাঙ্ঘনাও দেখেছে। শিউরে উঠল। মড়াইয়ের গহ্বরে বা স্মন্দরীর অপরাহ্ন রোমস্থনের পরিবেশে লোকটার সেই বিসদৃশ চাউনি, বিসদৃশ আচরণের মধ্যে আজ যেন বিভীষিকা দেখতে গেল।

কিন্তু সেদিনই আর একটা ব্যাপার ঘটে গেল। সাঙ্ঘনা আরো বিহ্বল, আরো বিভ্রান্ত।

বিকলে পাগল সদার এসে হাজির। চাঁদমণি নিখোঁজ হবার পরে এতদিনের মধ্যে এই প্রথম পদাংগ। ভাবনা-চিন্তা স্থগিত রেখে সাঙ্ঘনা এগিয়ে এলো। কিন্তু খুশির অভ্যর্থনায় মুখর হয়ে উঠতে পারল না আগের মত।

খানিক তার মুখের দিকে চেয়ে থেকে সদারই কুশল প্রশ্ন করল। প্রথম, তুমি ভালো আছিস দিদিয়া?

ভালো আছি সদার। তুমি ভালো তো? এসো ভেতরে এসো।

সদার দাওয়ায় এসে বসল। অদূরে দেয়ালে ঠেস দিয়ে দাঁড়িয়ে রইল সাঙ্ঘনা। দেখছে। আরো দীর্ঘ আরো শুকনো দেখাচ্ছে লোকটাকে। বার্ধক্যের স্পষ্ট ছাপ পড়েছে। কিন্তু সব থেকে আগে চোখে পড়ে একটা কর্কশ রুক্ষতা। কোটরাগত দুই চোখে খরখরে অসহিষ্ণুতা কেমন। চোখে চোখ রাখাও সহজ নয় খুব।

উবাসির বাবু ঘরে নাই?

এখনো করেন নি। তুমি কাজ থেকে এলে?

সদার ঘাড় নাড়ল। অর্থাৎ কাজে যায় নি আজ। অল্প দিন বা অল্প সময় হলে সাঙ্ঘনা এই নিয়ে পাঁচ কথা জিজ্ঞাসা করত বা অল্পযোগ করত। কিন্তু ভূতুবাবু ওকে বোবা করে দিয়ে গেছে একেবারে। চূপচাপ অপেক্ষা করতে লাগল। মনে হ'ল, পাগল সদার এতদিন বাদে হঠাৎ এমনি আসে নি, কিছু যেন বলবে

বলবে করছে।

তু ব'স দিদিয়া, দাঁড়িন থাকলি কেনে ?

সাস্ত্রনা দেয়াল ধোঁষে বসল উবুড় হয়ে। দেয়ালে ঠেস দিল তার পর।

সর্দার আবার বলল, তুর সঙতে ছুটো কথা ছেল।

ছুটো ছেড়ে আস্তে-বীরে অনেক কথাই বলতে লাগল তার পর। অনেকটা নিজের মনে। সাস্ত্রনা চুপচাপ চেয়ে আছে। শুনছে। আর অবাক হচ্ছে। ভুতুবাবুর গোড়ার দিকের বক্তৃতার মত এও প্রায় দার্শনিক গোছের শোনাচ্ছে। তবে অত ঘুরিয়ে বা রেখে ঢেকে বলতে জানে না। যা বলে মোটামুটি সোজা এবং স্পষ্ট।—কত যুগ বাদে মড়াইয়ে পুণ্যির যুগ এসেছে। সেই পুণ্যিতে শুকনো মড়াইয়ে জল হবে। কিন্তু সেই পুণ্যির সঙ্গে কিছু পাপও এসেছে। ‘মুনিমের মূর্তিতে’ পাপ এসেছে, পুণ্যিকে ‘খুঁতো’ ববে দেবার মতলব আঁটছে। গোটা ‘গেরামে’ সে পাপের হলুকা লেগেছে, গোটা মড়াইয়ে সে পাপের ‘চোঁয়া’ পড়েছে। কিন্তু ওরা ‘ধম্ম’ মানে ‘শাস্ত্র’ মানে। যত ‘ভেষণ’ যত ‘পেচণ্ড’ হোক সে পাপ, তার ‘পিত্তিবিধেন’ হবেই, ‘মিত্তা’ হবেই। কিন্তু যতক্ষণ না তা হচ্ছে ততক্ষণ হুঁশিয়ার থাকা দরকার। খুব দরকার। নইলে ‘রনথ’ হতে পারে, ‘দুগগতি’ হতে পারে। পাগল সর্দার সেই জনেই এসেছে, দিদিয়াকে সাবধান করতে এসেছে। হোপুন বলেছে। হোপুন কখনো বাজে কথা বলে না—‘তু আতবিরেতে একা কুথাও বাস না দিদিয়া, দিনতুকুরেও না। ও পাপ বড় শ্রায়না, চি-লোকের দিকে তার লজর।’ পাপ ‘নেবারণ’ হয়ে গেলে আবার সব ঠিক হয়ে যাবে, আবার সকলে হেসেখেলে বেড়াবে। পাপের ‘আশ্রয়’ আর ক’দিন ? ‘ভগবানের কোধে’ সে ছারখার হবেই হবে।

অহুচ্চ একটানা বলে গেল পাগল সর্দার। ঠাণ্ডা একটা যান্ত্রিক রেশে ষাণিকক্ষণ যেন আচ্ছন্ন হয়ে রইল সাস্ত্রনা। সচকিত হয়ে তাকালো তার পর। হোপুন বলেছে। হোপুন সাবধান করেছে। সাস্ত্রনা ঠিক শুনল কি ? ঠিক বুঝল কি ? সে যে নিজের চোখে দেখেছে তার বিসদৃশ চাউনি, বিসদৃশ আচরণ। নিজের চোখে দেখেছে তাকে জিপে রণবীর ঘোষের পাশে। তাছাড়া ভুতুবাবুও দেখেছে। অনেক কিছুই দেখেছে। পরোক্ষে ওই লোকটার ত্রাসই ভুতুবাবু বিশেষ করে ছড়িয়ে রেখে গেছে ওর মনে।

কিন্তু বলতে গিয়েও বলা ছুঁল না কিছু। বিমূঢ় নেত্রে চেয়েই রইল শুধু। কেমন করে যেন উপলব্ধি করে নিল, ওই লোকটার সম্বন্ধে কিছুমাত্র সন্দেহের আঁচে দাঁউ দাঁউ করে জ্বলি উঠবে পাগল সর্দারের সমস্ত ভিতরটা। শোনাযাত্র

মরীয়া হয়ে ছুটেবে ভুতুবাবুর কাছে, ছুটেবে হোপুনের কাছে। হোপুন হু'দ্বার' প্রাণ দিয়েছে ওকে, ওর সঙ্ঘ হবে কেমন করে? মেয়ে হারিয়ে আরো নিবিড় করে পেয়েছে ওকে, কেমন করে হবে সঙ্ঘ?

কিন্তু হোপুনই বা সর্দারকে বলতে গেল কেন? সর্দারের মুখ দিয়ে দিদিয়াকে সাবধান করতে গেল কেন?

ছলনা? চাতুরী? ষড়যন্ত্র?

সাম্বনা বোবা। পাগল সর্দার উঠলে বাঁচে এখন। নিঃসঙ্গ হতে পারলে বাঁচে। হোপুনের প্রাণটা বড় নয় এখানে। বড় যেটা, তার লজ্জা আর ধিকার অপরিণীম।

কেন এসেছিল ভুতুবাবু?

ওকে সাবধান করতে।

কেন এসেছে পাগল সর্দার?

ওকে সাবধান করতে।

হুজনের কেউই ওর কথা বলে নি বিশেষ করে। সাধারণ ভাবে বলেছে। সাধারণ ভয়ের কথাই বলেছে। সে ভয় মড়াইয়ের সব মেয়েরই। কিন্তু এরই মধ্যে বিশেষ ইঙ্গিতটুকু অপ্রচ্ছন্ন নয়। সাম্বনা বুঝতে পারে কাকে নিয়ে হুজনেরই ভয় এদের। অগ্ন্যধায় ভুতুবাবুর মত মানুষ দোকান ফেলে আসত না। পাগল সর্দারের বৃকে আবার এক মেয়ে হারানোর ঝড় উঠত না।

চোখে চোখ পড়তেই নিজের অজ্ঞাতে হঠাৎ হু চোখ যেন ছল ছল করে উঠল সাম্বনার।

সর্দার চলে গেল।

সাম্বনা উঠল একসময়। সমস্ত দেহে বিবাক্ত জ্বালা। অন্তর্নিহিত স্পর্শ। দাঁড়ায় সামনে এসে দাঁড়াল চুপচাপ। দেয়ালের ধারে আকাশ দেখা যাচ্ছে এক ফালি। আকাশ নয়, আকাশ-ঢাকা ঘন মেঘ খানিকটা। হঠাৎ মনে হ'ল, চাঁদমণির জীবনেই বীভৎস শকুনির ছায়া পড়ে নি শুধু। সমস্ত মড়াইয়ের ওপর পড়েছে। ওর ওপরেও। মন মেঘের তলা থেকে পড়ন্ত সূর্যের লাল আভা যেন ঠিকরে বেরুতে চাইছে খানিকটা জায়গা জুড়ে। দগদগে একটা ঘায়ের মত লাগছে দেখতে।

রাত্রিতে বাবার কাছে সরাসরি প্রস্তাব করল, কালই মাসির বাড়ি যাবে, তাকে রেখে আসতে হবে।

অবনীবারু অবাক। মুখের দিকে চেয়ে একবারও মনে হ'ল না বোনের

বিয়ের আনন্দে যাবার জ্ঞান মন নেচে উঠেছে। বললেন, বেশ তো যাবি'খন, এত তাড়া কিসের, বিয়ের তো এখনো ঢের দেরি।

না বাবা, যাব ঠিক করেছি—কালই যাব, তুমি রেখে এসো আমাকে। কতকাল যাইনে, মাসি কি ভাবছে ঠিক নেই, এর পর দেরি করলে কথা শুনতে হবে। ক'দিন আগে যাওয়াই ভালো।

মেয়ের এ ধরনের হুমতি বিশ্বয়ের কারণ। মুখের দিকে চেয়ে বুঝে উঠলেন না ঠিক। কিন্তু এই এক বেলার মধ্যে ওর মনে বিশেষ কিছু একটা পরিবর্তন ঘটেছে সুস্পষ্ট। কিছু একটা যাতনা যেন চেপে আছে। তবু জিজ্ঞাসাবাদ করতে ভরসা পেলেন না খুব। ওর যাওয়া নিয়ে তাঁরই বরং হুতাপনা ছিল। ভেবেছিলেন যেতে চাইবে না সহজে। গেলেও থাকতে চাইবে না। যাবার জ্ঞান ব্যত্ন হয়েছে যখন, মতিগতি বদলাবার আগে রাজী হওয়াই ভালো। তবু বললেন, আগে যাওয়া তো ভালই, কিন্তু কালই কি করে হয়, অফিস থেকে ছুটি নিতে হবে তো, পরশু যাস।

না বাবা না, প্রায়ই অসহিষ্ণু হয়ে উঠল সান্ত্বনা, যাব তো কালই যাব নইলে যাবই না বলে দিলাম। তারি তো একদিনের ছুটি, ও তুমি কাল সকালে গিয়ে ব্যবস্থা করে এনো।

ঘর থেকে দ্রুত বেরিয়ে এলো। বাবার জিজ্ঞাসা দৃষ্টির সামনে দাঁড়িয়ে থাকা শব্দ হচ্ছিল। ভিতর থেকে একটা উদ্গত কান্না যেন ঠেলে বেরিয়ে আসতে চাইছে। সকলের ওপর ক্ষোভ সকলের ওপর অভিমান। যেতে চায় না তবু যেতে হবে বলে। কারো ওপর ভরসা করে এখানে থাকতে পারছে না বলে।

রাত্রির মধ্যেই গোছগাছ করল সব। নিজের নয়, যিনি থাকবেন এখানে তাঁর। ওর বাবার। বাস্তব-বিছানা জামা-কাপড় থেকে কুকার পর্যন্ত। নিজের ব্যবস্থায় অনভ্যাস নয় তার বাবা। থেকে থেকে তবু টন টন করে উঠছে সান্ত্বনার ভিতরটা। ভয়ে সব ফেলে-ছড়িয়ে এভাবে এখান থেকে পালাতে হচ্ছে...

পরদিন সকাল থেকেই মনে মনে একটা আশা পোষণ করেছিল সান্ত্বনা। বাবার মুখে নরেনবাবু তাঁকের যাবার কথা শুনবে। শুনে একবার আসবে। সেই যে গেছে আর আসেনি। সাত আট দিন হয়ে গেল। লজ্জার সীমা পরিসীমা ছিল না এ ক'দিন। সেদিনের কথা যখনই মনে হয়েছে, লাগ হয়ে উঠেছে সান্ত্বনা। কি করে এর পরে ভুল্ললোককে মুখ দেখাবে তেঁবে পায় নি।

কিন্তু আজ ভাবছে অন্য কথা। আত্মক। পারতপক্ষে ও কথাই বলবে না। ওকে যেতে হচ্ছে বলে ক্ষোভ আর অভিমান তার ওপরেই বেশি যেন। কথা বলবে না, কথার জবাব দেবে না—তবু আশা করছে। আর সেই সঙ্গে মনে পড়ছে আরো এক জনকে। চিক ইঞ্জিনিয়ার বাদল গাঙ্গুলিকে।

ছোকরা চাকরকে দশবার করে হৃদয়ীর সম্বন্ধে আর বাড়ির সম্বন্ধে সব ব্যবস্থা বুঝিয়ে দিচ্ছিল। একটু এদিক ওদিক হলেই বাবার কাছ থেকে সে খবর পাবে, সে কথাও বার বার করে সমঝে দিচ্ছিল। এমন সময় বাবা ফিরলেন।

সঙ্গে আর কেউ না।

এখান থেকে দশ বারো মাইল দূরে স্টেশন। সেখান থেকে ট্রেন। স্টেশন পর্যন্ত ট্রাকে যাবে। আপিসের ট্রাক নিয়েই এসেছেন অবনীবাবু।

ট্রাক মেন কোয়ার্টারসএ পড়তেই উৎসুক নেত্রে চারদিকে তাকালো সান্ত্বনা। নিচে নামছে ট্রাক। মড়াই দেখা যায়। মড়াইয়ের কর্মশ্রোত দেখা যায়। সেদিকে চেয়ে চেয়ে একটা কান্না যেন গুমরে উঠতে লাগল। ইচ্ছে হ'ল চিংকার করে বলে, ট্রাক থামাতে বলো বাবা, আমি যাব না।

নিশ্চল বসে রইল মূর্তির মত।

ওই ভূতুবাবুর দোকান। দেখা যাচ্ছে...গোলগাল লোকটা বসে আছে কাশ্য বাক্স সামনে নিয়ে। সাগ্রহে সান্ত্বনা আবার তাকালো সেদিকে। ট্রাক থামিয়ে তার সঙ্গে অন্তত দেখা করবে একটিবার! দেখা করে বলবে, ভূতুবাবু আমি চলে যাচ্ছি এখান থেকে। ভূতুবাবুর টাকার লোভ। ভূতুবাবুর দোকানে সব কিছুই দাম বেশি। কিন্তু সান্ত্বনার মনে হ'ল, ভূতুবাবু ভারি আপন লোক তার। এই মুহূর্তে এত আপন বুঝি আর কেউ নয়। তার মা-লক্ষ্মী ডাকটা আর একবার শুনে গেলে হয় না?

ট্রাক ভূতুবাবুর দোকান ছাড়িয়ে গেল।

সান্ত্বনার মনে হ'ল আর কিছুই থাকল না। নিজের অজ্ঞাতে চোখে জল এসেছে কখন টের পায় নি। বাবার কথায় সচকিত হ'ল। অনেকক্ষণ ধরেই নিঃশব্দে লক্ষ্য করছিলেন তিনি।—কি হ'ল বল দেখি? এভাবে সাত ভাড়াভাড়ি কে তোকে আসতে বলেছিল?

সান্ত্বনা বাইরের দিকে ঘুরে বসল প্রায়।

না বাস তো বল, গাড়ি ঘোরাতে বলি।

সান্ত্বনা ঘাড় নাড়ল, না—।

এইটুকু তো পথ এখান থেকে, ভালো না লাগলে চলে আসতে কতক্ষণ।

ক'টা দিন আর, বিয়েটা হয়ে গেলে যখনই লিখবি আমি গিয়ে নিয়ে আসব'খন—মন ধারাপের কি আছে।

ভিজ়ে চোখেও সাস্থনা বাবার দিকে ফিরে না চেয়ে পারলো না। ঠিক এই মুহূর্তে এই সাস্থনাটুকুই মস্ত সম্বল যেন।

সকালে দোকানে এসে ভুতুবাবুর চক্ষু স্থির। ঘরের দরজা হাঁ করা খোলা। লোক নেই। সমস্ত ঘর জলে জলময়। জলে কাদায় সপ সপ করছে মেঝে। জলের ড্রামের মুখ খোলা, ড্রাম প্রায় খালি। ত্রস্ত চোখে চারিদিকে চেয়ে দেখে নিল ভুতুবাবু। আসবাব তছনছ হয়ে আছে। কিন্তু যায় নি কিছু, সবই আছে। এমন কি খোলা দরজার গায়ে তালাচাবিও ঠিকঠাক ঝুলছে। কিন্তু ঘরের দুর্দশা দেখে রাগে দুঃখে ভুতুবাবুর চোখে জল আসার উপক্রম। নিশ্চয় ওই দুজনের একজন মদ খেয়ে মাতাল হয়েছে এমন যে, অগ্ন্যজ্ঞানকে ঘড়া ঘড়া জল ঢালতে হয়েছে মাথায়।

নিজের মনে সমানে গালাগাল দিয়ে চলল ভুতুবাবু। সাতপুরুষ উদ্ধার করতে লাগল দুজনেরই। আর ককনো ঘর ছাড়বে না, এই শেষ। মিয়াদ শেষ হতে এখনো সাত আট দিন বাকী। এই সাত আট দিনের টাকা সে কেরত দেবে। ওই মড়াচোখো ডাকাতটাকে বলতে পারবে না কিছু। বলা নিরাপদও নয়। কিন্তু রণবীর ঘোষকে বলবেই। বলবে আর টাকা কেরত দেবে। দু'তিনটে দিন নিশ্চিন্তে ঘুমুতে পেরেছিল ভুতুবাবু। সাস্থনার সঙ্গে দেখা করে আসার পর থেকেই আর চিন্তা-ভাবনা ছিল না। গাছতলার অন্ধকারে দাঁড়িয়ে আর দেখেও নি মাতাল দুটো কি করছে না করছে। মনে মনে ভেবেছে, ওরকম মোটা টাকা পেলে পনেরো দিন ছেড়ে এখন আরো পনেরো দিনের জন্ম ছেড়ে দিতে পারে ঘর। কারণ আসল উদ্দেশ্যে ওদের ছাই দিয়ে এসেছে।

কিন্তু আবার? মিয়াদ বাড়ানো দূরের কথা, এই বাকি সাত দিনও দেবে না সে থাকতে। ওরকম মাতালের পাল্লায় পড়লে সর্বস্বান্ত হতে কতক্ষণ।

ঘর-দোর সংস্কার হ'ল। দৈনন্দিন দোকানপার্ব। সকাল গেল, দুপুর গড়ালো, বিকেল পেরুল। সন্ধ্যা। তার পর রাত্রি। উষ্মতা কমছে ভুতুবাবুর। কড়া কথা বলতে গেলো কি হতে কি হবে কে জানে। বরং বুঝিয়ে বুঝিয়ে বলবে রণবীর ঘোষকে। আর যেন দোকানপাট খোলা রেখে দুজনেরই চলে না যায় ওরকম। আর, ঘরের দুর্বস্থা না করে। তবু বত রাত্রি বাড়ছে তত

অস্বস্তি বাড়ছে। ছোকরা চাকর দুটোকে আজ আর ছাড়ো নি। বুঝিয়ে বলতে গেলেও অনর্থ বাধবে কি না বিশ্বাস কি।

রাত বাড়ছে। মড়াই নিশ্চয় নিঝুম আবার। কিন্তু হুজনের একজনেরও দেখা নেই। না রণবীর ঘোষের, না হোপুনের। কি করবে ভুতুবাবু বুঝে উঠছে না। কখন চৌদ্দ মাইল সাইকেল ঠেঙিয়ে বাড়ি যাবে এর পর? চাকর দুটোকেই বা আর কতক্ষণ ধরে রাখবে? বসে বসে বিমুছে ওরা। বিমুনি আসছে ভুতুবাবুরও। সমস্ত দিনের পরিশ্রম আর ক্লান্তি।

হঠাৎ উঠে বসে দু চোখ রগড়াতে লাগল ভুতুবাবু। বিষ্ময়, বিভ্রম। ক্যাল ক্যাল করে তাকাতে লাগল চারিদিকে। না ঠিকই দেখছে। সকাল হয়েছে। পাখি ডাকছে দূরে। মুরগী ডাকছে কোথায়। চাকর দুটো মেঝেতে পড়েই ঘুমুচ্ছে অঘোরে।

কি কাণ্ড! খাটিয়া থেকে নেমে ভুতুবাবু গজগজ করতে লাগল আবার। চাকর হুজনকে ডেকে তুলল। সমস্ত রাত্রির মধ্যে কেউ না আসার দরুন মনে মনে খুশি হবে কি হবে না ঠিক বুঝে উঠছে না।

সেদিন রাত্রিতেও এল না কেউ। তার পরদিন শুনল, রণবীর ঘোষ পাত-গুটিয়েছে মড়াই থেকে। যে কোনদিন চলে যেতে পারে শুনেছিল। তবু যথার্থ গেছে জেনে ভুতুবাবু খুশিতে আটখানা। আর ঘর ছাড়তে হবে না, টাকাও ফেরত দিতে হবে না।

একদিন একদিন করে দেড়মাস কেটে গেল মাসির বাড়িতে।

যত খারাপ লাগবে ভেবেছিল সাব্বনা, প্রথম প্রথম তত খারাপ লাগে নি। এক আচমকা ত্রাসের বিভীষিকা থেকে ঢালা নিশ্চিন্ততার মধ্যে এসে দিনকতক বরং হাঁক কেলে বেঁচেছিল। তাছাড়া হঠাৎ সে এসে পড়ায় বিয়ে-বাড়িও জমে উঠেছিল অনেক আগে থেকেই।

বিয়ের মেয়ে মাসভূত বোনের মুখ খুলেছে আরো। এখন আর আভাসে ইজিতে ঠাট্টা নয়। সাব্বনাকে একলা পেয়ে সোজাসুজি জিজ্ঞেস করেছে, তোমার সেই নরেনবাবুর শবর কি সাহুদি?

আগের মত সাব্বনা আর ভেতরে ভেতরে উত্থাপ হয় নি এতটুকু। বরং হালিস্টাটার এদিকটাকে যেন যেন নিয়েছে খুশি মনে। উলট টিঙ্গনী কেটেছে, সে খোঁজে ভোর বরকান কি, ভুই বরং ভোর গদারদাবান্নে খোঁজবরটা ভালো

করে নেওয়া শেষ কর আগে ।

ভাবী জামাইয়ের নাম শুনেছে গঙ্গাপদ ।

তারপর বিয়ে হয়ে গেছে । বিয়ে-বাড়ি শাস্ত হয়েছে আবার । মাসতুত বোন খুশুরবাড়ি চলে গেছে । দিন কাটছে একটা ছুটো করে । এবারে যেন একটু একটু করে হাঁপিয়ে উঠছে সান্ত্বনা ।

অবনীবাবু আগেও একদিন এসেছিলেন । বিয়ের দিনও এসেছেন । কিন্তু খুব বেশি জিজ্ঞাসাবাদ করার অবকাশ তেমন পায় নি সান্ত্বনা । তবু এরই মধ্যে পাঁচবার করে হৃন্দরীর খোঁজ করেছে । বাবার হুবিধে অহুবিধের কথা জিজ্ঞাসা করেছে । পাগল সর্দার, ভুতুবাবু, এমন কি নিধুরামের প্রসঙ্গও তুলেছে । কিন্তু তার পর বোবা ।

বাবার চিঠিপত্র পায় । মোটামুটি সংবাদও । কিন্তু তাতে মন ভরে না । মড়াইয়ের পাহাড় ধুসর মেঘের মত দেখা যায় এখান থেকে । চেয়ে থাকে । মড়াই যেন ডাকছে তাকে । ক্রমাগত ডাকছে ।

হৃন্দরী কি করছে এখন ? ভরা দুপুরে দাঁড়িয়ে দাঁড়িয়েই বিমুগ্ধে নিশ্চয় । ছোকরাটার হাতে ওর কি হাল হয়েছে কে জানে ? বাবাকে ফাঁকি দিতে আর কি ?...পাগল সর্দার কি জানে ও চলে এসেছে ? আর ভুতুবাবু ? নরেনবাবু জানেই ।...কিন্তু কি ভাবছে ? আর যদি ফিরে না-ই যায় সান্ত্বনা ওখানে, তাহলে ? তাহলে যে কি নিজেও উপলব্ধি করতে পারছে না । কিন্তু সংগোপনে চেষ্টা করছে অহুভব করতে ।...আর সেই ভদ্রলোক ? চিক ইঞ্জিনিয়ার ? সে কি টের পেয়েছে ও ওখানে নেই ? মড়াইয়ে সেই থেকে আর দেখা যায় নি ওকে, লক্ষ্য করেছে ? করে থাকলেও বাবাকে কিছু জিজ্ঞাসা করবে না নিশ্চয়ই । ইচ্ছে থাকলেও করবে না—চিক ইঞ্জিনিয়ারের দেমাকে বাধবে । ভারি তো...মাহুষ খুব চিনেছে সান্ত্বনা । তবে, নরেনবাবুর কাছে জেনে থাকতে পারে বা নিধুর মুখেও শুনেতে পারে । সচকিত হয়ে ভাবনার লাগাম খামিয়ে নিজেকেই চোখ রাঙায় এক একসময় । কি লাভ এসব জেনে ? হেসেও ফেলে আবার নিজের মনেই । লাভ-লোকসান আবার কি ? জানতে ইচ্ছে করছে তো করছে, ব্যস—

অবনীবাবু আবার একদিন এলেন স্নেহের দৃষ্টিতে । বিয়ে-বাড়ি এখন একদম ফাঁকা । বাবাকে এবার অনেকটাই নিঃশব্দে পেল সান্ত্বনা ।

সেই ভেজাল শিমুলের কি হ'ল বাবা, সব মিটে গেছে ?

অবাবে অবনীবাবু জানালেন, গোলযোগের সম্ভাবনা বরং বেড়েছে । কলকাতা থেকে বে-সরকারী কলিট আসবে ড্যাম দেখতে । তারা ড্যাম দেখবে আর সেই

সঙ্গে সিমেন্টের ব্যাপারও কলসাল্লা করে বাবে। এই সব কিছুর তলায় তলায় ঘোষ-চাকলাদারের কারসাজি কিছু আছে বলেই অবনীবাবুর ধারণা। অবশ্য কবে পর্যন্ত আসবে কষিটি ঠিক নেই কিছু।

বাবার মুখের ওপর সাস্তনার হু চোখ ঘুরে এলো এক চক্কর।—ওই কন-ট্রাক্টাররা এবারে খুব উঠে পড়ে লেগেছে বুঝি ?

তা লাগবেই তো, যার যেখানে স্বার্থ। ওদের একজন এখানে আছে আর একজন তো সেই সব কাণ্ড করে কবেই গা-ঢাকা দিয়েছে।

সাস্তনা অবাক। কাণ্ড করে! কই সে তো কিছুই জানে না। বাবার মুখের ওপর আর একপ্রস্থ বিচরণ করে স্থির হ'ল হু চোখ। মূহু কণ্ঠে জিজ্ঞাসা করল, হুজনের কে আছে ওখানে ?

ঘোষের পার্টনার—খিজেন চাকলাদার।

সম্পূর্ণে একটা রুদ্ধ নিঃশ্বাস ফেলে বাঁচল যেন। শান্ত মুখে জিজ্ঞাসা করল আবার, আর ওই লোকটা কি করে গেছে বলছিলে...?

একটু থমকে গেলেন অবনীবাবু। দিব্রত মুখে তাকালেন মেয়ের দিকে। খেয়াল হ'ল, সাস্তনা আগেই মাসির বাড়ি চলে এসেছিল বটে, জানার কথা নয়। দু'চার কথায় সমাচার যা বললেন, শুনে কিছুকণের জন্ত সাস্তনার বাহুজ্ঞান লোপ পেল যেন। রণবীর ঘোষ মড়াই ছেড়ে গেছে সেও প্রায় মাস দেড়েক হ'ল, সাস্তনা চলে আসার পরেই। ঠিক তার তিন দিন বাদে অ্যাডমিনিস্ট্রেটিভ অফিসারের মেয়ে বরনা নিখোঁজ হয়েছে। আজ পর্যন্ত তার কোন খবর নেই। মড়াইয়ে এই নিয়ে মন্দ গুণগোল হয় নি। কলকাতায়ও খোঁজধবর করা হয়েছে অনেক। হুজনের কারো পাত্তা মেলে নি। এমন কি খিজেন চাকলাদারও রণবীর ঘোষের কোন হদিস দিতে পারেননি। হয়তো বা জেনেও ইচ্ছে করেই দেননি।

আত্মস্থ হওয়া মাত্র সাস্তনা চলে এলো বাবার স্মৃণ থেকে। যা শুনল হুখের কথা, লজ্জার কথা। কিন্তু সেই সঙ্গে ওর ভিতরের একটা কালো জ্বাশও যেন অপগত। লোকটা বিদায় হয়েছে। আর হয়তো মড়াইয়ে আসবেও না। স্বপ্ননার জন্ত হুখ করবে? করা উচিত। কিন্তু হুখ হচ্ছে না ও তার কি করবে? বরং হঠাৎ এক মুক্তির আনন্দ উপছে উঠচে। সেটা গোপন করার জন্তই বাবার কাছ থেকে চলে আসা। দেড় মাস মড়াই ছেড়ে এসেছে। দেড় মাস? দেড় বছর। দেড় যুগ।

পরদিন বাবার সঙ্গে মড়াইয়ে বণনা হ'ল সে। মাসি অবাক, বাবা অবাক। প্রথমবারেও যেমন কেউ ধরে রাখতে পারে নি ওকে, এবারেও কারো নিষেধ বা

অল্পরোধে কান দিল না।

...মড়াই!

দূর থেকে চোখ পড়ামাত্র উচ্চল আনন্দে ট্রাকের ধারে খুঁকে পড়ল প্রায়। ছেড়ে আসার সময় মান হয়েছিল ভিতরটা নোবা শূণ্যতায় ভরে উঠেছে। আজ তার উল্টো। এত আনন্দ বরছে না। নির্নিমেমে দেখছে। এই দেড় মাসের পরিবর্তন যাচাই করে নিচ্ছে। এ সৃষ্টি-সমারোহে দেড় মাস দেড় পলকের মতই। তার ওপব শুনেছিল, অসময়ে প্রায়ই রুটি হওয়ার দরুনও কাজ-কর্মে ছেদ পড়েছে। তবু যাও হয়েছে তাই উপলব্ধি করার একাগ্রতায় উন্মুখ হয়ে উঠল। পারলে আজই একবার মড়াইয়ে নামে। কিন্তু বাবা তাহলে দেবে'খন।" ঘাড় ফিরিয়ে ঈষৎ কৌতুকে বাবাকে একবার দেখে নিল।

অফিস কোয়ার্টার্স।

উৎসুক চকিত দৃষ্টি নিক্ষেপ করল সাব্বনা। কিন্তু এই ভরা হুপুরে কে আর বাইরে বসে আছে? ওই দূরে কোণের ঘরটা একজনেনর। আর উঠোনের এদিকেরটা আর একজনেনর। ঘরে বসে কাজ করছে না মড়াইয়ে নেমেছে কে জানে। মনে মনে লজ্জা পেল একটু। ভিতরে ভিতরে ভাবছে কি না, সে যে এসেছে যদি ওই দুজনকে এক্ষুনি জানানো যেত।

ভুতুবাবুর লোকান।

বাবা, ট্রাক থামাতে বলো একবারটি। এই, থামাও একটু। নিজেই বকে উঠল ড্রাইভারের উদ্দেশ্যে। অবনীবাবু কিছু বলার বা বোঝার আগেই গাড়ি থামল এবং সাব্বনা নেমে পড়ল।

তুমি ট্রাক নিয়ে বাড়ি চলে যাও বাবা, আমি আসছি একটু বাদেই।

অস্বর্থী। অবনীবাবু দেখলেন, মড়াইয়ে প্রথম আসার আগে বা ছিল, রাতারাতি তার থেকেও যেন মেয়ের বয়স কমে গেছে অনেক।

মা-লক্ষ্মী!

খালি গায়ে কাঠের ক্যাশ বাক্সের সামনে বসে ঝিমুচ্ছিল ভুতুবাবু। সহসা চোখের সামনে তার আবির্ভাব বিশ্বয় আর আনন্দে উদ্ভাসিত। পাড়িয়ে মুখ টিপে হাসতে লাগল সাব্বনা।

এস মা-লক্ষ্মী, এসো। জিব কাটল, আস্থন মা-লক্ষ্মী আস্থন—বস্থন—কবে এলেন?

সাব্বনা হালধু'র'র জবাব দিল। এখনো ভালো করে আসি নি। ট্রাক থেকে এখানে নেমে পড়েছি।

উঠে ভূতুবাবু একমাত্র টিনের চেয়ারটা ঝেড়েমুছে বসতে দিল।—ভূতুর ভাগ্য, বহন মা-লক্ষ্মী, ওরে এই হোঁড়ারা, চা কর না ভালো করে, বেশ করে সাবান-জলে গেলাস ধুয়ে নিস্ আগে।

হুকুম দিয়ে হঠে বদনে কাণ বাক্সের সামনে সম্মানীন হ'ল আবার, আপান ছিলেন না এতদিন, গোটা মড়াই অন্ধকার।

সাম্বনা মুখ টিপে হাসছে ভেমনি। কোনদিনই খারাপ লাগে নি, আজ তো কথাই নেই।

বোনের বিয়ে হ'ল ?

মাথা নাড়ল।

মাসির বাড়ি এবং বোনের বিয়ের খববাখবব নিতে লাগল ভূতুবাবু। সংক্ষেপে একটা কিরিস্তি দিয়ে সাম্বনা জিজ্ঞাসা করল, তার পর এখানকার সব খবব বলুন।

পা গুটিয়ে আঁটসাট হয়ে বসল ভূতুবাবু।—খবব খুব ভালো মা-লক্ষ্মী, কিছু গণ্ডগোল নেই আর, খালি জল-বিষ্ট একটু বেশি হচ্ছে এই যা। এদিক ওদিক চেয়ে কষ্টের একেবারে সমে নামিয়ে আনল হঠাৎ, সেই যে সেই বলেছিলাম মা-লক্ষ্মী মনে আছে ? আপন নিদ্রায় হয়েছে একেবারে, আর আসতে হচ্ছে না বাছাধনকে—যা ভেবেছিলাম ঠিক তাই, বলা নেই কওয়া নেই হঠাৎ একদিন গা-ঢাকা—তিন দিন বাদেই ওদিকে আর এক মেয়েও মড়াই থেকে একেবারে যেন উবে গেল—চ্যাটার্জী সাহেবেব সেই মেয়েটা মা-লক্ষ্মী—সাট ছিল আগের থেকেই, বুঝলেন না ?

সাম্বনা বুঝেছে আগেই। বুঝে চায়ের গেলাসে মনোনিবেশ করেছে।

ভেমনি নিচু গলায় সোৎসাহে বলে গেল ভূতুবাবু, সে এক হৈ-হলুহলু^৬ ব্যাপার মা-লক্ষ্মী, ওই তো শরীর ভদ্রমহিলার, নড়তে চড়তে কষ্ট, তায় আবার সেজেগুজে থাকেন অষ্টপ্রহর—তা কোথায় গেল সাজপোশাক কোথায় কি—দিনে সাত বার করে ওই দেহ নিয়ে ওপর নিচ করা—বাকে দেখেন তার কাছেই কি কান্না কি কান্না—আমার মেয়েকে খুঁজে বার করে দাও. তোমরা—তা খুঁজতে কি বাকি ছিল কোথাও। কোলকাতায় পর্যন্ত বেঁটিয়ে খোঁজা হয়েছে—ভদ্রমহিলার কথা ভাবলে রীতিমত কষ্ট হয় এখন।

মুখের দিকে চেয়ে কষ্টের কোন লক্ষণ দেখল না সাম্বনা। মহিলা, অর্থাৎ কল্লনার মায়ের ছুৎ ওয় মনেও যে রেখাপাত করল খুব, তাও নয়।

স্মৃতি কিরই স্বন্দরী-দর্শনে গোয়ালঘরে ঢুকল সর্বাগ্রে। খুঁটিয়ে খুঁটিয়ে

দেখে নিল আগে। অনেক দিনের অদর্শনের পর যা যেমন করে ছেলেকে দেখে। গায়ে শিঠে হাত বুলিয়ে দিতে লাগল। মাথা নেড়ে শিং দু'লিয়ে আনন্দ প্রকাশ করতে লাগল গোঁকটা। সাঙ্ঘনার মনে হ'ল, আনন্দ কবছে আর সেই সঙ্গে অভিমানও জানাচ্ছে।

পরদিন কথায় কথায় বাবার মুখে শুনল, নরেনবাবু নেই এখানে, আপিসের কি কাজে কোলকাতায় গেছে পাঁচ-সাত দিনের জন্য। ভালো লাগল না। এ কদিনে ওব আসাটাই খানিকটা পুর্বানো হয়ে যাবে।

দুপুরে বাইরের দরজায় শিকল তুলে দিয়ে সাঙ্ঘনা মড়াইয়ের উদ্দেশে পা চালিয়ে দিল। এরই প্রতীক্ষায় ছিল। দিনটাও ভালো। মেঘলা, ছায়া-ছায়া।

কাল লক্ষ্য করে নি। কিন্তু উপর থেকে আজ মড়াইয়ের দিকে চোখ পড়তেই অবাক। পরিবর্তন হয়েছে নৈ কি। মড়াইয়ের এক দিকের রূপ বদলে গেছে একেবারে। মাটির দেয়ালের ওদিকটা। সেই কোন্ তলায় পড়েছিল নোংরা দু'চাব হাত আবর্জনা-গোলা জল। তাকালেও গা ঘিন ঘিন করত। সেই জল কি কবে এবই মধো ওই বিশাল উঁচু মাটির দেয়ালের প্রায় আধাআধি উঠে এসেছে। আব সেখান থেকে পিছনের দিকে যতদূর চোখ যায়, জল আব জল। বর্ষার লাল জল। গাঢ়-গৈরিক। থকথকে অপবিশ্রুত, তবু অপকপ। মেঘলা আকাশ, ধূসব পাহাড়, আর পারিপার্শ্বিক সবুজের সঙ্গে ঠিক যেমনটি মেলে।

চোখে পলক পড়ে না সাঙ্ঘনাব। এত বড় সাময়িক মাটির দেয়াল তোলার অর্থ এখন বুঝে।

মড়াই। সাঙ্ঘনা নেমে এলো। আগের মত তরতর করে নয়। জলে জলে গিছল হয়ে আছে। নিচে পা দেওয়ার সঙ্গে সঙ্গে সেই বাতাস, সেই মুক্তি আর সেই রোমাঞ্চ। গঠন সমারোহের পরিবর্তন কিছু চোখে পড়ে না বটে, তবু তক্ষণ ঠিক উপলব্ধি করা যায়। কাজের তাড়া বেড়েছে, নিবিটতা বেড়েছে, আবহাওয়ার একটা অলক্ষ্য তাগিদেই ইঙ্গিত। সম্ভবত জলের দরুন। বতক্ষণ আকাশ সঙ্গয় যতটা পারো এগিয়ে যাও। তুর কুঁচকে সাঙ্ঘনা আকাশের দিকে তাকালো একবার।—এখনই এই, তরা বরষায় কি হবে কে জানে।

এ ছাড়াও তক্ষণ কিছু দেখেছে। হাজার হাজার লোক কর্মরত। ক'জনকে আর বিচ্ছিন্ন করে দেবে? কিন্তু ওর অল্পস্থিতি যেন প্রায় সকলেই অনুভব করছিল। যেখান দিয়ে পাশ কাটালো সেইখানেই মাঝবুকের চোখে নীরব

অভ্যর্থনার আভাস দেখল। খুশিতে আনন্দে ভরে ভরে উঠতে লাগল সাধুনা। ওর যাওয়াও সার্থক, কিরে আসাও সার্থক।

নিজের হাতে কাজ করে না পাগল সর্দার, কাজের তদারক করে। তাই করছিল। দূর থেকে সাধুনাকে দেখে এগিয়ে আসতে লাগল। সাধুনা দাঁড়িয়ে পড়ল। কাছে আসতে সর্দারের ঘামে ভেজা কালো মুখ খুশিতে চকচকে হয়ে উঠল। দেখতে লাগল নিরীক্ষণ করে।

সাধুনাও হাসছে। কি দেখছ সর্দার?

তুকে।...তেমনি জবাব দিল সর্দার, তু চলে যেয়েছিলি কেনে দিদিয়া?

বাঃ রে, বোনের বিয়ে, যাব না? বলল বটে, কিন্তু ওর খুশিভরা চোখের দিকে চেয়ে বিভ্রত বোধ করতে লাগল। স্পষ্ট বলছে যেন, বোনের বিয়ে আর কতদিন ধরে হয় বাপু, তোর ডর লেগেছিল দিদিয়া। তাড়াতাড়ি জিজ্ঞাসা করল, তোমরা কেমন ছিলে সর্দার—

ভালো ছিলাম। ভালো থাকার ছোটখাটো একটা ফিরিস্তি দিল সর্দার। আজকাল আর কাজে কামাই করছে না। তবে জলের জন্ম মাঝে মাঝে আপনি কামাই হয়ে যায়। নয়তো রোজ আসে। অল্পযোগ করল, যাবার আগে দিদিয়ার ওকে বলে যাওয়া উচিত ছিল। তাহলে তার হৃন্দরীর এত কষ্ট হ'ত না। জানার পরে অবশ্য প্রায়ই গিয়ে সে হৃন্দরীর দেখাশুনা করে এসেছে, ইত্যাদি।

সাধুনা বাবার মুখে শুনেছে সে কথা। কৃতজ্ঞ নেত্রে তাকালো তার দিকে। প্রসঙ্গ পরিবর্তন করে ফেলল সর্দার, হালকা প্রশ্ন করল, উবাসীর বাবু তুর বিয়া কবে দিবে?

দিনেদুপুরে এই পরিবেশে এমন বেখান্না প্রশ্ন শুনলে কার না হাসি পায়। সাধুনা হেসে উঠল ঝগঝিল করে। বলল, দিলে কি হবে? একেবারে তো চলে যাব এখান থেকে!

সর্দার মাথা নাড়ল, তা বটে। সত্যতাটুকু উপলব্ধি করল যেন। বিষণ্ণ ছায়া নামল মুখে। আর তক্কুন ভিতরের দৃঢ় মাংসখটাকে দেখতে পেল সাধুনা। রিক্ততা দেখতে পেল। ওকে দেখে যত খুশি হোক, যত ভালো আছে বলুক, এক নিঃশব্দ বেদনার জরায় মাংসখটাকে বরাবরকার্য মত আচ্ছন্ন করে দিয়ে গেছে টারমশি। পাগল সর্দার বরাবরকার মতই বুড়িয়ে গেছে।

সর্দারের কোসরটিকেও দূর থেকে লক্ষ্য করেছে সাধুনা। সেদিন নয়, পরদিন। কোকাল দিয়ে পাহাড়ের গা-থেকে মল্ল একটা পাখরের তলা থেকে মাটি সরাসরে।

ওর আশেপাশে আরো অবশ্য কাজ করছে কেউ কেউ। তবু মনে হয়, চারপাশে একটা রুদ্ধ বিচ্ছিন্নতার গণ্ডি টেনে দিয়ে নির্মম একাগ্রতায় ওই অটল পাথরটার সঙ্গে যুক্ত হতে নেমেছে। চোখে চোখ পড়তে সাঙ্ঘনা দ্রুত গ্রহণ করল সেখান থেকে। পিছন ফিরে তাকালো না একবারও।...ভাবছে। স্বপ্নের নিখোঁজ হওয়ার ষড়যন্ত্রে সত্যিই কি এই লোকটাও জড়িত? বিশ্বাস হয় না যেন। বিশ্বাস করতে মন চায় না। কিন্তু ফিরে তাকাবে আবার এমন সাহসও নেই।

পা ধেমে গেল।

অদূরে ওই প্রেসার-গেট সংলগ্ন ব্লকের দিকে এগোচ্ছে তিন-চারটি লোক। একজন চিক ইঞ্জিনিয়ার বাদল গাঙ্গুলি। ওকে দেখেছে। সকলেই দেখেছে। এখানে এলে দেখা হবেই জানে।...গত কালই আশা করেছিল। আর, সংগোপন প্রত্যাশায় দু'চোখ সজাগ ছিল আজও।

দলছাড়া হয়ে ভদ্রলোক এদিকেই আসছে। বাকী ক'জন কাজের দিকে এগোচ্ছে। সাঙ্ঘনা না দেখার ভান করল প্রথম। কিন্তু সেও এক বিড়ম্বনা। দাঁড়িয়ে পায়ে করে আঁচড় কাটতে লাগল আধভেজা পাখুবে বালিতে, আর হাসতে লাগল সোজা হজি তাকিয়ে। এই বরং সহজ।

কাছে এসে বাদল গাঙ্গুলি হাসিমুখে বলল, পরশু এসেছ শুনলাম?

খবর রাখে। নিধুর মুখে শুনেছে বোধ হয়। নিধু কাল এসেছিল। খুশির লালিমায় সাঙ্ঘনা তার দিকে চেয়ে মাথা নাড়ল শুধু।

আজ এখানে আসতে আসতে ভাবছিলাম দেখা হবে, ঠিক ভেবেছিলাম, দেখো।

সাধারণ কথা। কিন্তু তাতেই লাল। এরকম ভেবেছিল জানলে সাঙ্ঘনা আসতই না কখনো। সে কথা আর বলে কি করে। চুপ করে থাকে ও কাজের কথা নয়। বলল, ভেবেছিলাম এই দেড় মাসে কত কি না জানি হয়ে গেছে, এসে দেখি যেমন কে ভেমনি, কিছুই হয় নি।

সাদা কথা, কি-ই বা এমন কাজের লোক আপনারা।

বাদল গাঙ্গুলি প্রচ্ছন্ন কোঁতুকে চুপচাপ দেখল একটু। ডায়ালগ ব্যাপারে ওর এই আগ্রহের কারণ কিছুটা জানে এখন। জলবরা এক সন্ধ্যায় নয়েন আর সে বসেছিল কোয়ার্টারে। সেদিন কেমন মনে পড়েছিল ওর কথা। পর পর অনেক দিন দেখেনি বটেই, হঠাৎ। কথায় কথায় তখন শুনেছিল। আত্মসংযমের অহুসানে - নবীন বসন্তের জানতল।

ছদ্ম-গাভীর্থে প্রায় কৈফিয়ত দেবার মত করেই জবাব দিল, তুমি ছিলে না এখানে, বার যেমন খুশি ফাঁকি দিয়েছে।

হেসে ফেলল। এ প্রসঙ্গটা নিজের কাছেই প্রায় বিষয়ের কারণ। ঘাড় কিরিয়ে দেখল, সঙ্গী অকিসাব ক'জন অনেকটা এগিষে গেছে। আর কিছু না বলে কিরে চলল।

উৎফুল্ল চোখে সেদিকে চেয়ে সাঙ্ঘনা দাঁড়িয়ে রইল অনেকক্ষণ। বাবার মুখে শুনেছিল, জল-বৃষ্টির ব্যাঘাতে ভদ্রলোকের নাকি মেজাজ বিগড়ে আছে। তার ওপর বে-সরকারী কমিটি আসছে কাজ দেখতে আর সিমেন্টের ফরসালা করতে, সে উদ্বেগও কম নয়। এই দেড়মাসে বেশ শুকনোই দেখাচ্ছিল ভদ্রলোককে। কিন্তু এ সব সত্ত্বেও ওকে দেখে অগ্ন্য সকলেব মত এরও চোখে মুখে সেই খশির অভ্যর্থনা উপলব্ধি করেছে সাঙ্ঘনা।

বাড়ির উদ্দেশে পা চালিয়ে দিল। দেবি হয়ে গেছে। হোক গে। তৃপ্ত, প্রসন্ন। এই কর্মপবিসরের প্রতি একান্ত অমুভূতির আশ্বাদন একটা। অপরিসীম মমতা। বেশ হ'ত, এই মাহুষদের মত সেও যদি কাজে লাগতে পারত কিছু। বেশ হ'ত, পুরুষমাহুষ হলে। এ সময়ে ডায়ের ভালো মন্দ নিয়ে ভাবতে পারত, আলোচনা করতে পারত। চিক ইঞ্জিনিয়ারের সঙ্গেও।

ধেং। সপ্রগল্ভ লজ্জায় সমস্ত মুখে যেন আবার লাগল একপ্রস্থ।

...পুরুষমাহুষ হলে কেউ আমলই দিত না ওকে।

দিন দুই গেছে আরো।

কোন কাজে মন বসছিল না সাঙ্ঘনার। সন্ধ্যা পার হতে চলল। খানিক আগে বাড়ি কিরেছে আর ঘুরেকিরে বরনার মায়ের সঙ্গে সাক্ষাতের কথাটাই ভাবছে।

মেন কোয়ার্টার্স-এর এক পাথরের আড়ালে হাত পা ছড়িয়ে বসেছিলেন মিসেস চ্যাটার্জী। প্রসাধন-পারিগাট্য নেই, শিথিল বেশবাস। ভারী মুখে বিষন্ন কালচে ছাপ। উদাসীন বিষাদে এই দুনিয়ার প্রতিকূলতার কথাই ভাবছিলেন বোধ হয়। একেবারে সামনাসামনি পড়ে হকচকিরে গিয়েছিল সাঙ্ঘনা। পালিয়ে আসত। কিন্তু মহিলার অপ্রসন্ন দুই চোখ যেন কাঁচপোকার মত আটকে ফেলল ওকে। মনে হ'ল, ঠাণ্ডা ইশারার ডাকছেন। পায়ে পায়ে কাছে আসতে আবার খানিক বিশ্লেষণ করে দেখলেন ওকে। পরে সংক্ষিপ্ত প্রশ্ন করলেন, এতদিন কোথায় ছিলে?

বলল। সে যে ছিল না এখানে সেটা এঁরও আগেচর্য নয় যেনে অবাক।

আর একদফা উচ্চ পর্যবেক্ষণ। ঠিক ওকে নয় যেন। ওর ভিতর দিয়ে এই বয়সের সকল মেয়ের ওপর বিরূপ জ্বকুটি একটা। কিন্তু কঠোর বদলে গেল হঠাৎ। মুখভাবও। গলা নামিয়ে সাগ্রহে জিজ্ঞাসা করলেন, তুমি যানার আগে বরনার সঙ্গে তোমার দেখা হয়েছিল একদিনও ?

চট করে জবাব দিয়ে উঠতে পারে নি সাব্বনা। শেষ দেখা হয়েছিল ভুতুবাবুর হোটেলে। ওকে দেখে এবং একটু পরেই রণবীর ঘোষকে দেখে ব্যঙ্গ-কৌতুকে বরনা বলমলিয়ে উঠেছিল যে দিন। তার পর আর জানবে কি করে, সাব্বনা নিজেই পালিয়ে এসেছিল।

জবাব শুনে মিসেস চ্যাটার্জী বিস্মিত। তোমাদের বাড়ি গিয়েছিল ? কবে ? কেন ? আমাদের বলে নি...

কান্নার মত শোনালো প্রায়। সামলে নিলেন। দুর্বলতা প্রকাশ করে ফেলার ক্ষোভে দ্বিগুণ বিরক্ত। মুখ ঘুরিয়ে রূঢ় মনযোগে ওপারের আকাশ-বঁধা পাহাড় দেখতে লাগলেন তিনি।

সেই থেকে মনটা ভারী হয়ে আছে সাব্বনার। ভদ্রমহিলা যেমনই হোন, মেয়ের ভালো ছাড়া মন্দ তো কখনো চান নি। বরং একটু বেশি ভালো চা-তেন বলেই অমন করতেন।

বাইরের ঘরে বাবার সঙ্গে আরো একজনের সাড়া পেয়ে খুশিতে ধড়মড়িয়ে উঠে দাঁড়াল সাব্বনা। কিন্তু যত খুশি তত লজ্জা। যত আনন্দ তত সন্দোহ। হঠাৎ যেন অভিভূত হয়ে রইল দু'চার মুহূর্ত। দাঁওয়া ছেড়ে ঘরে গিয়ে ঢুকল তাড়াতাড়ি।

বাবা ডাকলেন, কই রে সাব্বনা, নরেন এসেছে !

এসেছে তো জানে। কিন্তু যায় কি করে ! সেই থেকে প্রতীক্ষাও করছে মনে মনে। কিন্তু সামনে গিয়ে দাঁড়ানো দায়।

নরেনই সহজ করে দিল ওর আসাটা। অবনীবাবুর সঙ্গে সঙ্গে গলা চড়িয়ে জানান দিল, ষেড় মাসে মাসির কাছে রান্নাঘরের নতুন কি শিখে এলে হাতে-কলমে পরীক্ষা চাই—একটু এদিক ওদিক হলেই গোলা।

আগের দিনের একটা স্বর কানে লাগছে। এ ঘরে এসে দরজার কাছে দাঁড়াল সাব্বনা। এতদিন পরে সাক্ষাতের আনন্দ থেকেও মাহুঘটাকে বেঁধে নেওয়ার কোঁতুহল বেশি।

নরেনের দু'চোখ মুখের ওপর আটকে রইল দু'চার মুহূর্ত। তারপর হালকা অল্পশাসনের স্বরে জিজ্ঞাসা করল, বা বললাম কানে গেলা ?

সাব্বনা জবাব দিল না। দেখছে তেমনি। হাসছেও।

অবনীবাবু মেয়ের দিক টেনে ঠাট্টা করলেন, কানে গেলেই বা করবে কি, এই দেড় মাসের মধ্যে দেড় দিনও কি মডাই ছেড়ে ছিল ভাবো নাকি।

হাসি চেপে ভ্রতঙ্গি করে বাবার দিকে তাকাল সাব্বনা। নবেন সঙ্গে সঙ্গে সায় দিয়ে দাঁপি প্রত্যাহার কবে নিল যেন। বলল, তা বটে, এত বড় ছুটিস্তার বোঝা মাথায়, গেলেও বা নিশ্চিন্তে থাকে কি করে।

আবারও দৃষ্ট বিনিময়। দেখাটাই শেষ হয় নি যেন সাব্বনার। মুহূ হাসি, সকৌতুক নিবীক্ষণ।

অবনীবাবু উঠে এলেন। অকিসেব পোশাক বদলে হাতমুখ ধোবেন। নরেন সামনেব দিকে ঝুঁকে এলো তৎক্ষণাৎ। গলা নামিয়ে বলল, এতদিন দেখা নেই দেখে ভাবলাম মাসি এবাব হাতের মুঠোয় পেয়ে বোনঝিকেও একেবারে ঝুলিয়ে দিয়ে তবে ছাড়বেন।

হাসি স্পষ্টতব হ'ল। সাদা দাঁতের আভাসও দেখা গেল প্রায়। কিন্তু তবু কথা বলবেই না সাব্বনা।

নরেন সোজা হয়ে বসল। চোখে চোখ রাখল আবার। হালছাড়া গলায় বলে উঠল, কি ব্যাপার, চিড়িয়াখানার জীব ঠাণ্ডারালে নাকি আমাকে?

নিরীক্ষণের কৌতুকগঞ্জনা শেষ হ'ল এতক্ষণে। সাব্বনা জোরেই হেসে উঠল।

—বারো—

নরেন এবং সাব্বনা দুজন্যই ভিতরে ভিতরে কিছু একটা আপোস হয়ে গেছে যেন। চিক ইঞ্জিনিয়ারকে নিয়ে কথায় কথায় একদিন যে অস্বস্তির মুখোমুখি হয়েছিল, মনে মনে তার জন্ত দুজনেই কুণ্ঠিত তারা। সেটুকু মুছে ফেলার ব্যগ্রতাও তাই দুজন্যই সমান। হাসিখুশি চপলতার মধ্যে পবম্পরের মনো-রঞ্জনোর সূক্ষ্ম আগ্রহটুকুর প্রকাশ নেই, অমুজুতি আছে।

সাব্বনা ভাবে, ভাগ্যে মাসির বাড়ি গিয়েছিলাম, নইলে কি লজ্জা, কি লজ্জা! ও লজ্জা বুঝি আর জীবনে কাটিয়ে ওঠা যেত না। মনে মনে সঙ্কচিত নরেনই বেশি। কি না কি কথা একট্রা, তাই শুনে একেবারে দেউলের মত ওদের বাড়ি থেকে উঠে এসেছিল। নিজের সেই দৈন্ত ওরও বিবম লজ্জার কারণ।

কিন্তু মাসির বাড়ি গিয়েছিল বলে আজ নরেনই মনে মনে খুশি বেশি। এই

বাহিত্র আপসের দরুনই নয় শুধু। দেড়মাসে মেয়েটা বদলেছে অনেক। নতুন সবজের মত কিয়ে উজ্জ্বল হয়ে উঠেছে আবার। গোড়ার বে মেয়ে মড়াইয়ে এসেছিল ভেমনি। বরং তার থেকেও বেশি। মাঝখানে ওই উজ্জ্বল প্রাচুর্য নারীচেতনার কানায় কানায় বাঁধা পড়ে আসছিল। কাম্য তাইই। কিন্তু ওই থেকেই এক ধরণের বিচ্ছিন্নতা এসেছিল। সংশয়ও।

কিন্তু সে অধ্যায় একেবারে মুছে গেছে এখন। চেতনার বাঁধ ভেঙেছে। নিজেকে আগলে রাখার কারিগরি ভুলেছে। দেড় মাসের শূণ্যতা ভরাতে তিন-গুণ উপচে উঠেছে। হাসে, গল্প করে, হৈ-চৈ করে। রাগালে রাগে, চোখ বাঙালে ডবল চোখ রাঙায়। বেড়াতে বেরোয় ছুজনে। পুরোনো জায়গায় নতুনের ছাপ লাগে। শালমহয়ার দিকে যায়, পাহাড়ের দুর্গম কোনো পাথরে ওয়ার ভীক চেটায় হেসে আটখানা হয় নিজেই, একসঙ্গে চা খেতে আসে ভুতু-বাবুর দোকানে। নরেনবাবু কত প্রশংসা করে ভুতুবাবুর, তার কালনিক কিরিত্তি দেয় গম্ভীর মুখে। লজ্জায় স্মৃতি গলে থাকে ভুতুবাবু। তাই দেখে হাসি চাপা দায় হয়ে ওঠে নরেনের।

সাম্বন্ধের অগোচরে নরেন চেয়ে চেয়ে দেখে এক এক সময়। নতুন কবে আবার কাঁচা বয়সের যাহু লেগেছে ওর মধ্যে। যা এই মড়াইয়ে আর এই মড়াইয়ের পাহাড়ী পরিবেশেই শুধু মানায়। বলেও ফেলে, ভাগ্যে জায়গাটা এরকম, অস্ত্র কোথাও হলে টি টি পড়ে যেত।

নিরাহ মুখে পাণ্টা প্রশ্ন করে সাম্বন্ধ, থিকী মেয়ে বলত? জবাব না পেয়ে হেসে ওঠে।—আগে যা ছিলুম জানেন না, তড়তড়িয়ে গাছে উঠতাম বলে মায়ের হাতে কম কিল খেয়েছি।

চেঁচা করলে এখনো পারো বোধ হয়ে উঠতে।

না, এখন আর পারিনে, মোটা ধুমসী হয়ে গেছি।

নিজের সন্দেহে অমন একটা বিশেষণ প্রয়োগের আনন্দেই আবার হেসে সারা। কতটা মোটা হয়েছে নরেন পরীক্ষাসূচক চোখে তাই যেন দেখে চেয়ে চেয়ে। তৃষ্ণার্ত একটা অহুভূতি হাসি-চাপা দিতে হয় তাকেও।

নরেনের খুশি হওয়ার আরও একটু কারণ আছে। সম্প্রতি অবনীবাবুর মধ্যেও কিছু পরিবর্তনের আভাস পাচ্ছে সে। প্রথম থেকেই এই বাড়িতে তার অব্যাহত আনাগোনা। অবনীবাবু বাড়ি থাকুন আর নাই থাকুন, যখন খুশি এসেছে, স্বতন্ত্র খুশি থেকেছে। কিন্তু বিবেকের আঁচড় পড়তই একটা দুটো। ভুল্ললোক কিছু ভাবেন কি না, মনে মনে অসন্তুষ্ট হন কি না কে জানে। কিন্তু নরেনের মন

থেকে এখন সে সংশয়ও গেছে। কোন কারণ নেই তবু গেছে। ওর এবারের এই আসা যাওয়া এবং মেয়ের সঙ্গে অবাধ মেলামেশায় ভক্তলোকের একটুখানি সন্দেহ প্রভ্রমও আছে। কেমন করে নরেন যেন সেটুকু উপলব্ধি করেছে।

অনুকূল অবকাশ পেলে সাঙ্ঘনাকে ও নিজেই হয়তো বলত। কিন্তু এ উচ্ছলতার মুখে বলাটা না হালকা হয়ে ভেসে যায়। সমস্ত আত্মক বলবে। সাঙ্ঘনা খামুক, শান্ত হোক একটু। তখন বলবে। সন্ত-অবরোধ-ভাঙা তটিনীর সঙ্গে ওর তুলনা চলে এখন।

কিন্তু বেজায় রাগ হয় নরেনের এই অকালবৃষ্টির ওপর। জলের দরুন ডায়ামের কাজে বিঘ্ন হচ্ছে বলে চিন্তিত হয়তো হয়েছে, কিন্তু রাগ হয় নি এখনো। এ যেন এক গণ্যাকারের অমিল। দিনকতক ছিল বেশ। আবার শুরু হয়েছে। সময় নেই অসময় নেই রমরমিয়ে নামলেই হ'ল। অকিসের পর বর্ষাতি নিয়ে অবশ্য হাজির দিতে পারে। দিচ্ছে না এমনও নয়। কিন্তু সাঙ্ঘনাই হয়তো চোখ বড় বড় করে বলে ওঠে, এই জলে কি কাণ্ড! কি কাণ্ডর সন্ধ্যা কাটিয়ে উঠতে না উঠতে জলের ছিটেফোটা কোথাও লাগল কি না অবনীবাবুর হাতে আবার সেই পরীক্ষার সন্ধ্যা। তাছাড়া বেড়ানো বন্ধ। দিনকতক ওটাই মন্ত আকর্ষণ ছিল।

সকাল থেকেই সেদিন আকাশ নির্মেষ। রোদ উঠেছে। কান্নাভেজা মুখে একপ্রায় হাসির মত। ছুপুরে রোদ থাকল না বটে, কিন্তু নীতকালের পড়ন্ত আলোর মত ভারি একটা মিষ্টি ছায়া পড়ল সর্বত্র। যে আলো আর যে হাওয়া স্বরকুনো মনকেও বাইরে টেনে আনে।

অকিস ঘরের টেবিলে আঁকার সাজ-সরঞ্জাম কাগজপত্র ছড়িয়ে রেখেই নরেন উঠে পড়ল শেষ পর্যন্ত। অনেকক্ষণ ধরে উসখুস করছে ভেতরটা। বিকেলে আবার শুরু হবে কি না এক প্রশ্ন কে জানে। কিন্তু সেটাই বড় কথা নয়। আসলে ওই আকাশ, ওই বাতাস আর এক নিভৃতের দিকে টানছে ওকে।

সরাসরি এসে ট্রাকে চাপল। মেন কোয়ার্টার্স-এ উঠে ট্রাক ছেড়ে দিল। তার পর পা চালানো জেনারেল কোয়ার্টার্স-এর দিকে।

বেশিদূর যেতে হ'ল না। মুখোমুখি দেখা। সাঙ্ঘনা অবাক। কি ব্যাপার, এ সময়ে এদিকে কোথায়?

সব ব্যাপারে ওর এই সহজ বিশ্বাস নরেনের বাহিত নয় খুব। ছয় বিশ্বাস হলে বরং খুশি হ'ত। অত্যন্ত হালকা হুঁসেই জবাব দিল, এদিকে অবনীবাবু নাসে এক ভক্তলোক থাকেন, বাজিলাম তাঁর বাড়ি। তা তুমি কি স্থপারভিশানে বেরিয়েছ?

জবাব না দিয়ে সাস্বনা তেমনি হালকা করেই পাণ্টা প্রদ্র করল আবার, অবনীবাবু নামে ভদ্রলোকের বাড়ি এখন যাচ্ছেন, আপিস নেই ?

আছে। নরেন ঘটা করে দীর্ঘনিঃশ্বাস ফেলল একটা। দিনটা দেখে ভাবলাম ভদ্রলোকের কন্ঠার হাতে এক পেয়ালা চা খেয়ে আসি।

হেসে উঠল সাস্বনা। বলল, হাতের নাগালে ভুতুবাবুর দোকান ছাড়িয়ে এ পর্যন্ত আসছিলেন চা খেতে ?

যে অবকাশেব প্রতীক্ষা মনে মনে, তাবই একটা হাতছাড়া হয়ে গেছে। আব কিছু না হোক, শুধু বলতে পারত, ভুতুবাবুর দোকানে ভুতুবাবু আছে, ওই ভদ্রলোকেব কন্ঠাটি নেই বলেই এত পবিশ্রম আর পণ্ডশ্রম।

বলি বলি কবেও বলা হ'ল না। সাস্বনা তড়বড়িয়ে উঠল, আমি কিন্তু এখন আর ফিরছি না, পাঁচ দিন ঘরে বসে দম বন্ধ, সেই সকাল থেকে বেকব বেকব কচ্ছি—ভুতুবাবুর দোকানে চলুন আপনাকে চা খাওয়াচ্ছি।

চা আর না হলও চলে। সানন্দ প্রত্যাবর্তন এবং অবতরণ। সাস্বনারও খুশি ধরে না। বলল, চমৎকাব দিন করেছে, না ? চলুন মড়াইয়ে নামব, চট করে চা খেয়ে নেবেন, আমি ভুতুবাবুর পাল্লায় পড়ে গেলে ডাকবেন জোর করে। হেসে উঠল।

ভুতুবাবুর দোকানে ঢোকা হ'ল না। চা-প্রার্থীবি ভিড় সেখানে। এ আবহাওয়ায় চায়ের অজুহাতে অনেকেই বেরিয়ে এসেছে। ওরা ঢুকতে পারত। আপায়ন করে ভুতুবাবু বসার ব্যবস্থাও করে দিত। কিন্তু অফিস টাইমে স-সন্ধিনী ওদের মধ্যে গিয়ে ঢোকা পক্ষ অফিসারের সাজে না। সাস্বনাও বোকে, বলে, আপনার কপাল মন্দ আমি কি করব।

জবাব না দিয়ে মন্দ-কপালজনিত মৃথখানা করে তুলতে চেষ্টা করে নরেন। লোক না থাকলেও এ সময় ভুতুবাবুর দোকানে গিয়ে ঢুকতে ভালো লাগত না। এগিয়ে চলল। মড়াইয়ে নামাটা অফিসের কাজের অন্তর্গত। নৈতিক না হোক বাহ্যিক কৈরিকর্যত আছে।

মড়াইয়ের ধারে এসে সাস্বনা চ্যালেঞ্জ করল, নামুন, কে আগে নামতে পারে দেখি।

নবেন দাঁড়িয়ে পড়ল। বলল, দেখ মেয়ে ভালো হবে না, জলে জলে যা হয়ে আছে, পড়লে শুধু ?

সে সম্ভাবনা আছে। তবু ছাড়ায় পাজী নয় সাস্বনা। ঠেস দিয়ে বলল, আচ্ছা, তীব্র আপনি, হাত ধরে নামাবো ?

নরেন হাত বাড়িয়ে দিল, ধরো না।

সাস্ত্রনার উৎক্লেশ দুই চোখ মুহূর্তের জন্ত আটকে গেল তার মুখের ওপর। অনন্তরূপ এক রোমাঞ্চকর স্পর্শের মত লাগল নরেনের। ততক্ষণে হুঁচকার পা নেমে গেছে সাস্ত্রনা। ফিরে দেখল আবার। বলল, তার থেকে হাত-পা না ভেঙে আপনি বরং একটা আছাড় খান, লোকে দেখুক। নামবেন তো নাহুন।

মড়াইয়ের সেই একটানা কর্মস্রোত। কিন্তু রোজই নতুন মনে হয় সাস্ত্রনার। আজকের দিনটা আরো অদ্ভুত লাগছে। মড়াইয়ের গহ্বরে মেঘলা দিনের সবাক-জড়ানো ঠাণ্ডা বাতাসের ছড়াছড়ি। আর সাস্ত্রনার মন তার থেকেও হালকা।

অনর্গল কথা বলছে। এখানে দাঁড়াচ্ছে, ওটা দেখছে, পাঁচ কথা জিজ্ঞাসা করছে। জবাব পেল কি পেল না খেয়াল নেই, প্রত্যাশাও নেই। মড়াইয়ে নেমেই পাগল সর্দারকে একবার খোঁজা অভ্যাস। কাছে দূরে দু চোখ ঘুরে এলো আজও। দেখতে পেল না। দূরে কোথাও আছে। 'আজ আর কারো কাছে যাওয়া নয়, কারো কাছে দাঁড়ানো নয়। মড়াইয়ের বাতাসের মতই হালকা হয়ে শুধু ভেসে বেড়ানো।

খেয়াল হতে দেখল, চার্নিং মেশিন চলছে যেখানে সেদিকটায় এগোচ্ছে তারা। ও আর এখন রণবীর ঘোষের আওতা নয়। আর কোনো কন্ট্রোলারের হাতে গেছে। অদূরে একদল কামিন বুড়ি মাথায় পাথরকুচি সরাজে। এরই মধ্যে এক নজর দেখে নিল সাস্ত্রনা। পাঁচমিশালি বয়সের মেয়ে সব। ওদের দিকে চেয়ে চাঁদমণির কথা মনে পড়ে যায় তবু। রণবীর ঘোষের পাশাপাশি ওকে দেখে অমনি দূরে দাঁড়িয়ে মেয়েটা একদিন দাঁড়িয়ে দাঁড়িয়ে দু চোখে ভ্রম করেছিল ওকে। আজ অন্তত এসব আর মনে করতে চায় নি সাস্ত্রনা। কিন্তু চাঁদমণি ওর মনে দাগ কেটে আছে। না চাইলেও মনে পড়ে।

ছোট নিঃশ্বাস কেলে এগিয়ে চলল। পাশের লোকটা কথাবার্তা বিশেষ বলছে না, সেদিকেও খেয়াল নেই খুব।

চার্নিং মেশিন চলছে না এখন। লোকজনও বিশেষ নেই। কনভেন্সরের শেষ মাথায় অনেক উচুতে সেই ঘরের মত জায়গাটার দিকে চোখ গেল। ফ্রেনে ওঠার সুযোগ না গেলে ওই মইয়ের মত খাড়া সিঁড়ি বেয়েই যেখানে উঠবে একদিন ঠিক করেছিল।

সংগ্রহে বলল, ওখানে উঠি চলুন না ?

কোথায় ?

ওই যে উঁচু ঘরের মত—

নরেন বলল, ওখানে উঠতে গেলে পা হড়কে একেবারে বিশ্বরূপ দেখতে হবে।

যেন ছোট মেয়ের এক অসম্ভব আকার নাকচ করে দিল এক কথায়। ভুরু কুঁচকে সান্থনা মাটি থেকে কতটা উঁচু হতে পারে এবং ওটাটা একেবারেই অসম্ভব কি না তাই দেখতে লাগল।

ওদিকে নরেন দেখছে, মড়াই আজ ছোট বড় অনেক অকিসারকেই টেনেছে। অদূরে অ্যাডমিনিস্ট্রেটিভ অকিসার এবং আরও দু'তিনজন সঙ্গ চোখোচোখি হ'ল। সান্থনাকে বলল, তুমি এখানে দাঁড়াও একটু, এঁরাও সব হাওয়া খেতে নামলেন কি না দেখে আসি।

সান্থনাও এক নজর দেখে নিল তাঁদের। বিশেষ করে ঝরনার বাবাকে। কিন্তু এতদূর থেকে মানুষটাকে দেখা যায় এই পর্যন্ত। পায়ে পায়ে নরেন তাঁদের কাছে গিয়ে দাঁড়াল।

দশ মিনিটও নয়। ফিরল আবার। কিন্তু এদিক ওদিক চেয়ে সান্থনাকে দেখল না কোথাও। বিস্মিত নেত্রে চারদিকে তাকাতে লাগল সে। মেয়েটা গেল কোথায় !

টুপ করে কাছেই ছোট একটা পড়ল কি। চমকে উঠল নরেন। উপরের দিকে চেয়ে গিন্‌চ। কন্ডোয়ারের সেই মাথা থেকে সহাস্তে উঁকি দিচ্ছে সান্থনা।

নরেন ভয়ে দিশেহারা। চিংকার করে উঠল, ওখানে কি কচ্ছ ?

তেমনি চিংকার করে জবাব পাঠালো সান্থনা, বিশ্বরূপ দেখছি।

শীগ'গির নেমে এসো। যথার্থ রোগে গেছে।

শীগ'গির উঠে আহ্নন। বেপরোয়া জবাব।

কি দৃষ্টি মেয়ে রে বাবা ! তুমি নামবে কি না ?

আপনি উঠবেন কি না ?

হতাশ হয়ে হাল ছাড়ল নরেন। কাঁধের কোটটা জুঁকড়ে মাটিতে কেলল সে। ভয়ে দুশ্চিন্তায় বেমে উঠেছে। কিন্তু চকিতে আরো একটা ভয়ের কথা মনে হ'ল। এই বাড়ি সিঁড়ি ধরে ওঠার মত সহজ নাহা তত নয়। ওঠার থেকেও নামার সময় বিপদের সম্ভাবনা বিশেষ। ওর কথা শুনে সান্থনা যে নেমে আলিতে চেষ্টা করে নি রকম। তাড়াতাড়ি একজন কর্মচারীকে ডেকে নির্দেশ দিল কেন-কেন

লাগানোর ব্যবস্থা করতে। সিঁড়ি বেয়ে উপরে উঠতে লাগল তার পর।

ওপর থেকে সাঙ্ঘনা হাসতে লাগল প্রচুর। এক্ষুনি নামতে হবে, তাড়াতাড়ি চারদিক দেখার মন দিল সে। দু চোখ যেন জুড়িয়ে গেল। বিশ্বকপ না হোক অপরূপ বটেই। অত উঁচু থেকে কাছাকাছি ঝেঁষাঝেঁষি দেখাচ্ছে এত বড় সৃষ্টি। ওপরে আকাশ। নিচে বিজ্ঞান-পথে যুগ-যুগান্তের সাধনার বিচিত্র রূপ। সেই মহিমার সামনে হঠাৎ যেন একেবারে স্তব্ধ হয়ে গেল সাঙ্ঘনা।

এত উঁচু থেকে বিচ্ছিন্ন ভাবে কিছু দেখার দিকে খুব মন ছিল না। নইলে দেখত, একটা মেয়ে কোথায় উঠেছে তাই চেয়ে চেয়ে দেখছে নিচের অনেকেই। আর মড়াইয়ের গহ্বরে দাঁড়িয়ে দূর থেকে দেখছে চিক ইঞ্জিনিয়ার বাদল গাঙ্গুলিও। দেখছে না ঠিক, শাড়ির আভাসে বুঝতে পারছে শুধু দুঃসাহসিকাকে।

কোনরকমে ওপরে উঠে জিব বার করে হাঁপাতে লাগল নরেন। তাই দেখে আর একদফা হেসে উঠল সাঙ্ঘনা। নরেন ধমকে উঠল, থামো। আর হাসতে হবে না, এতটুকু ভয়-ভর নেই তোমার?।

অল্প সময় হলে প্রত্যুত্তরে তেমনি করেই কিছু বলত। কিন্তু যেখানে দাঁড়িয়ে আছে তার স্তব্ধতার ঘোর কাটে নি এখনো। নিচের দিকেই চোখ গেল আবার। বলল, এত বড় অভয়ের মধ্যে দাঁড়িয়ে নিজের এক ফোঁটা ভয়ের কথা ভাবতেও লজ্জা।

নরেন হাঁ করে চেয়ে রইল তার মুখের দিকে। সেটুকু উপলব্ধি করে সাঙ্ঘনা লজ্জা পেল যেন। বলল, দেখছেন কি?

দেখছি তোমার মাথা আর আমার মুণ্ড।

হেসে উঠল সাঙ্ঘনা। দুইই খাস। চলুন।

ফ্রেন-কেজ্ আসতে দেখে আবারও ছেলেমানুষের মতই খুশি হয়ে উঠল সে। ওতে করে নামবে ভাবতেও রোমাঞ্চ। হাত ধরে নরেন কেজ্ এ ওঠালো তাকে। ফ্রেন ঘুরতে লাগল। যেন বাতাস সীতরে চলেছে তারা। সাঙ্ঘনার মনে হ'ল শরীরের রক্ত সব সড়সড়িয়ে পা বেয়ে নামছে।

ছোট কেজ্। ওর গা ঝেঁষে দাঁড়িয়ে আছে নরেন। হাতে হাত লাগছে। কাঁধে কাঁধ ঠেকে বাজছে। ঘাড় কিরিয়ে চপল আনন্দে এঁটা সেটা জিজ্ঞাসা করছে যখন ওর নিঃখাস এসে লাগছে গালে মুখে।

একটা সবল ইচ্ছাকে বিপ্লব বলে নরেন ভিতরে ভিতরে নিশ্চেষ্ট করে রাখল সার্বাঙ্গীণ।

কেজ্ তুঁরি নীল করল।

বিকল আরো এক নিবিড় মূহূর্ত।

কেজ্ থেকে মাটিতে পা ফেলার সঙ্গে সঙ্গে এক বিপরীত ধাক্কায় স্তব্ধ হুজনেই। হঠাৎ দূরের একদিকে সামাল সামাল রব উঠল একটা। লোকজন যে যার কাজ ফেলে উধ্বংসে ছুটল সেই দিকে। চিংকার, চোঁচামেচি, হট্টগোল। এত লোক ছড়িয়ে ছিল মড়াইয়ে, এমনিতে বোঝা যায় না। ওপর থেকেও লোক ছুটে আসছে।

সন্ধি ফিরতে নরেন আর একটি কথাও না বলে প্রায়দৌড়েই চলল সেদিকে।

সাম্বনা সেখানেই দাঁড়িয়ে। মড়াইয়ের এই বিভ্রান্ত ব্যতিব্যস্ততা চেনে। এই কোলাহল জানে।

অ্যাক্সিডেন্ট হয়েছে।

সাম্বনা আড়ষ্ট। আর্ত আকৃতি। কি হ'ল? কার সর্বনাশ হ'ল? কিন্তু এক পা নড়ার ক্ষমতা নেই। যতবার যত দুর্ঘটনার কথা শুনেছে, একই অবস্থা। চোখে দেখা দূরে থাক, নির্মম কিছু কানে এলেও ভিতরটা ঘুলিয়ে ওঠে থেকে থেকে। কিছু না দেখুক, না জানা বা না শোনা পর্যন্ত শাস্তি নেই।

কি হ'ল? কে গেল? ক'জন গেল?

পিলপিল করে লোক জমছে এখনো। মড়াইয়ের ওদিকটা কালো মাথায় কালো হয়ে গেল। তবু লোক আসছে। হট্টগোল বাড়ছে।

দুর্ঘটনার বিবরণ জেনে আবার ফিরেও যাচ্ছে কেউ কেউ। পায়ে পায়ে এগোলো সাম্বনা। জনা-দুই লোক ওর সামনাসামনি আসতে দাঁড়িয়ে পড়ল। মুখের দিকে চেয়েই লোক দুটো বুঝল, জানতে চায় কি হয়েছে। তারা জানাল, পাথর চাপা পড়েছে একজন। পেলায় পাথর—সঙ্গে সঙ্গে শেষ।

সাম্বনার চোখে বোঝা আস, বোঝা প্রশ্ন। অর্থাৎ, কে? আমি দেখেছি? আমি চিনি?

—হোপুন। নিজে থেকেই জানাল তারা, জলে জলে ধারের পাথর আলগা হয়েছিল, বে'কার মত তারই তলার মাটি কাটছিল লোকটা। সবাই বলছে, ইদানীং মাথা ঠিক ছিল না ওর—ওদের বুড়ো সর্দারটা কপাল হুঁকে রক্তারক্তি করছে একেবারে।

ভিড় সরিয়ে, মরণসঙ্কট পাথর নড়িয়ে, দলাপাকানো দেহটা সরিয়ে ফেলার পর এক ফাঁকে চিৎ ইঞ্জিনিয়ারের কাছে এসে ওই এক কথাই বলল হুলিবাঁহু।

—নিজের দোষেই গেল তার লোকটা, ওই পাথরের নিচে বসেই তলাকার মাটি সরেছিল...

চূপচাপ দাঁড়িয়ে বাদল গাঙ্গুলি অশ্রুমনস্কের মত ভাবছিল কিছু। ভাবছিল সেই প্রথম দিনের কথা। বহু স্বজাতি পরিজনের সেই জিঘাংস্ব বিক্ষোভেব জবাবে পাষণ-গাঙ্গুীরে এই একজনের সামনাসামনি বুক ফুলিয়ে দাঁড়ানো। সেদিন মড়াই ঘেরা গোটা পাহাড়টার মতই শক্ত নিটোল মনে হয়েছিল ওকে। আজকের এই শেষ দেখলে কে বলবে একখানিও হাড় ছিল ও দেহে।

ছোটখাটো এমন দুর্ঘটনা মড়াইয়ে আরো অনেক ঘটেছে। কাজের তাড়ায় সে বিষম্বাটা কাটিয়ে ওঠাও শক্ত হয় নি খুব। কিন্তু চারদিকে চেয়ে আজ বাদল গাঙ্গুলির কেমন মনে হ'ল এই একটা অপঘাত অজ্ঞের উত্তমকে যেন খেঁতলে দিয়ে গেল। বাদল গাঙ্গুলি নয়, চিক ইঞ্জিনিয়ার সচেতন হয়ে উঠল তৎক্ষণাৎ। কুলিবাবুকে আদেশ কবল, দোষের কথা পবে হবে, জটলা বন্ধ করে ওদের সব কাজে যেতে বলুন, অনেক সময় নষ্ট হয়েছে, আব এক মিনিটও নয়।

কিন্তু শুনেছে কে? কাজ যারা করবে তারা জরুপও করল না। বরং ক্ষুব্ধ হ'ল। অসন্তুষ্ট হ'ল। জাতের অর্ধেক লোক মৃতদেহের সঙ্গে সঙ্গে চলে গেছে। যারা আছে, তারাও জায়গায় জায়গায় গোল হয়ে মূর্তির মত বসে। কুলিবাবুদের মূহু অমুশাসনে কাউকে নড়ানো গেল না। উণ্টে এই সময়ে এভাবে কাজের তাড়া দেওয়াটা প্রায় নির্মম মনে হ'ল ওদের সকলের কাছে।

সাম্বনার কাছেও।

অদূরে এসে দাঁড়িয়েছে কখন। আচ্ছন্নতার ঘোর কাটে নি। স্তব্ধ, বিবর্ণ। নিজের অগোচরে দু চোখ খুঁজছে কাকে। খুঁজছে পাগল সর্দারকে। তাকে দেখল না। দেখল এদের। দেখল কলের মাছুষ চিক ইঞ্জিনিয়ারকে। বেদনা-বিহ্বল মুহূর্তে এ নিশ্চিন্তা নির্দয় মনে হ'ল শুধু।

চোখে চোখ পড়তে সোজা ফিরে চলল।

দুর্ঘটনার প্রসঙ্গে অবনীবাবু হুঃখ করলেন। নরেনও অনেক কথা বলল। কিন্তু সাম্বনার মুখে কথা নেই একটিও। পাগল সর্দারের কাছে যাবে ভেবেছিল। যায় নি। যেতে পারে নি। টান্ডমগির অঘটনের পরে গিয়েছিল। কিন্তু এবারে পারল না। শেষের দিকে সাম্বনার মন বিকল্প হয়ে উঠেছিল হোপূনের ওপর। ওর বিসদৃশ আচরণ দেখে ভয় পেয়েছিল। আরো ভয় পাইয়ে দিয়েছিল তুতুবাবু। কিন্তু...

খমকে গেল। নিজের ভিতরটাই দেখতে চেষ্টা করল যেন। এই কি চেরেছি?

আর্ত আকৃতিতে শিউরে উঠল প্রায়। না, এ সে চায় নি, কোনদিন চায় নি।
পাগল সর্দারের কাছে যেতে পারে নি। কিন্তু মড়াইয়ে এসেছে পর পর
হু দিনই।

সর্দার আসে নি। ওর সঙ্গে আরো বিশ-ত্রিশজন আসে নি। কাজ শুরু
হয়েছে আবার। সাঙ্ঘনার মনে হয়েছে এই কালো মানুষদের কাজের মধ্যে
যেন প্রাণ নেই আর। চিক ইঞ্জিনিয়ার এসে তত্ত্বাবধান করে যাচ্ছে, কুলিবাবু
তাগিদ দিচ্ছে। তাই ওঠা, তাই কাজে লাগা।

তৃতীয় দিন পাগল সর্দার এলো। বাকি সকলেও। ওর আসার সঙ্গে সঙ্গে
দলের মধ্যে যেন নতুন করে শোকের ছায়া নামল আবার। কাজে ছেদ পড়ে
গেল। যারা কাজে লেগেছিল, কাজ কেলে তারাও আস্তে আস্তে এসে জড়ো হ'ল।

অদূরে দাঁড়িয়ে চুপচাপ দেখছে সাঙ্ঘনা। চিক ইঞ্জিনিয়ারের অসন্তোষ
দেখছে। কুলিবাবুদের ভাড়া দেখছে। তারা বলছে, যারা কাজ করবে না
তারা বাড়ি যাও, যখন কাজ করবে তখন এসো। এখানে এসে হাত-পা
গুটিয়ে বসে থাকার অর্থ কী?

সাঙ্ঘনার ইচ্ছে হ'ল চিক ইঞ্জিনিয়ারকে গিয়ে বলে, যে লোকটা গেছে সে
ওদের গাঁয়ের মাঝির ছেলে আর পাগল সর্দারের বুকের পাজির। ওদের এত বড়
শোকে একটু ব্যতিক্রমে ডায়ের কাজের এমন কিছু ক্ষতি হবে না।

কিন্তু ক্ষতি হোক না হোক তাগিদ দিয়ে ফল কিছু হ'ল না। বরং
ক্ষোভ বাড়ল ওদের। এক জায়গায় ভিড় না করে বিচ্ছিন্ন ভাবে কাছে দূরে যে
যার দাঁড়িয়ে রইল বা বসে রইল চুপচাপ। দূরে একদিকে টহল দিচ্ছে চিক
ইঞ্জিনিয়ার। সঙ্গে অ্যাডমিনিস্ট্রেটিভ অফিসার আছেন, আরো কেউ কেউ
আছে। চিক ইঞ্জিনিয়ারের চাপা অসহিষ্ণুতা তাঁদের উদ্বেগের কারণ।

পায়ে পায়ে পাগল সর্দারের দিকে এগোলো সাঙ্ঘনা। এ হু দিনে তার
ভিতরেও পরিবর্তন এসেছে একটা। উচ্ছলতার বদলে আবার সেই অন্তর্মুখী
মনের গতি। স্থির, শান্ত, পরিণত।

সর্দার ওর মুখের দিকে চেয়ে রইল খানিক। পরে হঠাৎ ডুকরে কেঁদে
উঠল একেবারে। ওকে আর কখনো কাঁদতে দেখে নি সাঙ্ঘনা। মেয়ে হারিয়েও
না। বোবা পুতুলের মত দাঁড়িয়ে রইল।

খানিক বাদে শান্ত হ'ল পাগল সর্দার। উপড় হয়ে হাঁটুর ওপর আঁখানা
কাপড়ে চোখের মলমল মুছে কেলল। পরে একটা ক্লাস্ত নিঃশ্বাস কেলে বলল,
হৌপুন চল গেল দিদিয়া—

সাস্ত্রনা বলতে পারল না কিছু। একটা সাস্ত্রনার কথাও না। চূপচাপ তার পাশে বসল শুধু। কাছাকাছি যারা ছিল, দূরে সরে গেল আর একটু।

সর্দার আবার বলল, বাবুরা সকলে বলতে লেগেছে, হোপুন বোকা ছেল— পাথরের লিচে বসে মাটি কাটতে যেয়েছিল—কিন্তুক হোপুন মরদ ছেল, কুছতে তার ডর লাগত না।

আমি জানি সর্দার। একটু থেমে প্রায় মুখোমুখি ঘুবে বসল সাস্ত্রনা। কিন্তু তোমরা গাভ-পা গুটিয়ে বসে আছ কেন? কাজ কচ্ছ না কেন?

মুখ দেখেই বোঝা গেল, এই ব্যথার মুহূর্তে ওর মুখে এরকম কথা আশা করে নি সর্দার। মুহূর্তের জ্ঞান তার চোখে যেন অবিবাসের ছায়া নামল একটা। বলল, তু উদের মতন আমাদেরকে কাজের তাড়া দিস লা দিদিয়া।

না, ওদের মত দেব না। কিন্তু যে কাজ করতে কবতে হোপুন মরে গেল, সেই কাজটাই তোমরা বন্ধ করে বসে আছ?

দিদিয়ার এমন শাস্ত কণ্ঠস্বর পাগল সর্দার আর শোনি নি কখনো। কিন্তু আজ তার এই ক্ষতর সঙ্গে খানিকটা খেদও মিশে আছে। জবাব দিল, তুরা ভদ্রজন আছিল দিদিয়া, আমাদিগের দুঃখ তুরা বোঝতে লারবি—এই ড্যাম হবে কিন্তুক হোপুন আর কিরবে লা—উ চলে গেল—উ মরে গেল—আমাদিগের দুঃখ তুরা বোঝবি লা দিদিয়া।

চূপচাপ অনেকক্ষণ। তার পর তের্মনি আস্তে আস্তে সাস্ত্রনা বলল আবার, দুঃখ না বুঝলে তোমার কাছে এলাম কি করে সর্দার!...এই তিন দিন তোমরা কাজ বন্ধ করেছ, এই তিনদিনই হোপুন মরে আছে—তোমরা কাজ শুরু করলেই সে বেঁচে উঠবে। এই ড্যাম হয়ে গেলে চিরকাল বাঁচবে হোপুন, কোনদিন মরবে না। গলা ধরে আসছিল সাস্ত্রনার। একটা উদ্গত অশ্রুভীতি চেপে আস্তে আস্তে উঠে দাঁড়াল। বলল, হোপুনের আগে আরো অনেকে এখানে জীবন দিয়েছে—হয়তো আরো দেবে, কিন্তু কেউ তারা মরবে না সর্দার, যতকাল এখান দিয়ে জল যাবে ততকাল বাঁচবে তারা। কাজ করো গে যাও সর্দার।

পায় পায় কিরে চলল সাস্ত্রনা। কিন্তু পাগল সর্দার বিহ্বলের মত দেখছে ওকে। দু চোখ টান করে দেখছে। নিজের জরা সরিয়ে আর মর্মচ্ছেদী বেদনা সরিয়ে দেখছে। তার কালো মুখ চকচকে দেখাচ্ছে আবার। নিজের অগোচরেই উঠে দাঁড়াল। তাকালো চারিদিকে।

—আই! হ-ই—কামি চালা কানা।

সমস্ত শক্তি উজাড় করা কণ্ঠস্বর। মড়াইয়ের খোলা বাতাস পর্যন্ত গমগমিয়ে

উঠল যেন। ঘাড় কিরিয়ে দেখতে লাগল কাছের লোক, দূরের লোক, নাজেহাল কুলিবাবুরা। সহকর্মী পরিকৃত বাদল গাজুলিও।

বিকেল। বাবা ফেরে নি এখনো। একটু বাদেই কিরবে হয়তো। নরেন-বাবুও আসতে পারে। কিন্তু ঘরে আর ভাল লাগছে না। বাইরেও লাগবে না জানে। একটা গুমোট ছড়িয়ে আছে সর্বত্র। তলিয়ে দেখতে চেষ্টা করেছে সান্ত্বনা। অনেকবার। ভাবতে চেষ্টা করেছে। এমন লাগছে কেন? হোপুন মরে গেল তাই? মনে পড়লে গায়ে কাঁটা দেয়। মনে সারাক্ষণই পড়ছে। কিন্তু দুর্ঘটনার বেদনাই নয়। আরো কিছু। আরো কি।

পিছনের দিকের নতুন পাহাড়ী রাস্তা ধরে আস্তে আস্তে এগোচ্ছে সান্ত্বনা। দাঁড়িয়ে পড়ল এক জায়গায়। ছ'সাত বছরের একটা পাহাড়ী ছেলে আপন মনে খেলছে বেশ। মস্ত একটা স্পুরির খোলে দড়ি বেঁধে সড়সড় করে টেনে নিয়ে আসছে। মাহুঘের অভাবে বড় বড় গোটাকতক ইট চাপিয়েছে খেলের মধ্যে।

ঠঠাৎ এই-ই ভালো লাগল সান্ত্বনার। অশ্রুমনস্ক হতে চেষ্টা করল ওর সঙ্গে সঙ্গে। সহজ হওয়া বা সহজ কিছু করার তাড়না। সোৎসাহে এগিয়ে গিয়ে বলল, দাঁড়া, আমি টানছি তোকে।

নিজের হাতে ইট ফেলে দিয়ে বলল, নে, বাস্।

দড়ি ধরে টেনে নিয়ে চলল তার পর। ছেলেটা হাসতে লাগল হি হি করে। সান্ত্বনাও হাসছে।

বেশিক্ষণ নয়। অদূরে মাহুঘটিকে দেখেই হাসি মিলিয়ে গেল। দাঁড়িয়ে সকোতুকে দেখছে চেয়ে চেয়ে। বাদল গাজুলি। কাছাকাছি হতে বলল, দৃষ্টটা ভালই লাগছে দেখতে।

সান্ত্বনা খমখমে গম্ভীর। একে দেখার সঙ্গে সঙ্গে যেন পরিষ্কার হয়ে গেছে কেন বিগত ক'টা দিনের এই অস্থিরতা আর অসহিষ্ণুতা। হোপুনের এই মর্মঘাতী মৃত্যুর শুকতাকে প্রায় অসম্মান করেছে এই মাহুঘ—এই কলের মাহুঘ। কস করে জবাব দিল, পরিশ্রম সার্থক হ'ল তাহলে।

এগিয়ে চলল। মহুর্জের জ্ঞান থমকে গেল বাদল গাজুলি। সঙ্গ নিয়ে জিজ্ঞাসা করল, কি বললে?

বললাম, 'আপনার' ভালো লাগছে যখন আমার এ পরিশ্রম সার্থক হ'ল। পিছনে কিরে ডাকিয়ে রক্ষ কণ্ঠে বলে উঠল, এই ছোঁড়া, অত নড়িস কেন? বসে

খাক না চূপ করে, দেব উণ্টে ফেলে ।

দেখল আড়চোখে । মানুষটা হাঁ করে চেয়ে আছে মুখের দিকে । কিন্তু আরো কিছু বলতে চায় সাব্বনা । আরো কিছু বলতে পেলে মন ঠাণ্ডা হয় । এমন কিছু যাতে লোকটার মনে হয় তাকে গ্রাহ্য করে না ও । বাঁজের মাথায় আর কিছু হাতড়ে না পেয়ে তার কথাই টেনে আনল আবার । বলল, আপনার ভালো লাগলে আপনিও গিয়ে ওখানে বসতে পারেন, আমি স্বচ্ছন্দে টানতে পারি ।

এইবার হয়েছে ধানিকটা । হুঁচার পা এগিয়ে গেল সাব্বনা ।

নিজের অজ্ঞাতে যেন পা ফেলছে বাদল গাঙ্গুলি । বিস্ময়ে, কোঁতুকে নির্বাক ধানিকক্ষণ । আমি...ওখানে বসব ?

কণ্ঠস্বর বদলে ফেলল সাব্বনা । গম্ভীর মুখে জবাব দিল, মুখকসকে বলে ফেলেছি, দয়া করে অপরাধ নেবেন না ।

অর্থাৎ আমার যা বলার বলেছি, এবারে আপনি পথ দেখতে পারেন । কিন্তু পথ দেখার বদলে ওকেই দেখছে বাদল গাঙ্গুলি । নারী-রোষের মহিমা দেখছে । বিব্রত মুখে হাসল একটু, কি ব্যাপার ?

জবাব না দিয়ে সাব্বনা এগোতে লাগল । সুপুরির খোলে বাঁধা দড়িটা দু হাতে পিছনে ধরা । সড়-সড় সড়-সড় শব্দ হচ্ছে । ছেলেটা বসে আছে ধ্যান-গম্ভীর মুখে । চালু পথ, টানতে কষ্ট নেই । আর টানছে যে খেয়ালও নেই বোধ হয় । লোকটার মুখে হাসির আভাস দেখে উষ্ণ হয়ে উঠেছে আবার ।

একটু অপেক্ষা করে বাদল গাঙ্গুলি অন্ত প্রসঙ্গ তুলল । যাক, তোমাকে একটা কথা বলব ভেবেছিলাম । সেদিন মড়াইয়ে ওই এলিভেটোরের ওপরে গিয়ে উঠেছিলে কেন ?

ঈশ্বর রক্ষ কর্তে পার্শ্বটা প্রপন্ন করল, অন্তায় হয়েছে ?

হয়েছে । বিপদ হতে পারত ।

কি বিপদ ?

ওধান থেকে পড়লে তোমার আর চিহ্নও খুঁজে পাওয়া যেত না ।

এরকম স্বযোগই চাইছিল সাব্বনা । প্রচ্ছন্ন স্নেহে জবাব দিল তৎক্ষণাৎ, না গেলেই বা । ওর একটু পরেই তো পড়েছিল আর একজন, তারও আর চিহ্ন খুঁজে পাওয়া বাবে না—কিন্তু কার কতটুকু কতি হ'ল তাতে ? অন্তত আপনার মনে কতটুকু লাগ পড়ল তার অন্তে ?

বীজরাগের ছেতু স্পষ্ট হ'ল এককণ্ঠে । মড়াইয়ে বিগত তিন দিনের

ঘটনাবলী মনে পড়ল। বিশেষ করে আজকের দুপুরের ব্যাপারটা। হাসতে লাগল অল্প অল্প।—এই ব্যাপার!...তোমাকে আজ ওই সর্দার লোকটার কাছে বসে থাকতে দেখেছিলাম বটে, কি যেন বলছিলে...কি বলছিলে?

বলছিলাম, তোমার লোক মরেছে তাতে কি হয়েছে, তাকে তো সরিয়েই ফেলা হয়েছে চোখের সামনে থেকে—এখন বড় সাহেবের মেজাজ গরম হবার আগে তাড়াতাড়ি সব কাজে লাগো গে যাও।

যাই বলুক, সদলবলে সর্দার কাজে লেগেছে, নিজের চোখে দেখেছে। বাদল গাঙ্গুলি মৃহ মৃহ হাসছে তেমনি। ঘাড় কিরিয়ে সর্কোতুকে তাকালো দুই এক বার, দেখল। পরে বলল, বুঝলাম।

রাস্তার ওপর আড়াআড়ি বড় একটা শুকনো গাছের ডাল পড়ে আছে। খেয়াল না করেই সান্দ্রনা পেরিয়ে গেল সেটা। বাদল গাঙ্গুলিও। দড়ি বাঁধা সুপুরির খোল আটকে যেতে ছেলেটা কাত হয়ে পড়ল। হুজনেই ওরা ঘুরে দাঁড়াল। ছেলেটার হাতে লাগল বোধ হয় একটু, হাত ঘষতে ঘষতে সে ক্যাল ক্যাল করে চেয়ে রইল তার সারথির দিকে। সান্দ্রনা অগ্রসৃত্বের একশেষ। কিন্তু ছেলেটাকে ধরার অবকাশ পেল না, তার আগেই ছুটে পালালো সে।

বাদল গাঙ্গুলির মজা লাগছে বেশ। নিঃশব্দ দৃষ্ট-বিনিময়। শুকনো ডালটা সরিয়ে রাস্তা পরিষ্কার করে দিল। হু'চার হাত টেনেই দড়িটা হাত থেকে ফেলে দিল সান্দ্রনা।

দেখলে?

মুখ তুলে সান্দ্রনা তাকালো শুধু।

ওই শুকনো ডালটা পথ আটকে ছিল।

তাতে কী?

বলছিলাম, এখন ওটা শুধু একটা বিস্ম ছাড়া আর কিছু নয়।

ঈশ্বর উক্তপু কণ্ঠে সান্দ্রনা বলে উঠল, তা বলে মানুষও তাই?

মানুষের শোকটাকে যদি অমনি করে চোখের সামনে ফেলে রেখে দিই, তাহলে তাই।

সঙ্কোভে প্রতিবাদ করে উঠল সান্দ্রনা, লোকটা মাটিকাটা কুলি-মজুর বলেই ওরকম বলছেন, ভদ্রলোক হলে বলতেন না।

হু'চার পা চূপচাপ হুজনেই বাদল গাঙ্গুলি এবারে শাস্তমুখে জবাব দিল, আমি নিজে হলোই বলতাম। ওই লোকটার মত আজ যদি আমিও অমনি খেমে বাই, একবারও চাইব না সকলে মিলে আমার নিয়ে একটা শোকের

দেয়াল গড়ে তুলুক।...গাছটা হাতে করে সরিয়ে দিলাম, কিন্তু শোকটাকে তো আর হাতে করে সরিয়ে ফেলা যায় না—যায় কাজে ডুবে থেকে। কিন্তু তোমার সর্দার সেটা বুঝবে কি করে বলে, বোঝে না বলেই এ সময় কাজের তাগিদটাকে এত নির্মম বলে মনে করে। হাসল একটু, কিন্তু তুমিও তো দেখছি তার দলেই।

কিরে কিরে দেখছিল সাঙ্ঘনা। মনের সেই গুমোট চাপ এবারে যেন মিলিয়ে যাচ্ছে। হালকা লাগছে, ভালো লাগছে, আর ফাঁক বুঝে এবারে রাজ্যের লজ্জা যেন চড়াও করছে ওকে।

একটু এগিয়েই রাস্তাটা মেন কোয়ার্টারস্-এর দিকে ঘুরে গেছে, দুজনেই ঝাঁড়ান তারা। মুখ তুলে সাঙ্ঘনা হেসেই ফেলল। বলল, আমার মাথাও ওই সর্দারের থেকে বেশি উর্বর নয়।

নিজের কথাগুলো নিজের কাছেই ভালো লাগছিল বাদল গান্ধুলির। মেজাজ প্রসন্ন আরো। বলল, রাগটা একটু পড়েছে দেখছি, যা বলছিলাম শোনো তাহলে—ওই ওসব জায়গায় আর কক্ষনো উঠবে না।

শেষের ছন্ন অনুশাসনের জবাবে পান্টা প্রশ্ন করল সাঙ্ঘনা, উঠলে কি করবেন? ফের উঠলে এই ড্যামে আসাই বন্ধ করে দেব।

সাঙ্ঘনাও তেমনি জবাব দিল, এই ড্যাম করা ছেড়ে আপনাকে দিনরাত তাহলে আমাকেই পাহারা দিতে হচ্ছে।

বলেই অস্বস্তির একশেষ। ভদ্রলোকের হাসিভরা দুই চোখ যেন ওর মুখের ওপর আটকে আছে। সহজ কথার জবাবে সহজ কিছু বলার ঝোঁকেই বলা। অতশত ভেবে বলে নি। কিন্তু শুনেই মানুষটা দু চোখে পাহারার কাজ শুরু করেছে প্রায়।

আসন্ন সন্ধ্যার নজিরে পৃষ্ঠপ্রদর্শন করে বাঁচল। আকাশের দিকে একবার চেয়ে কোন কথা না বলে চপল পায়ে সোজা বাড়ির পথ ধরল সে।

যতক্ষণ দেখা গেল ওকে, দেখল বাদল গান্ধুলি। তার পর গম্ভব্য পথ ধরল সেও।

অনেকটা এগিয়ে সাঙ্ঘনা পিছন ফিরে তাকালো একবার। ধীরে হুস্বে এগোতে লাগল তার পর। কিন্তু খুব সচেতন মনে নয়।...ভাবছে আর লজ্জা পাচ্ছে। কিন্তু আরো বেশি লজ্জা পাচ্ছে আর কিছু ভেবে। হোপূনের অমন আকস্মিক মৃত্যু মনে লাগ কেটে বলার মতই। কিন্তু সেই মৃত্যুর বেদনা ছাড়াও সাঙ্ঘনা আর এক অসহিষ্ণু কোডে এমন করে কাটালো কেন এ কদিন?

কাটালো চিক ইঞ্জিনিয়ারের সেই যান্ত্রিক কর্তব্যপরায়ণতা বরদাস্ত করতে পারছিল না বলে, সেই নিশ্চয় রূঢ়তা অসহ্য হয়েছিল বলে ?

...চিক ইঞ্জিনিয়ার না হয়ে আর কেউ হলে এমন হ'ত ?

সলাজ বিড়ম্বনায় ভ্রুকুটি করে উঠল মনে মনে, হ'তই তো ।

কিন্তু ভিতরে কেউ বলছে, হ'ত না ।

মেজাজ আজ অন্তত মোটেই প্রসন্ন থাকার কথা নয় চিক ইঞ্জিনিয়ারের । ছিলও না । দুপুবে মড়াই থেকে উঠে অকিসে এসেই হেড অকিসের চিঠি পেয়েছে । এক্সপার্ট কমিটি আসার দিনক্ষণের নির্দেশ । মাঝে দিন পনের বাকী ।

এক্সপার্ট কমিটি ড্যামেব গঠন পরিদর্শন করবেন । আলাপ আলোচনা করবেন । মতামত জানাবেন । আর, ঘোষ-চাকলাদারের সিমেন্ট সংক্রান্ত গোলযোগের ব্যাপারটারও নিষ্পত্তি কবে যাবেন ।

সরকারী কাজে এই পরিদর্শন-নীতি জানা আছে । কিন্তু আনঅকিসিয়াল এক্সপার্ট কমিটির হাতে এই শেষেব দায়িত্ব অর্পণ মনঃপূত নয় । চিক ইঞ্জিনিয়ারের সততা এবং কর্তব্যপরায়ণতা ডিপার্টমেন্টই ভালো জানে । বাইরের কারো জানার কথা নয় । আর, এজন্য এক্সপার্ট ইঞ্জিনিয়ারদের মধ্যস্থতা নিশ্চয়োজন ।

যাই হোক, ও গোলযোগের মুখোমুখি দাঁড়ানো আছেই একদিন, জানে । নরেনের সঙ্গে দেখা হলে তাকে বলেছিল, বিকেলে বাড়ি আসতে, পরামর্শ আছে ।

কিন্তু একেবারে ভুলে গেল ।

সচরাচর হয় না এমন ভুল । নিজের কোয়ার্টারের দিকে পা চালিয়েও ঠিক মনে পড়ে নি । আপন মনে হাসছে তখনো । রোমহন করছে কিছু । মিষ্টি কিছু । আগে এ রকম বিন্দুতির আভাস মাঝে চোখ রাঙিয়ে সচেতন করেছে নিজেকে । সেই নারীবিশ্বেষী বিবরাশ্রয়ীদের শেকল খুলে দিয়েছে । অসহিষ্ণু রোষে মুহূর্তে প্রজ্ঞার দূতকে ছিন্নভিন্ন করেছে তারা । কিন্তু এই এক মেয়ের কাছে ওরা হার মেনেছে । আলোর ষায়ে হার মানা কীটের মত অগোচরে আশ্রয় নিয়েছে ।...কবে, চিক ইঞ্জিনিয়ার নিজেও জানে না ।

চলতে চলতে একটা ক্লান্তির কথা ভাবছিল বাদল গাঙ্গুলি । প্রায় ছেলে-মাহুকের মতই ভাবছিল, এই মেয়েটিকে ওর মা দেখলে তারি খুশি হ'ত ।...

অকারণেই এইবার নরেনের কথা মনে হ'ল কেমন । ওর সঙ্গে ওই বাপ-

মেয়ের ঘনিষ্ঠতার কথা। এ সবে কৌতুহল প্রকাশ করে নি কখনো। তবু জানে।...কিন্তু এতদিনেও কোন সম্ভাবনার আভাস পর্যন্ত পেল না কেন? তুফ কুঁচকে ভাবতে ভাবতে চলল। বোধ হয় সেটা সম্ভব নয়। সামাজিকতার বাধা আছে হয়তো। এমন কিছু অতি আধুনিক মাহুষ নন অবনী রায়।

নরেনের কথা মনে হতে খেয়াল হ'ল বিকেলে ওকে আসতে বলেছিল। এতক্ষণে এসে বসে আছে হয়তো। তাড়াতাড়ি পা চালালো।

নরেন অপেক্ষা করছিল ঠিকই। গোটা দুই সিগারেট শেষ করে কানকাঠি নিয়ে পড়েছে। প্রতীক্ষা ভালো লাগছে না খুব। এই সময়ে ঠিক এইখানে বসে থাকার কথা নয় তার।

বাদল গাঙ্গুলি ঘরে ঢুকে বলল, অনেকক্ষণ বসিয়ে রেখেছি তো?

একটা চেয়ার টেনে বসল সামনে। হাসির আভাস। কানকাঠি কিছুটা দুর্গমে ঠেলে দিয়েছিল নরেন চোখুরী। সেটা নিরাপদে ফিরিয়ে এনে তাকালো তার দিকে।—এত দেরি যে?

তোমার প্রিয় বান্ধবীর জন্তে। প্রসন্ন হান্তে জবাব দিল, ভয়ানক রাগ আমার ওপর—তুমি বসে আছ ভুলেই গেছি।

চুপচাপ নরেন যেন কান স্ফুঁস্ফুঁড়ির আমেজ উপভোগ করে নিল একটু।—রাগ কেন?

আমি একটি অত্যাচারী পাষণ্ড, তাই। লোকের জন্ত কোন মায়ামমতা নেই, কুলি-মজুররা মরে গেলেও কাজ আদায় করে নিই—

নরেন অবাক।—বলল একথা?

প্রায়—। উৎফুল্ল মুখে হেসে উঠল বাদল গাঙ্গুলি। মেয়েটি সত্যি ভালো হে, শেষে রাগ পড়লে লজ্জায় একাকার।

মুখ টিপে হাসছে নরেনও। বাহ্যিক মনোযোগ কানকাঠির দিকেই বেশি।...এরকম নির্বেষ সজীবতা আগে আর কবে দেখেছে? অনেক দেখেছে। কলকাতার নেশান বিলডার্স লিমিটেড-এ দেখেছে। এর থেকে অনেক বেশি দেখেছে। তবে নেশান বিলডার্স ছেড়ে আসার পর আর দেখে নি। কানকাঠি পকেটে কেলে সোজা হয়ে বসল।—সাত্বনাকে তোমার কমপ্লিমেন্টটা জানিয়ে দেব'ধন—আরো খুশি হবে আর আরো লজ্জা পাবে। হাক, এখন এদিকের খবর কি বলো।

বস্ত্রাভ্যে কিরে এলো বাদল গাঙ্গুলি। পকেট থেকে চিঠিটা বার করে সামনে রাখল।...দিন পনেরোর মধ্যেই আসছেন মহারথীরা...কে কে আসছে

লেখে নি।

আসবে তো জানা কথাই।

কি করা যায় ভাবছি।

সিমেন্ট কেস্‌এর ?

হঁ।

এ ব্যাপারে তাদের মতলবটা কি না জানলে আগের থেকে তুমি ভেবে কি করবে ?

মতলব কিছুটা বোঝা যাচ্ছে।

একটু চূপ করে থেকে নরেন বলল, গেলেও তোমার ভাবনার কিছু দেখিনে। ঘোষ-চাকলাদারের দুর্ভোগ যা হবার যথেষ্ট হয়েছে। মাসের পর মাস লোকসান খেয়েছে, অপদস্থ হয়েছে, ঘুষ দিতে এসে নাজেহাল হয়েছে, তার পর আগল দোষী যে সেও সরে গেছে এখান থেকে—এর পরেও ভাবা যখন স্বভাব তোমার, ভাবো বসে বসে, কি আর করবে।

পরামর্শের জন্ত ডেকেছিল, কিন্তু এ রকম নির্বিকার পরামর্শ বাদল গাঙ্গুলি আশা করে নি। তবু হেসেই ফেলল সেও। বলল, তোমার উপদেশ মনে রাখতে চেষ্টা করব।

একপাট কমিটি আসার প্রতিলিপি পেয়েছে ঘোষ-চাকলাদার ফার্মের দ্বিজেন চাকলাদারও। কারণ, এই পরিদর্শনের সঙ্গে সিমেন্ট কেসও জড়িত। খুশি এবং আশান্বিত হবার কথা।

কিন্তু কর্মজীবনে দ্বিজেন চাকলাদার এত অসহায় আর কখনো বোধ করেনি।

তিন মাস হতে চলল পার্টনার নিরুদ্দেশ। রণবীর ঘোষের খবর-বার্তা দ্বিজেন চাকলাদারও যথার্থই জানে না। এই তিন মাসে ক্রমাগত কলকাতা এবং মড়াইয়ে ছোট্টাছুটি করে কালঘাম ছুটেছে। মড়াইয়ের কাজ শেষ হলে রণবীর ঘোষের সঙ্গেও সম্পর্ক বরাবরকার মতই শেষ করে দেবে, জানা কথাই। অনেক হয়েছে, আর নয়। কিন্তু সত্ত্ব বর্তমানকে সামাল দেবে কি করে ভেবে পাচ্ছে না।

নারী-বচিৎ ব্যাপারে তার দু'দশ দিন ডুব মেরে থাকারটা নতুন নয়। আগেও এরকম করেছে অনেকবার। ওই সদারের মেয়েটাকে সরানোর পরেই তো নির্খোজ হয়েছিল পনের দিন। কিন্তু তিন মাস অভাবনীয়...। বিশেষ করে এই সংকটের সময়। এখান থেকে সে যাবার আগেই হাবভাব

দেখে বুঝেছিল, কিছু একটা মতলব ফাঁদছে। সে যে অ্যাডমিনিস্ট্রেটিভ অফিসারের এই মেয়েটির জন্তে, সঠিক বোঝে নি। এর পর মড়াইয়ে আসা সম্ভব নয় তার পক্ষে ঠিকই। এমন কি কলকাতাতেও কিছু দিন তার গা-ঢাকা দিয়ে থাকারই কথা। কিন্তু তিন মাসের মধ্যে তাকেও একটা খবর পর্যন্ত দেবে না, এমন দায়িত্বজ্ঞানশূন্যতা ভাবা যায় না। ওই মেয়েটাই উন্টে জাহ্নবী করল নাকি শেষ পর্যন্ত।

রাগে আর হুশিয়ারি জ্বলছে দ্বিজেন চাকলাদার। মনে মনে বুঝেছে হাতের টাকা নিঃশেষ না হওয়া পর্যন্ত রণবীর ঘোষের আর টিকি দেখা যাবে না। চিক ইঞ্জিনিয়ারকে ঘুষ দেবার জন্য আনা সেই তিরিশ হাজার টাকা তার হেপাজতেই ছিল। লোকটা অপচয় করত, কিন্তু টাকা-পয়সার গরমিল করত না কখনো। তাই এদিকটা ভাবে নি দ্বিজেন চাকলাদার। মাত্র তিরিশ হাজার নিয়ে সরে আজও পড়বে না। শেষ করে তবে আসবে।

কিন্তু দু'চার দিনের মধ্যেই ছোট মড়াইয়ে আর একটা খবর ছড়ালো।

আর কাটা ঘায়ে হুনের ছিটে পড়ল দ্বিজেন চাকলাদারের।

খবরটা মহসেয়ারোহে রাষ্ট্র করলেন অ্যাডমিনিস্ট্রেটিভ অফিসারের গৃহিণী মিসেস চ্যাটার্জী। স্বরনার মা।

মায়ের ওপর মেয়ের রাগ পড়েছে এতদিনে। চিঠি লিখেছে।

কোথা থেকে ?

—আর বলো কেন কাণ্ড ! যেখানে যাচ্ছেন আনন্দে আর গর্বে ডগমগিয়ে উঠছেন মহিলা !—একেবারে সেই বিলেত থেকে—লণ্ডন থেকে ! বিয়ে ? ও মা, বিয়ে করেই তো গেছে ! জামাই মস্ত বিদ্বান,—এখানে অবশ্য চাকরিটা তেমন ভালো করত না, কলেজে প্রফেসরি করত একটা। কিন্তু অস্ত-বিদ্বান ক'দিন আর ছাইচাপা থাকবে ? যারা কদর বোঝে, তারাই ডেকে নিয়ে চাকরি দিয়েছে। শুধু তাই ! মেয়েটা পর্যন্ত সেখানে কি একটা চাকরিতে লেগে গেছে। তাদের কাণ্ডকারখানাই আলাদা।

আনন্দে গর্বে মিসেস চ্যাটার্জী হেসে কেঁদে সারা। চেনা মুখ মাঝেই সবিস্তারে স্বখবর জানিয়ে দিলেন। স্বামীর ওপর হুকুমজারী হ'ল, অফিসস্থল লোক যেন অবিলম্বে জানতে পারে খবরটা। শুধু তাই কেন, বেশ ভালো করে একটা পার্টিও তো দিতে হবে সকলকে !

মনে মনে বিশ্বাস করল না শুধু দুজন। স্বরনার বিলেত-বাওয়াটা নয়, প্রফেসরকে বিয়ে করলো।

একজন ভূতুবাবু। অল্পজন বিজ্ঞান চাকলাদার।

ভূতুবাবু হাসল মনে মনে। আর বিজ্ঞান চাকলাদার বিবাস-সংশ্লিষ্ট সব কটা ব্যাঙ্কে নোটিশ দিল, একলার দস্তখতে রণবীর ঘোষ আর যেন এক পরস্যাও না তুলতে পারে। অথবা, তার নির্দেশ ছাড়া কোথাও যেন তাকে টাকা না পাঠানো হয়। রণবীর ঘোষ শেষ কত টাকা তুলেছে না-তুলেছে, তারও হিসেব চেয়ে পাঠালো সে। ..বিলেত যদি গিয়েই থাকে, তিরিশ হাজার টাকা দুজনের পক্ষে বেশি দিন নয় খুব। ক্ষতি যা হয়েছে, হয়েছে—বিজ্ঞান চাকলাদার এবারে ভালো হাতে শিক্ষা দেবে তাকে।

মড়াইয়ের আকাশে এমন ঘনঘটা এর আগে আর দেখে নি কেউ। কটা দিনের জন্ম মাত্র বর্ষণে ছেদ পড়েছিল একটু। আকাশ আজ যেন এক অদ্ভুত কালোর ষড়যন্ত্রে মেতেছে।

মিসেস চ্যাটার্জী অর্থাৎ বরনার মায়ের সঙ্গে আজ আবার দেখা হয়েছিল সান্ধনার। ভিন্ন মূর্তি মহিলার। মেদবহুল দেহে অত আনন্দোত্তেজনা যেন ধরে না। ওকে ধরে-বেঁধে ঝাড়া একঘণ্টা মেয়ের সমাচার শুনিয়েছেন। এই মেয়েটার কাছেই নিজের মেয়ের সম্বন্ধে মস্ত দুর্বলতা প্রকাশ করে ফেলেছিলেন একদিন। এটা তারই জের, সান্ধনা বোঝে।

আকাশের অবস্থা দেখিয়ে কোন রকমে ছাড়ান পেয়ে এসেছে। শুধু সান্ধনা নয়, ঘরমুখী হয়েছে সবাই। অল্প অল্প বাতাস বইছে। গুড়-গুড় মেঘ ডাকছে জ্বলদগন্তীর। মেঘের কালো সমস্ত দিনের আলো টেনে নিচ্ছে, শুবে নিচ্ছে যেন।

কিন্তু এরই মধ্যে ওই মহিলার কথা ভাবতে ভাবতেই বাড়ির দিকে চলেছে সান্ধনা। খবরটা রাষ্ট্র হওয়ার পরে ভূতুবাবুর সঙ্গে দেখা হয়েছিল ওর। ভূতুবাবুর সবজাস্তা হাসি ভালো লাগে নি সেদিন। আকারে প্রকারে যা বলেছে তাও না। গলি নিচু করে বলেছে, বিলেত যাওয়া আজকাল আর শক্ত কি মা-লক্ষী—গেলেই হ'ল।—তবে কার সঙ্গে গেছেন সেটাই কথা।...অমনি একবার গিয়েছিলাম ঘোষবাবুর পার্টনার বিজুবাবুর কাছে—ওই বিজ্ঞান চাকলাদার মা-লক্ষী। ভদ্রলোক স্নেহ করেন একটু-আধটু...শুনলাম যা, তাতে তো ভূতুর চক্ষুস্থির।

চক্ষুস্থির খানিক স্থির কুর্মে সেটা দেখাল ভূতুবাবু। পরে ঝঞ্ঝের সাড়া পেয়ে উপসংহার টেনে দিল চট করে।—জা গেছে যখন গেছেই, যার সঙ্গে থাক ভালো

শ্বাকলেই ভালো, কি বলেন মা-লক্ষ্মী? আমাদের অভ্যন্তর খোঁজে কাজ কি—

মহিলার সকল দোষ সকল অগ্রিয় আড়ম্বর মন থেকে মুছে গেছে সাস্থনার। আ-হা, যা ভাবছেন মহিলা, তাই যেন সত্যি হয়। ঠাঁর এত আনন্দ এত আশা আবার যেন ব্যর্থ হয়ে না যায়। ভূতুবাবুর কথা মিথ্যে হোক, মিথ্যে হোক, মিথ্যে হোক।

বাড়ি কিরতে হাঁপ কেলে বাঁচলেন অবনীবাবু। বাইরের দরজা বন্ধ করে দিয়ে বকাবেকি করলেন একপ্রস্থ—এ ঝড় যদি এসে যেত কি হ'ত! কাকপক্ষী বাইরে নেই, অথচ মেয়ের যদি হাঁশ থাকত একটুও।

কিন্তু ঝড় এলো আরো ঘণ্টাখানেক বাদে। এই এক ঘণ্টা জানালার কাছে ঠায় দাঁড়িয়ে সাস্থনা। দেখছে দাঁড়িয়ে দাঁড়িয়ে। মেঘের নিচে মেঘ এসে জমছে, তার নিচে আবাব। মাঝে মাঝে শুধু সেই জলদ গুড়-গুড় শব্দ একটা। ভয়াল ভয়ঙ্কর, বিরাতের রক্ত হৃন্দর মহিমা। ওই পাহাড়, ওই মাটি, ওই গাছপালা, ওই বাতাস—সব এক মহাকর্ষের বেদনাতুর প্রতীক্ষায় স্তব্ধ, সমাহিত।

সাস্থনাও।

ঝড় এলো। ঝড় নয়, প্রলয়। কল্লাস্ত।

জানালা বন্ধ করে ঘরের দরজার একটুখানি খুলে বারান্দার ওদিকের দেয়াল ছাড়িয়ে সেই ক্ষমাহীন লীলার দিকে চেয়ে স্থায় মত দাঁড়িয়ে রইল। ঝড়ের ঝাপটায় দরজা আঁকড়ে আছে, জলের কণা ছুঁচের মত বিঁধছে মুখে। হাঁশ নেই সাস্থনার।

মড়াই বন্ধনের অন্তিম বিদ্রোহ? পাহাড় ভেঙে পড়বে? প্রকৃতি লগু-ভগু করে দেবে তার আপন সৃষ্টি?...প্রাণের পরে আজ যেন তার অন্ধ ঈর্ষা। তবু অপরাধ। সমস্ত আকাশে বুঝি অজস্র সিংহের মাতামাতি হানাহানি। তবু অপরাধ। আলুথালু হতাশ বনম্পত্তি পড়ছে মুখ খুবড়ে। তবু অপরাধ।

দরজা ধরে ঠক ঠক করে কাঁপছে সাস্থনা। ভয়ে নয়, ওই বিরাতের স্পর্শে। ওই অপরাধের স্পর্শে। স্রস্ত বসন, জলকণায় সর্বাঙ্গ ভিজ, খোলা চুল উড়ছে। গুনিয়া বলসানো বাজ পড়ল একটা কড়কড় করে। দরজা আঁকড়ে তবু দাঁড়িয়েই আছে তেমনি। নির্বাক, নিশ্চলক, বোবা। কিন্তু ওর ভিতরে বলছে কেউ। বলছে কিছু। আর কাঁপছে ধরধর।—ধামো, ধামো, ধামো! আর দোঁধিও না, আর দোঁধিও না। আর দেখতে পারিনি। আর সইতে

পারিনে। ওই সর্বগ্রাসী বিরাটের মুখোমুখি আর দাঁড়াতে পারিনে! এবারে শান্ত হও। এবারে প্রসন্ন হও। এবারে হৃদয় হও। শান্তি, শান্তি, শান্তি, শান্তি, শান্তি, শান্তি... দু' চোখ বুজে এলো সাস্থনার। নিষ্পন্দ, বিহবল।

—তেরো—

শোকের বাড়ি থেকে শবদেহ অপসারণের পরেও যেমন মৃত্যুর চিহ্ন ছড়িয়ে থাকে, ঝড়ের পরে গোটা মড়াইয়ের সেই অবস্থা। সমস্ত প্রাকৃতিক স্বাবরতার একেবারে গোড়ায় পড়েছে যেন। পাথরে আর গাছপালায় মড়াই ছেয়ে গেছে। রাস্তার অবস্থাও তাই। এতদিনের ওপারের কুলি-বসতির পাকা ব্যবস্থা সম্বন্ধে যে কটা তাঁবু ছিল, মাটি নিয়েছে। তবে লোকস্বয়ের খবর কিছু কানে আসেনি। সময়ে নিরাপদ আশ্রয়ে গিয়ে উঠে থাকবে। সাময়িক অবরোধের ওধারে মড়াইয়ের লাল জলে গৃহস্থের আটচালা ভাসছে অনেকগুলো। আর গাছের ভাঙা ডাল। মড়াইয়ের গৈরিক-ঘোবনে যেন কলঙ্ক লেগেছে।

সম্পূর্ণ দিন কেটে গেল রাস্তা পরিষ্কার করে, মড়াইয়ের গহ্বর থেকে পাথর আর গাছপালা সরিয়ে মোটামুটি কাজের ব্যবস্থায় ফিরে আসতে। তার পরের দিন বিধাতা যেন কৃপণ হাতে আলোও পাঠালেন একটু, মিষ্টি রৌদ্র চিকচিকিয়ে উঠল। সকাল থেকে কাজের তাড়া লাগল মড়াইয়ে।

তার পরই অপ্রত্যাশিত আলোড়ন আবার একটা।

দূর থেকে, ওই দূর থেকে খবরটা কানাকানি হয়ে এদিকে পাগল সর্দারের কাছ পর্যন্ত পৌঁছতে সময় লাগল না খুব। কোদাল শাবল গাঁইতি ফেলে পায়ে পায়ে লোক চলল সেদিকে। ওই দূরে, যেদিকে পাহাড় ঘেঁষে মড়াই বেঁকে গেছে সম্পূর্ণ, যেদিকে আকাশে শহুনি উড়ছে অনেকগুলো, সেদিকে। কোঁড়-হল, চাপা উত্তেজনা। ক্রমশঃ বাড়তে লাগল সেটা। কাজ শুরু হবার আগেই কাজে ছেদ পড়ল আবার।

আর উত্তেজনায় একেবারে বসে পড়েছে পাগল সর্দার। স্বজাতীয়দের অনেকে দৌড়ে এসেছে ওর কাছে। নিজেদের ভাবায় বলাবলি করেছে কি। তার পর আবার ছুটেছে।

আনন্দে গড়াগড়ি খসতে ইচ্ছে বাচ্ছে পাগল সর্দারের। ঠিকমত চেনা বাচ্ছে না বলে ঝটকী লাগছে ওদের মনে? কিন্তু না দেখেও এতটুকু সংশয় নেই পাগল সর্দারের। সে নিঃসন্দেহে বলে দিতে পারে লোকটা কে। বলে

দিতে পারে বড়ে পাথর নড়ে কার বিকৃত শব মডাইয়ে গড়িয়েছে! শব নয় ঠিক, শব হলে সকলে চিনতে পারত। কঙ্কালে পরিণত হয়েছে প্রায়। কিন্তু পাগল সর্দার ঠিক বুঝেছে। না দেখেও চিনেছে। তোরাও চিনিবি। হাতে হীরেব আঙটি নেই তুটো? পোশাক-আশাকেব চিহ্ন নেই? নীল চশমা? পাহাড়ে উঠে খোজ করবে যা, যেখান থেকে গড়িয়েছে ওটা, সেই জায়গাটা খুঁজে বার করবে যা—ঠিক মিলবে কিছু, তোরাও চিনিবি ঠিক।

এসব খবর বাতাসে ছড়ায়। কর্মকর্তাবাও সবাই গুরুগম্ভীর মুখে চলেছেন সেদিকে। এমন কি দোকান ফেলে আজ ভুতুবাবুও নেমে এসেছে। থেকে থেকে গায়ে কাঁটা দিয়ে উঠছে ভুতুবাবু। গোল চোখ স্থির হয়ে আসছে এক একবার। সেই এক সকালে কেন জলে ঠৈ-ঠৈ করছিল সমস্ত ঘর এখন আব সেটা বুঝতে না চাইলেও বুঝতে পাবে। যত পাবে ততো গায়ে কাঁটা দিচ্ছে।

পাগল সর্দার দেখছে সকলকে। যারাই যাচ্ছে ওদিকে, চেয়ে চেয়ে দেখছে তাদের।—দেখবে যাও, বেশ ভালো করে দেখে নাওগে যাও। তার কালো মুখে গলগলিয়ে হাসি উপছে উঠছে।

সাম্বনাকে দেখে আনন্দে একেবারে যেন অধাব হয়ে উঠল সে।—দিদিয়া! অঁই বে দিদিয়া! উদ্দিন তুকে বলি নাই হোপুন মরদ ছেলে? আখুন দেখে লে রে দিদিয়া, আখুন দেখে লে।

স্পষ্ট করে কেউ কিছু বলে নি। যেটুকু ছড়িয়েছে আভাসে ইঙ্গিতে। সাম্বনাব কানে গেছে, কিন্তু মাথায় ঠিকমত ঢোকে নি যেন। এখনো ফ্যাল ফ্যাল করে চেয়ে বটল সদারের মুখের দিকে। কিন্তু আজ এই প্রথম এত হাপি এত আনন্দের মধ্যেও সর্দারের মূর্তিটা কেমন যেন কুৎসিত ঠেকল ওর চোখে।

পারলে বেই ধৈই করে নাচত সর্দার। অনর্গল কত কথা বলল, কত কি বলল ঠিক নেই। সবই হোপুনের প্রশস্তি। ও একটু থামলেই সাম্বনা বাড়ি কিরবে ভাবছিল।

কিন্তু এরই মধ্যে আবার একটা বিশেষ উত্তেজনা দেখা গেল লোকজনের ছোটোছুটি আনাগোনায়।

আবার এক চমকপ্রদ চাঞ্চল্য। আবার এক হাড়-কাঁপানো খবর।

লোকজন পাহাড়ে উঠেছিল মৃতের চিহ্ন খুঁজতে। বেশি খুঁজতে হয় নি। পেয়েছে। সেই সঙ্গে আর একটা ভয়াবহ আবিষ্কারে স্তব্ধ সকলে।

আর একটা কঙ্কাল। এটা সম্পূর্ণই কঙ্কাল।

কিন্তু পুরুষের নয়। নারীর। রূপোর গয়না আটকে আছে কিছু, পাশেও পড়ে আছে হুঁচারখানা।

কখন, কেমন করে বাড়ি ফিরেছে সাব্বনা খেয়াল নেই। কেমন করেই বা সর্দারকেও নিয়ে এসেছে সঙ্গে করে এত পথ হেঁটে জানে না। এক সময়ে সর্দারের হাত ধরে টেনেছিল মনে আছে। সর্দার যন্ত্র-চালিতের মত উঠে এসেছিল তাও মনে আছে। তার পর কখন বাড়ি এসেছে হুঁশ নেই।

ভিতরের দাওয়ায় বসে আছে সর্দার। সাব্বনা ঘরে। অবনীবাবু ক্রমাগত ঘর-বার করছেন। এ অবস্থায় এ ভাবে দুজনকে রেখে বেকতেও পারছেন না। মুখে কেউ শোরগোল না করলেও ওই দুটো কঙ্কালের একটিকে মনে মনে সনাক্ত করেছে সবাই। পুরুষকে। কিন্তু দ্বিতীয়টিই সকলের বিভ্রান্তির কারণ। সঠিক বুঝে ওঠে নি কেউ। অবনীবাবুও না। কিন্তু এদের দুজনকে দেখে অনুমান করেছেন। বুঝেছেন।

সাব্বনার ইচ্ছে হচ্ছিল দেয়ালে মাথা ঠুঁকে সচেতন করে নিজেকে। তার যে এখনো অনেক ভেবে দেখার আছে, অনেক কিছু বুঝতে বাকী। রোদ উঠলে যেমন ফুয়াশা মিলোয়, তেমনি সোজাসুজি একবার নিজের ভিতরে তাকাতে পারলেই কিছু একটা গ্রহেলিকার যেন অবসান ঘটতে পারে। কিন্তু তাকাতেও পারছে না, ভাবতেও পারছে না। একটা বোবা নিষ্ক্রিয়তা একেবারে গ্রাস করেছে ওকে।

...এই জগ্গেই আসবে বলেও আর আসেনি টান্দমণি। সেই রাত্রিতেই হয়তো ধরা পড়েছে। মরণ শানচ্ছিল যে মানুষটা তার হাতেই ধরা পড়েছে। সে দৃশ্য ভাবতে গিয়ে অব্যক্ত ব্যথায় একলা ঘরে অশ্রুট আর্তনাদ করে উঠল সাব্বনা। টান্দমণির সেই পা-ছোয়া স্পর্শ সর্বদে সিঁড়িসিঁড়িয়ে উঠল। হয়ত কাঁচপোকাকার মত টেনে নিয়ে গেছে, বলির পশুর মত...। সাব্বনার মনে হ'ল, বুকের হাড়গুলো যেন মটমট করে ভাঙছে কে। ধড়মড়িয়ে উঠে দাঁড়াল। কিন্তু যাবে কোথায়? দাওয়ায় পাগল সর্দার। আন্তে আন্তে বসে পড়ল আবার।

...তার পর ফাঁদ পেতেছে হোপুন। সেই প্রলোভনের ফাঁদে রণবীর ঘোষকে আটকেছে। পিচ্ছিশ্রু প্রলোভনের ফাঁদ। উপলব্ধ সাব্বনা। সর্বদে কাঁটা দিয়ে ওঠে আবার। ওই জগ্গেই জিপে সেই লোকটার পাশে দেখা গেছে তাকে। ওই জগ্গেই মড়াইয়ে আর সেই গরু-চরা পাহাড়ের নির্জনে হোপুন অমন করে চেয়ে

চেয়ে দেখত ওকে। ওই ফাঁদ দেখেই ভুতুবাবু ওকে সতর্ক করে দিতে এসেছিল। আর পাগল সর্দার ওকে সতর্ক করতে এসেছিল তো হোপুনেরই ইঙ্গিতে।

ভিতরে ভিতরে সব কটা উপলব্ধির তার যেন একসঙ্গে সজাগ করে তুলতে চাইল সান্থনা। ব্যাকুল আকৃতি। ওই পাষণ-মূর্তি লোকটার নির্মম নৃশংসতাই বড়, না আর কিছু বড়?

চমকে উঠল একেবারে। ঘরের চৌকাঠে পাগল সর্দার দাঁড়িয়ে। দৃষ্ট-বিনিময় হতে বলল, আখুন যাই রে দিদিয়া...

সান্থনা অবাক। যেন দুটো গল্পগুজব করতে এসেছিল, সুখ-দুঃখের কথা কহিতে এসেছিল—বেলা পড়ে আসছে দেখে এখন চলল। সান্থনা মাথা নেড়েছিল কি না নিজেই জানে না।

বাইরে এসে মেন কোয়ার্টারস্-এর রাস্তা ধরল পাগল সর্দার। কলের মত এগিয়ে চলল সে। মেন কোয়ার্টারস্-এর ভিতর দিয়ে, গেস্ট হাউসের পাশ দিয়ে একেবারে পাহাড়ের ধারে এসে দাঁড়াল। পায়ের নিচে মড়াই। বায়ে শুকনো খটখটে। যেদিকে ড্যাম বাঁধা হচ্ছে। ডাইনে মাটির সেই সাময়িক প্রতিরোধ।

অন্তমন্বের মত হাঁটতে হাঁটতে ছাড়িয়ে গেল সেটা। আরো বেশ ধানিকটা এগিয়ে থামল এক জায়গায়। এখানেও পায়ের নিচে অতলান্ত মড়াই। কিন্তু এখানে মড়াইভরা জল। লাল জল। লাল ঘোবন। উচ্ছল, কলকল। একাগ্র মনোযোগে পাহাড়ঘেঁষা ওপারের দিকে দেখতে লাগল পাগল সর্দার।

...কোন জায়গাটা হবে? তখন তো মড়াইয়ে জল ছিল না একফোঁটা। যার কত বছরের কত কালের কথা সেটা।

কিন্তু কোন্‌খানটায় হবে?

কোন্‌খানটায় আজও ঘুমিয়ে আছে চাঁদমণির মা ফুলমণি?

এইখানটায়?...নাকি ওইখানটায়?

জলের নিচে ঠাণ্ডা করা শক্ত। জলের নিচে পাথর, তার নিচে মাটি, গর নিচে...

মস্ত শিকারী ছিল পাগল সর্দার। এমন শিকারী হয় না নাকি। কিন্তু গর করার ছেড়ে দিল কেন? সকলের বিস্ময়।

ছাড়বে না-ই বা কেন? বড় শিকারের পরে ছোট শিকারে হাত ওঠে, মন ওঠে? শেষে যে শিকার করেছে পাগল সর্দার...বাঘ-ভালুকও তুচ্ছ। গর পর শিকার ছাড়বে না তো কি।

পাহাড়ীরা ছিল ওদের জাতশত্রু। পাহাড়ের ডগায় থাকত। ফাঁক পেলে এসে লুণ্ঠরাজ করে যেত। ওদেরই কাউকে মনে ধরেছিল ফুলমণির। এদেরই কারো সঙ্গে ‘ছাড়ুই’ হয়ে চলে গিয়েছিল। সর্দার তো বনে-জঙ্গলে শিকার নিয়ে থাকত বছরের বেনীর ভাগ সময়। সে শিকার জলো ঠেকল এর পর। শিকারীরা ধৈর্যের পাহাড় নাকি। মিথ্যে নয় বোধ হয়। প্রায় এক বছর বৈধ ধবে ছিল পাগল সদার, নিবিড় প্রতীক্ষায় স্তব্ধ হয়ে ছিল। শিকার আসবে জানত। বনের হরিণ ঝোপে-ঝাড়ে গা-ঢাকা দিয়ে থাকে কতক্ষণ! তার স্বভাবই তাকে টেনে আনে। ফুলমণিই বা পাহাড়ে পাহাড়ে বেড়ানো ভুলে থাকবে ক’দিন? তার স্বভাবও তাকে টেনে আনবে।

এনেছিল।

বছরের বড় শিকারের উৎসবে বেরিয়েছিল সাওতালরা। পাঁচ দিনেব দেশময় শিকারোৎসব। ছেলে বুড়ো ঝেঁটিয়ে বেরোয় ‘ডুবু ডুবু’ নাগর পিটিয়ে, ‘শরং শরং’ বাঁশি ফুঁকে আর ‘তুতু তুতু’ শাকোয়া বাজিয়ে। কাছে দূরে কে আর না টের পায় ওদের এই শিকার অভিযান। পাঁচ দিন আর কোনো মরদ পুকষের টিকি দেখা যাবে না দেশে গায়ে।

কিন্তু পাগল সদার যায় নি।

সেও বড় শিকারেরই প্রতীক্ষা করছিল।

সুখি-ডোবা আবছা আলায় শিকার সেদিন নিঃশব্দে এসে দাঁড়িয়েছিল ওই ছোট খাড়া পাহাড়টার ডগায়।

এত মন দিয়ে আর কখনো তীর ছোড়ে নি বোধ হয় পাগল সদার।

বাণবিন্দু পাখি যেমন উল্টে-পাল্টে শূন্য থেকে নেমে আসে মাটির দিকে, ওর শিকারও তেমন লপ্টে-ঝপ্টে নেমে আসছিল নিচের দিকে। সবটা আসে নি, কাছেই একটা পাথরে আটকে গিয়েছিল। ক্ষিপ্ৰচরণে সর্দার গিয়ে তুলে নিয়েছিল তাকে। শিকার একবার মাত্র চোখ মেলে দেখেছিল তার নির্মম শিকারীকে, তার পর পরম নিশ্চিন্তে চোখ বুজেছিল। অতি যত্নে, অতি সজোপন বুকে করে শিকার নিয়ে নেমে এসেছিল সর্দার। তার পর...

তার পর, ওই জলের নিচে পাথর, তার নিচে মাটি, আর তার নিচে...

নরেনকে দেখা মজি...না ভিতরের গুমোট অসহিষ্ণুতা কাটিয়ে ওঠার পথ পেল যেন। এক পলক দেখে নিয়ে আলতো গ্রাস করল, কবে এলেন?

নরেন অবাক। কবে এলাম কি রকম?

নিলিপ্ত মুখে সাস্তুনা আবার তাকালো তার দিকে।—আপনি কি এখানেই ছিলেন নাকি এ ক’দিন?

জবাব না দিয়ে নরেন হাসতে চেষ্টা করল একটু। কিন্তু ভিতরে ভিতবে আরো অবাক সে। এ ঠিক ঠাট্টাও নয়, অহুযোগও নয়। নিকন্তাপ অভিমানের কাঁজ একটু।

বাদল গাঙ্গুলির বাড়ি থেকে সেবিয়ে সেই সন্ধ্যায় নবেন এসেছিল। আশা করেছিল চিফ ইঞ্জিনিয়ারের সঙ্গে সাক্ষাৎকারের ব্যাপাবটা সাস্তুনা তুলবে। কিন্তু সাস্তুনা তার ধার দিয়েও যায় নি। পরদিনও না। অথচ হোপুনেব দুর্ঘটনার পরের সে থমথমে মুখভাব আব ছিল না। বরং খুশিতে উপচে উঠতে দেখেছিল অনেকবার। বাদল গাঙ্গুলির সঙ্গে দেখা-সাক্ষাৎ বা যোগাযোগের প্রসঙ্গ সাস্তুনা আগেও সম্ভবপ্নে পরিহার করেছে। অথচ ভিতরের একটা চাপা আনন্দ চাপতে পারে নি। তাছাড়া আবার অনেক কিছু উপলব্ধির কারণ ঘটেছে অনেকবার।...বিশেষ করে মানিব বাড়ি যাওয়ার আগে সেই বিকেলে নরেনের হাল্কা ইঙ্গিতে অপ্রতিভ লালিমায় বড়মড়িয়ে উঠে ওর রাগাধরে পালানো।

এবারেও সাস্তুনা বলে নি কিছু, বাদল গাঙ্গুলি বলেছে। বলেছে, সাস্তুনার সে কি রাগ তাব ওপর! আর রাগ পড়তে লজ্জায় একাকার নাকি। বাদল গাঙ্গুলির বলার মধ্যেও চিবাচরিত নিস্পৃহতার অভাবটুকু নরেন লক্ষ্য করেছিল বৈকি। মনে হয়েছিল, সেই রাগ আর লজ্জা চিফ ইঞ্জিনিয়ারের মঞ্চ-রক্ষা জীবনে ঠাণ্ডা প্রলেপের কাজ করেছে।

তার পর গত চার-পাঁচদিন আর আসে নি নরেন। বড়-জল ছাড়া মড়াইয়ে বিপর্যয়ও কম ঘটে নি কটা দিনের মধ্যে। আজই শুধু জল হয় নি সকাল থেকে। তবু আসবে ভাবে নি। কিন্তু বিকেল হতে পায়ে পায়ে চলে এসেছে কেমন।

আগে হলে এটুকু অভিমানই দখিন বাতাসের স্পর্শ বলে মনে হ’ত। কিন্তু এ প্রভ্রয়ের যাতনা বিষম। এবারে নরেন সেটা হাড়ে হাড়ে টের পেয়েছে। পাচ্ছে। দাওয়ার ওপর মোড়ায় বসে পড়ে বলল, এ কদিন ঘুমিয়ে কাটালে নাকি, আকাশের অবস্থা দেখো নি?

ছ’চার মুহূর্ত অপেক্ষা করে সাস্তুনা আকাশের অবস্থাটা তার মুখ থেকেই জাঁচ করে নিতে চেষ্টা করল যেন। তার পর ~~নরেন~~ চলে এলো। আশ্চর্য

শাড়িটা বদলে নিল। আয়নায় মাথা আঁচড়ে নিল একটু।

নিজেকে ছাড়িয়ে যেতে চায় সাব্বনা। নিঃশেষে ছাড়িয়ে যেতে চায়। ওই ঝড়টা যেন ওরই বুকের উপর এক অনড় বোঝা চাপিয়ে দিয়ে গেল। বিপুল পরিবর্তন ঘটে গেছে ওর ভিতরে ভিতরে। ঘটে যাচ্ছে। দুঃসহ লাগে। ও ভুলতে চায় ওই ঝড়ের কথা। চাঁদমাগিরি কথা, হোপুনের কথা, পাগল সর্দারের কথা...। ওই মানুষদের জীবনের ব্যর্থতা ওকে বুঝি গ্রাস করতে আসছে।

নিজেকে ভুলতে চায়। মাসির বাড়ি থেকে ঘুরে আসার পর জীবনে যৈ নতুন জোয়ার এসেছিল, সেই জোয়ারেই আবার ভাসতে চায় সাব্বনা। বেরিয়ে আসতে চায় এই স্তব্ধতার আবরণ ভেঙে। চেষ্টাও করছে। চেষ্টা করছে সহজ হতে স্তব্ধ হতে।

নরেনের কথা ওর সত্যিই মনে হয়েছে এ ক'দিন। মনে হয়েছে, ওই লোক-টাই পারে এই অসহ্য গুমোট ধান্ ধান্ করে ভেঙে দিতে। বিকেলে জল-বুট্টি সঙ্গেও প্রতীক্ষা করেছে।

ফিরে এসে বলল, চলুন আর বসতে হবে না, যে বিদ্যঘুটে ছিরি আকাশেব-এক্ষুনি হয়তো আবার কমকম শুরু হবে।

একটু দেখে নিয়ে নরেন বলল, বেরোলে পরে যদি শুরু হয়?

হয় হবে, আপনাকে আর সে গবেষণা করতে হবে না, চলুন।

বেরিয়ে সেই পিছন দিকের পাহাড়ী রাস্তা ধরল সাব্বনা।

এদিকে কোথায়?

যমের বাড়ি। ফিরে তাকালো।—ভয় করছে?

ওর দিকে চেয়েই নরেনের আজ হঠাৎ কেমন মনে হ'ল, যে অবকাশের প্রতীক্ষা করছিল এতদিন, আজ সেটা আসবে। যে কথাটা বলি বলি করেও বলা হয় নি এতদিন, সেটা আজ বলা হবে। এ সংশয়ের থেকে সে অনেক ভালো। জবাব দিল না, তুমি সঙ্গে থাকলে আর ভয় কি।

ভালো লাগছে সাব্বনার। ভালো না লাগিয়ে ছাড়বে না। সেই জোয়ার-জীবনে ফিরে যাবে সঙ্কলবদ্ধ। সাব্বনা হেসে উঠল। ওই হাসি দিয়ে গোটা পাহাড়ের ওপর থেকে কালো মেঘের ছায়াটা পর্যন্ত দূর করে দেবে যেন। বলল, ভয় না তো কি, এ ক'দিন আসেন নি কেন? কি যাচ্ছেতাই সব ব্যাপার হ'ল, একটার পর একটা, হুটু করে কথা বলারও লোক পাইনে।

খবর দাও নি কেন? নরেন নিশ্চয়।

এতদিন কোন্ খবরটা দিতে হয়েছে মশাই আপনাকে ?

জল-ঝুটি মাথায় করে আসি বলে তুমিই তো কতদিন কত খোঁচা দিয়েছ।

সাম্বনা বলতে যাচ্ছিল, খোঁচা খেয়েও তো আসতেন। বলল না, এবার এই না-আসার হেতুও কেমন করে যেন উল্লঙ্ঘি করেছে। সাম্বনা আপস করতে চায়। কিন্তু সোজা রাস্তায় নয়। নিজেকে সজাগ করে। বলল, খোঁচা না ছাই, আসলে আপনি আজকাল আমাকে দু'চক্ষে দেখতে পারেন না।

নরেনের ভিতরে প্রাণের সাদা জাগছে আবার একটা। সংশয়ের পর্দাটা যেন পাতলা হয়ে আসছে। পাশাপাশি চলার একটা স্পর্শ লাগছে কোথায়। তবু এই সেই প্রতীক্ষিত অবকাশ কি না বুঝে উঠল না। জবাব না দিয়ে হাসতে লাগল সেও।

থাক, আর হাসতে হবে না, যে ভাবে হাঁটছেন এখানেই সঙ্কে !

এটা কি হাঁটার মত রাস্তা, ঠোঁকর খেতে খেতে প্রাণ গেল।

সাম্বনা হেসে ফেলল, এখনো ঠোঁকর খাওয়া অভ্যেস হয় নি ? কিন্তু জবাব শোনার আগে চট করে সামলে নিল।—সত্যি যা হয়েছে রাস্তাঘাটের অদৃশ্য, এক বড়ে সব কাত।

পাখরের ওপর পা ফেলে ফেলে নরেন চলেছে। মন বলছে, সময় আসে নি, আসবে। অবকাশ আসে নি, আসবে। আজই আসবে। ধমনীতে একটা উষ্ণ শ্রোত বইছে ওর। জোর করেই চেষ্টা করল সহজ হতে। বলল, শুধু বড় কেন, এই ঝুটিটাও কম ভয়ের নাকি। কোথায় কোথায় বজ্রা হয়েছে খবর এসেছে—এ রকম হলে তো হয়েছে আর কি। আপিসে সারাক্ষণ এই কথা আর এই ভাবনা।

সাম্বনা থমকে দাঁড়িয়ে গেল। ভুরু কুঁচকে তাকালো। এতক্ষণের চেষ্টায় মড়াইয়ের উপর থেকে যে অবাস্তিত ছায়াটা সরিয়ে রেখেছিল সেটা যেন ঝিঙল হয়ে উঠল আবার। আর সেই পাষণ-ভারও। বলে উঠল, চিক ইঞ্জিনিয়ার-এর মুখোমুখি বসে গালে হাত দিয়ে তাই ভাবুন গে, আমার সঙ্গে আসতে হবে না, যান্।

হন্ হন্ করে হুঁচান্ পা এগিয়ে গেল সে। নরেন প্রথমে অবাক, পরে খুশি। কাছে এসে বলল, তোমার সঙ্গে এলে কি আলোচনা করতে হবে শুনি ?

কোন আলোচনা নয়। শুধু বড় বড় পা কেলতে হবে আর হাসতে হবে। হাসার নমুনা ওর মুখেই করল প্রথম।

নরেনের আপত্তি নেই। চলার গতি বাড়ল। দিনের আলো ঘন কালো

হয়ে আসছে আরো। কোন্ দিকে বা কোন্ পথে চলেছে কারোই হুঁশ নেই। কথা অনর্গল সাঙ্ঘনাই বলছে। আবোল-তাবোল কথা। হাসছেও খুব। নরেনেরও হাসার ভূমিকা। কিন্তু কেমন যেন লাগছে। ওকে দেখে আজ হঠাৎ ঝরনার কথা মনে পড়েছে। কোথায় যেন মিল। থেকে থেকে অশ্রুদন্ড একটা। ওই নাবীচাপলা আর প্রশ্রয় ঠিক তার উদ্দেশ্য নয়, সে উপলক্ষ মাত্র। ঝরনাও শাইরে থেকে কতজনকে অমন প্রশ্রয় দিয়েছিল। হাসার ভূমিকা নরেনের, কিন্তু হাসি তেমন আসছে না।

সাঙ্ঘনা থমকে দাঁড়াল এক জায়গায়। সামনেই থাকের মুখে সেই বিশাণ পাথরের আড়াল। তার ওপাশে বড় গাছ ভেঙে পড়ে আছে একটা। একান্ত নির্জনে এই আড়ালের ওপাশে একদিন দেখেছিল দুজনকে। চাঁদমণি আর হোপুনকে। সবাক সির-সির কবে উঠল কেমন। ...অমাধ আকর্ষণ একটা।

আড়াল পেরিয়ে সেই ঢালু পাথর। যেখানে ওরা বসেছিল। বসে আব ছিল কোথায়। চাঁদমণি শুয়েই ছিল প্রায়। আর ওর মুখের ওপর, বুকে ওপর ঝুঁকেছিল হোপুন। অনেক দিনের একটা বিশ্বস্তিবিদ্য অস্তিত্তি ভিতর থেকে যেন নড়েচড়ে উঠছে আবার। যেমন উঠেছিল এখানে চাঁদমণি আর হোপুনকে দেখে। যেমন উঠেছিল প্রথম সন্ধ্যায় বাদনা উৎসব থেকে ফেরাব পর রাতের বিনিদ্র শয্যায়। পাথরটা যেন ইশারায় ডাকছে ওকে। নিজেকে ছাড়িয়ে যেতে না পারার যাতনা বুঝি এখানে গিয়ে বসলে কমবে একটু। অজ্ঞাত অনড় বোঝাটা হালকা হবে।

পাথরের লোকটা যে নিম্নমিমে লক্ষ্য করছে তাকে—সে খেয়ালও ছিল না বোধ হয়। লজ্জা পেল, হেসেও উঠল। আর সঙ্গে সঙ্গে থমকেও গেল একটু। চাঁদমণির উচ্ছল হাসির মত লাগল যেন নিজের হাসিটা। লাগুক, ও আব পরোয়া করে না। বলল, দেখা ছন কি, আর হাঁটে না, চলুন ওই পাথরটায় গিয়ে বসি একটু।

চপল পায়ে গিয়ে পাথরটার উপর বসে পড়ল ধূপ করে। চূপচাপ নারী-বর্ণচ্ছটা দেখেছিল নরেন। পায়ে পায়ে এগিয়ে গেল সেও। প্রায় মোহগ্রস্তের মত বসল পাশে।

চকিতে ঘাড় ফিরিয়ে সাঙ্ঘনা তাকালো একবার। এত কাছে ঝেঁষে বসার মত ছোট নয় পাথরটা। - মূসেছে তো বসেছে, সাঙ্ঘনা পেপয়োয়া। বলল, কি হ'ল, এমন চূপচাপ যে জায়গাটা বেশ—না ?

উৎকল মুখে চারদিকে তাকিয়ে জায়গাটা বেশ তাই যেন উপলক্ষি করতে

লাগল সে। কিন্তু মনে পড়ছে অল্প কথ'। প্রথম সন্ধ্যায় সাঁওতালদের বাদনা উৎসব থেকে ফেরার পথে এর থেকে আরো বড় পাথরে বসেও সেটা বড় মনে হয় নি খুব। আর ওক নীরব দেখে এই ভদ্রলোকই সেদিন বলেছিলেন, অমন চুপচাপ কেন?

অস্বস্তি আজও। কিন্তু সেদিনের মত অত ভীক অস্বস্তি নয়। নেশার মত। ভদ্রলোক চেয়ে আছে নিম্পলক, উপলব্ধি করেই সাঙ্ঘনা অল্প দিকে ঘাড় ফেরাণো আরো। পড়ো গাছটার দিকে চেয়ে অক্ষুট কণ্ঠে হেসে উঠল, বেচারী গাছটার অবস্থা দেখুন একবার।

তার পর সবাক্কে শিহরণ একটা।

এক হাত ওর পিঠে, অল্প হাত দিয়ে তার মুখখানি সম্পূর্ণ নিজের দিকে ঘুরিয়ে দিল নরেন।

চোখে চোখে, চোখের তারায় তারায় বিনিময়।

বিদ্যাসম্পর্কের মত।

নিমেষে নেশার ঘোর কেটে গেল যেন সাঙ্ঘনার। চপলতার চিহ্ন মুছে যেতে লাগল। শুকনো খরখবে লাগছে জিবের ডগা, চোঁট। সামলে নিয়ে জোর করে হাসতে চেষ্টা করল একটু। নড়েচড়ে সরে বসতে গেল।

কিন্তু সঙ্গে সঙ্গে একটা সবল আকর্ষণে প্রায় হুমড়ি খেয়ে পড়ল তাব বৃকের ওপর। মুহূর্তের অবকাশ পেল না। দুই চোঁট বিদীর্ণ হতে লাগল থেকে থেকে—ঘন, উষ্ণ, নির্মম। ছিন্নভিন্ন হয়ে গেল অধরের বাধা। দাঁতে লাগছে, জিবে লাগছে।

বাধা দেবে ভাবছে। প্রাণপণ চেষ্টা করতে চাইছে বাধা দিতে। কিন্তু সবাক্কে অবশ। ওর হাড়গোড় হৃদয় মটমট করে ভাঙবে নাকি মাছুষটা! নিবিড় যাতনা জালুতে, কটিদেশে, স্তনভারে। দেহ-দেহলীতে ভাঙনের তাণ্ডব। আর পারছে না সাঙ্ঘনা। বাধা দিতে পারছে না। স্পর্শ-লিঙ্গলতায় আচ্ছন্ন হয়ে পড়ছে, ঘূমের মত লাগছে। শিথিল হয়ে আসছে সব কিছু। সাঙ্ঘনা হাল ছেড়ে দিল। এলিয়ে পড়ল। সেই যাতনার মধ্যেও কতকালের, কত যুগের একটা জমাট-বাধা শীতল অবরোধ বুঝি বাষ্প হয়ে নিঃশেষে মিলিয়ে যাচ্ছে।

অস্তিম বিস্মৃতির মুহূর্তে আবার এক ঝাঁকুনি খেবে সচেতন হ'ল যেন। পাথর-চ্যুত হয়ে নরেন মাটিতে বসে পড়ল। সাঙ্ঘনা উঠে বসল। দাঁড়াল। পা কাঁপছে খরখর। বৃকের ভিতরে খেন হাড়ুড়ি পিটেছে ঠক ঠক করে। বাতাস নেই। বিস্মৃত বেশবাস ঠিক করে নিল। বিস্ফারিত দুই চোখ নরেনের মুখের

ওপর। লজ্জা নয়, ভয় নয়, ঘৃণা নয়। রাজ্যের বিষয় আর বিভ্রম।

চকিতে ঘুরে দাঁড়াল। কিরে চলল। পিছন কিরে তাকালো না একবারও।
তবু উপলব্ধি করল মানুষটা আসছে পিছনে পিছনে। পাঁচ সাত মিনিটের পক্ষ
আর। কিন্তু আর ফুরোয় না যেন।

শোনো—

পা খেমে গেল। খামতে চায় নি তবু। নরেন কাছে এসে দাঁড়াল। ধীর
স্থির। বলল, তোমার বাবার সঙ্গে আমি দুই এক দিনের মধ্যেই দেখা করব।

দুই চোখে এক ঝলক আগুন ছড়িয়ে হন হন করে এগিয়ে চলল সাব্বনা।

নরেন দাঁড়িয়ে রইল।

সোজা নিজের ঘরে এসে একেবারে শয্যা নিল সাব্বনা। বাবা বাড়ি নেই।
কিন্তু আসবে তো। কি করে মুখ দেখাবে সাব্বনা। সামনে গিয়ে দাঁড়াবে কেমন
করে। রাগে আগুন হয়ে উঠতে চাইছে মানুষটার ওপর। পারছে না বলেই রাগ
বাড়ছে, যাতনা বাড়ছে। উর্সে মুখে হাতে ভল দিতে গিয়ে একেবারে স্নান করে
এলো। কিন্তু গা জুড়োয় না তবু। সেই স্পর্শ-বিস্ময়তা কাটিয়ে উঠতে পারে না।

বাবা কিরেকে টের পেল এক সময়। কিন্তু তিনি খেয়াল করলেন না কিছু।
যতটা সম্ভব আড়ালে আড়ালে কাটিয়ে রাতের মন্ত নিশ্চিন্ত হ'ল সাব্বনা। আজ
আর চোখে পাতায় এক করতে পারবে না জানা কথাই। না পারুক। অনেক
বিচার-বিশ্লেষণ বাকী। মানুষটার অমন দুঃসাহসের দরুন নিজেকে উত্তেজিত
করে তোলাই বাকী। কিন্তু একা ঘরে ঠোটের জ্বলনি উপলব্ধি করছে আবার।
বিস্মৃতির সেই নির্মম স্পর্শগুলো গ্রাস করতে আসছে আবার। আটপেট
জড়িয়ে ধরছে। হঠাৎ কান ঝাড়া করে নিজের বুকের স্পন্দন শুনে লাগল যেন
সাব্বনা। কিছু একটা পরিবর্তন উপলব্ধি করতে লাগল। দেহের অন্তস্তলে সেই
ভাঙনের সমারোহ মনে পড়তে লাগল। যত ভাঙছিল তত যেন ভরেও উঠছিল।

বাবার ডাক শুনে ধড়মড়িয়ে উঠে বসল সাব্বনা। হু চোখ রগড়ে নিয়ে
দেখল, দিকি বেলা। সাব্বনা অবাক। কখন ঘুমোলো। এমন বিচ্ছিন্ন
ঘুম, শীগগির ঘুমিয়েছে বলেও মনে পড়ে না।

কাজের ফাঁকে ফাঁকে ঘুরে-ফিরে-সেই এক কথাই ভাবছে। বিগত দিনের
কথা। ওই একটা দিনের সঙ্গে সঙ্গে ওর জীবনের একটা অধ্যায় যেন শেষ
হয়ে গেছে। কিন্তু ঝাড়াপ লাগছে না, বরং হালকা লাগছে অনেক।

বিস্মৃতির মুহুর্তে ঘুম ভেঙে জেগে উঠেছিল। না উঠলে...?

অশ্রুত শব্দ নির্গত হ'ল একটা মথ দিয়ে। উত্তন খেঁচে জেগেল কড়ক

নামিয়ে ফেলল তাড়াতাড়ি। ফুটন্ত তেলের ছিটেয় হাতেব কব্জিতে কোন্টা পড়ে গেছে। দেখল। বিচ্ছেদের জ্বলন্ত ছিটায় অমনি করে দাহ করতে চাইল একজনকে। ভাবতে চেষ্টা করল, ওর অন্তস্তলের এক সংগোপন আশা দস্যুর মত উপড়ে ফেলতে চেয়েছে লোকটা। ওব জীবনে আর এক বাহিত্রনের পদসংগার নিশ্চিহ্ন করে দিতে চেয়েছে। আব একজনের প্রাপ্য ভাণ্ডারের দিকে হাত বাড়িয়েছে নির্লজ্জব মত।

কিন্তু তবু চোখের সামনে চিফ ইঞ্জিনিয়ারকে বড় কবে তোলার চেষ্টা ব্যাহত হচ্ছে থেকে থেকে। সেই নির্লজ্জ মানুষটাই তাকে নিশ্চিন্ত কবে দিয়ে সামনে এসে দাঁড়াচ্ছে বার বার। আর সাস্থনা রাগ কবতে পারছে না বলেই অবাক হচ্ছে। ভালো লাগছে বলেই জলে ঊঠতে চাইছে। নিজেকে বিশ্বাস করতে পাবছে না বলেই অস্বস্তি। নিজের অন্তস্তলে দৃষ্ট চালাল সন্তর্পণে।

ওর প্রত্নেয় আমন্ত্রণ ছিল? আহ্বান ছিল? সবোধে বলে ঊঠতে চাইল, না, কক্ষনো না।

কিন্তু সমর্থন আসছে না। উণ্টে যেন ব্যঙ্গ করছে কেউ নাকি! এতকালের যে জমাটবঁধা অবরোধ হাওয়া হয়ে মিলিয়ে যাচ্ছে এখনো, সে তব কি? আর সেটার প্রতি মোহ আছে কোনো? মায়া আছে কিছু?

এত বড় বিপর্যয়ের উপলক্ষ যে মানুষ, জীবনে আর তাকে মুখও দেখাবে না বোধ হয়। কিন্তু বাবাব কাছে আসবে বলেছিল লোকটা। তিন চার দিন নোট গেল। আসে নি। সাস্থনার জ্বলন্ত চোখে সেদিন এ প্রত্নাবের জবাব লেখা ছিল বলেই আসে নি বোধ হয়। ঠিক আশাও করছে না। আহুক না-আহুক বয়ে গেল। কিন্তু তবু ভিতরে ভিতরে কি একটা অসহিষ্ণুতা যেন। উষ্ণতা বাড়ছে। রাগতে পারছিল না, কিন্তু এখন কারণে অকাবণে মেজাজ চড়ছে।

ওর এ ক'দিনের হাবভাব অবনীবাবুর লক্ষ্য করার কথা। কিন্তু সম্প্রতি চাকরির ব্যস্ততায় বিডম্বিত তিনি। তিনি কেন, সকলেই। এক্সপার্ট কমিটি এসে গেল বলে। এদিকে আকাশ আর বৃষ্টির যা অবস্থা, বাইরের তত্ত্বাবধান ছেড়ে কমিটির পরিদর্শনপর্ব অকিসের কাইলপত্র ঝাঁটাঝাঁটির মধ্যেই শেষ হবে বোধ হয়। অতএব হিসেব-নিকেশ জল্পনা-কল্পনার নথিপত্র সব রেডি রাখো, গোছগাছ করো, অকিস সাজাও। এ ছাড়াও ওপরঅলাদের হাবভাব চালচলনে এই কমিটিকে কেন্দ্র করে কেমন একটা শঙ্কার ছায়া নেমেছে। কমিটি এলে প্রতিকূল কিছু ঘটতে পারে যেন। কি, সে আভাস স্পষ্ট নয় কারো কাছে।

অবনীবাবু এই নিয়েই ব্যস্ত ক'টা দিন। সাস্তনার সঙ্গে যত কথা হয়েছে, তার বেশির ভাগই এই কথা। সাস্তনা শুনেছে কি শোনে নি, তাও খেয়াল করেন নি। তবু সেদিন কি মনে হ'ল তাঁর। বললেন, নরেন আসে নি এর মধ্যে? অফিসেও দেখিনি বড একটা...

জবাবে যথাসম্ভব নিস্পৃহ মুখে সাস্তনা ঠোট ওন্টালো শুধু। অর্থাৎ কে জানে, খবর রাখিনি।

একটু খটকা লাগল বোধ হয়। অবনীবাবু খেয়াল করে মেয়ের দিকে তাকালেন এবাব। হেসেই বললেন, কি রে, আবার ঝগড়াঝাঁটি করেছিস বুঝি?

ক্রান্তি কবে হাসতে হ'ল সাস্তনাকেও। দিবি পাবে এসব এখন। পাণ্টা হস্তযোগে আসল জবাব এড়িয়ে গেল। বলল, তুমি তো দিন-রাত কচি মেয়েব মত ঝগড়া করতেই দেখো আমাকে।

সেদিনই নিজের উত্তোকে নরেনের সঙ্গে দেখা করলেন অবনীবাবু। ভডকে গিয়েছিলেন প্রথম। 'এমন বীর শাস্ত ওকে আব দেখেন নি কখনো। কিন্তু দুই এক কথার পরেই শুনলেন যা, তাতে পারিবারিক প্রসঙ্গ বিস্তৃত হলেন। ভাবলেন, ওর মুখের এই অনস্বা যখন, রীতিমত তুচ্ছতার কারণ যে তাতে কোন সন্দেহ নেই। নরেন চৌধুরী এক্সপার্ট কমিটির প্রসঙ্গ তুলে নিজেকে আডাল কবল।

বাড়ি ফিরেই অবনীবাবু মেয়েকে বললেন সব। বললেন, এক্সপার্ট কমিটি যে আসছে তার চেয়ারম্যান হলেন বিপুল বাড়রী নামে এক ভদ্রলোক। মস্ত ইঞ্জিনিয়ার, মস্ত এক ফার্মের ম্যানেজিং ডাইরেক্টর। বাদল গাছুলি সেখানেই চাকরি করত আগে, এঁর সঙ্গেই একটা ভয়ানক গোলযোগের ফলে চাকরি ছেড়ে চলে আসতে হয়েছিল তাকে।

এত না বললেও চলত, শুধু নাম শুনেই চিনত সাস্তনা। বুঝতও। এ ক'দিন বাবার তুচ্ছতা দেখেও দেখে নি, বা তার কোনো কথা শুনেও শোনে নি। কিন্তু আজকের খবরটা শোনা মাত্র নড়েচড়ে সজাগ হয়ে উঠল। নিজের ভাবনাচিন্তা তলিয়ে গেল সব। আরো কিছু শোনার আশায় জিজ্ঞাসুনেত্রে চেয়ে রইল শুধু।

অবনীবাবু বলে গেলেন, এই জন্তেই ক'দিন ধরে এরকম অবস্থা দেখছি অফিসের। নরেন বলল, এতটুকু নড়চড় হলে এখান থেকেও সোজা চাকরিতে ইস্তফা দিয়ে বসতে পারে বাদল গাছুলি। এমন অদ্ভুত কথা তো আমি শুনি নি কখনো।

এতটা বরদাস্ত, হাঁ না সাস্তনার। বাঁজিয়ে উঠল প্রায়, নরেনবাবুর সবচেয়েই বাড়াবাড়ি, আমি বলে রাখছি কিছু হবে না—এত সহজে যদি সব

ভেঙে যেত, দুনিয়ায় তাহলে আর বড় কাজ কিছু হ'ত না।

উত্তেজনায় নিজের ঘরে চলে এলো। কিন্তু উতলা সেও কম হয় নি। যা বলে এলো বাবাকে, সেটা তার মনের কথা, আশার কথা। কিন্তু শুধু এরই ওপর ভরসা করে সত্যি নিশ্চিত থাকার সম্ভাবনা নয়। নরেনবাবু যা বলেছে, বাবা সেটাকে অদ্ভুত ভেবে অবাক হতে পারেন, কিন্তু সে রকম কিছু ঘটনা যে অসম্ভব নয়, সে শুধু সাক্ষ্যই জানে। যে নাম শুনল, তার সঙ্গে চিফ ইঞ্জিনিয়ারের কণামাত্র আপসেরও কোন সম্ভাবনা নেই। ছটফটানি বেড়েই চলল। ইচ্ছে হ'ল, এক্ষুনি নরেনবাবুকে ডেকে পাঠায় একবার। কিন্তু সেও কোনদিন সম্ভব নয় আর।

আর কোনদিকে মন দেবার মত মনের অবস্থা থাকলে নরেনের পরিবর্তন চোখে পড়ত বাদল গাঙ্গুলির। হেড অফিস থেকে এক্সপার্ট কমিটির নামগুলো আসার পর কথাবার্তা দু'চারটে শুধু তার সঙ্গেই বলেছে, একটু আধটু পরামর্শও করেছে। কিন্তু মুখের দিকে ভালো করে তাকায় নি বোধ হয়।

বাদল গাঙ্গুলির ভিতরে ভিতরে বিষম এক মর্যাদার লড়াই চলেছে সারাক্ষণ।...এরকম হতে পারে একবারও ভাবে নি। কিন্তু ভাবে নি কেন সেটাই আশ্চর্য। বেসরকারী বিশেষজ্ঞ হিসেবে বিশিষ্ট কমিটিতে বিপুল বাড়রীর আমন্ত্রণ নতুন কিছু নয়। নেশান বিল্ডার্স এ থাকতে এরকম অনেক কমিটিতে তাকে যোগ দিতে দেখেছে।

ভিতরে যাই হোক, বাইরে শাস্ত্র মুখেই প্রতীক্ষা করতে লাগল সে। অভ্যর্থনার ভার পড়ল অ্যাডমিনিস্ট্রেটিভ অফিসারের ওপর। গেস্ট হাউসে থাকবেন তাঁরা। মিটিংয়ের ব্যবস্থাও সেখানকার বড় লন-এ হতে পারে। যেমন ইচ্ছে তাঁদের।

যথা দিনে তাঁরা এলেন। গিকেলে নিজের কোয়ার্টার্স-এ বসেই বাদল গাঙ্গুলি খবর পেল। অঝোরে জল পড়ছে তখন। সেই প্রথম বোধ করি জলের ওপর খুশি হল সে। নরেনকে আগেই বলে রেখেছে, ড্যাম পরিদর্শন করানোর ভার তার। একটা গাড়িও মজুত আছে তাঁদের জন্ত। কিন্তু আজ আর কেউ বাইরে বেরবেন না বোধ হয়।

বসে আছে চুপচাপ। ভিতরে শুকিয়ে-আসা দ্বিতীয় মুখে নতুন জ্বালা একটা। ঘোষ-চাকলাদার কার্মের ওপর আর রাগ নেই একটুও। যথেষ্ট শিক্ষা দিয়েছে। তা ছাড়া অপকর্মের আসল নায়ক যে তার পরিণতি তো।

স্বচক্ষে দেখেছে। মৃত্যুর ওপরে অভিযোগ বড় থাকে না কারো। তারও নেই। যদিও রণবীর ঘোষের মৃত্যু বিধিবদ্ধ সমর্থন পায় নি এখনো। অনেকটাই চাপাচাপির মধ্যে আছে, তা বলে মড়াইয়ে জানতে বাকি নেই কারো। কিন্তু বোঝাপড়া এখন আর ঘোষ-চাকলাদার ফার্মের সঙ্গে নয়। বোঝাপড়া এক্সপার্ট কমিটির সঙ্গে...বিপুল বাড়রীর সঙ্গে। একবার তার বিচার করেছিলেন ভত্রলোক। আবারও তাই করতে এসেছেন বোধ হয়। কমিটির আর পাঁচজনও তাঁর সঙ্গে সঙ্গে সায় দেবেন। কিন্তু এবারে আর সে বিচারের কোন আভাসও বরদাস্ত করেন না।

পরদিন সকাল থেকেই মাঝে মাঝে জল হচ্ছে, মাঝে মাঝে থামছে। এরই মধ্যে সদলে ড্যাম পরিদর্শনে বেরলেন কমিটি। দেখার আনন্দেই তাঁরা দেখলেন সব কিছু। কখনো সর্কোতুকে জানতে চাইলেন এটা সেটা, কখনো বা সপ্রশংস উচ্ছ্বাস জ্ঞাপন করলেন। নরেনের সঙ্গে বার কতক দৃষ্ট বিমিশ্র হয়েছে বিপুল বাড়রীর। সপ্রতিভ বিনয়ে নরেন ড্যাম সংক্রান্ত আলোচনাও করেছে একটু আধটু। কিন্তু পূর্ব পরিচয়ের আভাসও ব্যক্ত হয় নি।

বিকেলের দিকে যথানির্দিষ্ট মিটিং বসল গেস্ট হাউসে।

বাদল গাঙ্গুলি এলো।

নরেন চৌধুরী, এমন কি অ্যাডমিনিস্ট্রেটিভ অফিসারও—এই যেন যথার্থ ইঞ্জিনিয়ারের মূর্তিতে দেখলে তাকে। সচেতন। মৃদুগম্ভীর।...প্রায় দান্তিক।

বিপুল বাড়রী বাদে বাকি সকলেই সকলরবে আপ্যায়ন করলেন। নরেন পর্যন্ত আশা করেছিল, অল্পপস্থিতির দকন সৌজন্যশ্রুচক কিছু একটা বলবে। কিন্তু চিফ ইঞ্জিনিয়ার তার ধার দিয়ে ও গেল না। হেসে পাণ্টা অভিবাদন জ্ঞাপন করলে সকলের উদ্দেশে। তার পর তাকালো চেয়ারম্যান বিপুল বাড়রীর দিকে।

এগিয়ে এসে হাত বাড়িয়ে দিলেন বিপুল বাড়রী। কনগ্র্যাচুলেশান্স!

দুই এক মুহূর্তেই দৃষ্ট বিনিময়। হাত মিলাল চিফ ইঞ্জিনিয়ার।—থ্যাক ইউ।

চেয়ার টেনে বসল তারপর। সদস্যদের কোনরকম অস্থবিধে হচ্ছে কি না খোঁজ নিল। অতি-বর্ধার প্রসঙ্গ তুলল। ড্যাম কনস্ট্রাকশন সম্বন্ধে তাঁদের অন্তরীক জিজ্ঞাসা করল।

সকলেই প্রশংসা করল আর একদফা। বিপুল বাড়রী চুপচাপ পাইপ টানতে লাগলেন। বিশেষ কাইলপত্র সব হাতের কাছে এনে রাখা হয়েছিল। কিন্তু সে

শবের ধার দিয়েও গেলেন না কেউ। মুখে মুখে আলোচনা চলল, কি হচ্ছে, কি হবে, আরো কি হতে পারে।

সবশেষে স্লো-চাকলাদারদের সিমেন্ট-প্রসঙ্গ। মনে মনে প্রস্তুত হয়ে নিল বাদল গাঙ্গুলি। সংক্ষেপে ঘটনা ব্যক্ত করে জানালো, ওই কার্মকে ডিসমিস করতে হবে।

কথা উঠল এই নিয়ে। কিন্তু যেসকল ভেবেছিল সেসকল নয়। ঘরোয়া আলোচনার মত। সদস্যদের কেউ কেউ বললেন, এতবড় কাজে এই সামান্য ব্যাপার নিয়ে আর ঠাট্টাধাটি করে লাভ কি? এতদিনে এই কার্মের ক্ষতি যথেষ্ট হয়েছে। এতবড় কার্ম, এর আগে আর যখন কোনো অভিযোগ নেই, একেবারে বরখাস্ত না করে এবাবের মত ওয়ার্নিং দিয়ে ছেড়ে দেওয়া যেতে পারে। বিশেষ করে, এতে কর্মকর্তাদেরও কিছুটা গলাদা আছে যখন। কত মালের সঙ্গে কতটা সিমেন্ট মেশানো হচ্ছে—স্টাকের সেটা সব সময় দেখে নেওয়ার কথা।

কথাগুলো কতটা নীতিগত এবং কতটা স্বার্থগত বুঝে উঠল না বাদল গাঙ্গুলি। হাসিমুখেই পান্টা জবাব দিল, স্টাক কাজই করছে, কাউকে অবিশ্বাস করে নি এটাই তাদের গলাদা। কিন্তু তা বলে অবিশ্বাসের কাজ যিনি করেছেন তাঁকে বরখাস্ত করবেন কি করে?

প্রতিবাদ কেউ করলেন না। কিন্তু মীমাংসাও এখানেই শেষ হ'ল না। ঝাঁরা এসেছেন, কেউ তাঁদের মধ্যে ওই কার্মের প্রতি সহানুভূতিশীল নয়, গলাজলে ঝাঁড়িয়ে বললেও বাদল গাঙ্গুলি সেটা বিশ্বাস করে না। নরেনের ধারণা তদারকে এসে সব কথায় একেবারে মুখ বুজে সায় দিয়ে চলে যাওয়া রীতি নয় বলেই কমিটি এই প্রসঙ্গ নিয়ে পড়েছে। তা ছাড়া মুখে যত সৌজন্য প্রকাশই করুক, চিক ইঞ্জিনিয়ারের নিস্পৃহ আপ্যায়নে মনে মনে সকলের পক্ষে তুষ্ট না হওয়াই স্বাভাবিক। অনেকটা যেন নিজেদের মধ্যেই আলোচনা চলতে লাগল। একজন বললেন, কার্মের আসল কর্মকর্তা যিনি, তিনি নাকি বহুদিন ধরে নিখোজ, দুর্ঘটনায় তাঁর জীবনান্ত ঘটেছে বলেও শোনা যাচ্ছে। অতএব এর পরে আর টানা-হেঁচড়া করে লাভ কি। তাছাড়া হয়তো বা কর্মচারীরাই করেছে এই কাণ্ড, ভয়লোকরা হয়তো কিছুই জানেন না।

অনেকেই অহুমোদন করলেন। একেবারে জীবিকার হাত না দিয়ে কড়া ওয়ার্নিং-এ ব্যাপারটা মিটিয়ে ফেলাই সাব্যস্ত করলেন তাঁরা।

চিক ইঞ্জিনিয়ারের মুখভাব বদলাতে লাগল। নরেন চৌধুরী এবং অ্যাড-

মিনিট্রেটিভ অফিসার দুজনেরই বেশ অস্বস্তি বোধ হচ্ছে। বিপুল বাড়রীর দিকে তাকালো বাদল গাঙ্গুলি। সেই থেকে পাইপ টানছেন আর নির্বাক শ্রোতার মত শুনছেন। তাঁব চোখে-মুখে চাপা হাসির আভাস দেখল যেন বাদল গাঙ্গুলি। শান্ত মুখে সব কজন সদস্যকেই দেখল একবার। পরে স্পষ্ট করে বলল, কিন্তু আমি তাতে রাজী নই।

হালকা আলোচনায় অস্বস্তিকর ছেদ পড়ল একটা। কিন্তু এসেছেন ঝাঁরা, পদমর্যাদায় সচেতন তাঁরাও কম নন। হেসেই একজন বললেন, এই সামান্য ব্যাপারটা আপন এত সিরিয়াসলি নিচ্ছেন কেন মিঃ গাঙ্গুলি, একটু আধটু ভুল-ত্রুটি তো লোকে ক্ষমাও করে।

প্রায় টিগুনীর মত শোনালা। বাদল গাঙ্গুলি জবাব দিল, ব্যাপার সামান্য হলে আমি এত সিরিয়াসলি নিতাম না, আশা করি কমিটি সে আস্থা আমার ওপর রাখবেন। ভুল-ত্রুটি আর চুরি দুটো এক জিনিস নয়। কিন্তু আমার অভিযোগ ওইটুকু চুরির বিকল্পও নয়। আমার অভিযোগ, যে মনোবৃত্তি আপনাদের ওই ডায়েরি চল্লিশ ফুট চওড়া দেয়ালকে স্বচ্ছন্দে ঝাঁঝরা করে দিতে পারে তার বিকল্পে। আমাব মতে ঘোষ-চাকলাদার ফার্মকে ডিসমিস করতে হবে।

সকলেই চূপচাপ। বস্তুত সরকারী আমন্ত্রণে গতাহুগতিক পর্যবেক্ষণে আসা, তিক্ততা সৃষ্টি করতে কেউ চান না। কিন্তু বিতর্ক উঠলে বা প্রতিকূলতার আভাস পেলে এ রীতি সব সময় খাটে না। নিজেদের অস্তিত্ব তখন একটু আধটু জাহির করেই থাকেন তাঁরা। সেই রকমই করলেন একজন। হালকা হেসেই বললেন, ধকন, আমাদের মতামত যদি অগ্ররকম হয়?

তা হলে আমি ধরে নেব, আপনারা আর কারো ডিসমিশ্যাল অ্যাপ্রভ করে যাচ্ছেন।

এরকম একটা জবাব প্রত্যাশা করেন নি কেউ। নরেন ঘেমে উঠতে লাগল। অ্যাডমিনিট্রেটিভ অফিসার কোনো অছিলায় সরে পড়া যায় কি না ভাবতে লাগলেন। গুণগন্তার পরিস্থিতি। তিলের থেকে তাল হ'ল যেন। একজন প্রবীণ সদস্য বলেই ফেললেন, দিস্ ইজ টু মাচ।

ঠুক ঠুক শব্দ হ'ল। টেবিলে আস্তে আস্তে পাইপ ঠুকছেন চেয়ারম্যান বিপুল বাড়রী। একটা আপন মনেই যেন। কিন্তু মুখ দেখলে মনে হয়, কোথায় যেন রূপের আমেজ লেগেছে। ধীরেহুসে বললেন, ওয়েল্ জেন্টলমেন, আমার মনে হয় এই ব্যাপারে এবার আমার কিছু বলা উচিত।

খামলেন আবার। সকলেরই চোখ গেল তাঁর দিকে। বাদল গাঙ্গুলি অন্তরীক্ষে ঘাড ফেরাল।

—ব্যাপারটা হয়তো বা কিছুই নয়, আবার হয়তো বা অনেক কিছুই। কিন্তু আসল কথা, এই ড্যামের সমস্ত দায়িত্ব ধীর ওপর তিনি এই কার্যকে বিশ্বাস করেন না, আব সেই অনাস্থা নিয়ে কাজও করতে চান না।...চান না যখন, তখনই আমরাই বা বাইরে থেকে এসে এ নিয়ে জোর-জুলুম কবি কেন? উই হ্যাভ সো মেনি গুড কন্ট্রাক্টরস্—সো মেনি ইনডিড! কাজেই আমার মতে কাজ যিনি করেছেন তাঁর ওপরেই এই ক্ষয়সাধার ভার ছেড়ে দিয়ে আমরা এ আলোচনা থেকে বিব্রত হই—আকটার অল, হোয়েন দি চিক ইঞ্জিনিয়ার ইজ ডুইং সাচ এ ম্যাগনিকিসেন্ট জব!

পকেট থেকে শলাই বার করে নিবিষ্ট চিত্তে আবার পাইপ ধরাতে লাগলেন তিনি। কেউ আর প্রতিবাদ করলেন না কিছু। বাদল গাঙ্গুলি চেয়ে আছে তাঁর মুখের দিকে।

ধবরটা শোনা মাত্র খুলিতে ঠাকবারে উছলে উঠল সান্দ্রনা। ওরই এক মন্ত দুর্ভাবনার অবসান যেন। বড় সমস্তা এল ছোট অনেক সমস্তা যেমন তলিয়ে যায়, এ কদিন তেমনি নিজের কোন কথা ভাবার অবকাশ পায় নি। কেবল মনে হয়েছে, কি হবে, কি জানি হবে। ড্যাম পরিদর্শনে ধারা আসছেন তাঁদের মধ্যে একটা নাম অষ্টপ্রহর উভলা করছে তাকে। তাই প্রথম ধবরটা শুনেই আনন্দে আটখানা। বলে উঠল, আমি বলি নি বাবা, এত সহজে গোলমাল কিছু হলেই হ'ল। তোমরা তো ভেবে সান্না!

অবনীবাবু যেমন যেনন শুনে এসেছেন বলতে লাগলেন। অর্থাৎ, কি হ'ল না হ'ল। সান্দ্রনা উত্তেজিত রোমাঙ্কিত। বাবা আবার বেরিয়ে যাওয়ার সঙ্গে সঙ্গে তারও মনে হ'ল, ঘরে বসে থাকার কোনো অর্থ হয় না। ছদ্দিন আগেও ভেবেছে বাইরে বেরুনো এ জীবনের মতই ঘুচে গেল। কিন্তু এখন আর সেরকম মনে হ'ল না একবারও। স-প্রগল্ভ বিশ্বস্তির আনন্দে উন্মুখ হয়ে উঠতে লাগল বার বার।...সরাসরি বাড়ি গিয়ে হানা দিলে কেমন হয়? অবাক হবে, আকাশ থেকে পড়বে। কিন্তু খুলি হবে। পুরুষমানুষকে আর চিনতে বড় বাকি নেই সান্দ্রনার। এক ভাত টিপলে হাঁড়ির ভাত চেনা যায়। পুরুষ-সম্মিষ্ট-অনিত সন্ধ্যাচ ভয় ওর গেছে।

তবু যাবে কি যাবে না ঠিক করতেই কিছুক্ষণ পেরিয়ে গেল। টিপ টিপ জল পড়ছে আবার। ক্রুদ্ধ নেত্রে সান্না আকাশ দেখতে লাগল বার বার। আর ভিতরে ভিতরে অধীর হয়ে উঠতে লাগল। শেষে জল একটু থরতেই দরজায় শেকল তুলে দিয়ে সোজা সামনের দিকে পা বাড়ালো।

...ডর ভয় সঙ্কোচ গেছে, তবু একজনের সঙ্গে যদি দেখা হয়ে যায় পথে, বিড়ম্বনার একশেষ হবে।...নরেনবাবু। পা ধেমে এলো সান্নার। হয় হবে। অসহিষ্ণু চরণে অস্থি মুছে ফেলে এগিয়ে চলল আবার। দেখা হলে নিজেই মুখ তুলে তাকাতে পারবে না, ওর কি।

অজ্ঞানস্বের মত নিজের কোয়ার্টারের দিকে চলেছে বাদল গাঙ্গুলি। আর চিন্তা নেই, উত্তেজনা নেই। তবু ক্লান্ত, অবসাদগ্রস্ত। কিছুই ভাবছে না, ভাবতে চাইছে না। কিন্তু অন্তস্তলে কলকোলাহল চলছে একটা। নিঃসঙ্গ অবকাশে সেটা আরো মূখর হয়ে উঠবে।...এর থেকে বিপুল বাড়রী ওর বিরুদ্ধাচরণ করলে খুশি হ'ত বোধ হয়। ভদ্রলোক হার মেনে ওর উত্তমের শিক্ষা অনেকটা নিশ্চিত করে দিয়েছেন।

ঘরের ভিতরটা আবছা অন্ধকার। আলনার কোটটা কেলে স্ট্রাইচ টিপতেই বিন্ময়ে শুরু একেবারে। আরাম কেদারায় সমস্ত নারীদেহ ঢেলে দিয়ে নিঃশব্দ কোঁতুকে চেয়ে আছে ওরই দিকে। আর হাসছে মুহু মুহু...

নীলা।

একটা ঝাঁকুনি খেয়ে সচেতন হ'ল বাদল গাঙ্গুলি। সমস্ত ক্লান্তি, সমস্ত অবসাদ কেটে গেল। সহজ হ'ল। এই মুহূর্তে অন্তত নির্মম ভাবে সহজ হতে হবে, চকিতে উপলব্ধি করে নিল সেটুকু।

নীলা বলল, বিষম অবাক হয়ে গেলে যে ?

টাইটা খুলে বাদল গাঙ্গুলি সামনে এসে দাঁড়াল। অবাক দিল না। চোখে চোখ রাখল। তার চোখেও হাসির আভাস এখন।

নীলা হেসে জিজ্ঞাসা করল, চিনতে পারছো তো ?

বিছানার একধারে বসল। নিখুঁত হাঁক দিয়ে বলল, চা কর্। পরে তাকালো তার দিকে। বলল, কই আর পারলাম। তারপর, তুমি কি মনে করে ?

বেন দেখা-সাক্ষাৎ হয় প্রায়ই। মনে কোন দাগ নেই, ছাপও নেই।

অন্তত আগ্রহ নেই কিছু। নীলা জবাব দিল, এলাম বাবার সঙ্গে। টেবিলের ওপর নিজের ফোটোর দিকে চেয়ে তেমনি হাসতে লাগল অল্প অল্প।—কেমন আছ?

নীলা এসেছে জানলে ফোটোটা ওখানে থাকত না নিশ্চয়ই। বাদল গাঙ্গুলির ইচ্ছে হচ্ছিল, ওর সামনেই ওই ফোটো আছড়ে ভাঙে, বলে, এই পরিণতির অপেক্ষাতেই এটা ছিল এখানে। ক্ষুদ্র জবাব দিল, ভালো।

এখানে এসে কি সব গোলাযাগের কথা শুনছিলাম, মিটে গেছে?

হ্যাঁ, তোমার বাবা দয়া করে মিটিয়ে দিলেন।

তরল কণ্ঠে হেসে উঠল আবার নীলা। যে বকম হাসত। হেসে যেমন কবে সমস্ত পরিবেশ নিজের দখলে নিয়ে আসত। সকৌতুকে চেয়ে চেয়ে দেখল আবার একটু। বলল, অর্থাৎ, তবু তোমার বাগ কোনদিন পড়বে না, এই তো?

তোমাদের ওপর আমার কোন রাগ নেই তো।

নীলা হাসল না এবার, আবার একটু চেয়ে দেখল শুধু। পরে বলল, না থাকারই কথা, আজ যে এভাবে এসেছি সেটাই মস্ত গর্ব আমার...তবে বাবা খুব অমৃতপ্ত।

অনিচ্ছা সত্ত্বেও ভিতরে ভিতরে উষ্ণ হয়ে উঠছে বাদল গাঙ্গুলি। সেটা প্রকাশ হয়ে গেলেই পরাজয়। ঠাণ্ডা জবাব দিল, মরা মানুষ অমৃতপ্ত শোনে না।

ধমকে গিয়েও আবার হেসে উঠল নীলা। বলল, এত বড় একটা জ্যান্ত জনিস গড়ে তুলছ, মরা মানুষ কি!

চিক ইঞ্জিনিয়ার গড়ে তুলছে।

নিধু চা দিয়ে গেল। কিন্তু দিয়ে আর যাবে কোথায়? আগেও দরজার বাড়ালেই ছিল, আবারো সেখানে এসে দাঁড়াবে বলেই তাড়াতাড়ি রান্নাঘর ছু কবুতে গেল। ওর মুখের দিকে কেউ তাকালে স্পষ্ট দেখত, এই মেয়েটার নরান্দমন সে একটুও পছন্দ করে নি। কিরে আসতে গিয়েই হু'পা বেন মাটির দ্বি আটকে গেল নিধুর। বাইরে আবহা অন্ধকারে দাঁড়িয়ে আছে কজন...

বিকিরণি।

সহসা একটা বা খেয়ে ধমকে দাঁড়িয়ে গেছে সাধনা। বাইরের অন্ধকারে জ্বিলে ঘরে আরাম কেদারায় অর্ধশয়ান হাতমুখী নারী মূর্তিটি দেখেছে।

দেখে চিনছে। নিম্পদ কাঠ হয়ে অন্ধকার দেয়ালের সঙ্গে মিশে গেছে তারপর।

ঘরের মধ্যে নীলা হাসছে তখন। বলছে, আমি কবে যাব না-যাব সে খোঁজে তোমার দরকার কি, আমি যদি আর না-ই যাই, তাহলে ?

জবাব শুনল, তাহলে আমার কাজের কিছুটা ক্ষতি হতে পারে এই পর্যন্ত।

তরল হাসি।—তা হলেই বা, তোমার থেকে তোমার কাজটাকে কবে আর বড় করে দেখেছি আমি।

অদূরে নিধুর উপর চোখ পড়ল সাব্বনার। সঙ্গে সঙ্গে মনে হ'ল, জীবনে এত বড় দৈন্ত আর আসে নি কখনো। যেমন এসেছিল, চকিতে আবার প্রস্থান করল তেমনি।

ক্রত, আত্মবিস্মৃত...

মেন কোয়ার্টারস ছাড়িয়ে এসে থামল। একটা পাথরের উপর বসল। বসে রইল নিশ্চল নৃত্যের মত। অনেকদিন বাদে নরেনবাবুর সেই কথাগুলো যেন কানে বাজতে লাগল আবার।—ওর জীবন থেকে নীলা সরে গেছে ভালই হয়েছে...ওই মেয়ে আজও পারে ওর জীবনের সব কিছু ওলটপালট করে দিতে, এই কাজ এই নিষ্ঠা সব কিছু তছনছ করে ফেলতে।

কঠোর গাভীরে খমখম করতে লাগল সাব্বনার সমস্ত মুখ।

কতক্ষণ বসেছিল ঠিক নেই। চমকে উঠল একেবারে। নিধু সামনে দাঁড়িয়ে। . তাড়াতাড়ি কৈকিয়ৎ দিল, নীলা দ্বিধিমগিকে গোস্টো হাউস-এ পৌঁছে দিয়ে ভাবলাম এদিক দিয়ে একটু ঘুরে যাই...ভুমি অন্ধকারে একলাটি বসে কেন দ্বিধিমগি ?

সাব্বনা তীক্ষ্ণ দৃষ্টিতে তাকালো তার দিকে। তার পর উঠে দাঁড়াল। এমন বসেছিলাম—এগিয়ে দেবে চলো। ছ'চার পা গিয়েই শান্ত মুখে জিজ্ঞাসা করল, আমি গিয়েছিলাম বাবুকে বলেছ নাকি ?

নিধু অগ্নানবদনে ঘাড় নাড়ল, বলে নি।

কিন্তু বলেছে। পৌঁছে দেবার জন্তু নীলা দ্বিধিমগির সঙ্গে কোয়ার্টারসের বাইরে এসেই চট্ করে আবার ফিরে গিয়ে বাবুকে জানিয়ে এসেছে, ওভার-সিয়ার দ্বিধিমগি এসেছিল, এসেই চলে গেছে। বাবুর মুখভাব অবলোকন করার অবকাশ অবশ্য পড়েনি। তখন চলে আসতে হয়েছে। কিন্তু আর একজনের সম্বন্ধে বাবুকে সচেতন করার কর্তব্য কিছুটা যেন না করে পারে নি নিধুরাম। নীলা দ্বিধিমগিকে পৌঁছে দিয়ে তার পর জেনারেল কোয়ার্টারসের দিকেই ক্রম

পা চালিয়েছিল সে। এখানে এখন দেখা হয়ে যাবে ভাবে নি।

গড় গড় করে বাবুর গুণকীর্তন করতে লাগল নিধু। সারাক্ষণ নীলা দিদিমণির সঙ্গে একটু ভালো 'ব্যাভার' করে নি তার বাবু। সব কথায় কড়া কড়া জবাব দিয়েছে। কাল সকালে ডায়াম দেখাতে হবে বলে বলেছিল নীলা দিদিমণি, কিন্তু বাবু 'পষ্ট' জবাব দিয়েছে, তাঁর সময় নেই, অল্প লোক সঙ্গে দেবে দেখাবার জন্ত। নীলা দিদিমণি বলেছে, ক'দিন ছুটি নিয়ে কলকাতায় আসতে। বাবু বলেছে সময় নেই। নীলা দিদিমণি তর্ক করতে ছাড়ে নি, বলেছে সরকারী কাজ কারো জন্ত আটকে থাকে না। ওব বাবু সে কথার জবাব পর্যন্ত দেয় নি, ইত্যাদি।—

কিন্তু এত বলার পরেও মুখের দিকে চেয়ে নিধুর মনে হ'ল, স্থপারিশ ঠিক জায়গামত পৌঁছল না। যতই বলুক, নিধুর ভিতরেও নাড়াচাড়া পড়েছে একটা। কিছুক্ষণ চুপচাপ থেকে এবার আন্তে আন্তে নিজের দুশ্চিন্তা প্রায় স্বীকারই করল যেন, বাবু তার যত কড়া 'ব্যাভারই' করুক, দিনকতক এরকম দেখা-সাক্ষাৎ হলে আবার সব ভুলে যাবে, বড় সেয়ানা মেয়ে এই নীলা দিদিমণি।

ষাড় কিরিয়ে এবার তার দিকে তাকালো সাব্বনা। এতক্ষণ শুনছিল চুপচাপ। সম্ভবপণে আগ্রহে শুনছিল। কিন্তু শোনার কিছু নেই আর। তাছাড়া এর পরে চুপ করে থাকাও বিসদৃশ। প্রায় রক্ষকর্থেই বলে উঠল, কি বকছ বকর বকর করে, আর আসতে হবে না, এবারে বাড়ি যাও।

নিধু দাঁড়িয়ে পড়ল।

সাব্বনা এগিয়ে চলল হন হন করে।

মস্ত এক দুর্ভাবনা নিয়ে বসে আছেন অবনীবাবু। কোথায় কোথায় বস্তা হচ্ছে, কোন্ কোন্ জায়গা ভেসে গেল, কোথায় কি রকম ক্ষতি হয়েছে, একটু আগে সেই বস্তান্ত শুনে এসেছেন। এই বস্তার ভাবগতিক ভাল নয় মোটেই, মেয়ের কাছে এই দুর্ভাবনার কিরিস্তি দিতে লাগলেন তিনি।

কোন উদ্বেগ প্রকাশ করল না সাব্বনা বা একটি কথাও বলল না। মুখের দিকে চুপচাপ চেয়ে রইল।

এক বর্গও কানে ঢোকে নি তার।

স্নান। ঘরের আলো নিভানো। জানালার গরাদ ধরে সূর্যের হাত সাব্বনা

দাড়িয়ে। বাইরে অন্ধকার। আকাশে তারা নেই একটাও। দূরের এক কোণে অন্ধকার ফুঁড়ে বিদ্যুৎ চিকচিকিয়ে উঠছে এক-একবার।

ইচ্ছে করেই নিজের মধ্যে তলিয়ে গেছে সান্ত্বনা। যে স্মৃতি সত্যের পরিহার করেছে বরাবর, নিজেকে দম্ব করে তাই নিঙড়ে নিয়ে আসছে চোখে-সামনে।

—ওর মায়ের সেই স্মৃতি।

...শেষের দিকে পুরোপুরি মাথা খারাপ হয়ে গিয়েছিল মায়ের। মাটির আগুন অষ্টপ্রহর ধিকি ধিকি বৃকে জ্বলত। বোবা ব্যথায় সান্ত্বনা সেই বলসানো মূর্তি চেয়ে চেয়ে দেখেছে। মা নয়, একখানা জ্বলন্ত কঙ্কাল। কাছে যেতে ভয় হ'ত, ছুঁতে ভয় হ'ত। শেষে বৃককাটা তৃষ্ণায়ও এক ফোঁটা জল দিতে পারে নি মুখে। মুখ ঘুরিয়ে নিয়েছে, বলেছে, জল তুই কোথা পেলি?

...জল নেই কোথাও, জল পেলি কোথায় তুই?

...জল নেই, জল নেই, ও জ্বলন্ত আগুন।

—গলানো আগুন ঢালতে এসেছিস তুই আমার মুখে, অঁ্যা? দূর হ'। দূর হ' আমার স্মৃতি থেকে! দূর হ'।

—সেই তৃষ্ণার্ত স্মৃতির ওপর শান্তির সমাধি উঠছিল।—মায়াবিনী এসেছে তারই নিবিষ্টতায় ভাঙন ধরাতে।

দিগন্তে মুহূর্ত বিদ্যুৎ বলসে উঠছে।

—চৌদ্দ—

পরদিন সকাল।

দিনটাই যেন ভয়ে ভয়ে মুষড়ে আছে কেমন। নিস্তেজ মেঘাচ্ছন্ন। অবিরাম বর্ষণের কালে মড়াইয়ে একটা বিষন্ন ছায়া পড়েই আছে। নিরানন্দ, নিরুৎসাহ দিনের গতি।

যেখান দিয়ে সচরাচর মড়াইয়ে নামে সকলে, সে জায়গাটা ছাড়িয়ে ঞানিকটা তকাত্তে গিয়ে একেবারে ধার খেঁষে বসল সান্ত্বনা। প্রতীক্ষা করছিল, বাবা বেরুতে সেও বেরিয়ে পড়েছে। মড়াইয়ে প্রলয়ঙ্কর ঝড় হয়ে গেছে একটা। ওর জীবনেও তেমনি ঝড় এসেছে বা আসছে। মুখে সেই তৃষ্ণার আভাস।

থেকে থেকে ঝড়চোখ মড়াইয়ের ওপর ঘুরে আসছে এক চক্র করে। সন্ধানী দৃষ্টিতে ঝড় কিরিয়ে দেখছে পাহাড়ী রাস্তায় লোকজনের আনাগোনা।

কাছাকাছি এসে যারা ওই উৎরাই ধরে নিচে নেমে যাচ্ছে, তাদের। নিধু বলেছিল সকালে সেই মেয়ে আসবে ড্যাম দেখতে। নরেনবাবুর মতে, চিক ইঞ্জিনিয়ারের এই কাজ এই নিষ্ঠা সব কিছু আজও তুচ্ছ করে ফেলতে পারে যে সে-ই মেয়ে... আসবে কি না কে জানে। এলেই বা কি করবে ও ?

জানে না। তবু এসেছে।

অন্তমনক হয়ে পড়েছিল। হঠাৎ সচকিত হয়ে ফিরে তাকালো। পায়ে পায়ে এই পথেই আসছে সেই ঝকঝকে মেয়ে।...একটাই পথ। এদিক ওদিক তাকালে। খুঁজছে কাউকে বোঝা যায়।

সামান্য চোখে পলক পড়ে না। দুই চোখে তাকে টেনে নিয়ে আসতে চায় কাছে।

গত সন্ধ্যায় নিধুর শেষের কথা ক'টা ঠাস ঠাস করে কানে বেজে উঠল। বলেছিল, বাবু যত কড়া ব্যবহারই করুক, এরকম দেখা-সাক্ষাৎ হলেই আবার সব ভুলে যাবে...বড় সেয়ানা মেয়ে নীলা দিদিমণি...।

নীলাও দেখেছে ওকে। নিম্পৃহ দেখা। মুহূর্তে সামান্য সকল গাঙ্গীর্ষ ভলিয়ে গেল কোথায়। হাত তুলে ইশারায় ডাকল। কাছাকাছি হতে হেসে বলল, আপনি যাকে খুঁজছেন তিনি ও-ও-ই নিচে।

আঙুল দিয়ে দূরে মড়াইয়ের গহ্বরের একটা দিক দেখিয়ে দিল।

অবাক বিস্ময়ে নীলা চেয়ে রইল তার দিকে। আমাকে বলছেন ?

হ্যাঁ, ওই দিক দিয়ে নিচে নেমে যান, এখান থেকে নামতে গেলে পা হড়কে নিচে যখন পৌঁছুবেন, আর দেখতে হবে না।

আরো একটু কাছে এগিয়ে এলো নীলা। দেখল ভালো করে। এরকম ষোণাযোগের জ্ঞান প্রস্তুত ছিল না। হাসতে চেষ্টা করল একটু। আপনি আমাকে চেনেন ?

খুব। ভগীরথবাবুর টেবিলে আপনাকে দেখেছি।

ভগীরথবাবুর টেবিলে। বিস্ময় করল নীলার কণ্ঠে।

কলহান্তে ভেঙে পড়ল সামান্য। নিজের কাণ্ডকারখানায় নিজেই অবাক। দম নিয়ে জবাব দিল, দেশে জল পাঠাবার ব্যবস্থা করছেন ওই যে ইঞ্জিনিয়ার বাদল গাঙ্গুলি—তার টেবিলে।

নীলা বুলল। কিন্তু বিস্ময় কমল না একটুও। বরং বাড়ল। নিজের অগোচরে আবারও দেখল খানিক।—তুমি, মানে আপনি কে ?

সেই হাসি।—আমি ? আমি সামান্য।

সাম্বনা কে ?

যাচ্ছেন তো ভগীরথবাবুর কাছে, তাঁর কাছেই জেনে নেবেন সাম্বনা কে !

যত বিশ্বয় ততো কোঁতুহল। হাসতে চেষ্টা করল নীলাও।—আপনার মুখেই শুনি না সাম্বনা কে ?

হাল্কা কোঁতুকে তার চোখে চোখ রাখল সাম্বনা। খেলনাপাতি গোছের কিছু দেখছে যেন। পরে ঠাণ্ডা গলায় জবাব দিল, নীলা সবলের সয় না, কিন্তু সেই না-সওয়ার দুঃখও পুরুষমাতৃবের সহজে যেতে চায় না ! তখন সাম্বনার দরকার...আমি সেই সাম্বনা। চিনলেন ?

হাসতে হাসতে অগ্ৰ দিকে ঘাড় ফেরালো। লাল হয়ে উঠছে, সেটা গোপন করার জগ্গেই।

সমস্ত মুখ আরক্ত নীলার। দেখছে। তীক্ষ্ণকর্মে জিজ্ঞাসা করল, আমাকে তুমি কতটুকু চেনো ?

বড় করে সাম্বনা একটা নিঃশ্বাস ফেলল প্রথম। পরে মুখের দিকে চেয়ে নিম্পৃহ জবাব দিল, বতটুকু উনি আপনাকে চেনেন।

উনি কে ?

আপনাদের ইঞ্জিনিয়ার সাহেব। একটু খেমে তাকেও সাম্বনা দিতে চাইল যেন, বলল, উনি যেমনই চিহ্নন, আমার কিন্তু কোনো রাগ নেই আপনার ওপর। বরং রোজ আপনাকে একবার করে মনে করি। আপনার কাছে ভদ্রলোক অমন বা খেয়েছিলেন বলেই আজ এমন একটা কাজে মন ঢেলে দিতে পেরেছেন।

ক্রোধে অপমানে ভিন্ন মূর্তি নীলার। সবই জানে মেয়েটা। পায়ের নিচে মাটি ঢুলছে। শব্দ হয়ে দাঁড়িয়ে আবারও খুঁটিয়ে দেখল তাকে। স-ঙ্গেবে বলল, আর সেই সঙ্গে সাম্বনাও পেয়েছেন ?

সোচ্ছ্বাসে মাথা নেড়ে সায় দিল সাম্বনা।

যাবার ক্রান্ত পা বাড়াল নীলা। থামল আবার। চাপা বাঁজে জিজ্ঞাসা করল, কোথায় পাওয়া যাবে তাঁকে বললে ?

আজুল দিয়ে সাম্বনা মড়াইয়ের গহ্বরই দেখিয়ে দিল আবার। পরে আলতো প্রশ্ন করল, কিন্তু আজ আবার কেনই বা যাচ্ছেন তাঁর কাছে ?

‘আজ’ কথাটার ওপর জোর পড়তে ব্যঙ্গের মত শোনালো। নীলা দাঁড়িয়েই রইল।

সাম্বনা বীরেহঁসে বলল, কাল রাতেও গিয়েছিলেন শুনলাম কিনা...তা

কাল বোধ হয় সব বলা হয় নি আপনার। হেসে উঠল।—কিন্তু যেসকল রেগে আছেন দিনেদুপুরে লোকজনের মধ্যে ওটা কি একটা কথা বলার মত জায়গা?

অব্যক্ত রোষে নীলা বিবর্ণ। অন্ত্র কণ্ঠে বলল, তোমার সাহস তো কম নয়।

কি বলছে বা বলেছে, কি করছে বা কি করেছে হুঁশ নেই সাধনার। কিন্তু এটুকু খেয়াল আছে, যে নাটকে হাত দিয়েছে তার শেষটুকু এখনো বাকী। সহাস্ত্রে জবাব দিল, দেশে-গাঁয়ে জলে-জঙ্গলে মাছুষ কিনা...ওটুকুই আছে। ঘুরে বসল, তাকালো সোজাহুজি, হাসি মিলিয়ে গেল। বেশ স্পষ্ট মোলায়েম করে বলল, গুঁর কাছ থেকে একটা জিনিস আপনি চেয়ে নেবেন। গুঁর টেবিলে আপনার যে ফোটোখানা আছে সেইটে। ওটা আমি সরাতে চেয়েছিলাম, কিন্তু উনি সরাতে দেন নি।...পাছে আপনাকে তিনি ভুলে যান, পাছে অমন একটা অবিশ্বাসের ব্যাপার মন থেকে মুছে যায়। নিজে মেয়ে বলেই চোখের সামনে অশ্রু কোনো মেয়েকে এভাবে ছোট করাটা মাঝে মাঝে অসহ্য লাগে... লজ্জাও করে।

হয়েছে। শেষটুকু শেষ হয়েছে এবারে। পায়ে পায়ে পাথুরে রাস্তাটাকে শা দিতে দিতে সবগে চলে যাচ্ছে নীলা। যতক্ষণ দেখা যায় তাকে, বাড়ি ফিরিয়ে দেখল সাধনা। উদ্বেজনা কমে আসছে। সচেতন অবসাদে ভরে উঠেছে। স্থির কঠিন, পাথর-মূর্তি।

অফিস-কোয়ার্টার থেকে গাড়ি ট্রাক নিয়ে গেট হাউসে উঠে যাবে নীলা। কিন্তু অফিস-প্রাঙ্গণে অপ্রত্যাশিত দেখা একজনের সঙ্গে। নরেন চৌধুরী। নীলা দাঁড়িয়ে গেল।

ওকে দেখে নরেনই এগিয়ে এলো। হাত তুলে নমস্কার জানালো।

নিজেকে সংযত করে প্রতি-নমস্কার করল নীলা। একে দেখে মনে মনে অবাক হয়েছে, কিন্তু প্রকাশ পেল না। বলল, আপনিও তাহলে এখানেই কাজ করছেন?

হ্যাঁ, এখানেই পড়ে আছি। আপনি ভালো আছেন?

খুব। সহজ হতে চেষ্টা করছে নীলা।

ড্যাম দেখলেন?

দেখলাম। নীলা লক্ষ করছে ওকে। কলকাতার বাদল গাছুলি মাঝে ছিল বলেই যেটুকু আলাপ এর সঙ্গে। তবু মাছুষটার ধরণ-ধারণ ভালই জানে। দেখা হলে অল্পস্বল্প রসিকতা হ'ত। এখনো প্রায় তেমনি করেই নীলা জিজ্ঞাসা করে বসল, আপনার বন্ধু না হয় এখানে এসে সাধনা পেয়েছেন,

আপনি পড়ে আছেন কোন্ আশায় ?

নিজের অজ্ঞাতে কত বড় ধাক্কা দিয়েছে নীলা জানল না। জানলে খুশি হ'ত। বিমূঢ় নেত্রে নরেন চেয়ে রইল তার দিকে।

দেখছেন কী ?

না, কিছু না। চকিতে সামলে নিতে চেষ্টা করল নরেন। কিন্তু খুব সহজ হ'ল না সেটুকু। ওর কথাগুলো কিম্ব কিম্ব করছে মাথার মধ্যে। বলল, আর একটু খোলাখুলি জিজ্ঞাসা করুন, এ মাথায় হেঁয়ালি ঢোকে না জানেন তো...

নীলা চূপচাপ দেখল দু'চাব মুহূর্ত। খোলাখুলিই জিজ্ঞাসা করল তাব পর, সাস্বনাকে চেনেন আপনি ?

খুব। ..আপনি চিনলেন কি কবে ?

সে নিজেই চেনালে। অনেক কথা বলল আব অনেক কিছু বুঝিয়ে দিল। নীলা থামল আবার, তাকালো সোজাসুজি। মেয়েটা যা বলল সব সত্যি ?

তার বক্তব্য স্পষ্ট। জানতে যা চায় সে-ও স্পষ্ট। তবু দুর্বোধ্য লাগছে নরেন চৌধুরীর কাছে। অনেক কথা কি বলল সাস্বনা, অনেক কিছু কি বুঝিয়ে দিল। ..বন্ধু সাস্বনা পেয়েছে, তাই ? শাস্ত মুখেই জবাব দিল, কি বলল মেয়েটা আর কি বোঝালো না জানলে বলি কি কবে ?

নীলার সহিষ্ণুতা গেছে। উচ্চকণ্ঠে বলে উঠল, না বললে বোঝেন না অমন সাদা মাথাও আপনার নয়, দয়া করে জবাবটা দিন।

তবু জবাব দিতে সময় লাগল নরেন চৌধুরীর। বন্ধু সাস্বনা পেয়েছে কি না সেই জবাব...। অভ্যস্ত কোঁতুকের আবরণ টেনে আনতে চেষ্টা করল মুখে। হাসতে চেষ্টা করল।

প্রচ্ছন্ন ঝাঁজে নীলা আবার জিজ্ঞাসা করল, সত্যি সব ?

এবারে জবাব দিল। বলল, কিছু যদি বলে থাকে সেটা সত্যি, মিছে বলাটা তার স্বভাব নয়।

দৃষ্টি বিনিময়। কয়েক মুহূর্ত।

ধন্যবাদ। দয়া করে একটা গাড়ির ব্যবস্থা করে দিন, ওপরে যাব।

অলস পায়ে কিরে চলল নরেন। একজনকে ডেকে ট্রাক আনতে নির্দেশ দিল।

পাহাড়ী চড়াইয়ের কাছাকাছি আসার অনেক আগেই পা থেমে গেছে সাব্বনার। দাঁড়িয়ে দেখছে নিম্পদের মতো। ট্রাক এলো। অকিস-কোয়ার্টারের পরিয়ে, ভূতুবাবুর দোকান ছাড়িয়ে নীলা এসে উঠল ট্রাকে। ট্রাক চলে গেল। অকিস-কোয়ার্টারের আঙিনায় মূর্তির মত দাঁড়িয়ে নরেন চোঁধুরী।

ট্রাক চলে যেতে ঘুরে দাঁড়াল মাহুঘটা।...সাব্বনাকে দেখল বোধ হয়। চুপচাপ দাঁড়িয়েই রইল।

এ পথটা পেরিয়ে সাব্বনা যাবে কি করে ওপরে, ভেবে পাচ্ছে না। কিছুই ভাবতে পারছে না। কি করছে তাও না, কি করবে তাও না। দাঁড়িয়ে থাকা আরো বিসদৃশ। এগোতে লাগল।

সামনে ভূতুবাবুর দোকান। ভূতুবাবু দরজার কাছে দাঁড়িয়ে। ওকে দেখছে। বিগলিত বদনে হাসছে, যেমন হাসে। মাথা গৌজ করে এগিয়ে আসছে সাব্বনা। গতি শিথিল হ'ল আরো।

চকিতে এক পলক দেখে নিল। দু-পা অগ্রসর হয়ে একটা পাথরের ওপর বসে পড়ল নরেন চোঁধুরী। দু চোখ সোজাহুজি ওর দিকে। সাব্বনার মনে হ'ল হাসছে একটু একটু। সেদিনের সেই নির্মম স্পর্শ এত দূর থেকেও যেন হেঁকে ধরছে ওকে।

রাস্তার এক পাশ ধরে মাথা নিচু করে চলতে লাগল সাব্বনা। মুখ তুলে আর তাকাল না একবারও। ভূতুবাবুর প্রত্যাশিত মুখের দিকেও না। মনে মনে একটা জালা অসম্ভব করতে চেষ্টা করল সাব্বনা। সেই পুরুষ-স্পর্শ নিপীড়নের জালা।

কিন্তু তাও পারছে না। সর্বান্ত অবসাদে ভরা। পা আর চলে না। এত পথ পেরিয়ে বাড়ি যাবে কেমন করে!

“—নীলা হারিয়ে সাব্বনা পেয়েছ। তোমার সাব্বনা আর নরেনবাবুর মুখেই শুনলাম সব। খুশির কথা। কোটোখানা নিয়ে গেলাম। কি জন্তে সবত্রে ওটা চোখের সামনে রেখেছিলে তাও শুনেছি। তুমি বড়। কিন্তু বড়র কি এমন ব্যঙ্গ সাজে? আর বোধ হয় দেখা হবে না। চলি, নীলা।”

অকিস-ফেরত এখনো জামা-কাপড় বদলানো হয় নি বাদল গাছুলির। ডেক্চেয়ারে বসে আছে সেই থেকে। মাঝে মাঝে পড়ছে চিঠিটা। কতবার পড়ল ঠিক নেই।

বেলা তিনটে নাগাদ অকিসে বসেই থবর পেয়েছে একপার্ট কমিটি চলে

গেলেন। নীলা এবং তার বাবাও। বাদল গাঙ্গুলি মন্ত এক দুঃসংবাদ নিয়ে মাথা ঘামাচ্ছিল তখন। উজানে বগা হয়ে গেছে যে চার-পাঁচটা পাহাড়ী নদীতে, তার সর্বনাশা গতি মড়াইয়ের দিকে। চারদিক থেকে সতর্ক-বাণী আসছে। এরই মধ্যে নীলার এমন অপ্রত্যাশিত বিদায়ের সংবাদ। সমস্ত দিন আর অল্প কোনো চিন্তা-ভাবনায় মন বসল না। হার স্বীকার করে শ্রদ্ধার ডালি নিয়ে এলে শত্রুর উপরে রাগ থাকে না। নীলার সঙ্গে বা তার বাবার সঙ্গে কাল বাইরের আচরণ যেমনই হোক, নিরিবিলা অবকাশে আত্মপ্রসাদ লাভ করেছিল। ভবিতব্যের চাকা যেমন করে ঘুরলে বা যতটা ঘুরলে অন্তস্তলের সেই নিবিড় জালা জুড়োতে পারে, ততটাই ঘুরেছে। সকালেই একবার দেখা হবে নীলার সঙ্গে, অবশ্য একটা সঙ্কোপন আশা উকিরুঁকি দিচ্ছিল মনে। বিকেলে কোয়ার্টারএ আসবে এ একরকম ধরেই নিয়েছিল। শুধু নীলা নয়, নেশান বিলভার্স-এর ম্যানেজিং ডাইরেক্টর বিপুল বাড়রীও আসবেন নিঃসংশয় ছিল।

কাজে মন দিতে চেষ্টা করেছিল বাদল গাঙ্গুলি। সময় নষ্ট করার সময় নেই। কিন্তু ধবরটা যেন কাঁটার মত বিঁধতে থাকল খচ-খচ করে। সন্ধ্যার আগে কোয়ার্টারে ফিরে ঘরে ঢুকতেই প্রথম চোখ গেল টেবিলের ওপর। নীলার ফোটা নেই, শূণ্য ফ্রেমটা আছে। আর ওই চিঠি।

বিমূঢ় বিশ্বয় কাটতে নিধুর তলব পড়ল। নিধু জানালো, নীলা দিদিমণি এসেছিলেন, ফোটা নিয়ে গেছেন আর ওই চিঠি লিখে রেখে গেছেন।

গম্ভীর মুখেই সংক্ষিপ্ত বারতা জ্ঞাপন করল নিধু। কিন্তু বাবুর মুখের দিকে চেয়ে ভয়ে ভিতরটা গুরগুর করছে। আধঘন্টার চেষ্টায় বানান করে পড়ে চিঠির মর্ম মোটামুটি সেও উদ্ধার করে রেখেছে বৈকি। পাছে সেটা ধরা পড়ে, পাছে ওর খুশিভাব মনিবের চোখে পড়ে সেই জন্ত সতর্ক, গম্ভীর। কিন্তু এখন সমুখ থেকে সরতে পারলে বাঁচে। রকরকে ফোটা-ফ্রেমটা এবারে একদিন ওর ঘরে ওর টেবিলে গিয়ে উঠতে পারে, সামনে দাঁড়িয়ে সেই গোপন প্রত্যাশাও সম্প্রতি মুছে গেছে নিধুর মন থেকে।

বাদল গাঙ্গুলি চুপচাপ বসে। গত রাত্রিতে নীলা যখন এসেছিল তখন সাধনাও এসেছিল।* চিঠি পড়ার সঙ্গে সেটা মনে হয়েছে। তারপর সেই মেয়ে দেখা করেছে নীলার সঙ্গে। দেখা করে এমন কিছু বলেছে যার অর্থ চিঠিতে অস্পষ্ট নয়, স্পষ্ট। শুধু সে বলে নি, নরেন চৌধুরীও বলেছে কিছু। এমন কিছু যা নীলা বিশ্বাস করেছে। বিশ্বাস করে ওর সঙ্গে একবার দেখা

না করেই চলে গেছে।

অসহিষ্ণু উত্তেজনা আর বসে থাকার গেল না। স্বরময় পাঁচচারি করল বার কতক। থম থম করছে সমস্ত মুখ। বাদল গাঙ্গুলি নয়, চিফ ইঞ্জিনিয়ার সজাগ হয়ে উঠেছে আবার।

নিধুর ডাক পড়ল আবারও। নরেনবাবুকে এখনি খবর দেবার নির্দেশ শুনে নিধু করণ নৈত্রে বাইরের দিকে তাকালো একবার। বাইরে বেশ ঝড় হচ্ছে তখন, পরোক্ষে সেদিকেই মনিবের দৃষ্টি আকর্ষণ করতে চেষ্টা করল নিধু।

চেষ্টা করে ধমক খেল একটা। অগত্যা হুকুম তামিল করতে চলল। আর মনে মনে ঠিক করল, বেকুতেই হবে যখন, নরেনবাবুকে খবর দিয়ে ওভার-সিয়ার দিদিমণির কাছেও ঘুরে আসবে একেবার। নিধুর নিজস্ব বিচার-বুদ্ধিতে নীলা দিদিমণির চলে যাওয়ার খবরটা সেখানেও জানানো দরকার বলে মনে হ'ল।

সকালের ধাক্কাটা নরেন চৌধুরী সামলে উঠতে পারে নি বটে, কিন্তু তার সহিষ্ণুতা অগ্ররকম। ভিতরে যাই হোক, বাইরে প্রকাশ কম। নিরাসক্ত মনোযোগে কাজে ডুবে থাকতে চেষ্টা করেছে। মাঝে মাঝে শিশ দিয়েছে, কানকাঠি বার করেছে পকেট থেকে। ষত বেলা বেড়েছে, সিগারেট পুড়েছে প্রায় দ্বিগুণ। কামাই নেই বললেই হয়।

নীলার চলে যাওয়ার সংবাদ সেও জানে। সকলেই জানে। খবর দিয়ে নিধু চলে যাবার পরেও সে চুপচাপ বসে রইল অনেকক্ষণ। সৃষ্টির কাজে এই প্রাকৃতিক দুর্যোগ-সম্ভাবনা রীতিমত সঙ্কটের কারণ এখন। মাটির সাময়িক অবরোধে-প্রাচীরের ওধারে জল অনেকটাই ফুলে উঠেছে, ফেঁপে উঠেছে, প্রতিদিন বাড়ছে। এ নিয়ে ভাবনা-চিন্তার কারণ যথেষ্ট আছে, আলাপ-আলোচনার দরকার আছে। কিন্তু তবু নিঃসংশয়ে উপলব্ধি করছে নরেন চৌধুরী, এই মুহূর্তের এই ডেকে পাঠানোটা কর্ম-সংশ্লিষ্ট নয়। ডাক পড়েছে ব্যক্তিগত কারণে...

হাতের সিগারেটটা ছুঁড়ে কেলে দিল নরেন চৌধুরী। একটু বাদে অগ্র-মনস্কের মত আবার একটা সিগারেট ধরালো। ছ'চার টান দিয়ে সেটাও কেলে উঠে দাঁড়াল। বন্ধু ডেকেছে। কোনদিন উপেক্ষা করে নি নরেন চৌধুরী। আজও যেতে হবে। শুনতে হবে কি বলে। পরামর্শ দিতে হবে। কিন্তু আজকের এই ডাক কাটা ধারে কাঁটার মত বিধছে।

বাইরের ঘরেই বসেছিল বাদল গাঙ্গুলি। প্রতীক্ষা করছিল। শান্ত, গভীর। ভেজা রেন-কোট গা থেকে খুলতে খুলতে সহজ হাস্যকা করছে নরেন

বলল, কি ব্যাপার! অসময়ে ওপরঅলার জরুরী তলব একেবারে ?

জবাব পেল না। রেন্-কোট একটা কাঠের চেয়ারের কাঁধে ফেলে ওয়াটারপ্রুফ টুপী খুলে তার ওপর রাখল নরেন চৌধুরী। পরে মুখোমুখি বসে পকেট থেকে কমাল বার করে জলের ছাট মুছতে মুছতে তাকালো তার দিকে।

বাদল গাঙ্গুলি স্থির চেয়ে আছে। এবারে কথা বলল। “সংযত নিরুত্তাপ। —অসময়ে ওপরঅলা তলব পাঠাতে পারে সেটা বোধ হয় একেবারে ভুলে গেছ, না ?

নরেন চৌধুরী হতভম্ব। এতকালের হৃদয়তার মধ্যে এমন উক্তি আর শোনে নি কখনো। সেই মুহূর্তে বুঝে নিল, ওকে ডেকে পাঠানো হয়েছে ওরই সঙ্গে একটা বোঝাপড়া হবে বলে।

আন্তে আন্তে জিজ্ঞাসা করল, মনে রাখতে বলছ ?

বলতে বাধ্য হচ্ছি।

বেশ মনে থাকবে। হেতুটা জানতে পারি ?

জবাব না দিয়ে নীলার চিঠিখানা তার দিকে বাড়িয়ে দিল বাদল গাঙ্গুলি। চিঠি নিল। পড়ল। একবার...দুবার। চিঠি রাখল টেবিলের ওপর। তাকালো। বাদল গাঙ্গুলির দু'চোখ তার মুখের ওপর সংবদ্ধ। রুঢ়, কঠিন প্রত্যক্ষ। বলল, এবারে ওপরঅলা কিছু জবাব চাইতে পারে বোধ হয় ?

নিজের অজ্ঞাতে পকেটে হাত ঢোকালো নরেন চৌধুরী। কানকাঠি...না, কানকাঠি চায় না। সিগারেটের প্যাকেট, দেশলাই। সিগারেট ঠোটে ঝোলালো। অগ্নি-সংযোগ করল। একমুখ ধোঁয়া ছাড়ল। তারপর হাল্কা জবাব দিল, কাল সকালে অকিস থেকে নোট পাঠিও, জবাব দেব।

নরেন! দৈর্ঘ্যচ্যুতি ঘটল এবারে।—সব কিছুরই একটা মাত্রা থাকা প্রয়োজন।

সিগারেটে লম্বা টান দিয়ে ধোঁয়া ছাড়তে ছাড়তে আবারও ভেমনি নিম্পৃহ মুখে নরেন বলল, হ্যাঁ, সামান্য একটা চিঠি পেয়ে মাত্রা ছাড়িয়েই যাচ্ছ। কিন্তু কি জন্তে ডেকেছ আমাকে ? কি জানতে চাও ?

নীলাকে তুমি কি বলছ ?

এমন কিছু বলি ক্রিঃ ধীর জন্ত তুমি আমার এভাবে ডেকে এনে এত কথা বলতে পারো।

কোথেকে, অবস্থাসে রক্ততর হয়ে উঠল বাদল গাঙ্গুলির মুখ।—যলো নি ?

না। একটিমাত্র সংক্ষিপ্ত শব্দ নরেন যেন ঠাস করে ছুঁড়ে দিল তার মুখের ওপর।

বাঁদল গাঙ্গুলি খমকে গেল একটু। কিন্তু দুই-এক মুহূর্ত মাত্র। চেয়ে আছে। দেখছে।—নীলা হারিয়ে আমি সাক্ষ্য পেয়েছি, কেমন?

সিগারেট ফেলে চেয়ার ছেড়ে উঠে দাঁড়াল নরেন চৌধুরী। রেন-কোট হাতের ভাঁজে ফেলে টুপি তুলে নিল। পরে পাল্টা নিরীক্ষণ করল তাকে ক্ষণকাল। জবাব দিল, ভেবেছিলাম পেয়েছ। কিন্তু এখন দেখছি, আমারই মত ঘোলাটে বরাত তোমারও।

নিজস্ব হয়ে গেল ঘর থেকে।

বাইরে অবিভ্রান্ত রূটি তেমনি। হনহনিয়ে চলেছে নরেন চৌধুরী। সর্বদা এজে জবজবে। হাতে রেন-কোট আর টুপি।

প্রথম বিপদের সম্ভাবনা দেখা দিল মাটির সাময়িক অবরোধ-প্রাচীর নিয়ে।

এর ফীতি বা প্রতিরোধ-ক্ষমতা কম নয়। বজ্রার বা বর্ষার প্রচণ্ড নিম্ন-মুখী গতি এইখানে এসে থেমেছে। শেকলে বাঁধা কয়েকদীর মত দু'চারটে কৃত্রিম পরিধার পথে এই জলপ্রোত মুক্তির আত্মদান পায় একটু-আধটু। নয়ত এখানে এসে গুমরে গুমরে ফুলে ওঠে।

এই সাময়িক অবরোধ নিয়ে মাথা ঘামায় নি কেউ কোনদিন। এত বড় স্ট্রিট-সমারোহের মধ্যে ওটার ভূমিকা ছিল উপেক্ষিত, অবজ্ঞাত। ওর বাইরে জল বাড়ছে দিনে দিনে। বাড়বে সকলেই জানে।

সাতমহলা বাড়ির পাশে আগাছার মত তিলে তিলে বেড়ে ওঠা পথের ছেলেটা ভাকাত হয়ে যখন ওই সাতমহলা বাড়ির দিকেই দৃষ্টিপাত করে প্রথম, বিভ্রান্ত বিমূঢ় বিশ্বয়ে তখন তাকে চেয়ে দেখে মহলবাসীরা। এ-ও তাই যেন। সাময়িক অবরোধের ওধারে দিনে দিনে জল ফেঁপে উঠছে, ফুলে উঠছে—সকলেই দেখছে। কিন্তু তেমন করে লক্ষ্য করে নি কেউ। একটানা দুর্যোগে ভ্রাম্যের কথা নিয়েই মাথা ঘামিয়েছে সবাই। কিন্তু বজ্রার অঘটনে সকলের সব চোখ আর সচকিত মনোযোগ এসে পড়ল এই দিকে।

এই বিশাল মাটির অবরোধ এমনিতে টলবে না একটুও। কিন্তু জল বেতাবে ফেঁপে উঠছে, যদি ওটা ছাড়িয়ে উঠতে পারে, তাহলে অবধারিত। সেই সঙ্কটান্বিত এখন। জল এখন আর ওটার কাঁধ থেকে নিচে নয় খুব।

কি করবে? কৃত্রিম পরিখাগুলো খুলে দেবে? যতক্ষণ সম্ভব তাই করা হয়েছে। আর সেটা সম্ভব নয়। গ্রামকে গ্রাম ভেসে যাবে তাহলে। এমনতিতেও যেতে পারে, কিন্তু স্বাস যতক্ষণ, আশা ততক্ষণ। আর বন্যার তোড় তেমন বাড়লে ওই করেই বা কি হবে। দুমিকের পাহাড়ে বাধা পেয়ে অবরুদ্ধ জল ফেঁপে উঠবেই ওপরের দিকে।

একটি মাত্র পথ আছে। একটি মাত্র চেষ্টা করা যেতে পারে। মাটির ওই বিশাল অবরোধ উচু করো আরো। পাথর ঢালো, বালির বস্তা ফেলো, মাটি ঢালো। যেখানে ভাঙনের সম্ভাবনা সেখানেই ঢালো মাটি, ঢালো পাথর, ফেলো বালির বস্তা। রাতারাতি উচু করো অবরোধ-প্রাচীর। কোনো দিক দিয়ে আসতে দিও না ওই অবরুদ্ধ জল।

ক্ষিপ্ত উত্তেজনায় বাদল গাঙ্গুলি ড্যামের সমস্ত জনশক্তি নিয়োগ করলে এদিকে। আরো আগেই করা উচিত ছিল। আরো আগেই করত। আকাশ বাতাসের বিরুদ্ধাচরণ শুরু হয়েছে আজ নয়, অনেক—অনেকদিন ধরে। এরকম প্রবল বজ্রা-সঙ্কট অভাবনীয়। কিন্তু এমন দীর্ঘকালের দুর্যোগে তাও ভাব উচিত ছিল। বিশেষ করে পাহাড়-ঘেরা অঞ্চলের প্রাকৃতিক বিপদ যেখানে এরকম। প্রথম যখন বন্যার খবর আসে তখন থেকে এদিকে প্রস্তুত হলেও কটা দিন হাতে পেত। হয় নি, কারণ, এক্সপার্ট কমিটির আসন্ন সফর চিফ ইঞ্জিনিয়ারের অন্তর্দৃষ্টি আচ্ছন্ন করে রেখেছিল। তাদের আসার দিনকতক আগে থেকেই অবিরাম একটা কল্লিত বিরোধের সঙ্গে যুদ্ধতে হয়েছে তাকে।

...আর তার পরেও দুটো দিন কেটেছে এক মর্মচ্ছেদী বিভ্রান্তির মধ্যে, আত্মবিস্মিত বিহ্বলতার মধ্যে। এই সঙ্কটে দুটো দিনের কর্মশৈথিল্যও কম কথা নয়। প্রতিটি দিন, প্রতিটি ঘণ্টা দুমূল্য এ সময়ে।

ঢালো মাটি! ঢালো পাথর! ফেলো বালির বস্তা! উচু করো—যত পারো উচু করো ওই অবরোধ! যত লোক আছে আনো এদিকে! পরিবহন যন্ত্রগুলো সব লাগাও এ কাজে।

ক্ষিপ্ত কাজের তাগিদে গোটা মড়াইবুদ্ধ লোক সচকিত হয়ে উঠল আবার। কাজ চলল সমস্ত দিন, সমস্ত রাত। রাতের মধ্যে, দুর্যোগের মধ্যে। ছোটখাটো দুর্ঘটনা ঘটতে লাগল আবার একটা দুটো করে। কিন্তু তা নিয়ে শোক করার সময় নেই কারো। শ্রমের পরে হবে। কে গেল কে থাকল তার হিসেবনিকেশ পরে হবে। ঢালো পাথর। ফেলো বালির বস্তা। ঢালো মাটি।

কিন্তু এর মধ্যেও ক্রোধে এবং দুর্বীর আক্রোশে মাঝে মাঝে তরু হৈছে

পড়ছে বাদল গাঙ্গুলি।...এই সব কিছুই জগ্গেই যেন দায়ী ওই মেয়ে...ওই ওভারসিয়ারের নগণ্য এক মেয়ে। যে ওকে বিব্রান্ত করেছে, বিহ্বল করেছে। চক্রান্ত করে বিচ্ছেদ ঘটবে নীলার সঙ্গে। এতকালের বন্ধুত্বের অবসান ঘটিয়েছে নরেন চৌধুরীর সঙ্গে।

নীলা এসেছিল নত হয়ে, এসেছিল চীৎকার ইঞ্জিনিয়ারের জয়ের আর গোববের স্বীকৃতি নিয়ে। এত দিন শুধু এরই প্রতীক্ষায় ছিল বাদল গাঙ্গুলি। এই জয়ের আর এই গোববের। এই সমর্পণের। শুধু এরই জন্ম বা কিছু, সব কিছু। বাদল গাঙ্গুলির মনে হ'ল, অপরিসীম স্পর্ধায় তার এত দিনের সব সাধনাই যেন নিষ্ফল করে দিয়েছে তারই অধীনস্থ সামান্য এক কর্মচারীর মেয়ে।

অধীনস্থ সামান্য কর্মচারীর এই মেয়েটিই দিনে দিনে অসামান্য হয়ে উঠেছিল তার চোখে, এই কোভের মুহূর্তে সেই দুর্বলতা বিশ্বত হয়েছে সম্পূর্ণ। তার মরুবার্থ যান্ত্রিক জীবনে সবুজের বোমাঞ্চ নিয়ে আসছিল এই সামান্য মেয়েই, সে-ও আর মনে নেই। ডায়ের প্রতি এই সামান্য মেয়ের তনয় আকর্ষণ আর তার সহজ উচ্ছল প্রাণ-প্রাচুর্য কত দিন আনমনা করেছে তাকে, আজকের নির্মম রোষে সেই স্মৃতি তলিয়ে গেছে। মাসির বাড়িতে অই সামান্য মেয়েটি দু'মাস গিয়েছিল যখন, কাজের নিবিষ্টতার মধ্যেও মড়াই তখন নীরস লাগত মাঝে মাঝে, আজ সে সত্য স্বরণাতীত। আর, নিরিবিলা অবকাশে এই সামান্য মেয়েকে ঘিরেই একদিন যে এক অবাস্তব কথা মনে জেগেছিল—ভারি শুলি হ'ত তার মা এই মেয়েটিকে দেখলে—সেই অহুভূতিও এখন নিশ্চিহ্ন।

এত বড় প্রাকৃতিক অঘটন সম্ভাবনার প্রতিরোধ-ব্যস্ততা এবং দুশ্চিন্তার ফাঁকে ফাঁকে এখন শুধু একটি মাত্র কঠিন প্রতীক্ষার স্তব্ধতা।

...নির্মম এক বোঝা-পড়ার প্রতীক্ষা।

দিন-দুই একরকম আচ্ছন্নের মত কেটে গেল সাধনার। কিছুই ভাবল না, কিছুই ভাবতে পারল না। সারাক্ষণ একটু ঘুম-ঘুম ভাব। অথচ ঘুম যে আসে খুব তাও না। ভাবনা-চিন্তা সব বাতিল করে দিয়েছে। পরে ভাববে, পরে চিন্তা করবে। আজ নয়, আর একদিন। অন্য একদিন। অন্য কোন দিন।

কিন্তু দু'দিন বাদেই এ ভাব কেটে গেল। গা'ঝাড়া দিয়েই নড়েচড়ে সভাগ হ'ল। নিজের মধ্যে আবারও যেন সেই দুর্গম রহস্তের সন্ধান পেল। অস্তিত্বের সেই দ্বিচিত্র-রূপিনীকে সামান্যসামান্য দেখল যেন। মড়াইকে আসার পর দিনে

দিনে, বহু পরিস্থিতিতে, বহু অসুস্থ-প্রতিকূলতার মধ্যে, বহুজনের দৃষ্টিপথে বারংবার চোতনার উন্মেষ। এতদিন শুধু আভাস পেয়েছে, উপলব্ধি করেছে আর রোমাঞ্চিত হয়েছে। সাহস করে একেবারে উদ্ঘাটন করে দেখে নি নিজেকে, অনাবৃত করে দেখে নি। এবারে দেখল। আর উপলব্ধির জোয়ার উপড়ে উঠতে লাগল।

কি আবার ভাববে? কি চিন্তা করবে?

যা করেছে ও-ই করেছে, ও-ই শুধু করতে পারে।

দেশবিদেশের খবর রাখে না সাব্বনা। ইতিহাসের নজির জানে না। বিপুল নারী-মহিমা বত ইতিহাসে গড়েছে আর কত ইতিহাস ভেঙেছে তার জানা নেই। কোথায় কত দেশের কত মানচিত্র বদলে দিয়েছে জানা নেই। কিন্তু ওর সমস্ত সত্তার সেই শাখত গরবিণীকেই যেন অহুভব করছে থেকে থেকে। আনন্দে, আত্মপ্রাচুর্যে ভরে ভরে উঠেছে।

ভাবনার আবার কি আছে? চিন্তারই বা আছে কি? সব ভাবনা-চিন্তার অবসান তো করেই কৈলেছে।

ও-ই করেছে, ও-ই পেরেছে।

প্রাকৃতিক অঘটন সম্ভাবনার খবর কানে আসছে। সকলের ভাবনা চিন্তা আর উত্তেজনার আভাস পাচ্ছে। কিন্তু এ আর তেমন বড় করে দেখছে না সাব্বনা। ওর অন্তরের অহুভূতির সবল জোয়ারের বেগ ওই বজ্রার থেকে কম নয়। প্রকৃতির মধ্যে বাস করছি, তার অঘটন ঠেকাব কি করে? সে আসবেই। আবার বাঁচার তাগিদে মাহুযই তাকে প্রতিরোধ করবে। যেমন করে পারে ঠেকাবে তাকে। ঠেকাবেই। নইলে আজ ড্যাম হ'ত এখানে? হ'ত?

সাব্বনার গর্ব আর ধারণা, প্রাকৃতিক বিপর্যয়ের থেকেও অনেক, অনেক বড় বিপর্যয়ের সম্ভাবনা প্রতিরোধ করেছে ও নিজে। একা। সৃষ্টি-কাজের নিষ্ঠার কাটল ধরতে দেয় নি। একদিনের জ্ঞানও বজ্রনাশ হতে দেয় নি।

থেকে থেকে উসখুস করতে লাগল কেমন। একবার গেলে কেমন হয়?

গেলে কেমন হয় কি! যাবেই তে। এটুকু বাকী বলেই এরকম লাগছে... কি না জানি করছে মাহুযটা। কি জানি ভাবছে।

হাসি পেয়ে গেল সাব্বনার। বেচারী...

কিন্তু সত্যি জুটুক না তা বলে। ভিতরে ভিতরে সেই সবল নিশ্চিন্ততা বোধ...শেষ পর্যন্ত মাহুযটার লোকসান হবে না এক কণাও। সব লোকসান পুরিয়ে দেবে ও।

এবারে হেসেই ফেসল সাধনা। নিজের উদ্দেশ্যেই জুটুটি করে উঠল একটু।
 বাবার কথা মনে হতেই চনমন করে উঠল। এতটুকু সন্কোচ নেই আর।
 পুরুষ-সম্মিধানজনিত সব সন্কোচ আর ভয় ঘুচিয়ে দিয়েছে আর একজন। নরেন
 চৌধুরী। মনে হতেই বিম্বনা হয়ে পড়ল একটু। অল্পকম্পার ছায়া নামল মুখে।
 ...বেচারী।

সন্ধ্যা-জ্যেগে-ওঠা এই আত্মপ্রাচুর্যে ওর কাছে নরেন চৌধুরীও বেচারী পর্যায়
 গিয়ে পড়ল আজ। কিন্তু তার জন্ম ভারী নিঃশ্বাস পড়ল একটা। আর তার
 ওপর কোন অভিযোগ নেই সাধনার, কোন বিদ্বেষ না।

...তার লোকসান থেকেই গেল।

সন্ধ্যা হয়ে গেছে। আকাশে সেই একটা দুর্ঘোষ। ক্ষণেক ধামছে, ক্ষণেক
 ঝরছে। ...মরুক গে, ও বেরুবেই আজ। জলের ভয় আবার কবে করেছে।
 চারটে দিন কেটে গেল কোথা দিয়ে। কাপড় জামা বদলে নেবার জন্ম ব্যস্ত-
 সমস্ত ভাবে দাওয়া ছেড়ে ঘরে ঢুকল। বাবার বকুনির ভয় নেই আপাতত।
 বগা-সবুজের চাপে পড়ে কখন কত রাতে বাড়ি ফেরেন ঠিক নেই।

ঘরে এসে দু'চার মুহূর্ত ভাবল কি। আটপোরে বেশবাসেই বেরোয়
 সর্বদা। বছরান্তে মাসির দেওয়া ভালো শাড়িগুলোতে মড়াইয়ের আলো
 বাতাস লাগে নি। কিন্তু জলেকান্দায় নষ্ট হতে পারে। হোক গে। আলমারি
 খুলে পোশাকী শাড়িগুলো থেকে মোটামুটি সাধারণ গোছের একটা টেনে
 বার করল। তবু লজ্জা-লজ্জা করছে।

আয়নার সামনে দাঁড়িয়ে সংক্ষিপ্ত প্রসাধন সেরে নিতে লাগল। দুই
 ঠোঁটের ফাঁকে হাসির আভাস। চোখ দুটো চকচক করছে নিজের দিকে চেয়ে।

কিন্তু চকিতে কি মনে হতে শুরু অসাড় হয়ে দাঁড়িয়ে রইল খানিক। মনে
 হ'ল আয়নায় ওর ওই চোখের মধ্যে যেন চাঁদমণির সেই আগের দিনের হাসি
 ফুটে উঠেছে, আর ঠোঁটের ফাঁকে চাঁদমণির লাস্য। ...আর একদিনও চাঁদমণির
 কণ্ঠস্বর শুনেছিল নিজের কণ্ঠে। পাহাড়ের সেই সর্বনাশা নিরিবিবিলিতে যেদিন
 নরেনকে ডেকেছিল ওর পাশে পাথরে এসে বসতে।

তাড়াতাড়ি আয়নার কাছ থেকে সরে গেল সাধনা।

অন্ধকার নির্জন পথ ধরে যেন কোয়ার্টারস-এর দিকে চলেছে। চাপা হাসি-
 টুকু চাপতে পারছে না এখনো। নরেনের একদিনের টিপ্পনী মনে পড়ে।
 যেদিন এই মড়াইয়ের পাহাড়ে সবই সম্ভব বলে ঠাট্টা করেছিল। কিন্তু না,
 এই লোকটির কথা এখন অস্বস্তি একবারও ভাবতে চায় না। চলার গতি বাড়িয়ে

দিলে সাধনা। কোঁটা কোঁটা জল পড়ছে। মেঘ ডাকছে গুড় গুড় করে বিদ্যুৎ চমকচ্ছে। রাস্তায় হাঙ্গি ভিজে নেয়ে ওঠে, তাহলে আর যাবে না ভিজতে ভিজতে সটান বাড়ি ফিরবে আবার। মিটি-মিটি হাসছে সাধনা। চাঁদমণি উকিঝুঁকি দিচ্ছে আবার। আগের দিনের চাঁদমণি। মেয়েটা যেন সেই থেকে মত্ত জপছে কানে। যৌবনের মত্ত। মনকে শাসন করতে গিয়ে হার মেনে হাল ছাড়ল সাধনা।

বাংলো অন্ধকার। কারো সাড়াশব্দ নেই। বাইরের ঢাকা বারান্দায় উঠে-মুহু গলায় ডাকল, নিধু।

সাড়াশব্দ নেই ক্ষণকাল।

সাধনা চমকে উঠল। অন্ধকার সইয়ে চোখ টান করে দেখল, কোণেব ইজি-চেয়ারে শুয়ে আছে ভদ্রলোক। শুয়ে ঠিক নেই, ঘাড় ফিরিয়ে দেখছে তাকে।

সাক্ষাৎকারটা এরকম হবে বলে প্রস্তুত ছিল না সাধনা। কিন্তু যে মেজাজে এসেছে সামলে নিতে সময় লাগল না। অক্ষুট স্বরে হেসে উঠল।—ওমা, আপনি! এই অন্ধকারে ভূতের মত বসে যে? মন ধরাপুঝি?

মনে মনে এই মেয়েব সঙ্গেই যে চরম সাক্ষাতের প্রতীক্ষা করছিল বাদল গাঙ্গুলি, সেটা আজই হবে ভাবে নি। কিছুক্ষণ বিশ্রামের পর আবার রাতের কাজ পর্ববেক্ষণে বেরুবার কথা। তেমনি ঘাড় ফিরিয়ে অন্ধকার ঠেলে চেয়ে রইলো। তার পর মুহূগন্তীর গলায় জিজ্ঞাসা করল, তুমিই বা এ সময়ে এখানে কেন?

সহজ তরল গলায় সাধনা বলল, নরেনবাবু হলে বলতেন, পেঙ্গীর মত এখানে কেন?

কয়েক মুহূর্ত।—তোমার নরেনবাবুর সঙ্গে আমার কিছু তফাৎ আছে সেটাই বুঝতে তোমার এখনো বাকী আছে!

আগে এর সামনে চেষ্টা করে তবে সহজ হয়েছে সাধনা। কিন্তু এখন চেষ্টার কোনো বালাই নেই। অন্ধকারে মুখ ভালো দেখতে পাচ্ছে না। তেমনি হালকা জবাব দিল, নেই বলেই তো ভাবনা।

এক বলক বিদ্যুৎ যেন গোটা বাংলাটাকে ঝলসে দিয়ে গেল একবার। কড়কড় শব্দে মেঘ ডেকে উঠল। সাধনার উৎফুল্ল উৎসেগ কানে এলো।—বাবা রে বাবা, কি ঘটনা! গোটা আকাশটাকেই ভাঙবে যেন!

ইজিচেয়ার থেকে আন্তে আন্তে উঠে দাঁড়াল বাদল গাঙ্গুলি। বেশ কাছে এসে দেখল ওকে। পরমা ঠেলে ধরে ঢুকে আলো জালল। সাধনাও পায়ে ধরে এসে দাঁড়াল। চাঁপা হাসিতে জল জল করছে সমস্ত মুখ।

ধীর গভীর মুখে বাদল গাঙ্গুলি বেশ করে নিরীক্ষণ করে দেখল। আজকের এই অন্ন সাজটুকুও চোখ এড়াল না। হঠাৎ যেন সে এক হিংস্র আকর্ষণ অনুভব করতে লাগল ভিতরে ভিতরে।

নিধুর খোঁজে এসেছিলে ?

আলোয় এসে এবং মানুষটার মুখের দিকে চেয়ে সাস্থনা থমকে গেল একটু। অন্তর-চেতনার গরিমা সবেও কেমন মনে হ'ল, নিধু বাড়ি নেই কিন্তু থাকলেই ভালো হ'ত। তবু জবাবে উদ্বেগ প্রকাশ পেল না একটুও। বলল, নাঃ, এসেছিলাম নিধুর মনিবের খোঁজেই—

কেন ? কঠিন দৃষ্টিতে বাদল গাঙ্গুলি দেখছে চেয়ে চেয়ে।

একটু এগিয়ে খাটের বাজু ধরে বসে পড়ল সাস্থনা। বড় করে নিঃশ্বাস ফেলল একটা। বসতে তো বলবেন না, তবু বসি।...এসেছিলাম দেখতে, এই মন-টন খারাপ কি না আপনার, যে দুর্যোগ চারিদিকে। হেসে উঠল, কিন্তু এসে ভালো করি নি দেখছি, আপনার ভাবগতিক সুবিধের লাগছে না।

নিঃসন্দেহে বুঝে নিয়েছে ও, নীলার চলে যাওয়ার হেতু যে করেই হোক জেনেছে মানুষটা। নইলে এরকম ব্যবহার করত না। আর জেনেছে বলেই সঙ্কোচের আগল আরো ভেঙে গেছে সাস্থনার।

ওর দিকে চেয়ে চেয়ে সেই হিংস্র আকর্ষণটা বাড়ছে বাদল গাঙ্গুলির। উদ্ভ্র হয়ে উঠছে। কিন্তু বিন্মিতও হচ্ছে কম নয়। এই মেয়েকেই মড়াইয়ে দেখে এসেছে এতদিন। ওই চোখ ওই মুখ ওই হাসি ওই কথায় সরোষে যে পশু জাগছে ভিতরে ভিতরে, তাকে দমন করে কাছে এসে দাঁড়াল।

নীলার সঙ্গে তোমার দেখা হয়েছিল ?

সেই হাসি আর সেই সচেতন কৌতুক-মাধুর্য সাস্থনার চোখে-মুখে। এ ছাড়া অল্প পথও নেই। জবাব দিল, শুধু দেখা। দেখা হয়েছে, আলাপ হয়েছে, কত কথাও হয়েছে—আপনি তো আর আলাপ করিয়ে দেন নি।

কি বলেছ তাকে ?

কত কি বলেছি। কেমন করে ড্যাম তৈরি হচ্ছে, কোথা দিয়ে কি ভাবে কত বেশে জল বাবে, কত জায়গার দৈন্ত ঘুচবে—

সাস্থনা।

হুম কখন।

তোমার বাবার কাছে আর তোমার নরেনবাবুর কাছে আগে বেশ ভালো করে জেনে নিও, আমি তোমার ঠাট্টার পাখি নই।

মড়াই ড্যামের ওভারসিয়ারের মেয়ে আসে নি চিক ইঞ্জিনিয়ারের কাছে। আজ ও চেনেও না সেই মেয়েকে। আজকের সাত্বনা স্ব-মহিমায় বিভ্রান্ত নিজেই। ঈশ্বর স্নেহে জবাব দিল তৎক্ষণাৎ, জানি—তারা আপনার কাছে চাকরি করেন সেই জ্ঞান আপনার খুব টনটনে। উঠে দাঁড়াতে গেল।

হ্যাঁ, খুব। একেবারে কাছে ঝুঁকে এলো বাদল গাছুলি। দুই হাতে তার কাঁধ ধরে বসিয়ে দিল আবার। তার পরেও হাত সবালো না কাঁধ থেকে।

—নীলাকে কি বলেছ?

এই কচ সান্নিধ্যেও সহসা বিচলিত হ'ল না সাত্বনা। রয়ে-সয়ে জবাব দিল, বলেছি নীলা সকলের সয় না।

কিন্তু মাহুঘটার চোখের সঙ্গে ওর দুই চোখ ভালো করে সংবদ্ধ হতেই এক ফুঁয়ে নিভে গেল যেন।

...এই চোখ, এই হিংস্র পিচ্ছিল চকচকে দুই চোখ ও কোথায় দেখেছে এর আগে! কোথায়? কোথায়?

ছাইয়ের মত ক্যাকাশে হয়ে গেল সমস্ত মুখ। মড়াইয়ে রণবীর ঘোষের নাকের ডগা থেকে নীল চশমা সরে যেতে ওই চোখ দেখেছিল, এই দুটি দেখেছিল আর ওই অজগর-লেহন দেখেছিল। আচমকা একটা বা খেয়ে সহসা কঠিন বাস্তবে ফিরে এলো ওভারসিয়ারের মেয়ে। নারী-মহিমার এত গর্ব বিলীন হয়ে গেল।

উঠতে গেল আবারও, হাত ছাড়াতে চেষ্টা করে অক্ষুট কণ্ঠে বলল, ছাড়ুন— ছাড়াতে পারল না। দুই হাতের দশটা নির্দয় আঙুল ক্রমশ ওর কাঁধে বসে যাচ্ছে।

সংঘর্মের বাঁধভাঙা স্পর্শ-সান্নিধ্যে দাঁড়িয়ে বাদল গাছুলি দেখছে ওকে। দেখছে না, গ্রাস করছে। বিশ্বস্তি, বিশ্বস্তি, বিশ্বস্তি। বিশ্বস্তির তিমির পিপাসা-হিংস্র পিপাসা। বস্ত্র-কবলিত মড়াই ড্যামের সংকট ভোলায় বিশ্বস্তি, জীবনের সকল বার্থ প্রতীক্ষা অবসানের বিশ্বস্তি, সব নিষ্ফলতা উজাড় করে দেবার বিশ্বস্তি।

আর, এই চিন্তাবিজ্ঞানের পথে...এই বিকল পরিণামের পথে ঠেলে দিয়েছে যে, তার নিজেকে নিঃশেষ করে দেওয়ার নির্দয় বিশ্বস্তি। ক্রুর বিনিময়ের বিশ্বস্তি।

বলল, কেন? সীল সয় না, থাকে সয় সে-ই তো এসেছে এই রাতে এই জলে এই ছুঁয়োগে?

এই রাতে এই জলে এই ছুঁয়োগেই এসেছিল বটে। আর, এভাবে ফিরে ফাঁবার জন্তেও আসেনি। এসেছিল সগর্বে নিজেকে প্রকাশ করতে, প্রতিষ্ঠিত

করতে। এসেছিল আকর্ষণ করতেও। কিছু দিতে আর কিছু নিতে। কিন্তু এ কি দেখছে সাধনা! কাকে দেখছে! কাঁধের ওপর দু'হাতের চাপ বাড়ছে। সর্বান্ন কাঠ।

...এর থেকে অনেক, অনেক কঠিন স্পর্শ সহ্য করেছিল আর একদিন আর এক পুরুষের। হাড়-পাঁজর-হৃদয় টনটনিতে উঠেছিল তার নির্মম নিষ্পেষণে। কিন্তু সেই বেদনার মধ্যেও মুক্তির স্বাদ ছিল কিছু, যাতনার মধ্যেও ছিল এক মুক্তির শিহরণ।

কিন্তু এই দুই চোখে শুধু অপমান লেখা।

শুধু ক্রুর অভিলাষ।

এই স্পষ্ট যাতনায় শুধু বিষক্রিয়া।

জোর করে দুই চোখ তুলে সাধনা একটা লোলুপ আক্রমণ যেন প্রতিরোধ করে রাখল খানিকক্ষণ। পরে আস্তে আস্তে বলল, আমার ভুল হয়েছে, ছাড়ুন। আপনাকে ধরে রাখার জন্য আমাকে দরকার ছিল না, যে কেউ পারত...।

শুধু তাই নয়। এই প্রথম বোধ করি মনে হ'ল, এই ডায়ের জগতও একে ধরে রাখার দরকার ছিল না। যে কেউ পারত, যে কেউ পারে।

উগ্র উত্তেজনার মুখেও থমকে গেল বাদল গাঙ্গুলি।

ঠাণ্ডা নিশ্বাস কখা ক'টা কানে যেতে আবার একটা ধাক্কা খেয়ে সচেতন হ'ল। নিজের বাসনার বীভৎসতাই দেখতে পেল যেন। চোখের দৃষ্টি বদলাতে লাগল। হাতের চাপ শিথিল হতে লাগল।

কাঁধ থেকে হাত সরিয়ে নিল। মস্তুর পায়ে একটা চেয়ার টেনে বসল।

দু'চার মুহূর্তের নিঃসীম স্তব্ধতা। নিজের অজ্ঞাতে সাধনা উঠে দাঁড়াল। বাবে।

বোসো।

প্রায় আদেশের মত শোনাল।

সাধনা বসল যন্ত্রচালিতের মত।

খানিক নীরব থেকে আবার সেই একই প্রশ্ন করল বাদল গাঙ্গুলি, নীলাকে কি বলেছ?

হু চোখ মেলে তাকালো সাধনা। বীর, শাস্ত। মূহু স্পষ্ট জবাব দিল, কি বলেছি সে তো আপনি ভালই বুঝেছেন!...তাকে আমি বলি নি কিছু, শুধু আমি ভাবিয়েছি এখান থেকে।

কেন ?

তেমনি নিম্পলক চেয়ে আছে সান্না, খেয়াল নেই। আচ্ছন্ন, নিরাসক্ত, ভাবলেশহীন।—কারণ, আপনার কাজের থেকেও নীলা আপনাকেই বড় করে দেখে তাই। কারণ, নীলা আবারও পারে আপনার চোখ ধাঁধিয়ে দিতে তাই। কারণ, আপনার পুরুষকারের ওপর আমার বিশ্বাস নেই তাই। কারণ, আপনার ওই শোক-মোহ ভেঙে গেলে এই কাজের মোহও ভেঙে যেতে পারে তাই।

বাদল গাঙ্গুলি নির্বাক ঋনিকরণ। অল্পভোজিত কথাগুলো ঠাণ্ডা স্পর্শ হয়ে কানে বাজতে লাগল। কিন্তু একটু বাদে উষ্ণও হয়ে উঠল আবার। গম্ভীর স্নেহে বলে উঠল, কাজের মোহ আমার।

নয় তো কি ? আপনি এত বড় একটা কাজ নিয়ে মেতে উঠেছেন লোকের দুঃখ আর দুঃদশা দেখে ?

জবাব পেল না। প্রত্যাশাও করল না। তেমনি আত্মবিস্মৃত শান্ত কণ্ঠে একটিনা বলে গেল, অনেক আশা ছিল আপনার, সে আশা মেটে নি। বড়লোকের দরজায় ঘা খেয়ে, আপনি এখানে এত বড় একটা জিনিস গড়ে তুলতে চেয়েছেন শুধু তারই জবাব দিতে। এত বড় ডায়ের কণায় কণায় শুধু তারই জবাব লিখে রাখতে চেয়েছেন। মোহ নয় তো কি ! মাহুঘের দুঃখকষ্টের কতটুকু দেখেছেন আপনি...কতটুকু জেনেছেন...

বাইরে ঝুটি চেপে এসেছে আবার। মেঘ ডাকছে ঘন ঘন। সান্না নৃতির মত বসে। কথাগুলো যেন ও বলে নি, আপনি নিঃস্বত হচ্ছে।

দু চোখ আবারও ধরধরে হয়ে উঠল বাদল গাঙ্গুলির।—আমার এই কাজের মোহ যাতে না ভাঙে, শুধু সেই জগ্গেই নীলাকে তুমি মিছে কথা বলে এখান থেকে তাড়িয়েছ তাহলে ?

নিরুত্তর। অতি কষ্টে বড় একটা ধাক্কা সামলে নিচ্ছে বোঝা গেল। বাদল গাঙ্গুলি অপেক্ষা করছে। দেখছে চেয়ে চেয়ে। মাহুঘের দুঃখকষ্টের চিন্তায় দিনরাত তোমার ঘুম নেই, কেমন ?

কিন্তু এই রুক্ষতা এবারে আর স্পর্শ করল না, আস্তে আস্তে আবারও যেন সেই সমাহিত ব্যবধানে চলে গেল সান্না। রূঢ়তা সত্ত্বেও বিশ্বাসের শেষ নেই বাদল গাঙ্গুলির। ~~কিন্তু~~ মেয়েকে আর দেখে নি কখনো। কেউ দেখে নি।

কিছুক্ষণ। ~~অনেক~~কক্ষণ। অক্ষুট কণ্ঠে জবাব দিল সান্না, দিনরাত ঘুম নেই।...জলের অভাবে একটা দেশকে-দেশ কি করে পানান হয়ে যায়...সেই

আপনি ভাবতেও পারবেন না। যুগ যুগ ধরে ওই মাটির নিচের আগুন বৃকে টেনে তিলে তিলে যারা শেষ হয়ে গেছে তাদের সে মূর্তি আপনি কল্পনাও করতে পারবেন না।

সেই স্মৃতির অব্যক্ত বেদনায় আরো নিশ্চাণ, আরো মৃদু শোনাচ্ছে। যন্ত্রের মধ্য দিয়ে আসছে যেন কথাগুলো।—সময়ে একটুখানি জলের জন্তু ভগবানের পায়ে মাথা খুঁড়েছে তারা, আর্তনাদ করে গলা দিয়ে রক্ত তুলেছে, শাস্ত্র মেনে সংস্কার মেনে রক্ত-জল-করা শেষ পূজি ওই মাটিতে ঢেলেছে মাটির আগুন ঠাণ্ডা করতে।...আমি দেখছি...আমি যে তাই দেখছি চেয়ে চেয়ে...

অক্ষুট কান্নায় শোনা যায় কি যায় না। দুই চোখ জলে ভরে উঠেছে। ধামল একটু। ঝাপসা দৃষ্টি প্রসারিত করে তাকালো সামনের মানুষটার দিকে। বলল, আরো দেখছি।...আমার ঠাকুরার আর আমার মায়ের জীবন্ত প্রেমমূর্তি দেখছি। ওই মাটির আগুনে অষ্টপ্রহর ধিকি ধিকি জলে তাদের পাগল হতে দেখছি। কারো ওপর তাদের এতটুকু নালিশ ছিল না কোনদিন। কিন্তু আমার ছিল। তাই যেদিন আপনারা জল নিয়ে আসছেন গুনলাম, সেই দিন থেকেই ঘুম নেই আমার। আমি শুধু ভাবতাম, বাঁচার তাগিদে মানুষ আব ভগবানের পায়ে মাথা খুঁড়ে মরবে না...মানুষের বুক আর দাঁড় দাঁড় করে জ্বলবে না কোনদিন।

বাইরে রুষ্টি, ঝঞ্ঝা। কিন্তু ঘরে যেন বাতাস বইছে না। চিত্রাৰ্পিতের মত বসে আছে বাদল গাঙ্গুলি। চেয়ে আছে বিমূঢ় নেত্রে। কাকে দেখছে, কার কথা শুনছে হুঁশ নেই।

একটু থেমে সাধুনা একটা উদ্গত অহুভূতি সামলে নিল যেন। বলল, সে দিন এলে দলে দলে লোক আসবে সেই জল দেখতে। তারা জয়-জয়কার করবে আপনারদের। আপনাকে আমি কথা দিচ্ছি, সেদিন আমি আর এখানে বসে থাকব না।...সেদিন নীলা আসুক আপনার কাছে, আমি আসব না। এখান দিয়ে শুধু জল যাক, সাধুনা মুছে যাক।

...কিছুক্ষণ।

উঠল। আস্তে আস্তে বেরিয়ে গেল ঘর থেকে। বাইরে জল, ঝড়ো বাতাস। বাদল গাঙ্গুলি মোহাচ্ছন্নের মত বসে। বাকশক্তি রহিত। একবার ডেকে ধামাতে পারল না ওকে।

বস্তা বস্তা বস্তা ।

সর্বগ্রাসী, সৃষ্টধ্বংসী ।

দুই পাহাড়ে বাধা পেয়ে পিছনের দিক ভাসিয়ে নিয়ে যাচ্ছে । কিন্তু এ বস্তার চরম লক্ষ্য ওই সাময়িক অবরোধ । ওই অবরোধ উপচে উঠবে অমোঘ সঙ্কল্প ।

পিছনের দিকে যতদূর চোখ যায় থৈ থৈ জল । গাছপালা ভেসে আসছে, ভেসে আসছে গৃহস্থের গৃহপালিত জীব—গোরু ভেড়া ছাগল কুকুর—আটচালা হাঁড়িকুঁড়ি । মানুষের মৃতদেহ একটা দুটো ।

গোটা মড়াই প্লাবনে ভাসছে । মড়াইয়ের জীবনযাত্রা বিকল ।

কিন্তু সংগ্রামী মানুষের নাড়িতে নাড়িতে জেগে উঠেছে সৃষ্টি বাচানোর অটুট সঙ্কল্প । ছোট বড়, উঁচু নীচু, নারী পুরুষ সকলের । আর তাদের তাগিদ দিতে হয় না, তাড়া দিতে হয় না ।

ঢালো মাটি ! ঢালো পাথর ! ফেলো বালির বস্তা !

যেখানে বিপদের সম্ভাবনা সেখানেই ছুটে যাও, বাঁপিয়ে পড়ো । কারো আদেশ নির্দেশের অপেক্ষা রেখো না । ঢালো মাটি, ঢালো পাথর...

সকলের সকল চেষ্টা সংহত এই সাময়িক অবরোধ কেন্দ্র করে । যার ওধারে সর্বগ্রাসী তরল মৃত্যু । পদমর্যাদার ব্যবধান ঘুচে গেছে । কে কর্মচারী, কে বা নয়, সে প্রশ্ন ঘুচে গেছে । সমস্ত মড়াই একটা মিলিত ইচ্ছার বেগে । একটি মাত্র প্রতিরোধ-মন্ত্রে আবর্তিত ।

ঢালো মাটি ! ঢালো পাথর ! ফেলো বালির বস্তা !

এই এক অবরোধের কোথাও ভাঙন আটকাতে না পারলে সে ভাঙনের তাগুব আর ঠেকানো যাবে না, সবাই বুঝেছে । বুঝে মরণ-যোরা যুঝেছে । দ্বিবারাত্র অষ্টপ্রহর ।

যুঝতে হচ্ছে মৃত্যুর মুখোমুখি হয়ে দাঁড়িয়ে । অঘটন হাঁ করে আছে পায়ে পায়ে । প্রতিটি পা দেখে ফেলো । পায়ের নিচে পাথর না পিছলে যায়, মাটি না সরে । কিন্তু দেখার সময় নেই । জলে কাঁদায় পিচ্ছিল নরক হয়ে আছে সব ।

মাটি সরে, পাথর নড়ে, অঘটন ঘটে ।

এবারে আর একটা দুটো করে নয়, অন্ত বড় গেস্ট হাউস হাসপাতাল হয়ে উঠেছে । ঘরে জায়গা নেই, বারান্দাও ভরে উঠল । কিন্তু কে কার শুশ্রূষা করে ! শক্তি যার আছে সেই গেছে ভাঙন আটকাতে । আহত হলে তবে এখানে আসবে । কেউ নিয়ে আসবে, রাখবে, আবার ছুটবে ।—ঢালো মাটি,

ঢালো পাথর, ফেলো বালির বস্তা।

দিনান্তে বড় জোর একবার বাড়ি আসেন অবনীবাবু। সাধনা আর জিজ্ঞাসা করে না কিছু। তীক্ষ্ণচোখে তাঁর দিকে চেয়ে চেয়ে দিনের সমাচার আঁচ করে নেয়। পিতামহের ক্ষোভের স্তরুতা দেখে বাবার চোখে-মুখে। মুখ-হাত ধোবার জল এনে দেয়, খাবার আনে সামনে, বাতাস করে বসে। কিন্তু মুখভাব ওর ক্রমেই কঠিন হতে থাকে। সজ্ঞানে ওর মায়ের অসহিষ্ণুতা যেন সংক্রামিত হতে থাকে ওর শিরায় শিরায়।

ড্যাম হবে না ?

ওর জীবনের সকল সম্বল এই এক জায়গায় গচ্ছিত এখন।

সেই ড্যাম হবে না ?

মড়াই নদীর ড্যাম হবে না ?

জল জল করে হাহাকার করেছিল বলে এই জল এখন সব ধাবে ? সব বিনাশ করবে ?

তা হবে না। হতে পারে না। সারাক্ষণ এই একটিমাত্র অসহিষ্ণু প্রতিবাদমন্ত্র জপছে নিজের অজ্ঞাতে। জপছে স্তরু আত্মিক রোষে। তা হবে না, হতে পারে না !...

সমস্ত দিনে সেদিন আর বাড়ি ফিরলেন না অবনীবাবু। লোক এসে খবর দিয়ে গেল, কখন ফিরবেন তারও ঠিক নেই। কিন্তু খবর সেটা নয়। খবর যা, সাধনা আঁচ করেছে। দিনের শুরুতে অন্তত দু'ঘণ্টার ছায়া দেখেছে। অনেকবার বাইরে গিয়ে দাঁড়িয়েছে। অনেকবার এ খবরের আভাস পেয়েছে। এবারে সঠিক জেনে নিল।

...কিন্তু তা হবে না। হতে পারে না।

বড় রকমের ধস নেমেছে একটা। বিনাশের স্পষ্ট সূচনা। প্রায় অমোঘ। সমস্ত শক্তি এক করেও ঠেকানো যাচ্ছে না। ঠেকানো সহজ নয়।

...কিন্তু তা হবে না। হতে পারে না।

বেলা গড়ালো। সন্ধ্যা পেরুলো। রাত হ'ল। বাইরে বাতাসের এক-টানা সা সা শব্দ। টিপটিপ বৃষ্টি। ক্রমাগত ছটকট করছে সাধনা, ঘর বার-করছে। এক একটা মুহূর্ত যেন এক একটা যুগ। কি করছে তার বাবা ? কি করছে চিক ইন্জিনিয়ার ? কি করছে নরেনবাবু ? কি করছে পাগল সর্দার ? কি করছে বড়াইয়ের সব লোকেরা ? আটকাতে পেয়েছে ? ঠেকাতে পেয়েছে ?

ধাত থাকছে আর অব্যক্ত বাতনার ঠেংঘের বাধা তাড়ছে।

রাত বাড়ছে আর ঘরে টেকা অসম্ভব হয়ে উঠছে।

ঘর ছেড়ে সাশ্বনা বাইরে এসে দাঁড়াল আবার।

দুগোং-ঠাসা অন্ধকার। টিপ টিপ বৃষ্টি। মেঘের গুড় গুড় ডাক। প্রাণের
চাপা কলতান। বাতাসের সোঁ সোঁ শাসানি। শিউরে উঠল। বাতাস নয়।
:মায়ের সেই হিস-হিস আঁর্ত বিক্ষোভ। দূর হ'। দূর হ'। দূর হ'। দূর হ'।
দরজায় শিকল তুলে দিল।

জুত চলল। যেখানে মড়াই হৃদয় সকলে আছে।

যেখানে কেউ বসে নেই।

মড়াই নদীর ডায়াম হয়েছে।

সমারোহ তার বোমণা ছড়িয়েছে কাছে, দূরে।

সরকারী নিয়মে তার উদ্ঘাটন উৎসব সম্পন্ন হয়েছে ঘটা করে।

দলে দলে লোক এসেছে তাই দেখতে। আসছে এখনও। বিজ্ঞানের
সকল কারিগরী দেখতে আসছে। যুগ যুগ ধরে মাটির কণায় যেখানে আগুন
ঠিকরতো, সে পথে জ্বল যাবে কেমন করে তাই দেখতে আসছে। যে পথে
মরু-নীরস শুকনো উপোস বেঁধেছিল শাখত কালের বাসা, কেমন করে সৃষ্টির
ধারা বইবে সেখান দিয়ে তাই দেখতে আসছে।

অলস্মীর নিশ্চিত নির্বাসন দেখতে আসছে।

ভূতুবাবুর হোটেল জমজমাট।

মাঝপাহাড়ে উঠে তবে তো এপার-ওপার দুই পাহাড়ের কাঁধজোড়া ডায়াম।
তার অনেক আগে ভূতুবাবুর দোকান। তাই সকাল-সন্ধ্যা আর ফুরসত নেই
ভূতুবাবুর। ছেলেমেয়েদের জন্ম পরদা ঘাটিয়ে একটা ঘরকে দু ভাগ করে চলে
না আর। সম্প্রতি দুটো ঘরই তাদের জন্ম ভাগ করে দিয়েছে। ভাগ করলেও
পরদার বালাই রাখে নি আর। কিন্তু এত ব্যস্ততার মধ্যেও প্রাচুর্য-ভরা এক
একটা মেয়েকে দেখে সচকিত হয়ে ওঠে ভূতুবাবু। ইচ্ছে করে মা-লক্ষ্মী বলে
ডাকতে। কিন্তু ডাক বেরোয় না মুখ দিয়ে।

অজ্ঞমনস্ক হয়ে পড়ে ভূতুবাবু।

চড়াই ধরে অনেকটা উঠতে হবে। তার পর ডায়াম। ডায়ামের
ওপর দিয়ে মড়াই পারাপার করতে পারো হেসে খেলে দোঁড়ে। একশ' ফুট
১৫০০ কনক্রিটের নিটোল অবরোধ প্রাচীর। কালকের সন্ধ্যা রাখে। তার